

شرح
العقيدة الطحاوية

KOMENTAR
TAHAVIJEVE
POSLANICE
O VJEROVANJU

Ibn Ebi el-'Izz el-Hanefi



Ibn Ebi el-'Izz el-Hanefi

Komentar Tahavijeve poslanice o vjerovanju

Valorizacija i revidiranje teksta: **Grupa islamskih učenjaka**
Derivacija hadisa: **Muhammed Nasiruddin el-Albani**

Predgovor izdavača na arapskom jeziku

U ime Allaha, Svemilosnog, Milostivog

Zahvala pripada samo Allahu, Njega hvalimo, od Njega pomoć i oprost tražimo. Utječemo se Allahu od zla naših duša i naših loših postupaka. Koga Allah uputi, niko ga neće zavesti, a koga On ostavi u zabludi, niko ga neće uputiti. Svjedočim da nema drugog boga osim Allaha Jedinoga, Koji sudruga nema, i svjedočim da je Muhammed Njegov rob i poslanik.

Ovo je komentar Poslanice o vjerovanju od imama Ebu-Dža'fera et-Tahavija. Predstavljamo ga onima koji žele saznati za ispravno vjerovanje ispravnih prethodnika (es-selefus-salih), te čisti tevhid s kojim je Allah Uzvišeni poslao sve vjerovjesnike i poslanike, neka je na njih sve Allahov blagoslov i mir. Slobodno možemo reći da je malo knjiga poput ove koje jasno izučavaju i pojašnavaju, zadubljuju se i obuhvataju, te pridržavaju se istine na kojoj su bili ispravni prethodnici. Zato je ova Poslanica o vjerovanju naišla na pohvalu velikog broja učenjaka¹ i komentarisana je od više njih. Jedan od najljepših poznatih komentara je ovaj. On predstavlja vjerovanje naših pret-hodnika na najbolji način.

Autor, Allah mu se smilovao, uveliko, bez naznaka prenosi citate iz knjiga šejhul-islama Ibn-Tejmijje i njegovog učenika Ibn el-Kajjima. On vjerovatno za to ima opravdanja.²

¹ Od činjenica koje ukazuju na to jesu riječi učenjaka šejha Abdul-Vchhaba es-Subkija u njegovoј knjizi *Mu'idun-ni'am ve mubidun-nikam* koje smo sažeto prenijeli na koricama knjige, a one glase: „Ova četiri mezheba, a na tome pripada zahvala Allahu, su u pitanjima islamskog vjerovanja jedinstvena, osim onih pojedinaca koji su se priključili mu'tezilama i antropomorfistima. Velika većina ih je na istini i potvrđuje vjerovanje Ebu-Dža'fera et-Tahavija koje su učenjaci iz generacije u generaciju prihvatali.“

² Ovo je od prije trideset godina. Poslije sam se u to uvjeroio nakon što sam saznao da je autor ovoga komentara Ibn Ebi el'Izz el-Hanefi. Uvjeroio sam se

Akida ispravnih prethodnika je bila napadana od fanatika, marginalista i loših učenjaka koji su imali velikog utjecaja na neke vladare. Tako većina pobornika ovu akidu nije javno iznosila u doba kada su neki ljudi bili opijeni uništavanjem knjiga šejhul-islama Ibn-Tejmije, Allah mu se smilovao. To je bio razlog da se zagube ili da se veoma teško mogu naći neki spisi ovog velikog imama, pa je to potaklo Ibn-Urvea el-Hanbelija ed-Dimeškija da ih sve sačuva u velikoj zbirci poznatoj kao *El-Kevakibu ed-derari fi tertibi Musned el-imami Ahmed eš-Šejbani*. On je, i sa najmanjim povodom, u ovu zbirku svrstavao veći broj knjiga šejhul-islama.

Ovo iskušenje je potrajalo sve do zadnjih stoljeća. Jedan čovjek u Damasku, na kraju prošlog stoljeća, uništavao je sve knjige šejhul-islama i njegovog učenika Ibn el-Kajjima, Allah im se smilovao, do kojih bi došao, kao i one knjige koje su zastupale njihova mišljenja. U tome je koristio svoju poziciju i vlast, pomažući svoj pravac i uvjerenje o vahdetul-vudžudu (panteizam).³

Mislim da je ovo iskušenje i svo neprijateljstvo prema vjerovanju ispravnih prethodnika bilo zbog skrivenosti imena autora ovog blagoslovленог коментара, као и zbog skrivenosti imena шејхул-ислама Ibn-Tejmije i Ibn el-Kajjima, Allah im se smilovao, u ovom коментару, иако је он prenio veoma veliki broj navoda од њих. На неким мјестима ти navodi dosežu čitave stranice.

Ova knjiga je štampana dva puta, a ovo izdanje se odlikuje nadostalima zato što je štampano na osnovu primjerka rukopisa do kojeg sam došao, a Allah mi je olakšao da njime ovladam zbog veoma jasnog rukopisa.⁴

da je ovo njegov komentar i saznao za sve nedaće koje je podnosiо na putu ovoga vjerovanja u vidu nepravde koja mu je nanošena od novotara i zalutalih.

³ Pogledaj uvod knjige *El-Kelimut-tajjib*, str. 4.

⁴ Prvo izdanje je bilo u Mekki 1349. g.h. pod supervizijom komisije sastavljene od učenjaka pod vođstvom šejha Abdullahe b. Hasena b. Husejna Ali Šejha, Allah mu se smilovao. Za uporište su uzimali primjerak pisan rukom u kome je bilo mnoštvo grešaka i iskrivljenja. Nisu imali prilike da dodu do drugog

Greške koje su se desile na nekim mjestima spadale su u onu kategoriju koju je veoma lahko ispraviti.

Na kraju knjige stoji: „Ova knjiga je napisana rukom siromaha, sluge velikih učenjaka i autora knjiga u džamiji škole Merdžan, neka je na njega milost i Allahovo zadovoljstvo, Abdul-Muhji ibn Abdul-Hamid ibn el-Hadždž Muhammed Mekki eš-Šejhali el-Bagdadi, ponedjeljak, 9. redžeb, 1322. g.h.“

Došli smo do zaključka da original, iz kojeg je prepisana ova kopija, mora biti u Bagdadu. Nastojao sam da dobijem kopiju. O tome sam posao poseban dopis iračkom učenjaku šejhu Behdžetu el-Eseriju uz preporuku moga zahtjeva od mog poštovanog učitelja šejha Behdžeta el-Bejtara. Ali, učitelj El-Eseri nije imao sreće da nađe na original, ili da nešto o njemu više sazna. Tražio sam pomoći od većeg broja vrijednih ljudi, a od njih su književnik dr. Abdullah el-Džeburi, dr. Abdul-Kerim Zejdan i drugi, neka ih Allah nagradi svakim dobrom. Posjetio sam Irak više puta tražeći ovaj original, ali u tome nisam imao sreće sve do danas.

Pošto prvo izdanje nije sadržavalo autorovo ime, prema originalu s kojeg je prepisano, u drugom izdanju naš učitelj šejh Ahmed Šakir⁵ je došao do zaključka da je autor komentara upravo Alijj b. Alijj b. Muhammed b. Ebi el-'Izz el-Hanefi, oslanjajući se

primjerka, pa su vršili korekcije i ispravljali neispravnosti, neka ih Allah za to nagradi. Ali i pored toga, to izdanje je bilo prepuno grešaka.

Druge izdanje je bilo od strane moga učitelja, učenjaka, muhaddisa Ahmeda Muhammeda Šakira, Allah mu se smilovao. Knjigu je stampao u Kairu 1373.h.g. oslanjajući se na prethodna izdanja. Uložio je trud za korekciju komentatorovih navoda. Upoređivao je hadise i predaje, pa je ovo izdanje bilo primjernije od prethodnog i daleko bliže ispravnosti. Međutim, oba izdanja su imala mahanu, a oni koji su se brinuli o štampi je nisu mogli obuhvatiti i obuzdati, a glasi: Neispravnost pisanog primjerka na osnovu kojeg je oba puta štampana ova knjiga nije se ograničila na različite greške i iskrivljenja, već je na mnogim mjestima ispušteno mnogo značajnih navoda koji su nekada dosezali i po čitavu stranicu. Time je kontekst govora bio iskrivljen, a niz poremećen, pa je shvatanje velikog dijela ove knjige bilo nemoguće većini čitalaca.

Umro je, Allah mu se smilovao, u zul-hidždžetu 1377. h.g. (juli, 1958.)

na smjernice koje mu je dao vrijedni učenjak šejh Muhammed b. Husejn Nesif⁶, jer je es-Sejjid Mureteda ez-Zubejdi prenio dio navoda iz ove knjige u svoju knjigu *Šerbul-ahja* (2/146), pripisujući spomenute navode učenjaku Ibn Ebi el-Izu.

Na našoj kopiji je bilo napisano ime autora, tj. na prvoj stranici, ali su se neke ruke poigrale brisanjem i pisanjem više puta, pa sam na kraju potvrdio ono što je potvrdio i šejh Ahmed Šakir.

Mogli smo jasno uočiti ostatke rukopisa na kojima su pisale sljedeće riječi: „Džemaluddin b. Salahuddin Ebul-Berekat Musa b. Muhammed el-Malti el-Hanefi.“ Zaključili smo da se radi o Jusufu b. Musau b. Muhammedu Ebul-Mehasinu Džemaluddinu el-Maltiju koji je umro 803. h. g. Njegova biografija se nalazi u *Ed-Dav'u el-lami'a* od Es-Sehavija (10/335-336.) i *Šezeratuz-zeheb* od Ibn el-Imada (7/40.), te u *Taribu Ibn- Ijasa* (315).

Međutim, za konačnu potvrdu bili smo spriječeni činjenicom da je autor ovoga komentara, kao što on sam spominje na više mjesta u knjizi, jedan od učenika Ibn- Kesira, jer niko u biografijama nije spomenuo da je ovaj El-Malti bio učenik Ibn-Kesira, niti su spomenuli da on ima komentar *Tahavijeve akide*. Također, gotovo je bilo nemoguće da ovakav potvrđeni selefijski komentar sa Poslanikovim, sallallahu alejhi ve sellem, hadisima dadne čovjek poput ovoga El-Maltija kada on, kako se navodi u knjizi *Šezeratuz-zeheb* (7/40), kaže: „Ko pogleda u *Sabihul-Buhari*, postao je otpadnik.“ Ostalo je još jedno neizvjesno pitanje koje je očekivalo kategorički dokaz za treće izdanje. U ovom našem izdanju smo sasvim ubijeđeni da komentar pripada Ibn Ebi el-Izu, neka ga Allah nagradi za islam i muslimane.

Izvršili smo usporedbu prijepisa sa prethodno spomenutom mekkanskom štampom i štampom šejha Ahmeda Šakira učinivši naš prijepis originalom. Svaki dodatak, koji je bio u njemu ubačen, je bio bez naznake, a toga je mnogo. Ako se radilo o dadatku iz jedne od dvije prethodne štampe potvrdili smo ga stavivši ga izme-

⁶ Šejh Muhammed Nesif je umro 8. džumades-sanijj, 1391. h.g. (juli, 1971. g.)

đu dvije zgrade. Isto tako, naveli smo brojeve ajeta i više pažnje posvetili štampi, korekciji i revidiranju tekstova shodno originalima. Neke od njih, koji su bili problematični, prema svojim mogućnostima smo posebno precizirali.

Zatim mi je Allah olakšao da dođem do dva spisa o kojima nisam ništa znao.

Kao što smo uporedili tekst sa većim brojem prijepisa, isto tako je i naš veliki učitelj i muhaddis šejh Nasiruddin el-Albani izvršio derivaciju hadisa dva puta, što je ovo izdanje još više uljepšalo i svima donijelo više koristi.

Prilikom usporedbe i pripreme za štampu, valorizaciji tekstova i preciziranju termina u trećem izdanju, tj. prvom za nas, pomogli su nas svi sljedeći naši učitelji: Abdur-Rahman el-Bani, Vehbi Sulejman el-Gavdži, Se'id et-Tantavi, Šu'ajb el-Arnaut, Abdul-Kadir el-Arnaut.⁷ Oni su učestvovali u širenju znanja, pa neka ih Allah nagradi svakim dobrom.

Učenjaci su naše izdanje prihvatali, a podučavanje ovoj knjizi je prihvaćeno i ustanovljeno na mnogim institutima, fakultetima u Rijadu, na Islamskom univerzitetu u Medini, od strane našeg velikog učitelja i muftije šejha Muhammeda b. Ibrahima Ali Šejha, Allah mu se smilovao.

Fakultet islamskih nauka u Bagdadu je prihvatio ovu knjigu za edukaciju, a zatim ju je sažeо sa našim odobrenjem.

Ova knjiga je prihvaćena kao izvor bez kojeg se ne može na Šerijatskom fakultetu pri Damaskom univerzitetu, od strane

⁷ Ova knjiga je štampana u vidu kopija mnogo puta. Međutim, neki koji su lišeni učitivosti namjerno su ukrali kopiju ove knjige i štampali je nakon brisanja određenih stvari. Neki su izbrisali ime izdavačke kuće, a neki su ga ostavili. Allah Uzvišeni će sa njima svesti račun. Isto tako, neki su iz poriva za konkurencijom i oponašanjem kopirali izdanje šejha Šakira. Kada bi šejh Ahmed Šakir, Allah mu se smilovao, uz sve svoje znanje i pravednost, pogledao ovo naše izdanje, sigurno bi ga preporučivao i smatrao ga boljim od svoga, jer smo mi potvrdili koristi njegovoga izdanja, a onda smo na njih još mnogo toga dodali.

doktora Mustafe es-Sibaija, dekana Šerijatskog fakulteta u to doba, Allah mu se smilovao. Naše izdanje se odlikovalo veoma vrijednim dodacima sa mnogim koristima, a od njih su:

- Komentar moga učitelja šejha Abdul-Aziza b. Baza koji se nalazi na str. 109⁸.
- Navodi moga učitelja učenjaka šejha Abdur-Rezaka el-Afijsa o izvorima iz knjiga šejhul-islama Ibn-Tejmijje i njegovog učenika Ibnul-Kajjima, što je potvrđeno u komentaru.
- Revidiranje derivacije hadisa od strane moga učitelja, muhaddisa šejha Muhammeda Nasiruddina el-Albanija, uz veoma vrijedni uvod.
- Isto tako, tu je i moje pojašnjenje za kojim postoji potreba uprkos mojoj volji i velikoj želji da bude izostavljeno. Međutim, oni koji su otpočeli neprijateljstvo i koji rade na širenju neistine u svojim potvrdama konstantno šire brošure, komentare, članke nastojeći štampati Komentar Tahavijeve poslanice u iskrivljenoj formi. Oni lažno predstavljaju ljudima da je to naše izdanje, naša štampa, pa me potaklo da se ovo pojašnjenje zadrži na početku knjige.⁹

Evo nekih navoda koje sam spomenuo u mom uvodu *Tahavijeve akide sa komentarom* od šejha el-Albanija: „Akida imama Ebu-Dža'-fera et-Tahavija el-Hanefija je akida Ehlis-Sunneta vel-džema'ata oko koje postoji saglasnost kod njenih sljedbenika iz reda učenjaka ummeta. Ona je u saglasnosti sa uvjerenjima učenjaka ove vjere, kroz mnogobrojna stoljeća, a od njih su Ebu-Hanife en-Nu'man, Malik, Eš-Šafii, Ahmed b. Hanbel i većina njihovih sljedbenika. Ovo je akida imama Ebu el-Hasena el-Eš'arija koju je u potpunosti na kraju prihvatio.

⁸ Original djela na arapskom jeziku.

⁹ Nužda je zahtijevala da određeni dio ovoga izdanja stampamo bez uvoda i ovoga pojašnjenja shodno željama naručilaca, a ja nimalo ne sumnjam u njihovu želju za popravkom stanja iz iskrenog nijjeta.

Od ove akide se nije udaljio osim onaj u čijem se srcu nalazi dio mu'težilskih, džehmijskih i ideja onih koji prema sljedbenicima Sunneta izražavaju neprijateljstvo.

Uzvišeni Allah mi je dao blagodat i olakšao mi štampanje *Komentara Tabavijeve poslanice* od učenjaka Ibn Ebi el-'Izza el-Hanefija nakon što sam došao do veoma vrijednih spisa.¹⁰

U našem izdanju, vezano za Ibn Ebi el-'Izzov komentar, nisam iznio kategorički stav, ali je moj učitelj šejh Muhammed Nasiruddin el-Albani prilikom prvog putovanja u Maroko (1395. h.g.) na poklon dobio od vrijednoga učitelja šejha Muhammada Ebu-Hubze, direktora biblioteke grada Taton u Kraljevini Maroko, kopiju prijepisa ove knjige sa naslovom i imenom autora komentara *Tabavijeve akide* (poslanice), a on je Ibn Ebi el-'Izz el-Hanefi. Ovo me je potaklo da revidiram prethodno saznanja i da objedinim spoznaju o komentatoru. Smatrao sam da je nemoguće da to bude Džemaluddin b. Jusuf b. Musa el-Malti, kao što se to očitovalo iz izbrisanih riječi sa spisa, jer on nije mogao dati selefijski komentar koji se oslanja na Poslanikove, sallallahu alejhi ve sellem, hadise pošto se u knjizi *Šezeratuż-żeheb* (7/40) navodi da je rekao: „Ko pogleda u *Sabihul-Buhari*, postao je otpadnik.“

Također, davao je fetve o dozvoli jedenja opojnih trava i nekim smicalicama za uzimanje kamate, tvrdeći da ta mišljenja uzima na osnovu mišljenja u svome (hanefijskom) mezhebu. Nema sumnje da je ovo potvora, proizašla od njegovih sljedbenika do današnjeg dana, na imama Ebu-Hanifu i bogobojazne i vrijedne učenjake njegovog pravca. Ibn eš-Šahne je to naznačio kada ga je osudio sljedećim stihovima:

¹⁰ Pogledaj u izdanju koje je pred tobom u novom ruhu. U njemu ima mnoštvo stvari koje te upoznavaju sa tvojim dužnostima. Nemoj biti obmanjen ukradenim štampama u kojima nema pojašnjenja i uvoda šejha el-Albanija u odnosu na naše četvrto izdanje. Nemoj biti obmanjen ni kopijama izdanja učenjaka šejha Ahmeda Šakira, jer sve sadržavaju pomanjakanje i iskrivljenje. Kada bi šejh Ahmed Šakir, Allah mu se smilovao, pogledao ovo naše izdanje on bi u njega pozivao zbog znanja i pravednosti.

*Čudim se šejhu koji ljudima naređuje bogobojažnost,
A on ne vjeruje u nadzor Milostivog, niti je bogobojažan,*

*Smatra da je dozvoljeno jesti opojne trave i uzimati kamatu,
I da je onaj koji istinski sluša Objavu postao otpadnik.*

Potom se očitovalo da je razlog skrivanja Ibn Ebi el-'Izzovog imena od strane prepisivača ovog komentara strah od napada koji su se često dešavali u njegovo doba od strane onih koji iskrivljavaju tekstove i fanatika podržanih silom vladara neznalica, kao što su Ez-Zahir, Berkuk, njegov sin En-Nasir Feredž, Ladžin, Ibn-Abdullah eš-Širkesi (Čerkez). Imali su loše vjerovanje, a njihovo ponašanje nije bilo ispravno. Bili su privrženi pobornicima panteizma, sihirbazima i gatarima. Gotovo da ne možeš naći, one koji su im bili privrženi, a da nisu bili poznati po ovome ili su bili još gori. Ništa bolje na to ne ukazuje od predaje Ibn-Hadžera, a evo ti njegovog navoda:¹¹ „Sedamsto osamdeset četvrte hidžretske godine je bio događaj vezan za šejha Sadruddina Alija b. Ebi el-'Izza el-Hanefija u Damasku. Na početku je pjesnik i književnik Alijj b. Ebi-Ebik es-Safedi napisao stihove i izložio ih pred književnike i učenjake koji su ga pohvalili. Od njih je bio Sadruddin b. Alijj b. Alauddin b. Ebi el-'Izz el-Hanefi koji je kritikovao neke stvari u njemu. Spomenutog Alijj b. Ebi- Ebika je to razočaralo, pa je papir sa kritikama odnio do nekih učenjaka. Ibn-ebi el-'Izz je negirao većinu stvari do kojih je došao, a vijesti o tome su se uveliko proširile. Ibn-Ebik je tražio od Ibn Ebi el-'Izza da mu nešto zauzvrat dadne pa će mu vratiti papir, ali Ibn Ebi el-'Izz je to odbio. Potom je Ibn-Ebik počeo kružiti i nahuškavati one koji su se suprotstavljali Ibn Ebi el-'Izzi. Vijest o tome se širila sve dok nije došla do Egipta. Neki fanatici su se uveliko podigli da bi na kraju problem došao do vladara. Napisan je dugi proglašenje u kome je

¹¹ Pogledaj *Enbaul-gamr*, 1/258, 2/75. kojeg je štampala Organizacija za preporod islamske tradicije sa valorizacijom profesora Hasena el-Habešija; *Ed-Dav'u el-lami'a*, 5/665; *En-Nudžum*, 6/138; Postoji sačuvana kopija pod nazivom *Tuhfetul-alimi fi saretis-sejjid el-avalimi* od Nasruddina Ebua-Abdullahha Muhammeda b. Ebika b. Abdullahe el-Kafaa koji je živio otprilike oko 782. h.g. *Medželletu el-mudžteme'a*, 53/2/450.

stajalo: „Do nas je došlo da je Alijj b. Ebi-Ejbik pohvalio Vjero-vjesnika, sallallahu alejhi ve sellem, u stihovima, a da se Alijj b. Ebi el-'Izz usprotivio i nije kao neke stvari, a od njih su tevessul (uzimanje Poslanika, sallallahu alejhi ve sellem, kao sredstvo približavanja Allahu) i iznio uvredu o njegovoj nepogrješivosti i dr. Učenjaci u Egiptu, posebno sljedebnici njegovog hanefijskog mezheba, su to negirali. Zato se traži od kadija i učenjaka svih mezheba da se prema njemu postupi onako kako Šerijat nalaže u vidu kazne.“

U proglašu, također, stoji: „Do nas je došlo da jedna grupacija u Damasku zastupa i poziva u Ibn-Hazmov i Davudov mezheb. Od njih je el-Kureši, Ibn el-Džaj, Ibn el-Hisbani i El-Basufi. Zato se oni potražuju, a ako se nešto od toga protiv njih potvrди, radit će se prema zahtjevima (njihovih postupaka), a oni su bičevanje, protjerivanje i izolacija. Na njihova mjesta će biti postavljeni drugi učenjaci iz Ehlis-Sunneta vel-džema'ata.“ Također, stoji: „Do nas je došlo da skupina šafija, hanbelija i malikija javno iznosi novotarije i promoviraju mezheb Ibn-Tejmije.“ Potom je spomenuto slično kao što je prethodno rečeno o zahirijama, pa je zamjenik tražio učešće sudstva i drugih. Kadije, njihovi zamjenici i neke muftije su došle na prvo zasjedanje. Proglas im je pročitan, izložen je rukopis Ibn Ebi el-'Izza gdje se kaže: „Dovoljan mi je Allahov Poslanik, sallallahu alejhi ve sellem - ovo se kaže samo za Allaha.“

„Zalaži se za mene (čini šefa'at) - od njega ne tražimo šefa'at.“

„Uzimam te kao sredstvo do Allaha! – on se ne uzima kao sredstvo do Allaha.“

„Nepogrješiv je (Poslanik, sallallahu alejhi ve sellem) od svih propusta – osim što je bio kritikovan za propust.“

„O, najbolje Allahovo stvorenje – a ispravnije je da se melekima da prednost i sl.“

Upitan je o ovome, pa je odgovorio: „Povlačim svoje mišljenje, a sada sam uvjeren u ono što nisam bio prvi put uvjeren.“ Zapisano je šta je rekao, a zasjedanje je prekinuto. Zatim su pozvani ostali učenjaci koji su došli na drugo zasjedanje, a također tu su bile i

sudije. Od prisutnih su bili: kadija Šemsuddin es-Serhadi, kadija Šerefuddin b. eš-Šeriši, Šihabuddin ez-Zuhri i mnogi drugi. Njegov govor je ponovljen, pa su neki rekli: „Bit će kažnjen“, a drugi: „Govor koji je prvi put izrekao je dovoljan za njegovo kažnjanje.“ Potom su se razišli.

Potom su pozvani treći put, a neki nisu došli, pa njihova imena su zapisana na papir. Prisustvovao je šafijski kadija. Od onih koji nisu prisustvovali prvi put su Eminuddin el-Etka, Burhanuddin es-Sinhadži i Šemsuddin b. Ubejd el-Hanbeli i drugi. Između njih se odvijao razgovor, pa su se razišli, a onda su ponovo pozvani.

Oni koji su prethodno izostali prekorenici su, pa su došli, a od njih su: Sa'duddin en-Nevevi, Džemaluddin el-Kurdi, Šerefuddin el-Gazzi, Zejnuddin b. Redžeb, Tekijuddin b. Muflīh i njegov brat i Šihabuddin b. Hadždži. Usaglasili su se oko osude b. Ebi el-'Izza u većini onoga što je govorio. Zatim su bili upitani o presudi onima koji se pripisuju *zabīra* (bukvalizmu) i Ibn- Tejmiji, pa su svi odgovorili da s obzirom na uvjerenja kod onih koji su naslovljeni poznaju samo dobro. Ibn-Muflīh je u pogledu nekih ostao neopredijeljen. Potom su se sastali peti put i usaglasili, osim Hanbelije, da je neophodno kazniti Ibn Ebi el-'Izza.

Ibn Ebi el-'Izz je upitan: „Šta je htio onim što je pisao“, pa je odgovorio: „Želio sam samo uvećati poziciju Vjerovjesnika, sallallahu alejhi ve sellem, i izvršiti njegovu naredbu da mu se ne daje više nego što je njegovo pravo.“

Kadija Šihabuddin ez-Zuhri je rekao da je to dovoljno da se prihvati njegovo mišljenje, iako se ružno izrazio. On se o tome pismeno izrazio.

Ibn eš-Šeriši i drugi su dali fetvu o njegovom kažnjavanju. Šafijski kadija je donio presudu o zatvaranju. Pritvoren je u Azraviji, a zatim je preveden u zatvor El-Kal'a (Tvrđava). Zatim je donesena potvrda o ukidanju svih kazni osim pritvora, pa su je sprovele preostale kadije. Kasnije je napisan izvještaj o događaju i na njega stavljeni potpisi kadija i učenjaka, te je to poslano u Egipat. U mjesecu zul-hidžđetu dolazi odluka o ukidanju Ibn Ebi el-'Izzovih funkcija.

ja. Podučavanje *El-'Izzije el-Beranije* je preuzeo Šerefuddin el-Herovi, kao i *El-Dževherije alel-mulekabbil-ekber*.

Ibn Ebi el-'Izz je ostao u pritvoru do mjeseca rebi'ul-evvela sljedeće godine. Od toga dana je uveden poslije sabahskog namaza te-vessul sa Vjerovjesnikovim, sallallahu alejhi ve sellem, ugledom. Šafijski kadija je to naredio muezzinima, a oni su učili.

Četvrtog zul-kadeta Ibn ez-Zuhri je pozvao Šemsuddina Muhammeda b. Halila el-Haririja el-Munsifija, pa ga je kaznio zbog fetve o pitanju talaka prema mišljenju Ibn-Tejmijje i njegovih riječi da je Allah na nebesima.

Prijavio ga je El-Kureši koji ga je udario štapom i naredio da se provoda po sudnicama. Ibn ez-Zuhri je poslije dao izvinjenje rekavši: „Mislio sam da je on obični čovjek, jer su mi došli govoreći da je neki El-Hariri rekao to i to.“ Ovo je pričao Ibn el-Hadždži, a ovo opravdanje ukazuje da je (El-Munsifi) bio nestabilan u svome mišljenju, a sve se Allahu vraća.

Jedna od najzanimljivijih stvari je priča o Ibn el-Munsifu koji je, kada su neki ljudi bili zabrinuti događajima oko njega, rekao: „Žalim samo zato što su uzeli moj potpis da sam eš'arija, pa da to Isa sin Merjemin vidi kada siđe.“

Ovi i slični povodi su uzrokovali skrivanje imena pisca ovog komentara, Ibn Ebi el-'Izza. Prepisivači su izbrisali njegovo ime bojeći se tiraniye ovih vladara i njihovih naprevednih sljedbenika. Kada bi podrobno razmatrali taj period sa različitim uznemiravanjima i poniženjima učenjaka, naše traganje bi bilo veoma dugo.

Ne treba biti obmanjen komentarima El-Kevserija u kojima brani Berkuka, Ladžina i njima slične. Na to je uticala njegova fanatična pristrasnost sinovima njegovog čerkeskog roda, kao i pripadnost mezhebu i uvjerenju.

Ovo naše izdanje se, također, odlikuje popisom tema u kojima smo objedinili početke hadisa i predaja, te nekih izreka koje se navode u ovoj knjizi, kako bi se bilo lakše vratiti izvorima, a to je samo dio naše obaveze u služenju našem uvjerenju i sunnetu našeg

Vjerovjesnika, sallallahu alejhi ve sellem . Pošto je ovaj preglednik postavljen radi lakšeg vraćanja izvorima u knjizi, u njemu se nalaze i ispravni i neispravni hadisi. Također, preglednik sadržava i ostale predaje. U pravljenju ovog preglednika nas je pomogao vrijedni brat profesor Redžeb Kamerijje.

Molim Allaha Uzvišenog da ovo naše djelo učini iskreno radi Njegovog Lica na putu Njegovog zadovoljstva i da uljepša nagradu svakoga ko pomaže širenju vjerovanja ispravnih prethodnika. Neka posljednja naša riječ bude: Hvala Allahu, Gospodaru svih svjetova.

Zuhejr eš-Šaviš
Bejrut, 15. muharrem, 1407. h.g.

Biografija Ibn Ebi el-'Izza el- Hanefija

On je učenjak Sadruddin Muhammed b. Alauddin Alijj b. Muhammed b. Ebi el-'Izz el-Hanefi el-Ezre'i es-Salihi ed-Dimeški, rođen 731. h.g.

Zanimao se za više nauka, a bio je stručnjak za predavanja i fetve. Bio je hatib u Husbani u podnožju oblasti El-Belka određeno vrijeme, potom je preuzeo funkciju damaskog kadije u muharremu 779. h.g. Potom je dobio funkciju egipatskog kadije, a zatim je nakon mjesec dana tražio izuzeće vrativši se u Damask na svoju funkciju.

Ibn el-Imad spominje vijest o njegovom hapšenju kada je pojasnio širkski sadržaj Ibn-Ejbikove pjesme rekavši da je na njega iznesena potvora. Potom je došao En-Nasiri kojem je ovo pitanje predočeno, pa je i naredio da se Ibn Ebi el-'Izz vrati na svoje funkcije. Nije mnogo prošlo, a Ibn Ebi el-'Izz je preselio na ahiret.

Ustrajavanje El-Kevesrija i njegovih sljedbnika u nijekanju pripisivanja *Komentara Tahavijeve akide hanefijskom autoru* je jedan vid oholosti prema sasvim očitoj stvari. Zapravo, ovu poslanicu je komentarisalo više hanefijskih učenjaka, a preporučivale su je desetine hanefija. Kako je hanefija ne bi tumačio, kada je to vjerovanje imama Ebu-Hanife i njegovih sljedbnika, Allah im se smilovao, ili je hanefijski mezheb nešto drugo u odnosu na ono na čemu su bili Ebu-Hanife i njegovi drugovi?!

Iz prethodnih navoda i spisa ne može se nazrijeti ni najmanja sumnja da je komentator ove knjige Ibn Ebi el-'Izz, neka ga Allah, za uloženi trud za islam i muslimane, nagradi svakim dobrom.

Umro je u Damasku 792. h.g, Allah mu se smilovao.

Biografija imama Ebu-Dža'fera et-Tahavija

On je Ebu-Dža'fer Ahmed b. Muhammed b. Selame b. Seleme b. Abdul-Melik b. Seleme b. Selim b. Sulejman b. Dževad el-Ezdi et-Tahavi.

Et-Tahavi označava pripadnost naselju u egipatskom Se'idu. Bio je veliki muhaddis, pravnik i hafiz šerijatskih tekstova.

Rođen je 239. h.g. Kada je zašao u punoljetstvo, krenuo je u Egipat radi traženja znanja. Znanje je počeo tražiti pred svojim daidžom Ismailom b. Jahjaom el-Muzenijem, jednim od najučenijih drugova imama Šafije. Što bi više proširivao svoje spoznaje o islamskom pravu, sve bi se više vidio zbumjenim pred mnogim fikhskim pitanjima. Kod svoga daidže nije mogao naći zadovoljenje nasušne potrebe za znanjem. Promatrao je kako će njegov daidža postupiti kada mu se izlože ta pitanja, a on se mnogo oslanjao na knjige Ebu-Hanifinih sljedbenika. Tako je odabrao mnoga mišljenja Ebu-Hanife. Sav ovaj odabir je stavio u knjigu zvanu *Muhtesarul-Muženi*.

Poslije toga nije imao ništa drugo nego da iščitava knjige Ebu-Hanifinih nasljednika i da izučava njihov metod postavljanja pravila i njihovog razgranavanja. Kada se njegova spoznaja o pravcu imama Ebu-Hanife proširila i upotpunila, okrenuo mu se, pristao za njim i postao njegov (Ebu-Hanifin) sljedbenik. To ga nije spriječilo da se suprotstavi nekim mišljenjima Ebu-Hanife i da prednost mišljenjima drugih imama, jer Et-Tahavi, Allah mu se smilovao, nije bio slijepi sljedbenik Ebu-Hanife. On je smatrao da je Ebu-Hanifin metod učenja vjerskih propisa jedan od najboljih i najlakših. Pristao je za njim, ali ćeš ipak vidjeti da u svojoj knjizi *Me'anil-asar* daje prednost onome što nije rekao njegov imam. Ovo što spominjemo podržano je navodom od Ibn-Zulaka koji kaže: „Čuo sam Ebula-Hasena Alijja b. Ebi-Dža'fera et-Tahavija kako govori: 'Čuo sam moga oća kako govori spominjući vrijednost Ebu-Ubejda

Harbavejha i njegov fikh, pa je rekao: *Obnavljao je moje znanje u odredenim pitanjima, pa sam mu jednoga dana dao odgovor na jedno pitanje, a on mi reče: »To nije mišljenje Ebu-Hanife?«* Rekao sam mu: »Kadijo, zar ću zastupati svako mišljenje koje je zastupao Ebu-Hanife?« On mi reče: »Ja sam mislio da si ti sljepi sljedbenik.« Et-Tahavi odgovori: »Slijepo slijedi samo fanatik.« On doda: »Ili glupan.« Ovo se kao izreka i primjer proširilo po Egiptu, pa su to ljudi dobro upamtili.“¹²

Učio je pred mnogim šejhovima, uzimao je od njih i okorištavao se njihovim znanjem. Broj njegovih šejhova prelazi tristo. Družio bi se i bio privržen svakome učenjaku iz različitih dijelova svijeta koji bi dolazio u Egipat. Tako je svoje i njihovo znanje objedinio. Ovo ti ukazuje na njegovu krajnju pažnju prema okorištavanju znanjem i njegovom čvrstom nastojanju da ga zadobije. Mnogi učenjaci su ga pohvalili i opisali kao čvrstog, povjerljivog, razboritog pravnika i hafiza šerijatskih tekstova. Imao je velikog učešća u islamskom pravu i hadisu. Ibn-Junus kaže: „Et-Tahavi je bio razborit, povjerljiv i čvrst islamski pravnikiza kojeg se neće pojavitili sličan.“

Ez-Zehebi u svom *Tarihu* kaže: „On je pravnik, učenjak u hadisu, hafiz šerijatskih tekstova, jedan od velikana. Bio je razboriti, povjerljivi, čvrsti (znanjem) islamski pravnik.“

Ibn-Kesir u *El-Bidaje ven-nihaje* kaže: „On je jedan od povjerljivih stručnjaka, hafiza šerijatskih tekstova.“

Njegova djela, Allah mu se smilovao, krajnje su precizna, objedinjena i imaju mnogo koristi, a sadržaj im je predstavljen na najpristupačniji način.

Jedno od njegovih djela je i *Poslanica o vjerovanju*, a mi je predstavljamo sa komentarom u ovom elegantnom izdanju čitaocima. Ovo djelo, i pored svoga maloga obima, ima obilne koristi, zastupa metod ispravnih prethodnika i između svojih korica sadrži sve što je muslimanu potrebno u njegovom vjerovanju.

¹² *Lisanul-mizan* od Ibn-Hadžera u biografiji o autoru.

Od njih je i knjiga *Me'anil-asar*, a u njoj su predstavljena fikhska pitanja popraćena dokazima. Također, tokom svoga djela spominje i pitanja oko kojih ima razilaženja. On o njima iznosi dokaze i raspravu, a zatim daje prednost onome što mu se očitovalo kao istina. Ova knjiga obučava tragaoca za znanjem kako se treba podučavati propisima vjere. Upoznaje ga sa različitim oblicima razilaženja, osposobljava ga za samostalno izvlačenje propisa, pa tako tragalac za znanjem postaje neovisna ličnost.

Od njih je i knjiga *Muškilul-asar*¹³ koja govori o negiranju kontra-diktornosti i izvlačenju propisa iz njih.

Od tih knjiga su i: *Ahkamul-Kur'an*, *El-Muhtesar*, *Šerbu el-džami' el-kebir*, *Šerbu el-dža-mi' es-sagir*, *Eš-Šurut*, *En-Nevadir el-fikhijje*, *Er-Reddu ala Ebi-Ubejd*, *Er-Reddu ala Isa b. Eban* i druge velike priznate knjige.

Umro je početkom zul-ka'deta, 321. h.g. u Egiptu. Ukopan je u El-Karafi, Allah mu se smilovao.

¹³ Ova knjiga ima sedam velikih tomova. Sačuvana je u biblioteci Šejhul-islama Fejdullaha u Istanbulu. Štampani dio se nalazi u Hajdarabadu u četiri dijela, a to nije ni polovina od ukupnog sadržaja. Ova knjiga nosi veliku korist kada navodi hadise koji na prvi pogled izgledaju kontradiktorni, a zatim autor, Allah mu se smilovao, na svojevrstan način odbacuje tu kontradiktornost putem kojeg pravedni vjernik osjeća smiraj.

Najčasnija nauka

U ime Allaha, Svetosnog, Milostivog.

Samo od Njega pomoć tražimo.

Zahvala pripada Allahu, Njega hvalimo, od Njega pomoć i oprost tražimo. Utječemo se Allahu od zla naših duša i naših loših djela. Koga Allah uputi, niko ga ne može u zabludu odvesti, a koga u zabludu odvede, niko ga ne može uputiti.

Svjedočim da nema drugog boga osim Allaha Jedinoga, Koji sudruga nema i svjedočim da je naš predvodnik Muhammed Njegov rob i poslanik. Neka ga Allah blagoslovi, kao i njegovu porodicu i ashabe i neka im da spas.

Poznavanje temelja vjere je najčasnija nauka, jer se čast nauke mjeri prema veličini onoga što proučava. To je veliki fikh u odnosu na fikh sporednih pitanja vjere. Zato je imam Ebu-Hanife, Allah mu se smilovao, nazvao svoje stavove koje je sabrao u knjizi o temeljima vjere *El-Fikbul-ekber* (Veliki fikh). Potreba ljudi za ovim fikhom je iznad svake potrebe, a i njihova nužna ovisnost za njim je iznad svake nužnosti, zato što nema života, blagodati, a ni smiraja za srca, osim da spoznaju svoga Obožavanoga Gospodara i Stvoritelja putem Njegovih lijepih imena, svojstava savršenstva i djela. Uz to, njihov Gospodar treba da im bude draži od svega drugoga i trebaju nastojati da čine ono što će ih približiti Njemu, a ne nekome mimo Njega od Njegovih stvorenja.

Nemoguće je da ovo razumi samostalno spoznaju i podrobno shvate. Zato je Silni i Milostivi iz Svoje milosti poslao poslanike koji će ljudi sa Njim upoznavati i Njemu pozivati. Poslanici onima koji im se odazovu donose radosne vijesti, a onima koji im se suprotstave donose opomenu. Ključ njihovog poziva i okosnicu njihove poslanice predstavlja spoznaja Obožavanoga po Njegovim imenima, svojstvima i djelima, jer se na toj spoznaji, od prvog do posljednjeg, grade svi zahtjevi poslanstva.

Poslije toga dolaze dva velika temelja:

Prvi: Spoznaja puta koji vodi do Allaha, a to je Njegov Šerijat koji obuhvata naredbe i zabrane.

Drugi: Upoznavanje onih koji idu tim putem o vječnoj blagodati koja im pripada.

Najbolji poznavaoci Allaha, azze ve dželle

Allaha, azze ve dželle, najbolje poznaje onaj ko dosljedno slijedi put koji vodi ka Njemu i onaj ko dobro poznaje stanje onih koji tim putem idu. Zato je Allah, ono što je objavio Svome Poslaniku, sallallahu alejhi ve sellem, nazvao ruhom (duša), jer je stvarni život o tome ovisan, a i svjetлом, jer je uputa o tome ovisna. Allah, azze ve dželle, kaže:

﴿...يُلْقِي الْرُّوحُ مِنْ أَمْرِهِ عَلَىٰ مَن يَشَاءُ مِنْ عِبَادِهِ...﴾

„...On je najuzvišenijih svojstava, Gospodar Arša Koji šalje Džibrila iz odredbe Svoje, - kome hoće od robova Svojih...“ (El-Mu'min, 15.)

﴿ وَكَذَلِكَ أَوْحَيْنَا إِلَيْكَ رُوحًا مِّنْ أَمْرِنَا مَا كُنْتَ تَدْرِي مَا الْكِتَبُ وَلَا إِيمَانُ وَلِكِنْ جَعَلْنَاهُ نُورًا تَهْدِي بِهِ مَن نَّشَاءُ مِنْ عِبَادِنَا وَإِنَّكَ لَتَهْدِي إِلَى صِرَاطٍ مُّسْتَقِيمٍ ﴾ ﴿ صِرَاطٌ ﴾ ﴿ إِلَهٌ الَّذِي لَهُ مَا فِي السَّمَاوَاتِ وَمَا فِي الْأَرْضِ إِلَّا إِلَيْهِ تَصِيرُ الْأُمُوزُ ﴾ ﴿ إِلَهٌ ﴾

„Na takav način Mi i tebi objavljujemo ono što ti se objavljuje. Ti nisi znao šta je Knjiga, niti što je vjerovanje, ali smo je Mi učinili svjetлом pomoću kojeg upućujemo one robe Naše koje Želimo. A Ti, zaista, upućuješ na pravi put, na put Allahov, Kome pripada sve što je na nebesima i sve što je na Zemlji. I, eto, Allahu će se sve vratiti!“ (Eš-Šura, 52-53.)

Nema života (ruha), osim u onome sa čime je došao Poslanik, sallallahu alejhi ve sellem, niti svjetla, osim ako se čovjek time ne prosvijetli. Uzvišeni ga je nazvao i lijekom, kao što kaže:

﴿ قُلْ هُوَ لِلّٰهِ بِّئْرٌ إِمَّا مُّؤْمِنُوا هُدًى وَشِفَاءٌ... ﴾

„*Reci: 'On je onima koji vjeruju uputa i lijek.'*“ (Fussilet, 44.)

Iako je on uputa i apsolutni lijek, ipak se ovaj spomen specifično odnosi na vjernike, jer jedino oni iz njega dobivaju korist.

Uzvišeni Allah je poslao Svoga Poslanika, sallallahu alejhi ve sellem, sa uputom i istinskom vjerom. Zato nema upute osim u onome sa čime je on došao.

Općenito vjerovanje - obaveza svakog pojedinca

Nema sumnje da je obaveza svakog pojedinca da općenito vjeruje u ono sa čime je došao Poslanik, sallallahu alejhi ve sellem, a nema ni sumnje da je podrobna spoznaja onoga sa čime je došao Poslanik, sallallahu alejhi ve sellem, kolektivna obaveza (fardi-kifaјe). To predstavlja dostavljanje onoga sa čime je Allah poslao Svoga Poslanika, sallallahu alejhi ve sellem, podrobno razmišljanje i shvatanje Kur'ana, znanje o Knjizi i Mudrosti, pamćenje Spomena (Kur'ana), pozivanje u dobro, naređivanje dobroga i odvraćanje od zla, pozivanje na put Gospodara uz mudrost i lijepo obraćanje i rasprava najljepšim riječima, te slične stvari koje je Allah propisao kao obavezu vjernicima. To im je kolektivna obaveza. Njihove pojedinačne obaveze se razlikuju shodno njihovim mogućnostima, potrebama i spoznajama. Ono što je naređeno pojedincima nije dužnost onima koji nisu sposobni slušati, naučavati i precizno shvatati, za razliku od onoga ko je to u mogućnosti. Onome koji čuje šerijatske tekstove (Kur'an i hadise) i detaljno ih shvati, postaje

mu to obaveza za razliku od onoga koji ih nije čuo. Daleko su veće obaveze muftije, muhaddisa i sudije u odnosu na one koji to nisu.

Treba znati da razlog lutanja većine u ovom pitanju i nesaznavanja istine predstavlja njihov nemar u slijedenju onoga sa čime je došao Allahov Poslanik, sallallahu alejhi ve sellem, te ostavljanje izučavanja i argumentiranja koji vode Njegovojo spoznaji. Kada su se udaljili od Allahove Knjige, zalutali su, kao što Uzvišeni kaže:

﴿...فَإِمَّا يَأْتِيَنَّكُمْ مِنِّي هُدًى فَمَنِ اتَّبَعَ هُدًى فَلَا يَضِلُّ وَلَا يَشْقَى ﴾ ﴿ وَمَنْ أَغْرَضَ عَنِ الْذِكْرِ فَإِنَّ لَهُ مَعِيشَةً ضَنْكاً وَخَشْرُهُ يَوْمَ الْقِيَمَةِ أَعْمَى ﴾ ﴿ قَالَ رَبِّ لِمَ حَنَّرَتِي أَعْمَى وَقَدْ كُنْتُ بَصِيرًا ﴾ ﴿ قَالَ كَذَلِكَ أَتَنْكَ إِيَّنَا فَنَسِيَتَهَا وَكَذَلِكَ الْيَوْمَ تُنسَى ﴾ ﴿﴾

„....*Od Mene će vam uputa dolaziti, i onaj ko bude slijedio Uputu Moju neće zalutati i neće nesrećan biti. A onaj ko se okrene od Opomene Moje, taj će teškim životom živjeti i na Sudnjem danu ćemo ga slijepim oživiti. 'Gospodaru moj!' - reći će, 'zašto si me slijepa oživio kad sam vid imao?' 'Evo zašto', reći će On. 'Dokazi naši su ti dolazili, ali si ih zaboravljao, pa ćeš danas ti isto tako biti zaboravljen.'*“ (Ta-ha, 123-126.)

Ibn-Abbas, radijallahu anhuma, kaže: „Allah, subhanehu ve te'ala, obavezao se da onaj ko uči Kur'an i postupa po njemu, neće zalutati na dunjaluku i neće biti nesretan na ahiretu.“ Zatim je pročio ove ajete.¹⁴

U hadisu, kojeg prenosi Et-Tirmizi i drugi, od Alije, radijallahu anhu, se prenosi da je Allahov Poslanik, sallallahu alejhi ve sellem, rekao: „Sigurno će biti smutnji.“

Upitah: 'A šta je izlaz iz njih, Allahov Poslaniče?'

Reče: 'Allahova Knjiga. U njoj je obavijest o onome što je bilo prije vas i onome što će doći poslije vas. Ona je vaš sud i nije šala.'

¹⁴ El-Hakim u *El-Mustedreku*, 2/381 i kaže za ovo predanje da je vjerodostojno što potvrđuje i Ez-Zehebi.

Ko je ostavi iz obijesti, Allah će ga uništiti. Ko traži uputu u drugim knjigama mimo nje, Allah će ga odvesti u zabludu. Kur'an je čvrsto Allahovo uže, mudra opomena i ispravni put. Strasti neće odvesti u zabludu onoga ko ga se bude pridržavao. Njime se jezici ne mijesaju, njegova čuda ne prestaju, učenjaci ga se nikada ne mogu zasiti. Ko bude govorio po njemu, govorit će istinu, ko bude postupao po njemu, bit će nagrađen, ko bude sudio po njemu, bit će pravedan. Ko bude pozivao u njega, bit će upućen na ispravni put.^{14,15} Mnogo je ajeta i hadisa koji upućuju na slično značenje.

Allah neće od prvih do posljednjih generacija primiti vjeru od onoga ko ne bude na vjeri koju je On propisao na jezicima poslanika, alejhimus-selam.

Allah, subhanehu ve te'ala, se odrekao onoga čime Ga opisuju Njegovi robovi, osim onoga kako su Ga opisali poslanici. On kaže:

﴿سُبْحَانَ رَبِّ الْعِزَّةِ عَمَّا يَصْفُونَ ﴾ وَسَلَّمَ عَلَى الْمُرْسَلِينَ ﴿ وَالْحَمْدُ لِلَّهِ رَبِّ الْعَالَمِينَ ﴾

„Slavljen neka je Gospodar tvoj, Gospodar dostojanstva, i neka je visoko iznad onoga što Mu pripisuju oni! I selam neka je na poslanike, a hvala Allahu, Gospodaru svjetova!“ (Es-Saffat, 180-182.)

Odrekao se onoga čime Ga opisuju nevjernici. Potom je donio selam (spas) na poslanike jer su Ga ispravno, bez mahana i manjkavosti, opisali. Zatim je Sam Sebe pohvalio pridajući isključivo Sebi svojstva, putem kojih zaslužuje potpunu zahvalu. Po ono-

¹⁵ Et-Tirmizi, br. 2908; Ed-Darimi, 2/435 i El-Begavi u Šerbu-ssunne, 1181. Ovaj hadis ima lijepo značenje, ali je lanac prenosilaca slab. U njemu je El-Haris el-E'aver, a on je lejjin (lag) prilikom prenošenja hadisa). Čak su ga neki imami optužili za laž. Moguće je da u osnovi predstavlja eser (izjavu ashaba) Alije b. Ebi-Taliba, radijallahu anhu, tako je El-Haris pogriješio i propisao ga Vjerovjesniku, sallallahu alejhi ve sellem. Sam Et-Tirmizi ga je proglašio slabim rekavši: „Ovu predaju ne znamo osim na osnovu ovog lanca prenosilaca. Lanac prenosilaca je nepoznat, a o El-Harisu ima govora.“

me na čemu je bio Poslanik, sallallahu alejhi ve sellem, postupale su i najbolje generacije, ashabi i njihovi sljedbenici u dobru. Jedni drugima su oporučivali i iz generacije u generaciju jedni za drugima pristajali. Svi su na takav način slijedili svoga Vjerovjesnika Muhammeda, sallallahu alejhi ve sellem, i išli njegovim putem, kao što Uzvišeni kaže:

﴿ قُلْ هَذِهِ سَبِيلٌ أَذْعُونَا إِلَى اللَّهِ عَلَى بَصِيرَةٍ أَنَا وَمَنِ اتَّبَعَنِي ... ﴾

„Reci: 'Ovo je put moj, ja pozivam k Allahu, imajući jasne dokaze, ja, i svaki onaj koji me slijedi...'“ (Jusuf, 108.)

Ako se Njegove riječi: „*I oni koji me slijede*“ vežu za riječ „*pozivam*“, onda je to dokaz da su njegovi sljedbenici oni koji pozivaju ka Allahu.¹⁶

Ako je „*I oni koji me slijede*“ vezano za odvojenu ličnu zamjenicu (u riječi znanje), onda jasno ukazuje da njegovi sljedbenici, u odnosu na druge, imaju znanje i da su prosvjećeni u onome sa čime je on, sallallahu alejhi ve sellem, došao. Oba značenja su tačna (ispravna).

. Poslanik, sallallahu alejhi ve sellem, je jasno dostavio Objavu pojasnivši sve argumente onima koji traže znanje. Njegovim putem su hodile najbolje generacije. Poslije njih je došla generacija koja je počela slijediti svoje strasti, pa su se razišli. Allah je ovome ummetu dao ljudi koji će sačuvati temelje Njegove vjere, kao što Istino-ljubivi, sallallahu alejhi ve sellem, kaže: „*Neprestano će jedna grupacija iz moga ummeta pomagati istinu, neće im nauditi onaj koji ih napusti.*“¹⁷

¹⁶ Šejh Abdur-Rezzak el-Afifi kaže: „Pogledaj knjigu *Muvafekatu sahibil-menkul li saribil-ma'kul* od šejhul-islama Ibn-Tejmijje, 1/27-30 i 95.“

Svi komentari šejha Abdur-Rezzaka el-Afifija su stavljeni u knjigu *Es-Sunne en-nebevijje* sa valorizacijom šejha Muhammeda el-Fekija, Allah mu se smilovalo. Knjiga je nanovo štampana sa veoma preciznom valorizacijom od strane doktora Muhammeda Rešada Salima i to u jedanaest tomova pod naslovom *Der'u te'arudil-akli ven-nakli*.

¹⁷ Muttefekun alejhi; El-Buhari, 3640; Muslim, 1921. Hadis prenosi više ashaba. *Es-Sabiha*, 270.

Ebu-Dža'fer et-Tahavi

Od onih koji su izvršili ovo pravo i istinu iz reda učenjaka muslimana je i imam Ebu-Dža'fer Ahmed b. Muhammed b. Selame el-Ezdi et-Tahavi. Molimo Allaha da ga obaspe Svojom milošću. Živio je u trećem stoljeću. Rođen je 239. h.g., a umro je 321. h.g.¹⁸

Obavijestio je o onome na čemu su bili Ispravni prethodnici, prenio je od imama Ebu-Hanife en-Nu'mana b. Sabita el-Kufija¹⁹ i njegova dva učenika Ebu-Jusufa Jakuba b. Ibrahima el-Himjerija el-Ensarija i Muhammeda b. el-Hasena eš-Šejbanija, Allah im se smilovao, temelje vjere u koje su vjerovali i putem kojih su isповijedali vjeru Gospodaru svjetova.

Pojava novotarija

Što više vrijeme prolazi, pojavljuju se novotarije i povećava se iskriviljavanje kojeg su njegovi pobornici nazvali *tumačenjem* (*te'vil*) kako bi bilo općeprihvaćeno. Malo je onih koji su upućeni na razlikovanje značenja *iskriviljavanje* i *tumačenje*, jer ono znači izvođenje govora iz njegove vanjštine ka drugom značenju kojeg termin može imati, iako ne postoji kontekst koji to nalaže. Iz ovoga je nastao nered. Kada su ga nazvali *tumačenjem*, prihvaćeno je i proširilo se među onima koji nisu upućeni na razliku između ova dva pojma.

Vjernici su poslije toga bili u potrebi da im se pojasne dokazi i da se odbace sumnje koje se navode protiv tih dokaza. Tako se apologetika (kelam) umnožila, a razlog je bio slušanje sumnji

¹⁸ Njegovu biografiju ćeš podrobnije naći u knjigama *Tezkiretul-buffaz* od Ez-Zehebija, 3/28-29; *Tarih Ibn-Kesir*, 11/174; *El-Muntezam* od Ibn-Dževzija, 6/25 i dr.

¹⁹ On je imam, fakih, učenjak Iraka. Rođen je 80. h.g. za vrijeme mladih ashaba. Vidio je Enes b. Malika kada im je došao u Kufu, međutim, ništa ne prenosi od njih. Umro je 150. h.g.

pobornika neistine i ulazak u rasprave oko apologetike koju su Ispravni prethodnici osudili zabranivši da se ona izučava, da se njome iko zaokupira i da se sluša, pokoravajući se naredbi Gospodara koji kaže:

﴿ وَإِذَا رَأَيْتَ الَّذِينَ تَخُوضُونَ فِيءَ اِيَّنَا فَأَغْرِضْ عَنْهُمْ حَتَّىٰ تَخُوضُوا فِي حَدِيثٍ غَيْرِهِ ... ﴾

„Kada vidiš one koji se riječima Našim rugaju, neka si daleko od njih sve dok na drugi razgovor ne prijeđu. A ako te šećtan navede da zaboraviš, onda ne sjedi s nevjernicima kad se opomene sjetiš.“ (El-Fn'am, 68.)

Značenje ovog ajcta ih obuhvata.

Iskriviljavanje i zastranjivanje ima svoje stepene. Može biti kufr (nevjerstvo), fisk (grješnost) i nepokornost ili pogreška.

Pečat poslanika

Dužnost je slijediti poslanike i ono što im je objavljeno. Dolazak poslanika je zapečaćen dolaskom Muhammeda, sallallahu alejhi ve sellem. Uzvišeni ga je učinio posljednjim vjerovjesnikom, a njegovu knjigu kontrolorom nad ostalim nebeskim knjigama koje su bile prije nje. Objavio mu je Knjigu i Mudrost, njegov poziv je učinio generalnim za džine i ljude i trajnim sve do Sudnjeg dana. Njegovim dolaskom ljudi više nemaju opravdanje pred Allahom. Allah je preko njega sve pojasnio. Upotpunio je njemu i njegovom ummetu vjeru, sve tri vrste tevhida (er-rububijje, el-uluhijje i tevhidul-esmai ves-sifat). Pokornost njemu je učinio pokornošću Sebi, a nepokornost njemu nepokornošću Sebi. Zakleo se Samim Sobom da oni neće vjerovati sve dok ga ne budu uzimali za sudiju u međusobnim sporovima. Obavijestio je da licemjeri žele sud drugih, a kada budu pozvani Allahu i Poslaniku, sallallahu alejhi ve sellem, a to je poziv Allahovoj Knjizi i Sunnetu Njegovog Poslanika, sallallahu alejhi ve sellem, oni se udalje i odu. Oni tvrde da samo žele dobro i uputu, kao što govore mnogi apologetičari, filozofi i drugi: „Mi želimo

lijepo predočiti sve stvari u njihovoј suštini“, tj. shvatiti ih i spoznati. Oni žele usaglasiti dokaze koje nazivaju *racionalni dokazi*, a ustvari su to neznalački dokazi, sa dokazima koji su preneseni od Poslanika, sallallahu alejhi ve sellem. Ili kažu da žele usaglasiti Šerijat i filozofiju, kao što govore mnogi novotari iz reda pobožnjaka i sufija: „Želimo postići dobra djela“, tj. usaglasiti Šerijat sa neistinom koju zagovaraju i koju nazivaju hakikat (hakaik-istine i činjenice), a ustvari su to neznanje i zabluda. Tako mnogi apologetičari kažu: „Želimo činiti dobro putem lijepog ophođenja i politike, te je usaglasiti sa Šerijatom“ i sl.

Svaki onaj ko traži da mu se u pitanjima vjere sudi po onome što je došlo mimo Poslanika, sallallahu alejhi ve sellem, i smatra to lijepim, smatrajući da time objedinjuje ono sa čime je došao Poslanik, sallallahu alejhi ve sellem, i ono što mu se suprotstavlja, imati će udjela u tome. Ono sa čime je došao Poslanik, sallallahu alejhi ve sellem, je potpuno i dovoljno. U njemu je sadržana svaka istina, ali nemar je obuzeo mnoge koji se njemu, sallallahu alejhi ve sellem, pripisuju, pa u mnogim pitanjima vjere nisu znali ono sa čime je došao, pa čak ni u mnogim pitanjima ibadeta, a ni pitanjima šerijatske politike i vođstva. Poslanikovom, sallallahu alejhi ve sellem, Šerijatu su zbog svojih mišljenja i slijepog slijedeњa pripisali ono što mu ne pripada, a iz njega izbacili mnogo onoga što mu pripada. Razlozi lutanja ovih su zabluda i nemar. Zbog neprijateljstva, neznanja i licemjerstva ovakvih namnožilo se licemjerstvo a obilno znanje poslanstva je iščešlo.

Potpuno istraživanje, razmatranje i potpuni idžtihad bivaju samo u onome sa čime je došao Poslanik, sallallahu alejhi ve sellem, kako bi se takvo znanje saznalo, u njega se vjerovalo i po njemu se, javno i tajno, postupalo. Tek na takav način se takvi tekstovi istinski čitaju i od njih se ništa ne zapostavlja.

Ako čovjek nije sposoban saznati nešto od toga ili prakticirati, neće zabranjivati ono što ne može učiniti ili shvatiti od onoga sa čime je došao Poslanik, sallallahu alejhi ve sellem. Dovoljno mu je da sa njega spadne pokuda zbog njegove nemoći, ali se mora rado-

vati činjenici da to drugi prakticiraju i treba biti zadovoljan time. Željet će da i on to izvršava. Dužnost mu je izbjegavati vjerovanje u dio i ostavljanje dijela (šerijatskih tekstova). Vjerovat će u čitavu Knjigu i paziti da u nju ne uđe nešto strano, bilo da se radi o predajama ili mišljenjima, ili da, uvjerenjem ili praksom, slijedi nešto što nije od Allaha, kao što Uzvišeni kaže:

﴿... وَلَا تُلِّسُوا الْحَقَّ بِالْبَطْلِ وَتَكْتُبُوا الْحَقَّ وَأَنْتُمْ تَعْمَلُونَ ﴾

„...I ne miješajte istinu s neistinom, tajeći istinu iako vi znate.“ (El-Bekare, 42.)

Ovo je bio pravac prvih generacija koje su prednjačile po dobru. To je put i onih koji ih slijede po dobru do Sudnjeg dana, a najprije su to prethodnici iz prvoga doba koji su se nazivali tabiinima, a zatim oni poslije njih. Od njih su imami u vjeri kojima ovaj umjereni ummet svjedoči njihov imamet.

Apologetika (kelam)

Od Ebu-Jusufa²⁰, Allah mu se smilovao, se prenosi da je rekao Bišru el-Merisiju²¹: „Poznavanje kelama (apologetike) je neznanje, a neznanje o kelamu je znanje.“

Kada čovjek postane vođa u kelamu za njega se kaže: *zindik* (otpadnik), ili *rumije biz-zendeka* (optužen je za otpadništvo). Pod neznanjem o kelamu je mislio na uvjerenje o neispravnosti kelama i to je korisno znanje. Ili je mislio na udaljavanje i neobazrivost na njega. Ovako čovjek čuva svoje znanje i razum, pa se stoga ovakav

²⁰ On je imam, mudžtehid, autoritet, muhaddis, kadija Ja'kub b. Ibrahim el-Ensari el-Kufi. Družio se sa Ebu-Hanifom sedamnaest godina, učio pred njim i smatra se jednim od njegovih najvećih učenika. Umro je 187. h.g.

²¹ On je Bišr b. Gijas el-Merisi Ebu Abdur-Rahman, mu'tezilijski pravnik koji je optužen za otpadništvo. Uzeo je islamsko pravo od Ebu-Jusufa. Predvodnik je merisijske grupacije, a o njemu je u *Fa-Lisanu* rečeno: „Zalutali novotar, od njega ne treba prenositi, nema nikakve počasti.“

postupak naziva znanjem. Allah najbolje zna. Također se od njega prenosi da je rekao: „Ko bude tražio znanje putem kelama, postat će otpadnik. Ko bude sticao imetak putem kemije, bankrotirat će. Ko bude tražio čudne hadise, slagat će.“²²

Imam Šafija²³, Allah mu se smilovao, kaže: „Moja presuda o apologetičarima glasi: Treba ih izudarati palminim granama i obućom, te sa njima obići plemena govoreći: 'Ovo je kazna za onoga koji ostavi Kur'an i Sunnet, a okrene se apologetici.'“²⁴ Također, u stihovima je rekao:

*Sve nauke mimo Kur'ana su zaokupiranje
Osim hadisa i naučavanja vjere
Znanje je ono za što se kaže: 'Rekao je i prenio nam je'
A ono što je mimo toga su šejtanska prišaptavanja²⁵*

Naši učenjaci u fetvama kažu: Kada bi čovjek učenjacima iz svoje pokrajine nešto ostavio u oporuci u učenjake ne bi spadali apologetičari, i kada bi uvakufio knjige koje sadrže ilmul-kelam (apologetiku), prethodnici su izdali fetvu da se prodaju knjige ilmul-kelama a ostale uvakufe. To je spomenuto po značenju iz knjige *El-Fetava ez-zabirije*²⁶.

Kako se može željeti dolazak do znanja o temeljima islama bez slijedeњa Poslanika, sallallahu alejhi ve sellem? Pjesnik je lijepo rekao:

*O ti koji si poranio da tražiš znanje
Sve znanje je podređeno Poslanikovom znanju*

²² Hatib el-Bagdadi u *Šerefu ashabil-hadis*, 4; Ez-Zehebi u *Sijeru*, 8/537.

²³ Bio je učenjak svoga vremena, branitelj hadisa, fakih, Ebu-Abdullah Muham-med b. Idris el-Kureši. Umro je 204. h.g.

²⁴ El-Bejheki u *Manakibuš-Šafi'i*, 1/462; Hatib u *Šerefu ashabil-hadis*, 168; Ez-Zehebi u *Sijeru*, 10/29.

²⁵ Es-Subki u *Tabekatu-ššafi'ije*, 1/297; Ibnu-Kesir u *El-Bidaje ven-nihaje*, 10/254.

²⁶ Djelo učenjaka Zahiiruddina Ebu-Bekra Muhammeda b. Āhmeda el-Buharija. Umro je 619. h.g.

*Tragaš za sporednim pitanjem
da bi došao do ispravne postavke!!
Kako si zapostavio temeljno znanje?!*

Vjerovjesniku, sallallahu alejhi ve sellem, je data sposobnost jezgrovitog govora. Poslan je na najsavršeniji način sa cjelokupnim ovosvjetskim i onosvjetskim naukama. Međutim, kada god neko izmisli novotariju, oni naširoko odgovaraju braneći je. Zato su navodi od posljednjih generacija, za razliku od prvih generacija, opširni i u njima ima malo bereketa. Njihovih navoda (prvih generacija) je malo, ali u njima ima mnogog bereketa, a ne kako kažu zalutali apologetičari neznalice: „Prve generacije se nisu u potpunosti predale izvlačenju propisa i pravnih formula zato što su se zaokupirali drugim stvarima, dok su se zadnje generacije tome predale i one bolje razumiju propise.“

Svi su ovi udaljeni od spoznaje vrijednosti ispravnih prethodnika, dubine njihovih nauka, njihovog nevještačenja i savršenstva njihove pronicljivosti. Tako mi Allaha, zadnje generacije se od njih razlikuju samo po vještačenju i zaokupiranju sporednim pitanjima za razliku od prvih koje su pazile na temelje i pravila. Oni su nastojali doći do vrhunca u svim stvarima. Zadnje generacije imaju svoj pravac, a prve svoj pravac. Svima njima je Allah dao njihove mogućnosti.

Ovu poslanicu o vjerovanju je komentarisalo više učenjaka. Neki komentatori su slušali pokuđene apologetičare, od njih crpili znanje i koristili njihove fraze. Ispravni prethodnici nisu prezirali govor o srži (dževheru), tijelu (džismu), slučajnosti (aredu) i sl. samo zato što su to novi termini koji se odnose na ispravna značenja ili termini za ispravne naučne nazive. Također, nisu prezirali upućivanje na istinu i argumentova-nu raspravu sa sljedbcima neistine, već su ih prezirali samo zato što su sadržavale lažne činjenice koje su bile oprečne istini, prije svega Kur'anu i Sunnetu. Zato kod pobornika zalutalih pravaca nećeš naći ubjedjenje i spoznaju koji se nalaze kod običnog vjernika, a kamoli kada se to odnosi na učenjaka. Pošto njihove teorije sadrže istinu i neistinu, došlo je do pole-

mike i rasprave. Proširilo se rekla-kazala, a iz toga su se izrodila mišljenja suprotna ispravnom Šerijatu i jasnom razumu, a o tome nema dosta prostora da se govori. Nešto više ćemo o tome reći u poglavlju u kome se kaže: *Onaj koji želi znanje o čemu je zabranjeno znanje uzimati.* Želio sam komentarisati ovu knjigu idući putem ispravnih prethodnika, koristeći njihove fraze i postavljajući ih onako kako su ih oni postavljali, nadajući se da će tako biti svrstan u njihov pravac i među njih, te sa njima biti proživljen.

﴿...مَعَ الَّذِينَ أَنْعَمَ اللَّهُ عَلَيْهِم مِنَ النَّبِيِّنَ وَالصَّدِيقِينَ وَالشَّهِادَاءِ وَالصَّابِرِينَ وَحَسْنَ أُولَئِكَ﴾

رَفِيقًا

„...bit će u društvu onih koje je Allah blagodario: vjero-vjesnika, pravednika, šehida i dobrih ljudi, a divno li je to društvo!“ (En-Nisa', 69.)

Pošto sam vidio da ljudske duše vole sažetost, dao sam prednost sažetom izlaganju.

﴿...وَمَا تَوْفِيقٌ إِلَّا بِاللَّهِ عَلَيْهِ تَوَكِّلُتُ وَإِلَيْهِ أُنِيبُ﴾

„...a uspjeh moj zavisi samo od Allaha; u Njega se uzdam i Njemu se obraćam.“ (Hud, 88.)

On nam je dovoljan i divan li je On zaštitnik!

Tevhid je prvo u što su pozivali poslanici

Autor kaže: „O Allahovoj jednoći, s uvjerenjem u Njegovu pomoć, kažemo: Allah je jedan i nema ortaka.“

Komentar: Znaj da je tevhid prvi poziv svih poslanika, prvo konačište na putu i prvo mjesto na kome stoji onaj koji ide ka Allahu, azze ve dželle. Uzvišeni kaže:

﴿ لَقَدْ أَرْسَلْنَا نُوحًا إِلَى قَوْمِهِ فَقَالَ يَنْقُومُونَ أَعْبُدُوا اللَّهَ مَا لَكُمْ مِنْ إِلَهٍ غَيْرِهِ ﴾

„Mi smo Nuha poslali narodu njegovu, pa im je on govorio: 'O narode moj, Allahu robujte, vi drugog boga osim Njega nemate.'“ (El-E'raf, 59.)

Hud, alejhis-selam, je rekao:

﴿ ...أَعْبُدُوا اللَّهَ مَا لَكُرْ مِنْ إِلَهٍ غَيْرُهُ ﴾

„...Allahu robujte, vi drugog boga osim Njega nemate.“ (El-E'raf, 65.)

Salih, alejhis-selam, je rekao svome narodu:

﴿ ...أَعْبُدُوا اللَّهَ مَا لَكُرْ مِنْ إِلَهٍ غَيْرُهُ ﴾

„...Allahu robujte, vi drugog boga osim Njega nemate.“ (El-E'raf, 73.)

Šuajb, alejhis-selam, je rekao svome narodu:

﴿ ...أَعْبُدُوا اللَّهَ مَا لَكُرْ مِنْ إِلَهٍ غَيْرُهُ ﴾

„...Allahu robujte, vi drugog boga osim Njega nemate.“ (El-E'raf, 85.)

Uzvišeni kaže:

﴿ وَلَقَدْ بَعَثْنَا فِي كُلِّ أُمَّةٍ رَسُولًا أَنِّي أَعْبُدُوا اللَّهَ وَاجْتَنَبْنَا الظَّنْغُوتَ ... ﴾

„Mi smo svakom narodu poslanika poslali: Allahu ibadet činete, a kumira se klonite.“ (En-Nahl, 36.)

I kaže:

﴿ وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ ﴾

„Prije tebe ni jednog poslanika nismo poslali, a da mu nismo objavili: 'Nema boga osim Mene, zato Meni ibadet činite!'"
(El-Enbijā', 25.)

Prva čovjekova dužnost (obaveza)

Poslanik, sallallahu alejhi ve sellem, kaže: „Naređeno mi je da se borim protiv ljudi sve dok ne posvijedoče da nema drugog boga osim Allaha i daje Muhammed Allahov Poslanik, sallallahu alejhi ve sellem.“²⁷

Zato je ispravno mišljenje ono koje kaže da je prva dužnost onome ko je obavezan šerijatskim tekstovima (mukellef) svjedočenje da nema drugog boga osim Allaha, a ne nekakvo posmatranje (razmišljanje) ili namjera toga, a ni sumnja, kao što se navodi u izrekama predvodnika pokuđenog kelama (apologetike).

Svi imami iz reda ispravnih prethodnika se slažu da su dva šehadeta prvo što se naređuje čovjeku. Oni se slažu da onaj ko izgovori šehadet prije nastupanja punoljetstva neće ga obnavljati nakon ulaska u punoljetstvo. Naređuje mu se čišćenje i namaz kada dođe u punoljetstvo, ili kada postane sposoban razlikovati pojmove (temjiz) kod onih koji zastupaju to mišljenje. Nijedan učenjak nije obavezao staratelja da se obrati svom punoljetnom štićeniku kako bi obnovio dva šehadeta, iako je, po koncenzusu svih muslimana, priznavanje dva šehadeta obaveza. Obaveza šehadeta prethodi obavezi namaza. Međutim, ova obaveza u ovom slučaju je prije izvršena. Ovdje dolazimo do šerijatskih pitanja o kojima su islamski pravnici govorili, kao što je primjer onoga koji obavlja namaz, a nije izgovorio dva šehadeta, ili učini bilo koje djelo specifično za islam, a ne izgovori šehadet, da li je takva osoba musliman ili ne?

²⁷ Muttefekun alejhi; El-Buhari, 25; Muslim, 22; hadis od Ibn-Abbasa i drugih ashaba. Hadis je naveden u djelu *Es-Sahiba*.

Ispravno je mišljenje da postaje musliman sa izvršavanjem bilo kojeg djela koje je specifično za islam. Tevhid je prva stvar kojom se ulazi u islam i zadnje sa čime se izlazi sa ovog dunjaluka, kao što kaže Vjerovjesnik, sallallahu alejhi ve sellem: „*Kome posljedne riječi budu: 'Nema drugog boga osim Allaha', uči će u Džennet.*“²⁸ Tevhid je i prva i zadnja obaveza.

Vrste tevhida i njihova značenja

Tevhid je prva i zadnja naredba, tj. *tevidul-uluhijje* (ispovijedanje jednoće Allahu u pogledu Njegovog prava da jedini bude obožavan).

Tevhid je trovrsan:

Prva vrsta: tevhidus-sifat (govor o svojstvima);

Druga: tevhidur-rububijje, sa pojašnjnjem da je Allah Jedini Stvoritelj svega;

Treća: tevhidul-uluhijje, tj. Njegovo pravo da bude Jedini obožavan bez pripisivanja ortaka.

Tevhidus-sifat

Negatori svojstva su negaciju svojstava svrstali u sam pojam tevhida, poput Džehma b. Safvana²⁹ i njegovih istomišljenika. Oni su rekli: „Potvrda svojstava nalaže mnoštvo obaveznog.“

²⁸ Hadis je hasen ili sahîh, prenosi ga El-Hakim, 1/351 i Ibnu-Hibban, br. 719; a navodi se u knjizi *Irvaūl-galîl*, br. 687.

²⁹ On je Ebu-Mihrez Džehm b. Safvan. Odrastao je u Semerkandu. Prvi dio svog života proveo je u Tirmizu. Prethodnici su upozoravali na njega zbog njegova negiranja Allahovih svojstava i tumačenja koja dovode do nijekanja istih. Prvi od koga se prenosi ovo učenje jeste Dža'd b. Dirhem a od njega ga je preuzeo Džehm b. Safvan. On ga je proširio zbog čega se i pripisuje

Ovaj govor je poznat kao nužno neispravan, jer potvrda postojanja bitka u vanjštini odvojenog od svih sifata (svojstava) je nezamisliva. Pamet prepostavlja nemoguće i zamišlja ga, a ovo je vrhunac negiranja Allahovih svojstava. Ovo mišljenje je neke ljude odvelo u govor o *el-hululu* (utjelovljenju Boga u ljudima) i *vahdetul-vudžudu* (sjedinjenju Boga s bićima).

Ovakva uvjerenja su gora od nevjerstva kršćana. Kršćani su ove osobine pripisali isključivo Mesihu, a ovi su generalno uzeli sva bića i stvorena. Iz ovoga tevhida proizilazi da su faraon i njegov narod potpunog imana i da u suštini poznaju Allaha. Također, to podrazumijeva da su obožavaoci kipova na istini i ispravnosti i da nikoga drugog ne obožavaju mimo Allaha. To znači da nema razlike između dozvole i zabrane braka u pogledu majke, sestre ili strankinje, te da nema razlike između vode i vina, bluda i braka. Sve je od jedne biti, ustvari - On je jedna bit. To znači da su vjerovjesnici ograničavali ljude!?

Neka je Uzvišen Allah od ovoga što oni govore!

Tevhidur-rububijke

Druga vrsta je *tevhidur-rububijke*, kao priznanje da je Allah Stvoritelj svega, da ovaj svijet nema dva podjednaka stvoritelja po osobinama i djelima. Ovaj tevhid je istina bez imalo sumnje i on je cilj mnogim teoretičarima, apologeticima i nekim mističarima (sufijama). Ovom tevhidu se nije suprotstavljala neka poznata grupacija iz reda sinova Ademovih, već je u srca duboko instinktivno usađeno ovo priznanje više nego što je u njih usađeno priznanje drugih postojećih stvari. Tako su poslanici, kako Allah o njima govorí, rekli:

﴿ قَالَتْ رُسُلُهُمْ أَفِي اللَّهِ شَكٌ فَاطِرُ السَّمَاوَاتِ وَالْأَرْضِ ﴾

njemu a ne Dža'du. Ubijen je 217. h.g. sa Harisom b. Surejdžom u njegovom sukobu sa Umejjevićima.

„*Poslanici su njihovi govorili: 'Zar se može sumnjati u Allaha, Stvoritelja nebesa i Zemlje?'“* (Ibrahim, 10.)

Najpoznatiji čovjek koji je poznat po ignoranciji i nijekanju Stvoritelja je bio faraon. U sebi je bio uvjeren u Njega, kao što mu Musa kaže:

﴿لَقَدْ عِلِّمْتَ مَا أُنْزَلَ هَذُولَاءِ إِلَّا رَبُّ الْسَّمَاوَاتِ وَالْأَرْضِ بَصَارٌ...﴾

„*Ti znaš da ovo nije dao niko drugi nego Gospodar nebesa i Zemlje, kao očigledna znamenja...“* (El-Isra', 102.)

Uzvišeni je o njemu i njegovom narodu rekao:

﴿وَجَحَدُوا بِهَا وَأَسْتَيْقَنَتْهَا أَنفُسُهُمْ ظُلْمًا وَعُلُوًّا﴾

„*Porekoše, ali su u sebi vjerovali da su istinita.*“ (En-Neml, 14.) Zato, kada je upitao: „A šta je Gospodar svjetova?“ - negirajući i praveći se da ne zna, Musa mu je rekao:

﴿...رَبُّ الْسَّمَاوَاتِ وَالْأَرْضِ وَمَا بَيْنَهُمَا إِنْ كُنْتُمْ مُّؤْمِنِينَ ﴾ ﴿قَالَ لِمَنْ حَوْلَهُ إِلَّا تَسْتَعْمِلُونَ ﴾ ﴿قَالَ رَبُّكُمْ وَرَبُّ الْأَوَّلِينَ ﴾ ﴿قَالَ إِنَّ رَسُولَكُمُ الَّذِي أُرْسِلَ إِلَيْكُمْ لَمْ يَخُنُّونَ ﴾ ﴿قَالَ رَبُّ الْمَشْرِقِ وَالْمَغْرِبِ وَمَا بَيْنَهُمَا إِنْ كُنْتُمْ تَعْقِلُونَ ﴾﴾

„...*Gospodar nebesa i Zemlje i onoga što je između njih, ako vjerujete', odgovori on. 'Čujete li?', reče onima oko sebe Faraon. 'Gospodar vaš i Gospodar vaših davnih predaka', reče Musa. 'Poslanik koji vam je posлан, uistinu, je lud', reče Faraon. 'Gospodar istoka i zapada i onoga što je između njih, ako pameti imate', reče Musa.*“ (Eš-Šu'ara', 24-28.)

Jedna grupacija je tvrdila da je faraon upitao Musaa tražeći pojasnjenje o kakvoći Gospodara. Pošto se o upitanom nije mogla iznijeti kakvoća, Musa je bio nemoćan odgovoriti. Ovo predstavlja očitu grešku. Postavljanje ovog pitanja je s ciljem negacije i poricanja, kao što ostali kur'anski ajeti ukazuju da je faraon negirao i poricao Allaha. Nije Ga potvrđivao u svojstvu onoga koji traži znanje o

Njegovoj kakvoći. Zato im je Musa pojasnio da je On poznat, da su Njegovi dokazi gospodarstva vidljiviji i poznatiji od toga da bi bio upitan kakav je On. Zapravo, Uzvišeni je daleko poznatiji i jasniji od toga da bi bio nepoznat. Spoznaja Allaha je duboko usaćena u prirodi čovjeka i veća je od spoznaje bilo koje druge činjenice. Nije poznato da je ijedna grupacija rekla da ovaj svijet ima dva istovjetna stvoritelja po osobinama i djelima. Dualnost je zapravo odlika medžusija i manevijaca³⁰ koji govore da postoje dvije osnove: svjetlost i tama, i da je svijet nastao iz njih. Oni se slažu da je svjetlost bolja od tame, a ta svjetlost predstavlja Hvaljenoga Boga, a tama zlo i ružnoću. Razilaze se oko pitanja ove tame, da li je ona oduvijek ili je nastala? Tako, ipak, nisu dokazali da postoje dva istovjetna gospodara.

Kršćani koji zagovaraju trojstvo nisu ustvrdili da svijet ima tri gospodara od kojih je svaki odvojen od drugog, već se slažu da je Stvoritelj svijeta Jedan. Oni govore: „U ime Oca, sina i svetoga duha, Jednoga Boga.“ Njihovo mišljenje o trojstvu je samo po sebi kontradiktorno, a njihovo mišljenje o utjelovljenju je još neispravnije. Stoga, bili su prisiljeni da iznude rješenje za poimanje trojstva i da ga pojasne. Niko od njih ne može pojasniti trojstvo u shvatljivom značenju. Dvojica se ne mogu usaglasiti oko jednog značenja. Oni kažu: „On je jedan svojim bićem, a ujedno je tri osobe.“ Nekada ove osobe tumače kao zasebne, nekada kao svojstva, a nekada kao ličnosti. Uzvišeni Allah je stvorio ljude s prirodom koja nužno, nakon cjelokupnog uvida, prepoznaće neispravnost ovih navoda. Općenito rečeno, oni ne tvrde da postoje dva istovjetna stvoritelja.

Ovdje se želi reći da ne postoje grupacije koje potvrđuju dva istovjetna tvorca, dok su se mnogi sljedebnici kelama, teorija i filozofije zamorili u potvrdi ovog cilja. Neki su priznali da su ne-

³⁰ Grupacija čiji je osnivač Mani' b. Fatik koji je rođen oko 215. h.g. U svojoj dvadeset četvrtoj godini tvrdio je za sebe da je on poslanik kojeg je nagovijestio Isa, alejhi selam. Njegovo učenje tvrdi da svijet počiva na dvjema osnovama: svjetlu i tamni, koje su odvojene jedna od druge.

moćni potvrditi to razumom, a tvrde da se takvo znanje dobiva putem slušanja.

Poznato je da teoretičari ovo potvrđuju sa *argumentom međusobnog pobijanja (delilut-temanu'a)*, tj. da svijet ima dva stvoritelja. Prilikom razilaženja dva božanstava npr. desilo bi se da jedan želi pomjeriti tijelo, a drugi ga umiriti, ili da jedan želi nešto oživjeti, a drugi usmrtiti. Tada bi nastupilo sljedeće: da se ispuni želja obojice, ili želja jednog od njih, ili da se ne ispuni želja nijednog.

Prvo je nemoguće, jer podrazumijeva objedinjavanje dvije suprotnosti.

Treće je također nemoguće, jer nalaže da tijelo nema pokreta ni smiraja i, također, nalaže da obojica budu nemoćni. Nemoćan ne može biti Bog.

(Drugo) Ako se ispuni želja jednog za razliku od drugog, takav će biti moćniji bog, a drugi će ostati nemoćan i nedostojan božanstvenosti. Potpuna predstava o ovom govoru u ovom kontekstu je poznata u njihovim knjigama.

Tevhidul-uluhijje

Mnogi teoretičari tvrde da je argument međusobnog pobijanja sadržan u značenju riječi Uzvišenog:

﴿ لَوْ كَانَ فِيهَا إِلَّا اللَّهُ لَفَسَدَتَا ﴾

„Da Zemljom i nebesima upravljuju drugi bogovi, a ne Allah, poremetili bi se.“ (El-Enbija', 22.) zbog uvjerenja da tevhidur-rububijje kojeg su potvrdili je tevhidul-uluhijje kojeg je Kur'an pojasnio i kojem su poslanici pozivali. Međutim, nije tako, jer tevhid u kojeg su pozivali poslanici i s kojim su spuštene knjige je tevhidul-uluhijje koji sadržava tevhidur-rububijje, a označava robovanje Allahu Jedinome Koji nema sudruga. Arapski mušrici su

potvrđivali tehidur-rububijje, tj. da je Stvoritelj nebesa i zemlje Jedan, kao što Uzvišeni obavještava:

﴿ وَلِئِنْ سَأَلْتُهُمْ مَنْ حَلَقَ السَّمَوَاتِ وَالْأَرْضَ لَيَقُولُنَّ اللَّهُ ... ﴾

„*A da ih upitaš: 'Ko je stvorio nebesa i Zemlju?' - sigurno bi rekli: 'Allah!'“*(Lukman, 25.)

﴿ قُلْ لَمَنِ الْأَرْضُ وَمَنْ فِيهَا إِنْ كُنْتُمْ تَعْلَمُونَ ﴾ ﴿ سَيَقُولُونَ اللَّهُ ﴾ قُلْ أَفَلَا تَذَكَّرُونَ ﴾

„*Upitaj: 'Čija je Zemlja i sve ono što je na njoj, znate li?' 'Allahova!' - odgovorit će, a ti reci: 'Pa zašto onda ne dodete sebi?'“*(El-Mu'minun, 84-85.)

Primjeri za ovo u Kur'anu su mnogobrojni. Oni nisu vjerovali da kipovi zajedno sa Allahom učestvuju u stvaranju svijeta, već su bili poput idolopoklonika Indijaca, Mongola, Barbara i drugih. Nekada vjeruju da su kipovi dobri ljudi iz reda vjerovjesnika, pa ih uzimaju za posrednike i približavaju se Allahu putem njih, što je predstavljalo temelj mnogoboštva predislamskih Arapa. Uzvišeni, govoreći o Nuhovom narodu kaže:

﴿ وَقَالُوا لَا تَدْرُنَّ إِلَهَتَكُمْ وَلَا تَدْرُنَّ وَدًا وَلَا سُوَاعًا وَلَا يَغُوْتَ وَنَسْرًا ﴾

„*I govore: 'Nikako božanstva svoja ne ostavljajte, i nikako, ni Veda, ni Suva, a ni Jegusa, ni Jeuka, ni Nesra ne napuštajte!'“*(Nuh, 23.)

Pouzdano se prenosi u *Buharijevom Sahibu*, knjigama tefsira i kazivanjima o vjerovjesnicima od Ibn-Abbasa, radijallahu anhum, i drugih ispravnih prethodnika da su to imena dobrih ljudi iz Nuhovog naroda. Kada su umrli, ljudi su dolazili na njihove grobove. Zatim su napravili njihove kipove, da bi ih poslije dugog

perioda počeli obožavati. Svi ovi isti kipovi su prešli u arapska plemena. Ibn-Abbas je spomenuo pleme po pleme.³¹

U *Muslimovom Sabihu* se prenosi od Ebula-Hejjadža el-Esedija³² da je rekao: „Rekao mi je Alija b. Ebi-Talib, radijallahu anhu: 'Hoćeš li da te pošaljem u misiju u koju me je poslao Allahov Poslanik, sallallahu alejhi ve sellem? Naredio mi je da ne ostavim uzvišen ka-bur, a da ga ne poravnam, a ni kip a da ga ne srušim.'“³³

U oba *Sabiba* od Vjerovjesnika, sallallahu alejhi ve sellem, se prenosi da je na samrti rekao: „Allah je prokleo židove i kršćane, jer su grobove svojih vjerovjesnika uzeli za bogomolje.“³⁴ Upozoravao je na ono što su činili. Aiša, radijallahu anha, je rekla: „Da nije toga, njegov kabur bi bio uzdignut, ali je prezirao da bude uzet za mjesto obavljanja namaza.“

U oba *Sabiba* se prenosi da mu je na samrti spomenuta neka crkva u Abesiniji. Spomenuta je njena ljepota i slike u njoj, pa je rekao: „Oni, kada im umre dobar čovjek, na njegovom grobu naprave bogomolju i naslikaju te slike. To su najgora stvorenja kod Allaha na Sudnjem danu.“³⁵

U *Muslimovom Sabihu* se prenosi da je, Poslanik sallallahu alejhi ve sellem, na pet dana prije nego što će umrijeti, rekao: „Oni koji su bili prije vas, grobove svojih vjerovjesnika i dobrih ljudi su uzimali za

³¹ Sahih; El-Buhari, 4920. Predaja je *mevkuf* (rijeci Abdullaha b. Abbasa, radijallahu anhum), ali je na stepenu *merfu'a* (kao da su to riječi Allahovog Poslanika, sallallahu alejhi ve sellem)

³² On je Hajjan b. Husajn el-Kufi, pouzdani tabi'in. Prenosi od Omara b. el-Hattaba, Alije b. Ebi-Taliba i Ammara b. Jasira, radijallahu anhum.

³³ Sahih; Muslim, 969; Ahmed, 1/96 i 129; i dr. Hadis ima više pravaca koje sam (Albani) spomenuo u djelima *Irvaul-gaši* i *Abkamul-dženaiz*, str. 207.

³⁴ Sahih; El-Buhari, 1330; Muslim, 529; hadis od Aiše i Ebu-Hurejre. Ovaj hadis ima mnogo onih koji mu svjedoče. Naveo sam ih u knjizi *Tabzirus-sadžid* i *Abkamul-dženaiz*, str. 216.

³⁵ Sahih; El-Buhari, 427; Muslim, 527; hadis od Aiše, radijallahu anha. Naveo sam ga u prethodnom izvoru, str. 218.

bogomolje. Zato ne uzimajte kaburove za mesdžide, ja vam to zabranjujem.³⁶

Jedan od razloga idolopoklonstva je obožavanje zvijezda i uzimanje kipova prema onome što se misli da odgovara njihovoj prirodi. Mnogoboštvo Ibrahimovog naroda je bilo ovakve prirode. Isto je sa mnogoboštvom vezanim za meleke i džine i pravljenje kipova koji ih oslikavaju. Oni potvrđuju Tvorca, a ne kažu da svijet ima dva tvorca, nego su ih uzeli za posrednike i zagovarače, kao što Uzvišeni o njima kaže:

﴿...وَالَّذِينَ أَخْدُوا مِنْ دُونِهِ إِلَيْهِمَا مَا نَعْبُدُهُمْ إِلَّا لِيُقْرَبُونَا إِلَى اللَّهِ زُلْفَ﴾

„A onima koji pored Njega uzimaju zaštitnike: 'Mi ih obožavamo samo zato da bi nas što više Allahu približili.'“ (Ez-Zumer, 3.)

﴿وَيَعْبُدُونَ مِنْ دُونِ اللَّهِ مَا لَا يَضُرُّهُمْ وَلَا يَنْفَعُهُمْ وَيَقُولُونَ هُنُّ لَا شَفَاعَةُنَا عِنْدَ اللَّهِ قُلْ أَتَنْتَهُونَ اللَّهُ بِمَا لَا يَعْلَمُ فِي السَّمَاوَاتِ وَلَا فِي الْأَرْضِ سُبْحَانَهُ وَتَعَالَى عَمَّا يُشَرِّكُونَ﴾

„Oni se, pored Allaha, klanjaju onima koji im ne mogu ni nauditi niti im mogu kakvu korist pribaviti, i govore: 'Ovo su naši zagovornici kod Allaha.' Reci: 'Kako da Allahu kazujete da na nebesima i na Zemlji postoji nešto a On zna da ne postoji!' Neka je hvaljen On i vrlo visoko iznad onih koje smatraju Njemu ravnim.“ (Junus, 18.)

Isto je bilo sa prethodnim narodima koji su u laž utjerivali poslanike. Uzvišeni o njima govori u priči o Salihu, alejhis-selam, i o devet mladića koji su se međusobno zakleli Allahom da će ubiti njega i njegovu porodicu. Ovi mušrici koji su činili nered, zakleli su

³⁶ Sahih; Muslim, 532; Ebu-Avane u *Sabibu*, 1/401; i dr. Naveden je u istom izvoru, str. 217.

se na ubistvo svoga vjerovjesnika i njegove porodice, što jasno govori da su vjerovali u Allaha, ali onako kako vjeruju mušrici.

Iz toga se saznaje da je ciljni tevhid upravo tevhidul-uluhijje³⁷ koji podrazumijeva i tevhidur-rububijje. Uzvišeni kaže:

﴿فَإِنَّمَا يَنْهَا حَبْرِيًّا فِطْرَتَ اللَّهِ الَّتِي فَطَرَ النَّاسَ عَلَيْهَا لَا تَبْدِيلَ لِخُلُقِ اللَّهِ ذَلِكَ الَّذِينَ الْقَيْمُولَدِكَ أَكْثَرُ النَّاسِ لَا يَعْلَمُونَ﴾

„Ti upravi lice svoje vjeri - islamu na njemu ustrajavši! Privatite se Allahove čiste vjere prema kojoj je Ijudi stvorio. Nema izmjene Allahove vjere, to je prava vjera, ali većina Ijudi to ne zna.“ (Er-Rum, 30.)

﴿مُنِيبِينَ إِلَيْهِ وَأَنْتُوْهُ وَأَقِيمُوا الصَّلَاةَ وَلَا تَكُونُوا مِنَ الْمُشْرِكِينَ﴾ منَ الَّذِينَ فَرَقُوا دِيَنَهُمْ وَكَانُوا شَيْعًا كُلُّ جِزْءٍ بِمَا لَدَيْهِمْ فَرِحُونَ ﴿وَإِذَا مَسَّ النَّاسَ ضُرٌّ دَعَوْا رَبَّهُمْ مُنِيبِينَ إِلَيْهِ ثُمَّ إِذَا أَذَاقَهُمْ مِنْهُ رَحْمَةً إِذَا فَرِيقٌ مِنْهُمْ بِرَبِّهِمْ يُشْرِكُونَ﴾ لِيَكْفُرُوا بِمَا أَتَيْنَاهُمْ فَتَمَتَّعُوا فَسَوْفَ تَعْلَمُونَ ﴿أَمْ أَنْزَلْنَا عَلَيْهِمْ سُلْطَانًا فَهُوَ يَتَكَلَّمُ بِمَا كَانُوا بِهِ يُشْرِكُونَ﴾ وَإِذَا أَذَقْنَا النَّاسَ رَحْمَةً فَرِحُوا بِهَا وَإِنْ تُصِّنُّهُمْ سَيِّئَةً بِمَا قَدَّمْتُ أَيْدِيهِمْ إِذَا هُمْ يَقْنَطُونَ﴾

„Predano Mu se obraćajte! Bojte se Njega i obavlajte namaz, i ne budite od onih koji mu druge ravnim smatraju, od onih koji su vjeru svoju razbili i u stranke se podijelili, svaka stranka radosna onim što ima. A kad Ijudi nevolja snađe, oni se Gospodaru svome pokajnički obraćaju, a poslije, kad im On da da okuse milost Njegovu, odjednom neki od njih Gospodaru svome druge ravnim smatraju, da bi bili nezahvalni na onom što im Mi dajemo, pa uživajte, a saznat ćete. Zar smo im Mi poslali ka-

³⁷ Autor je spomenuo prvu i drugu vrstu, a u rukopisu i drugim štampanim formama ovog djela nismo naišli na treću vrstu. Izgleda da je mjesto te treće vrste ovdje.

kav dokaz koji govori u prilog onih koje Njemu ravnim smatraju. Kad dopustimo ljudima da se blagodatima naslađuju, oni im se obraduju, a kad ih pogodi nevolja, zbog onoga što su njihove ruke činile, odjednom očajavaju.“ (Er-Rum, 31-36.)

Uzvišeni kaže:

﴿...أَفِي اللَّهِ شَكٌ فَاطِرُ السَّمَاوَاتِ وَالْأَرْضِ﴾

„...Zar se može sumnjati u Allaha, Stvoritelja nebesa i Zemlje?“ (Ibrahim, 10.)

Poslanik, sallallahu alejhi ve sellem, kaže: „Svako novorođenče se rađa u prirodnosti (fitri), samo ga njegovi roditelji požidove, pokrste i učine obožavaocem vatre.“³⁸

Neće se reći da dijete biva rođeno kao naivno i da ne poznaje tevhid, a ni širk, kao što neki kažu.

Poslanik, sallallahu alejhi ve sellem, prenosi od svoga Gospodara, arze ve dželle: „Stvorio sam Moje robeve kao pravoverne, pa su ih šeđani zaveli.“³⁹

Prethodni hadis ukazuje na ovu činjenicu, jer se u njemu kaže „...požidove ga, pokrste ili ga učine obožavaocem vatre“. On nije rekao „učine ga muslimanom“. U drugoj predaji se kaže: „Rada se u vjeri“, a u trećoj: „Rađa se u ovoj vjeri“.

Istinitosti ovoga o čemu je Vjerovjesnik, sallallahu alejhi ve sellem, obavijestio svjedoče racionalni dokazi, a od njih su da se kaže: Nema sumnje da čovjek zadobija uvjerenja i htijenja koja mogu biti istinita, a i neistinita. Čovjek ima osjećaje, čula i pokreće se putem htijenja. Jedno od to dvoje je neophodno (istina ili neistina). Jednom od njih mora dati prednost. Znamo da kada se svakome ponudi da potvrди i okoristi se ili negira pa mu to našteti, prije će svojom prirodnosću potvrditi i okoristiti se. Tada je priznanje po-

³⁸ Muttefekun alejhi; El-Buhari, 1358; Muslim, 2658; hadis od Ebu-Hurejre. Hadis je naveden u *Irvaut-galil*, 1220.

³⁹ Muslim, 2865 i Ahmed, 4/162; hadis od Ijada b. Ilimara.

stojanja Tvorca i vjerovanje u Njega istina ili neistina. Drugo je kategorički neispravno. Zato se prvi navod potvrđuje. Stoga, u prirodnoj urođenosti vjere mora postojati nešto što nalaže poznavanje Tvorca i vjerovanje u Njega. Poslije toga u prirodnoj urođenosti vjere mora postojati ljubav prema onome što je korisnije za roba ili ne. Drugo je kategorički neispravno. Zato je obaveza da u njegovoj prirodnoj urođenosti bude ljubav prema onome što će mu koristiti.

Od tih dokaza je, da je čovjek prirodno stvoren sa instinktom pridobijanja koristi i otklanjanja štete. Stoga, prirodna urođenost svake osobe nije samostalna u zadobijanju toga, nego ima potrebu za određenim povodom, kao što je podučavanje i sl. Kada se nađe uslov i nestane zapreke, prirodna urođenost se odazove tim zahtjevima.

Od argumenata je da se kaže: Poznato je da svaka duša može prihvati znanje i željeti istinu, ali samo podučavanje i podsticaj na njih ne nalažu zadobijanje znanja i htijenja, jer u duši mora postojati snaga koja to prima. Naprotiv, kada bi neznalice i životinje bile podučene i podstaknute nebi to mogle prihvati (dušom). Poznato je da je postizanje njihovog priznanja Tvorca moguće bez posebnog vanjskog povoda. Biće je samo za to dovoljno. Kada u duši postoji ono što iziskuje to priznanje, i ako se pretpostavi da nema oponenta, onda ispravan zahtjev lišen oponenta nalaže ispravan zaključak. Tada se zna da ako ispravna fitra nema onoga što bi je iskvarilo, priznaje Stvoritelja i robuje Mu.

Također, može se reći: Ako nema nečega što bi je izvana pokvarilo ili popravilo, fitra (prirodna urođena vjera) poziva na ispravnost, jer već u njoj postoji ono što nalaže znanje i htijenje, a zapreka ne postoji.

Prenosi se od Ebu-Hanife da su neki apologetičari htjeli sa njim tragati i doći do potvrde tevhidur-rububijjeta.⁴⁰ On im je rekao:

⁴⁰ Iz ovog kazivanja se može razumjeti da su apologetičari negirali tevhidur-rububijje, što nije tačno. Oni su priznavali tevhidur-rububijje. Moguće je da se radi o grešci komentatora Ibn Ebi el-'Izza, rahmetullahi

„Obavijestite me prije nego što budemo govorili o ovom pitanju o lađi u rijeci Tigris koja ode i sama se napuni hranom i robom, a onda se sama vrati, sama se usidri, isprazni i ponovno ode. Sve to biva bez ičijeg vođenja.“ Rekoše: „To je nemoguće!“ On im reče: „Ako je to nemoguće, kako će biti moguće uređenje gornjeg i donjeg svijeta (bez ikoga).“ Ova priča se prenosi i od drugih osim Ebu-Hanife, Allah mu se smilovao.

Kada bi čovjek priznao tevhidur-rububijje, kojeg priznaju i ovi teoretičari, a u kojem se mnoge sufije izgube, učine ga vrhuncem onoga koji hodi na putu istine, kao što spominje autor knjige *Menazilus-sairin*⁴¹ i drugi. Ako čovjek ne bude obožavao jedino Allaha i odrekao se ibadeta drugima mimo Njemu, biva mnogobožac poput ostalih mnogobožaca.

Kur'anski dokazi za tevhidul-uluhijje

Kur'an je ispunjen potvrdom ovog tevhida, njegovim pojašnjnjem i navođenjem primjera. On potvrđuje tevhidur-rububijje i pojašnjava da nema drugog stvoritelja osim Allaha, a sve to nalaže da se obožava samo Allah, azze ve dželle. Prvi tevhid je dokaz za druge, jer su priznavali prvi, a razilazili se oko drugog. Uzvišeni im pojašnjava, da ako znate da nema drugoga tvorca osim Allaha Jedinoga i da On donosi robovima ono što im koristi, a štiti ih od onoga što im šteti, te da u tome sudruga nema, zašto onda obožavate druge i pripisujete Mu druga božanstva?

Uzvišeni kaže:

alejhi, jer prenosi se isti događaj Ebu-Hanife, rahmetullahi alejhi, sa *melahidima-nevjernicima*, kako to spominje Ibnu-Tejmije u *Der'u te'arudil-'akli ven-nakli*, 3/127; Ibn-Kesir u *Tefisru*, 1/7; i drugi. Pogledaj *Usulud-din 'inde Ebi-Hanife* od istaknutog učenjaka Muhammeda Humejsa.

⁴¹ Autor ovoga djela je Ebu-Isma'il Abdullah b. Muhammed b. Alijj el-Herevi el-Hanbeli (umro 481. h.g.). Spomenuto djelo Ibnul-Kajjim, rahmetullahi alejhi, je komentarisan kroz tri toma poznatog djela *Medaridžu es-salikin* koje se smatra najkorisnijim djelom za odgoj duše.

﴿ قُلِ الْحَمْدُ لِلَّهِ وَسَلَّمَ عَلَىٰ عِبَادِهِ الَّذِينَ أَصْطَفَيْتَهُمْ خَيْرًا مَا يُشْرِكُونَ ﴾ أَمَّنْ حَلَقَ
السَّمَوَاتِ وَالْأَرْضَ وَأَنْزَلَ لَكُمْ مِنَ السَّمَاءِ مَا شَاءَ فَأَنْبَثْنَا يَهُهُ حَدَّا يَقِنَّ ذَاكَ بِهِجَّةَ مَا
كَانَ لَكُمْ أَنْ تُنْبِئُوا شَجَرَهَا أَئِلَهٌ مَعَ اللَّهِ بَلْ هُمْ قَوْمٌ يَعْدِلُونَ ﴾

„Reci: 'Hvala Allahu i mir robovima Njegovim koje je On odabral!' Šta je bolje: Allah ili oni koje njemu ravnim smatruju? Onaj Koji je nebesa i Zemlju stvorio i koji vam spušta s neba kišu pomoću koje Mi dajemo da ozelene bašče prekrasne, nemoguće je da vi učinite da izraste drveće njihovo. Zar pored Allaha postoji drugi bog?! Ne postoji ali su oni narod koji druge s Njim izjednačuje.“ (En-Neml, 59-60.)

Uzvišeni na kraju svakoga ajeta pita: „Zar uz Allaha postoji drugi bog?“, tj. da li je uz Allaha to neki drugi bog učinio? Ovaj upit je radi negacije koja podrazumijeva poricanje. Oni su potvrđivali da to nije niko drugi učinio mimo Allaha, pa je On protiv njih time argumentirao. To ne znači da Allah postavlja pitanje: Da li uz Njega ima drugi bog?, kao što neki misle, jer ovakvo značenje ne odgovara kontekstu govora. Ljudi su uz Allaha prisipali božanstva, kao što kaže Uzvišeni:

﴿ أَئِنَّكُمْ لَتَشَهِّدُونَ أَنَّ مَعَ اللَّهِ إِلَهٌ أُخْرَىٰ قُلْ لَا أَشْهُدُ ﴾

„Zar vi, zaista, tvrdite da pored Allaha ima i drugih bogova? Reci: 'Ja ne tvrdim.'“ (El-En'am, 19.) Govorili bi:

﴿ أَجَعَلَ الْأَنْبَةَ إِلَهًا وَاحِدًا إِنَّ هَذَا لَشَيْءٌ عَجَابٌ ﴾

„Zar on da bogove svede na Boga jednog? To je, zaista, nešto veoma čudno!“ (Sad, 5.) Međutim, nisu govorili da sa Njim postoji bog,

﴿ ...جَعَلَ الْأَرْضَ قَرَارًا وَجَعَلَ جِلَلَهَا أَنْهِرًا وَجَعَلَ لَهَا رَوْسِيَّ وَجَعَلَ بَيْنَ الْبَخْرَيْنِ حَاجِرًا ﴾

„...Koji je Zemlju prebivalištem učinio i kroz nju rijeke pro-veo i na njoj brda nepomična postavio i dva mora pregradio.“ (En-Neml, 61.)

Zapravo, oni su potvrđivali da je Allah jedini to sve načinio, a tako je i u ostalim ajetima. Također, Uzvišeni kaže:

﴿يَأَيُّهَا النَّاسُ أَعْبُدُوا رَبِّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ﴾

„*O ljudi, budite u ibadetu Gospodaru svome, Koji je stvo-rio vas i one prije vas, da biste bili bogobojažni.*“ (El-Bekare, 21.) Također, u suri El-En'am kaže:

﴿فَلَمَّا آتَيْتَهُمْ إِنَّ أَحَدَ اللَّهَ سَمَعَكُمْ وَأَنْصَرَكُمْ وَحَمَّ عَلَىٰ فَلَوْلَيْكُمْ مَنْ إِلَهٌ غَيْرُ اللَّهِ يَأْتِيْكُمْ بِهِ﴾

„*Reci: 'Kažite vi meni, ako bi vas Allah sluha vašeg i vidi vašeg lišio i srca vaša zapečatio, koji bi vam bog, osim Allaha, to vratio?'*“ (El-En'am, 46.) i sl.

Ako je tevhidur-rububijje, kako govore ovi teoretičari, a sa njima se slažu i sufije, vrhunac tévhida i ako ulazi u tevhid s kojim su dolazili poslanici i s kojima su objavljene knjige, onda se mora znati da ukazuje na više činjenica, kao što su: potvrda Tvorca i istinitost Poslanika, sallallahu alejhi ve sellem. Što su ljudi u većoj potrebi za znanjem, Njegovi dokazi su očitiji, iz milosti Allaha prema Njegovim stvorenjima.

Uzvišeni Allah je u Kur'anu naveo primjer za sve, a to su racionalna mjerila koja donose koristi za vjerske potrebe. Kur'an pojašnjava istinu u propisu i dokazu, a šta je poslije istine osim zabluđa? Postavke koje su poznate i nužne i oko kojih postoji saglasnost, uzete su kao dokaz i nema potrebe da se za njih donosi dokaz. Stilistički pravac pojašnjena podrazumijeva izostavljanje (sažetost, jezgrovitost i konciznost) nekih navoda, a to je put Kur'ana, za razliku od onoga što tvrde neznalice koje misle da u Kur'anu nema argumentovanog pravca i za razliku od onoga što je manje jasno i oko čega postoji razilaženje. Zapravo, Kur'an ga pojašnjava i na njega ukazuje.

Pošto je mnogoboštvo u rububijetu poznato među svim ljudima kao nemoguće, tako što će se potvrditi dva istovjetna tvorca, po svojstvima i djelima, neki mušrici su smatrali da postoji stvoritelj koji je stvorio dio svijeta, kao što tvrde dualisti za tamu i kao što govore kaderije prilikom navoda o postupcima životinja. Isto govore i filozofi materijalisti (dehrije) o kretanjima kosmosa i duša, ili o prirodnim tijelima. Oni potvrđuju novonastale činjenice bez Allahovog udjela u njima. Oni su mnogobošci u dijelu rububijeta. Mnogi predislamski mušrici i drugi su smatrali da njihova božanstva mogu donijeti korist ili štetu, a da Allah to ne stvara. Pošto je širk u rububijetu prisutan među ljudima, Kur'an ga je opovrgao, kao što Uzvišeni kaže:

﴿ مَا أَنْخَذَ اللَّهُ مِنْ وَلَيٍّ وَمَا كَانَ مَعَهُ إِذَا لَذَّهَبَ كُلُّ إِلَهٍ بِمَا خَلَقَ وَلَعَلَّا بَعْضُهُمْ عَلَىٰ بَعْضٍ ﴾

„Allah nije uzeo Sebi sina, i s Njim nema drugog boga! Inače, svaki bi bog, s onim što je stvorio - radio što bi htio, i jedan drugog bi pobjeđivao.“ (El-Mu'minun, 91.)

Zato, razmisli o ovom svijetlom dokazu, sa ovim konciznim terminima, jer istinski Bog mora biti Stvoritelj koji djeluje i koji Svoje robu dostavlja korist i otklanja štetu od njega. Da sa Njim ima neki drugi bog, koji učestvuje u Njegovoј vlasti, i on bi stvarao i činio. Međutim, on nebi bio zadovoljan sa tim ortaštvom, nego bi želio nadvladati ortaka, zadobiti vlast i božanstvenost bez djela. Ako to nebi bio u mogućnosti učiniti, osamio bi se i otisao sa svojim stvorenjima, kao što se ovo svjetski vladari jedni od drugih odvoje kada jedan drugog ne mogu nadvladati. Zato je nužna jedna od tri stvari: da svaki bog ode sa onim što je stvorio i vlašću; ili da jedni druge nadvladaju; ili da budu savladani od jednog vladara koji sa njima postupa kako želi, a oni nemaju nikakvog udjela u tome, već tako samo on jedini biva bog, a ostali su, iz svakog aspekta, podređeni robovi.

Precizno uređenje ovog cijelog svijeta je jedan od najboljih dokaza da ga uređuje Jedan Bog, Jedan Vladar, Jedan Gospodar. Nema drugog boga za stvorenja mimo Njega, nemaju drugog gospodara mimo Njega, kao što na to ukazuje *argument međusobnog pobijanja* koji kaže da je Stvoritelj svijeta jedan. Nema drugog gospodara niti boga mimo Njega. To je *argument međusobnog pobijanja* u djelima i stvaranju, kao i u ibadetu i božanstvenosti. Kao što je nemoguće da svijet ima dva potpuno ista gospodara stvoritelja, isto tako je nemoguće da imaju dva boga koja se obožavaju. Znanje o postojanju dva istovjetna tvorca svijeta je samo po sebi nemoguće. To je duboko smješteno u ljudskoj prirodi i jasni razum ga opovrgava. Tako je opovrgнута božanstvenost dvojice. Časni ajet se u potpunosti slaže sa onim što je potvrđeno i duboko usađeno u prirodnim instinktima u pogledu vjerovanja u tevhidur-rububijje, a to ukazuje, potvrđuje i iziskuje tevhidul-uluhijje.

Blizu ovog značenja je i značenje ajeta u kome Uzvišeni kaže:

﴿لَوْ كَانَ فِيهَا إِلَهٌ إِلَّا اللَّهُ لَفَسَدَتَا﴾

„Da Zemljom i nebesima upravljuju drugi bogovi, a ne Allah, poremetili bi se.“ (El-Enbija', 22.)

Neki su pomislili da ovaj ajet predstavlja argument međusobnog pobijanja koji je prethodno spomenut, tj. da svijet ima dva stvoritelja itd. Međutim, zaboravili su na sadržaj ajeta. Uzvišeni je obavijestio „**Da Zemljom i nebesima upravljuju drugi bogovi**“, a nije rekao **gospodari**. Ovo se odnosi na period poslije postojanja nebesa i zemlje, tj. da na njima ima božanstava, a nebesa i zemlja su prisutni, iskvarili bi se.

Isto tako, rekao je: „...**Poremetili bi se**“. Ovaj nered dolazi poslije nastanka. Nije rekao: **Ne bi postojali**.

Ajet ukazuje da nije moguće da na nebesima i zemlji budu mnogobrojni bogovi, već je zapravo samo Jedan Bog i da nije moguće da ovaj Jedan Bog bude niko drugi do Allah, subhanehu ve te'ala. Nered na zemlji i nebesima bi nastao kada bi postojalo mnoštvo

božanstava na njima, pa čak i postojanje jednog božanstva mimo Allaha, jer neće biti skladni (Zemlja i nebesa) osim ako na njima bude jedan bog, a on je Allah, osim kojeg drugog nema. Da na svijetu postoje dva boga koja se obožavaju, čitav sistem bi se iskvario. Svijet opстоји на прavednosti, а на нjoj opstoje и nebesa i zemlja.

Apsolutno najveća nepravda je mnogoboštvo, a najveća pravda je tevhid.

Tevhidul-uluhijje obuhvata tevhidur-rububijje

Tevhidul-uluhijje obuhvata tevhidur-rububijje, a ne suprotno. Onaj ko ne može nešto stvoriti, nemoćan je, a nemoćan ne može biti bog. Uzvišeni kaže:

﴿إِنَّهُمْ لَا يَخْلُقُونَ مَا لَا يَخْلُقُ شَيْئًا وَهُمْ لَا يُخْلَقُونَ﴾

, „Zar da Njemu smatraju ravnim one koji ne mogu ništa stvoriti, i sami su stvoreni.“ (El-E'raf, 191.) I kaže:

﴿أَفَمَنْ يَخْلُقُ كَمَنْ لَا يَخْلُقُ أَفَلَا تَذَكَّرُوْنَ﴾

, „Pa da li je onda Onaj Koji stvara kao onaj koji ne stvara? Urazumite se!“ (En-Nahl, 17.) I kaže:

﴿قُلْ لَّوْ كَانَ مَعَهُ إِلَهٌ كَمَا يَقُولُونَ إِذَا لَا يَتَبَغُوا إِلَى ذِي الْعِزْمَةِ سَبِيلًا﴾

, „Reci: 'Da pored Njega postoje drugi bogovi, kao što oni govore, oni bi onda potražili put do Vlasnika Arša.'“ (El-Isra', 42.)

Učenjaci iz posljednjih generacija imaju dva mišljenja:

Prvo: Tražili bi način da ga nadvladaju;

Drugo, koje je ispravno preneseno od prethodnika, kao što su Katade i drugi, a samo Ibn-Džerir⁴² spominje to mišljenje: Tražili bi puta da Mu se približavaju, kao što Uzvišeni kaže:

﴿إِنَّ هَذِهِ تَذْكِرَةٌ فَمَنْ شَاءَ أَخْتَدَ إِلَى رَبِّهِ سَيِّلًا﴾

„Ovo je pouka, pa ko hoće držat će se puta koji Gospodaru njegovu vodi.“(El-Insan, 29.)

Ovo je zato što je On rekao: „**Da sa Njim ima bogova kao što govore.**“ Oni nisu rekli: Svijet ima dva stvoritelja, nego su mu pripisali božanstva koja su uzeli za zagovarače i pošrednike. Oni su rekli:

﴿مَا نَعْبُدُهُمْ إِلَّا لِيُقْرَبُونَا إِلَى اللَّهِ زُلْفَ﴾

„Mi ih obožavamo samo zato da bi nas što više Allahu približili.“(Ez-Zumer, 3.), za razliku od prvog ajeta.

Druga metoda pojašnjenja vrsta tevhida

Tevhid u koji su pozivali Allahovi poslanici i o kojem su objavljene knjige je dvovrstan: tevhid potvrde i spoznaje, te tevhid traženja i namjere.⁴³

Prvi (tevhid) označava potvrdu suštine bića Gospodara Uzvišenog, Njegovih svojstava, djela i imena. Njemu nije ništa od svega

⁴² On je imam, veliki učenjak, mudžtehid, Ebu-Dža'fer Muhammed b. Džerir b. Jezid et-Taber. Autor mnogih korisnih i velikih djela. Umro je 310. h.g.

⁴³ Ova podjela tevhida nije suprotna prethodno spomenutoj podjeli koja govori o trima vrstama tevhida, jer tevhid potvrde i spoznaje obuhvata tevhidur-rububije i tevhidul-esmai ve sifat i oba ova tevhida govore o Allahu, subhanahu ve te'ala, dok je tevhid traženja i namjere ustvari tevhidul-uluhijje, kako je to pojasnio šejhul-islam Ibn-Tejmijje i njegov učenik Ibn el-Kajjim, rahmetullahi alejhima. Pogledaj *Tejsir el-Aziz el-Hamid*, str. 33.

toga slično, kao što je obavijestio o Sebi i kao što je o tome obavijestio Allahov Poslanik, sallallahu alejhi ve sellem. Kur'an je o ovoj vrsti tevhida dao najlepše jezičke opise, kao na početku sure El-Hadid, Ta-ha, na kraju sure El-Hašr, na početku sure Es-Sedžde, Ali Imran, u cijeloj suri El-Ihlas i dr.

Drugi (tevhid) predstavlja tevhid traženja i namjere, poput sadržaja sure El-Kafirun:

﴿ قُلْ يَأَيُّهَا الْكَفِرُونَ ﴾

„*Reci: 'O vi nevjernici!'*“

﴿ قُلْ يَأَهْلَ الْكِتَبِ تَعَالَوْا إِلَى كَلِمَةٍ سَوَاءٌ يَبْيَنُنَا وَيَبْيَتُنَا ﴾

„*Reci: 'O sljedbenici Knjige, dođite da se okupimo oko riječi, i nama i vama zajedničke.'*“ (Ali Imran, 64.), početak sure Es-Sedžde, početak, sredina i kraj sure Junus, početak i kraj sure El-E'araf i većina sure El-En'am.

Većina kur'anskih sura sadržava obje vrste tevhida. Zapravo, svaka sura u Kur'anu ili obavještava o Allahu, Njegovim svojstvima i imenima, a to je znanstveni informativni tevhid, ili poziva u robovanje Njemu, Koji sudruga nema, i ostavljanje onoga što se obožava mimo Njega, a to je tevhid traženja i htijenja. Naredba, zabrana i obavezivanje pokornošću spada u prava i upotpunjene tevhida. Obavijest o počastima onih koji Mu izražavaju tevhid, ono što je uradio sa njima na dunjaluku i ono čime će ih počastiti na ahiretu je nagrada za tevhid. Obavijest o idolopoklonicima, o onome što je učinio sa njima na dunjaluku tako što ih je kaznio i patnja koja ih čeka na Budućem svijetu, je kazna za onoga koji izade iz propisa o tevhidu.

Cijeli Kur'an pojašnjava tevhid, njegova prava i nagradu. Pojašnjava stanje širka i mušrika i njihovu kaznu. Riječi „*Zahvala pripada Allahu, Gospodaru svjetova*“, su tevhid. „*Milostivom Samilosnom*“, su tevhid. „*Vladaru Sudnjeg dana*“ su tevhid.

„*Samo tebe obožavamo i samo od tebe pomoć tražimo*“ su tevhid. „*Uputi nas na pravi put*“ su tevhid koji obuhvata molbu za uputu na put sljedbenika tevhida. „*Onih kojima si dao Svoje blagodati, a ne na put na koje se srdžba izlila a ni zalatalih*“, tj. onih koji su napustili tevhid.

Uzvišeni Allah je za Sebe posvjedočio ovaj tevhid, posvjedočili su Mu meleki, vjerovjesnici i poslanici. On kaže:

لَمْ شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ قَاتِلًا بِالْقِسْطِ لَا إِلَهَ إِلَّا هُوَ الْعَزِيزُ الْحَكِيمُ ﴿١٨﴾ إِنَّ الَّذِينَ عِنْدَ اللَّهِ أَلْيَسْلَمُوا

„Allah svjedoči da nema drugog boga osim Njega, a i meleci i učeni, postupajući pravedno. Nema boga osim Njega, Silnog i Mudrog! Vjera je kod Allaha, doista, islam!“ (Ali Imran, 18-19.)

Ovaj časni ajet sadrži potvrdu suštine tevhida i odgovor svim zalatalim grupacijama. Sadrži najuzvišenije, najveće, najpravednije i najistinitije svjedočenje od Najboljeg Svjedoka za najbolje posvjedočeno.

Značenje šehadeta i njegovi stepeni

Izrazi ispravnih prethodnika o značenju *šehide* kruže oko propisa presude, proglaša, izraza, obavijesti. Sva ova mišljenja su ispravna i nema oprečnosti među njima. Svjedočenje podrazumijeva govor i informaciju svjedoka. Sadržava Njegov proglaš, obavijest i izraz.

Svjedočenje ima četiri stepena:

Prvi je znanje, spoznaja i uvjerenje u ispravnost i potvrdu onoga o čemu se izražava svjedočenje.

Dруги je govor o tome, iako drugi o njemu nisu obaviješteni, nego o njemu sam sebi govor, spominje ga, izgovara ili piše.

Treći je da obavijesti druge o onome što svjedoči i pojasni mu.

Četvrti je da ga obaveže sadržajem tog svjedočenja i da mu ga naredi. Allahovo svjedočenje Njegove vlastite Jednoće i izvršavanje pravednosti obuhvata ova četiri stepena, tj. Njegovo znanje o tome, Njegov govor, obavijest stvorenja o tome, naredbu i obavezivanje time.

Stepen znanja je nužno sadržan u svjedočenju, u suprotnom svjedok svjedoči o onome o čemu nema znanja. Uzvišeni kaže:

﴿ إِلَّا مَنْ شَهِدَ بِالْحَقِّ وَهُمْ يَعْلَمُونَ ﴾

„...moći će samo oni koji istinu priznaju, oni koji znaju.“ (Ez-Zuhraf, 86.)

Allahov Poslanik, sallallahu alejhi ve sellem, kaže: „O tome sličnom posvjedoči.“⁴⁴ Pokazao je na Sunce.

Za stepen govora i obavijesti Uzvišeni kaže:

﴿ وَجَعَلُوا الْمَلِئَكَةَ الَّذِينَ هُمْ عَبْدُ أَرْخَنِينَ إِنَّا أَشَهَدُوا خَلْقَهُمْ سَتَكَبَ شَهَدَتْهُمْ وَدُسْكُلُونَ ﴾

„Oni meleke koji su robovi Sve milosnog ženskinjem smatraju. Zar su oni prisustvovali stvaranju njihovu? Njihova će tvrdnja biti zapisana i oni će odgovarati!“ (Ez-Zuhraf, 19.)

Njihov postupak je uzeo kao svjedočenje, iako oni nisu izgovorili riječi svjedočenja i nisu ih proslijedili drugima.

Stepen obavijesti i proglaša obuhvata dvije vrste: obavijest putem govora i obavijest putem djela. Tako se svaki onaj koji obavještava drugoga, čini to nekada putem obavijesti i proglašenja.

⁴⁴ El-Hakim, 4/98; El-Bejheki, 10/156. Hadis je slab (daif), a navodi ga Hafiz Ibn-Hadžer u djelu *Bulugul-meram*. Rekao je: „Navodi ga Ibn-Adij sa slabim lancem prenosilaca. El-Hakim ga je ocjenio vjerodostojnjim, ali je pogriješio.“ Naveo sam ga u *Irvaul-galil*, br. 2668.

nosi govorom, a nekada putem djela. Zato, onaj ko svoju kuću preinači u džamiju, otvori njena vrata, napravi prolaz do puta i dozvoli ljudima da ulaze i klanjaju u njoj, javno je iznio proglašenje da je to vakuf (zadužbina), pa makar to ne izgovorio. Isto tako, onaj ko se drugome približava unoseći mu radost, javno mu govori da ga voli, pa makar to ne izgovorio, i obratno. To se odnosi i na Allahu svjedočenje, pojašnjenje i proglašenje. Nekada biva govorom, a nekada djelom. Govor je ono sa čime je poslao poslanike i o čemu je objavio Svoje knjige. Pojašnjenje i proglašenje djelom je, kako kaže Ibn-Kejsan⁴⁵: „Allah Uzvišeni je Svojim zadivljujućim uređenjem i čvrstim činjenicama posvjedočio pred Svojim stvorenjima da nema drugog boga osim Njega.“⁴⁶

Pjesnik je rekao:

*U svemu On ima dokaz
Koji ukazuje da je On Jeden*

Da svjedočenje može biti putem djela ukazuju nam riječi Uzvišenog:

﴿مَا كَانَ لِلْمُشْرِكِينَ أَنْ يَعْمَرُوا مَسَاجِدَ اللَّهِ شَهِيدِينَ عَلَىٰ أَنفُسِهِمْ بِالْكُفْرِ﴾

„Mnogobrošci nisu dostojni Allahove džamiye održavati kad sami priznaju da su nevjerunci.“ (Et-Tevbe, 17.)

Ovo je njihovo svjedočenje protiv samih njih putem onoga što čine. Ovim se želi reći da Uzvišeni svjedoči putem stvorenih dokaza koje je postavio da ukazuju na Njega. Njihova argumentacija biva isključivo putem Njegovog stvaranja i uređenja.

Stepen naređivanja i obavezivanja ne nalaže se samim svjedočenjem. Međutim, svjedočenje na ovom mjestu ukazuje i sadržava ga.

⁴⁵ On je Ebu-Hasan Muhammed b. Ahmed b. Kejsan el-Bagdadi. Autor mnogih djela iz gramatike i značenja kur'anskih riječi. Ebu-Bekr b. Mudžahid je tvrdio za njega da je učeniji od Sa'leba i Mibreda. Umro je 299. h.g.

⁴⁶ Ibnul-Dževzi u *Zadul- mesir*, 1/362.

Uzvišeni je to posvjedočio svjedočenjem kojim je presudio, odredio, naredio i obavezao ljude njime. On kaže:

﴿ وَقَضَى رَبُّكَ أَلَا تَعْبُدُوا إِلَّا إِنِّي أَهُ... ﴾

„Gospodar tvoj zapovijeda da samo Njemu robujete...“ (El-Isra', 23.) I kaže:

﴿ لَا تَسْخِدُوا إِلَهَيْنِ آثَرَيْنِ... ﴾

„Dvojici bogova ne klanjajte se...“ (En-Nahl, 51.) I kaže:

﴿ وَمَا أَمْرُوا إِلَّا لِيَعْبُدُوا اللَّهَ مُخْلِصِينَ لَهُ الَّذِينَ... ﴾

„A naređeno im je da samo Allaha obožavaju, da Mu iskreno, kao pravovjerni, vjeru isповиједају...“ (El-Bejjine, 5.)

﴿ وَمَا أَمْرُوا إِلَّا لِيَعْبُدُوا إِلَهًا وَاحِدًا... ﴾

„A naređeno im je da samo jednom Bogu ibadet čine...“ (Et-Tevbe, 31.)

﴿ لَا تَجْعَلْ مَعَ اللَّهِ إِلَهًا إِلَهًا أَخْرَى... ﴾

„Ne stavljaj uz Allaha nekog drugog boga...“ (El-Isra', 22, 39.)

﴿ وَلَا تَدْعُ مَعَ اللَّهِ إِلَهًا إِلَهًا أَخْرَى... ﴾

„I ne klanjam se, pored Allaha, drugom bogu...“ (El-Kasas, 88.)

Čitav Kur'an o tome svjedoči.

Način na koji Uzvišeni obavezuje tim svjedočenjem je sljedeći: Kada je posvjedočio da nema drugog boga osim Njega, obavijestio je, pojasnio, donio proglaš, presudio i odredio da sve što je mimo Njega nije božanstvo, tj. božanstvenost svih drugih mimo Njega je neispravna. Drugi pored Njega ne zaslužuju robovanje, kao što božanstvenost drugih mimo Njega nije ispravna. Ova činjenica na-

laže da se On Jedini uzme kao bog i zabranjuje da se drugi mimo Njega uzimaju za bogove. Onaj kome se obraća sasvim jasno shvata ovu poruku iz negacije i potvrde. Kao npr. da vidiš čovjeka koji od drugoga traži fetvu, svjedočenje ili liječenje, a on nije sposoban za to i prepusti ga onome koji je u tome stručan, pa mu ti kažeš: „Ovaj nije muftija, ne može biti svjedok ili ljekar. Muftija je taj i taj, svjedok je taj i taj, ljekar je taj i taj.“ Ovo predstavlja njegovu naredbu i zabranu.

Također, ajet ukazuje da On Jedini zaslužuje robovanje. Kada je već o tome obavijestio, ta obavijest obuhvata naredbu i obavezivanje ljudi da izvršavaju ono što njihovom Gospodaru pripada. Izvršavanje tih dužnosti je čisto Njegovo pravo nad njima.

Također, termini presuda i odredba se koriste za informisanje. Za rečenicu koja u sebi nosi informaciju se kaže presuda ili propis, tj. u njoj je određeno to i to. Kao što Uzvišeni kaže:

﴿ أَلَا إِنَّمَا مِنْ إِفْكَهُمْ مَا يَقُولُونَ ﴾ ﴿ وَلَدَ اللَّهُ مَا لَيْهُمْ لَكَذِبُونَ ﴾ ﴿ أَصْطَفَنِي الَّذِينَ عَلَىٰ الْبَيْنَ مَا لَكُمْ كَيْفَ تَحْكُمُونَ ﴾ ﴿

„Eto, oni, zbog toga što lažu, doista govore: 'Allah je rodio' - oni su, zaista, lažljivci. Zar je On kćeri sinovima prepostavio? Šta vam je, kako rasuđujete?!” (Es-Saffat, 151-154.)

Samo ovo obavještenje je načinio presudom, kao što kaže:

﴿ أَفَنَجِعَلُ الْمُسَلِّمِينَ كَالْجُرَمِينَ ﴾ ﴿ مَا لَكُمْ كَيْفَ تَحْكُمُونَ ﴾ ﴿

„Zar ćemo muslimane sa zločincima izjednačiti?! Šta vam je, kako rasuđujete?” (El-Kalem, 35-36.)

Međutim, ova presuda nije obavezujuća. Presuda i odredba da nema drugog boga osim Njega podrazumijeva obavezivanje. Da se misli na isključivo svjedočenje, ne bi bili u mogućnosti da spoznaju to svjedočenje i ne bi se njime okoristili, kao što to ne bi ni bio dokaz protiv njih. Ovo svjedočenje podrazumijeva pojašnjenje, upoznavanje ljudi sa onim što je Uzvišeni posvjedočio. Kada čovjek

poznaće svjedočenje, ali ga skriva, njime se niko neće okoristiti, a njegova se argumentacija ne može uzeti. Pošto od takvog svjedočenja nema koristi osim da se pojasni, Uzvišeni ga je pojasnio na najjasniji način i to putem tri sredstva: sluha, vida i razuma.

Sluh: Putem slušanja Njegovih jasnih citiranih ajeta saznali smo sva Njegova svojstva savršenstva, Njegovu Jednoću i drugo, uz najbolji oblik pojašnjenja, a ne kao što tvrde džehmije, i dio mu'tezila koji se sa njima slažu i oni koji pobijaju neka svojstva, zagovarajući različita tumačenja Allahovim svojstavima koja odvode u zbumjenost i koja su u oprečnosti sa pojašnjnjem kojeg je Allah predstavio u Svojoj Knjizi, a i Njegov plemeniti Poslanik, sallallahu alejhi ve sellem. Uzvišeni kaže:

﴿ حَمٌ ﴿ وَالْكِتَبُ الْمُبِينُ ﴾

,,Ha-mim. Tako Mi Knjige jasne.“ (Ez-Zuhraf, 1-2.)

﴿ إِنَّ تِلْكَءَ آيَاتُ الْكِتَبِ الْمُبِينِ ﴾

,,Elif-lam-ra. Ovo su ajeti Knjige jasne!“ (Jusuf, 1.)

﴿ إِنَّ تِلْكَءَ آيَاتُ الْكِتَبِ وَقُرْءَانٌ مُبِينٌ ﴾

,,Elif-lam-ra. Ovo su ajeti Knjige, Kur'ana jasnog!“ (El-Hidžr, 1.)

﴿ هَذَا بَيَانٌ لِلنَّاسِ وَهُدًى وَمَوْعِظَةٌ لِلْمُتَّقِينَ ﴾

,,To je objašnjenje ljudima, i putokaz i pouka za one koji se Allaha boje!“ (Ali Imran, 138.)

﴿ ...أَنَّمَا عَلَى رَسُولِنَا الْبَلْغُ الْمُبِينُ ﴾

,,...na Našem Poslaniku je samo jasna obznanja!“ (El-Maide, 92.)

﴿فَإِنَّمَا عَلَى رَسُولِنَا الْبَلَاغُ الْمُبِينُ﴾

„...pa na Našem Poslaniku je samo jasna obznana!“
(Et-Tegabun, 12.)

﴿وَأَنَّزَنَا إِلَيْكَ الْذِكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ﴾

„A tebi objavljujemo Kur'an, da bi objasnio ljudima ono što im se objavljuje, i da bi oni razmislili.“ (En-Nahl, 44.)

Isto tako, Sunnet pojašnjava ili potvrđuje ono na što ukazuje Kur'an. Zato nas naš Gospodar nije učinio ovisnima o mišljenju nekog čovjeka, njegovom ukusu i užitku u pitanjima naše vjere. Zato ćemo naći one koji se suprotstavljaju Kur'anu i Sunnetu kako se razilaze i kako su zbumjeni. Uzvišeni kaže:

﴿آتَيْوْمَ أَكْمَلْتُ لَكُمْ دِينَكُمْ وَأَنْتُمْ عَلَيْكُمْ بِغَمْتَ وَرَضِيَتُ لَكُمُ الْإِسْلَامُ دِيَنًا﴾

„Danas sam vam vjeru vašu usavršio i blagodat Svoju prema vama upotpunio i zadovoljan sam da vam islam bude vjera.“ (El-Maide, 3.)

Stoga, nema potrebe da se vjera upotpunjava nečim što je izvan Kur'ana i Sunneta. Na ovo značenje aludira šejh Ebu-Džafer et-Ta-havi u svojim navodima kada kaže: „U to ne ulazimo tumačeći putem naših mišljenja, niti iznoseći iluzije putem naših strasti, jer u vjeri neće biti ispravan osim onaj ko se preda Allahu, azze ve dželle, i Njegovom Poslaniku, sallallahu alejhi ve sellem.“

Njegovi očevidni dokazi stvaranja, promatranje i argumentiranje putem njih, ukazuju na ono na što ukazuju Njegovi dokazi koji se izražavaju putem govora ili se slušaju. Razum objedinjuje oboje i donosi kategorički sud o ispravnosti onoga sa čime su došli poslanici. Tako se u potpunosti slažu svjedočenje sluha, vida, razuma i prirodne urođenosti.

Dokazi vjerovjesnika

Uzvišeni zbog svoje savršene pravednosti, milosti, dobrostivosti, mudrosti, ljubavi da opršta i podizanja dokaza, nije poslao ni jednog vjerovjesnika, a da sa njim nije bio dokaz o istinitosti onoga o čemu donosi obavijest. Uzvišeni kaže:

﴿لَقَدْ أَرْسَلْنَا رُسُلًا بِالْبَيِّنَاتِ وَأَنْزَلْنَا مَعَهُمْ آتِكَتَبَ وَالْمِيرَاثَ لِيَقُومُ النَّاسُ بِالْفِسْطِيرِ...﴾

„Mi smo izaslanike Naše s jasnim dokazima slali i po njima knjige i pravdu slali, da bi ljudi pravedno postupali...“ (El-Hadid, 25.) Uzvišeni kaže:

﴿وَمَا أَرْسَلْنَا مِنْ قَبْلِكَ إِلَّا رِجَالًا نُوحِي إِلَيْهِمْ فَسَعَوْا أَهْلَ الْذِكْرِ إِنْ كُنْتُمْ لَا تَعْلَمُونَ بِالْبَيِّنَاتِ وَالْأَزْبَرِ...﴾

„Mi smo i prije tebe samo ljudi kao poslanike slali i objavljivali im - pitajte sljedbenike Knjige ako ne znate - jasne dokaze i knjige...“ (En-Nahl, 43-44.) I kaže:

﴿قُلْ قَدْ جَاءَكُمْ رُسُلٌ مِنْ قَبْلِي بِالْبَيِّنَاتِ وَبِالَّذِي قُلْتُمْ...﴾

„Reci: 'I prije mene su vam poslanici s jasnim dokazima dolazili, a i s tim o čemu govorite...'“ (Ali Imran, 183.)

Uzvišeni kaže:

﴿فَإِنْ كَذَّبُوكَ فَقَدْ كَذَّبَ رُسُلٌ مِنْ قَبْلِكَ جَاءُوا بِالْبَيِّنَاتِ وَأَنْزَلُوا وَالْكِتَابِ الْمُبِينِ...﴾

„A ako te budu lašcem smatrali, pa i prije tebe su lašcima smatrani poslanici koji su Jasne dokaze i spise i Knjigu svjetilju donosili!“ (Ali Imran, 184.)

﴿الَّهُ الَّذِي أَنْزَلَ الْكِتَابَ بِالْحَقِّ وَالْمِيزَانَ﴾

„Allah je Onaj Koji je Knjigu s istinom i mjerilom objavio!“
(Eš-Šura, 17.)

Čak su najskriveniji od svih dokaza poslanika bili Hudovi dokazi. Njegov narod mu je rekao: „Hudu, ti nisi došao s dokazom!“ I pored toga što je njegov dokaz bio najjasniji onome koga Allah uputi da o njemu porazmisli. Uzvišeni na to ukazuje rijećima:

﴿ إِنَّ أَشْهُدُ اللَّهَ وَأَشْهَدُوا أَنِّي بَرِيءٌ مِمَّا تُنَزِّلُونَ ﴾ ﴿ مِنْ دُونِهِ فَكِيدُونِي حَمِيعًا لَا تُظْهِرُونِ ﴾ إِنِّي تَوَكَّلُ عَلَى اللَّهِ رَبِّي وَرَبِّكُمْ مَا مِنْ ذَاكِرٍ إِلَّا هُوَ أَحَدٌ بِنَاصِيَتِهِ إِنَّ رَبِّي عَلَى حِرَاطٍ مُّسْتَقِيمٍ ﴾

„Ja pozivam Allaha za svjedoka, a i vi posvjedočite da ja nemam ništa s tim što vi druge Njemu ravnim smatrati. Ja se uzdam u Allaha, u moga i vašeg Gospodara. Nema nijednog živog bića koje nije u vlasti Njegovoj. Gospodar moj zaista postupa pravedno.“ (Hud, 54-56.)

Ovo je jedan od najvećih dokaza. Jedan čovjek se obraća čitavome narodu ovom porukom bez očaja, straha ili bojažljivosti. Zapravo, on je pouzdan i kategoričan u onome što govori. Prvo je pozvao Allaha, azze ve dželle, kao svjedoka da je čist od njihove vjere i onoga na čemu su oni. To prizivanje svjedočenja je pouzdano i na njega se oslanja. On svome narodu daje proglašenje da mu je On zaštitnik, pomagač i da On neće dozvoliti da ga oni nadvladaju. Zatim je od njih zatražio da javno posvjedoče njegovo odricanje od njihove vjere i njihovih božanstava koja su prihvatali, radi kojih se bore i žrtvuju svoje živote i imetke u ispomoći njima. To im je potom potvrdio prijezirom i izrugivanjem njihovih božanstava, makar se svi iskupili da mu naprave spletke i da mu učine zlo, zatim to požure učiniti bez imalo odgađanja i ne bi mogli učiniti osim ono što im je Allah propisao. Potom je, na najbolji način, potvrdio njihov poziv pojasnivši da je njegov i njihov Gospodar Koji ih sve održava. On je njegov Upravitelj i Zaštitnik Koji ga pomaže. Pojasnio je da je na pravom putu. Neće biti ostavljen na cjedilu onaj ko

se na Allaha osloni, niti će biti dozvoljeno njegovim neprijateljima da mu se podsmijavaju.

Ima li boljih dokaza do dokaza vjerovjesnika? To je svjedočenje Uzvišenog Allaha Koji je Svojim robovima dao pojašnjenja na najbolji način.

Jedno od Allahovih imena je *El-Mu'min*, a prema jednom od tumačenja znači: Onaj koji potvrđuje istinoljubivost iskrenih tako što im pokazuje dokaze njihove iskrenosti. Zato je neophodno da ljudi vide dokaze na svemirskim prostranstvima, a i u samim sebi, koji im pojašnjavaju da je objava koju su Njegovi poslanici dostavljali istina. Uzvišeni kaže:

﴿سَرِّهُمْ أَيْتَنَا فِي الْأَفَاقِ وَفِي أَنْفُسِهِمْ حَتَّىٰ يَتَبَيَّنَ لَهُمْ أَنَّهُ أَحَقُّ﴾

„*Mi ćemo im pružiti dokaze Naše u krajevima (Zemlje), a i u njima samim, dok im ne bude sasvim jasno da je on istina.*“ (Fussilet, 53.), tj. da je Kur'an istina. O njemu se govori u sljedećem ajetu:

﴿قُلْ أَرَأَيْتُمْ إِنْ كَانَ مِنْ عِنْدِ اللَّهِ...﴾

„*Reci: 'Šta mislite, ako je Kur'an od Allaha... ?*“ (Fussilet, 52.) Potom Uzvišeni kaže:

﴿أَوْلَمْ يَكْفِ بِرَبِّكَ أَنَّهُ عَلَىٰ كُلِّ شَيْءٍ شَهِيدٌ﴾

„*A zar nije dovoljno to što je Gospodar tvoj o svemu obavijesten?*“ (Fussilet, 53.)

Uzvišeni je posvjedočio Poslaniku, sallallahu alejhi ve sellem, Svojim riječima da je ono sa čime je došao istina i obećao da će ljudima pokazati dokaze stvaranja koji su, također, svjedočenja. Potom je spomenuo ono što je veće i uzvišenije od svega, a to je Njegovo svjedočenje da je On svemu Svjedok.

Jedno od Njegovih lijepih imena je *El-Šebid*, tj. Onaj kome nije ništa skriveno niti Mu išta može umaći. Zapravo, On sve nadzire i

gleda i podrobno sve poznaje. Ovo je argumentacija Njegovim imenima i svojstvima. Prvo je argumentacija Njegovim govorom i riječima, a argumentacija dokazima u kosmosu i samim ljudima je argumentacija djelima i stvorenjima.

Možda se pitaš: Kako se može argumentirati Njegovim imenima i svojstvima, kad takva argumentacija nije sadržana u samoj terminologiji?

Odgovor je: Uzvišeni Allah je u prirodnost čovjeka, koja se nije zaprljala negiranjem i opovrgavanjem, a ni poistovjećivanjem i uspoređivanjem, ugradio osjećaj da je On Uzvišeni, Potpun i Savršen po Svojim imenima i svojstvima. Njemu pripadaju epiteti kojima se opisao i kojima su Ga opisali poslanici. Ono što je stvorenjima skriveno od Njegovog savršenstva je daleko veće od onoga što oni znaju. Njegovo sveto savršenstvo podrazumijeva i svjedočenje da je On svemu Svjedok i da sve nadgleda, tako da Mu ne može izmaći nijedan atom na nebesima i zemlji, bio on vidljiv ili skriven, pa da li pristaje da ljudi Onome koji ima ovakve osobine pripisuju druge, da obožavaju druge mimo Njega ili da uz Njega izmisle drugoga boga? Kako Njegovom savršenstvu može pristajati da dadne odobrenje onima koji na Njega iznose najviše laži i koji o Njemu donose obavijesti koje nisu u skladu sa stvarnim činjenicama, pa da ih kasnije u tome pomogne, podigne njihov stepen, oda-zove se njihovoj molbi i uništi njihovog neprijatelja? U Njegovoj vjeri su Njegovi dokazi i argumenti toliko očevidni da sve ljudske snage bivaju nemoćne pred njima, a opet ljudi i pored toga iznose laži.

Poznato je da Njegovo svjedočenje za svaku stvar, Njegova moć, mudrost, ponos i sveto savršenstvo to odbacuju. Onaj ko to smatra dopustivim, najudaljniji je od spoznaje Uzvišenog.

Kur'an je ispunjen ovim pravcem, a to je pravac odabranih ljudi. Oni Allaha, azze ve dželle, uzimaju kao argument za Njegova djela i ono čega je On dostojan da učini, a i ne učini ga, kao što kaže:

﴿ وَلَا تَقُولَ عَلَيْنَا بَعْضَ الْأَقَاوِيلِ ﴾ لَا حَذَّنَا مِنْهُ بِالْيَمِينِ ﴿ ثُمَّ لَقَطَعْنَا مِنْهُ الْوَتِينَ فَمَا يَنْكِرُ مِنْ أَحَدٍ عَنْهُ حَجَزِنَ ﴾ ﴿ ٤٧﴾

„A da je on o Nama kojekakve riječi iznosio, Mi bismo ga desnicom kaznili, a onda mu žilu kucavicu presjekli, i niko ga između vas ne bi mogao od toga odbraniti.“ (El-Hakkah, 44-47.)

Nešto kasnije čemo ovo više pojasniti, inšallah.

Njegova imena i svojstva se uzimaju kao argument za Njegovu jednoću i neispravnost mnogoboštva. Uzvišeni kaže:

﴿ هُوَ اللَّهُ الَّذِي لَا إِلَهَ إِلَّا هُوَ الْمَلِكُ الْقَدُوسُ الْسَّلَمُ الْمُؤْمِنُ الْمُهَمِّمُ الْعَزِيزُ الْجَبَارُ الْمُتَكَبِّرُ سُبْحَنَ اللَّهِ عَمَّا يُشَرِّكُونَ ﴾ ﴿ ٢٣﴾

„On je Allah, nema drugog boga osim Njega, Vladar, Sveti, Onaj Koji je bez nedostataka, Onaj Koji svakog osigurava, Onaj Koji nad svim bdi, Silni, Uzvišeni, Gordi, Slavljen neka je Allah, On je vrlo visoko iznad onih koje smatraju Njemu ravnim!“ (El-Hašr, 23.)

Ovakvi primjeri u Kur'anu su mnogobrojni. Malo je onih koji idu ovim pravcem. Na njega su upućeni samo odabranii. Pravac većine ljudi se ogleda u argumentaciji vidljivim dokazima, jer se lakše i opširnije mogu tretirati. Uzvišeni Allah daje prednost nekim Svojim stvorenijima nad drugima.

U Kur'anu je objedinjeno ono što nije objedinjeno u drugim knjigama. Kur'an je ujedno dokaz, a i onaj o kome se dokazi iznose, kao što je i svjedok, a i onaj o kome se svjedočenje iznosi. Uzvišeni onome koji traži dokaz, koji ukazuje na istinitost Njegovog Poslanika, sallallahu alejhi ve sellem, kaže:

﴿ أَوْلَئِنَّا يَنْكِفِهُمْ أَنَّا أَنْزَلْنَا عَلَيْكَ الْكِتَابَ يُتَبَّعِي عَلَيْهِمْ إِنَّ فِي ذَلِكَ لَرَحْمَةً وَذُكْرَى لِقَوْمٍ يُؤْمِنُونَ ﴾ ﴿ ٤٨﴾

„*A zar im nije dosta to što Mi tebi objavljujemo Knjigu koja im se kazuje: u njoj je, doista, milost i pouka narodu koji vjeruje.*“ (El-Ankebut, 51.)

Najpotpuniji tevhid

Zna se da je tevhidul-uluhijje tevhid sa kojim nici i o kojem su objavljene knjige, kao što je prethodno naznaka. Zato se ne treba osvrtati na govor onih koji su podijelili na tri vrste, rekavši da postoji *tevhid običnih ljudi*, a onda *tevhid odabranih ljudi* koji je potvrđen stvarnim činjenicama i treći tevhid koji opстоji još iz praiskona, a on je *tevhid posebno odabranih ljudi*.

Najpotpuniji je tevhid vjerovjesnika, a poslanici su u pogledu tevhida još potpuniji, a najpotpuniji su Ulul-azm (odlučni poslanici), a oni su: Nuh, Ibrahim, Musa, Isa i Muhammed, alejhimas-selam. Još potpuniji od svih njih su dva Allahova prisna prijatelja Muhammed i Ibrahim, alejhimas-selam. Oni su imali tevhid kojeg kod drugih nije bilo, po znanju, spoznaji, stanjima, pozivu stvorenenja i džihadu. Nema potpunijeg tevhida od onog kojeg su uspostavili poslanici, kojem su pozivali i borili se radi njega protiv drugih naroda. Zato je Uzvišeni naredio Svome Vjerovjesniku, sallallahu alejhi ve sellem, da za njima pristane u pogledu tevhida, kao što je Uzvišeni poslije spomena rasprave Ibrahima sa njegovim narodom o neispravnosti širka i ispravnosti tevhida spomenuo vjerovjesnike iz njegovog potomstva.

﴿أُولَئِكَ الَّذِينَ هَدَى اللَّهُ فِيهِدَنُهُمْ أَفَتَدِهُمْ﴾

„*Njih je Allah uputio, zato slijedi njihov pravi put.*“ (El-En'am, 90.)

Zato, niko nije potpunijeg tevhida od onih za koje je Allahovom Poslaniku, sallallahu alejhi ve sellem, naređeno da ih slijedi.

Poslanik, sallallahu alejhi ve sellem, bi svoje ashabe podučavao da kada se probude kažu:

أصبحنا على فطرة الاسلام و كلمة الاخلاص و دين نبئتنا محمد و ملة أبيينا ابراهيم حنيفا مسلما و ما كان من المشركين

„Osvanuli smo u prirodnosti islama, na riječi iskrenosti, vjeri našega vjero-vjesnika Muhammeda i vjeri našega praoca Ibrahima, pravovjernog muslimana, koji nije bio idolopoklonik.“⁴⁷

Milletu Ibrahim označava tevhid, a *dinu Muhammed* označava ono sa čime je on došao od Allaha - od riječi, djela i uvjerenja.

Kelimetul-iblas su riječ iskrenosti i predstavljaju svjedočenje da nema drugog boga osim Allaha.

Fitretul-islam je prirodna urođenost u islamu i predstavlja prirodnost u kojoj je Allah stvorio ljude da Ga vole i da Njemu jedino robuju ne pripisujući Mu druga, te da Mu u tom robovanju budu u potpunosti predani, ponizni, pokorni i da Mu se vraćaju. Ovo je tevhid posebno odabranih, a onaj ko ga ostavi biva najneuračunljiviji čovjek. Uzvišeni kaže:

﴿ وَمَنْ يَرْغِبُ عَنْ مَلَأِ إِبْرَاهِيمَ إِلَّا مَنْ سَفِهَ نَفْسَهُ وَلَقَدْ أَصْطَفَيْتَهُ فِي الدُّنْيَا وَإِنَّهُ فِي الآخِرَةِ لَمِنَ الظَّالِمِينَ ﴾ إِذْ قَالَ لَهُ رَبُّهُ أَسْلِمْ قَالَ أَسْلَمْتُ لِرَبِّ الْعَالَمِينَ ﴾

„Ko drugi vjeru Ibrahimovu izbjegava do onaj koji ne drži do sebe! Mi smo njega na ovome svijetu odabrali, pa će on i na drugom svijetu biti među dobrima. Kada je njemu Gospodar

⁴⁷ Sahih, prenosi ga Abdullah b. Ahmed u djelu *Zavaidul-musnedi*, 5/123; od Abdur-Rahmana b. Ebzaa, a on od Ubejja b. Ka'ba koji je rekao: „Allahov Poslanik, sallallahu alejhi ve sellem, nas je podučavao kada osvanemo da kažemo: 'Osvanuli smo u prirodnoj urođenosti islama...'“ Na kraju kaže: „A kada omrknemo, da kažemo isto.“ Međutim, lanac prenosilaca je slab, ali ga prenose Ahmed, 3/406-407; Ed-Darimi, 2/292; Ibn es-Sunni u djelu *El-Jevm vel-lejle*, br. 32; sa dva druga lanca prenosilaca od Abdur-Rahmana b. Ebzaa koji je rekao: „Vjerovjesnik, sallallahu alejhi ve sellem, kada bi osvanuo rekao bi...“ Potom je spomenuo hadis, a ovaj lanac prenosilaca je sahih.

njegov rekao: 'Predan budi!, On je odgovorio: 'Ja sam predan Gospodaru svjetova.'“(El-Bekare, 131-132.)

Ko god ima ispravne osjećaje i razum, putem kojeg raspoznae istinu od neistine, nema nikakve potrebe za izmišljotinama sljedbenika kelama i rasprava, njihovim terminima i pravcima. Zapravo, ako bude tragao, može zapasti u sumnje koje će ga zbuniti i odvesti u zabludu. Tevhid je koristan samo onda kada je srce onoga ko ga zastupa čisto od toga. To je ispravno srce bez kojeg neće uspjeti onaj koji dođe pred Allaha. Nema sumnje da druga i treća vrsta tevhida, za koje kažu da su tevhid odabranih i tevhid posebno odabranih, završavaju u stapanju s Bogom (*fena*), a to zastupa većina sufija. Ovo je veoma opasan put koji vodi u panteizam (vahdetul-vudžud). Pogledaj stihove šejhul-islama Ebu-Ismaila el-Ensarija, Allah mu se smilovao, koji kaže:

*Jednoču Jedinoga nije izrazio onaj ko se na nju poziva
Svako ko Mu jednoču izražava negira ga
Izražavanje jednoče od strane onoga ko govori o Njegovim epitetima
Oporgnuto je od strane Jedinoga
Njegovo izražavanje jednoče je Njegova jednoča
A onaj ko Mu daje epite, žalutao je*

Iako pjesnik ovim nije htio aludirati na vahdetul-vudžud, spomenuo je općenite termine kojima je sebi privukao panteiste. Kada bi određeni panteista ovo pročitao, zakleo bi se najvećom zakletvom da pjesnik zastupa njegovo mišljenje panteizma. Preče bi bilo da je upotrijebio šerijatske termine koji su sasvim jasni. Da su značenja koja iznose potrebna, Uzvišeni Zakonodavac bi skrenuo pažnju na njih, pojasnio ih i pozivao ljude njima.

Pokuđenost pretjerivanja u vjeri

Obaveza Allahovog Poslanika, sallallahu alejhi ve sellem, je da jasno dostavi. Gdje je to Poslanik, sallallahu alejhi ve sellem, rekao: ovo je tevhid običnih ljudi, ovo odabranih, a ovo posebno odabra-

nih ili nešto slično ovome značenju?! Gdje je aludirao na ovakve predaje i razmišljanja?! Tu su Allahov govor objavljen Njegovom Poslaniku, sallallahu alejhi ve sellem, a i Sunnet Allahovog Poslanika, sallallahu alejhi ve sellem. Tu je i govor najboljih generacija poslije Poslanika, sallallahu alejhi ve sellem, imama predvodnika, onih koji su spoznali Allaha. Da li se igdje kod njih spominje utapanje ili ovakva podjela tevhida?! Sve ovo se desilo zbog pretjerivanja u vjeri koje je veoma slično pretjerivanju haridžija, ili pretjerivanju kršćana u njihovoј vjeri. Uzvišeni je pokudio pretjerivanje u vjeri i zabranio ga. On kaže:

﴿يَأَهْلَ الْكِتَابِ لَا تَغُلوْ فِي دِينِكُمْ وَلَا تَقُولُوا عَلَى اللَّهِ إِلَّا الْحَقُّ﴾

„O sljedbenici Knjige, ne zastranjujte u svom vjerovanju i o Allahu govorite samo istinu!“ (En-Nisa', 171.)

﴿فَلَن يَأْهِلَ الْكِتَابِ لَا تَغُلوْ فِي دِينِكُمْ غَيْرَ الْحَقِّ وَلَا تَتَبَعُوا أَهْوَاءَ قَوْمٍ قَدْ ضَلُّوا مِنْ قَبْلٍ وَأَضَلُّوا كَثِيرًا وَضَلُّوا عَنْ سَوَاءِ الْكِبِيلِ﴾

„Reci: 'O sljedbenici Knjige, ne zastranjujte u vjerovanju svoje, suprotno istini, i ne povodite se za prohtjevima ljudi koji su još davno zalutali, i mnoge u zabludu odveli, i sami s pravoga puta skrenuli!'“ (El-Maide, 77.)

Poslanik, sallallahu alejhi ve sellem, kaže: „Nemojte biti žestoki, pa da i Allah prema vama bude žestok. Oni koji su bili prije vas, bili su žestoki, pa je Allah prema njima bio žestok. Eto njihovih ostataka u sinagogama i manastirima. Oni su monaštvo izumili, a Mi im ga nismo propisali.“⁴⁸

⁴⁸ Ebu-Davud, 4904; U predaji je Seid b. Abdur-Rahman b. Ebi el-Amja. Niko ga nije proglašio pouzdanim osim Ibn-Hibbana. Od njega prenose samo dvojica. Ja sam ga naveo u djelu *Ed-Daife*, 3468.

Potvrda svojstava i replika negatorima istih

Autor kaže: „**Njemu nije ništa slično.**“

Sljedbenici Sunneta su složni da Allahu nije ništa slično, ni po Njegovom Biću, ni po osobinama, ni po djelima. Međutim, termin poistovjećivanja (antropomorfizam) je kod ljudi postao općenit i s njime se želi ispravno značenje, a to se odnosi na ono što je Kur'an negirao i na što ukazuje ispravan razum. Specifičnostima Gospodara Uzvišenog ne može biti opisano nijedno stvorenje. Nije Mu po Njegovim osobinama slično nijedno stvorenje.

﴿لَيْسَ كَمِثْلِهِ شَيْءٌ﴾

„**Njemu ništa nije slično!**“ (Eš-Šura, 11.) Ovo je odgovor onima koji Ga poistovjećuju sa stvorenjima, a riječi:

﴿وَهُوَ السَّمِيعُ الْبَصِيرُ﴾

„**On sve čuje i sve vidi**“ - su odgovor onima koji negiraju i opovrgavaju Njegova svojstva. Onaj ko osobine Stvoritelja poistovjeti sa osobinama stvorenja, postao je isključiv i izložen je pokudi. Ko osobine stvorenja poistovjeti sa osobinama Stvoritelja, poput kršćanina je u svome nevjerstvu. Isključivanje svojstava znači da se Allahu ne potvrđuju nikakava svojstva. Tako ne treba reći da On ima moć, a nema znanje i život, jer su to atributi ljudi! Iz ovoga mišljenja neminovno proizilazi da se za Njega ne može reći da je Živi, Sveznajući, Moćni, jer i čovjek može imati ove epitetete. Isto se odnosi na Njegov sluh i vid, htijenje i drugo. Oni se slažu sa sljedbenicima Sunneta da Uzvišeni postoji, te da je Sveznajući, Moćni, Živi. Za stvorenje se kaže da postoji, da je živo, da zna, da je moćno. Međutim, ne kaže se: Ovo je komparacija koju treba negirati. Na ovo ukazuje Kur'an, Sunnet i zdravi razum. Ovome se ne protivi onaj koji ima pameti. Uzvišeni se nazvao nekim imenima, a i neke robe je nazvao njima. Također, Svojim osobinama je dao

imena. Ima neka imena koja su osobine Njegovih stvorenja, ali naziv i onaj na koga se on odnosi nisu uvijek istovjetni. On se nazvao Živim, Sveznajućim, Moćnim, Blagim, Milostivim, Ponosnim, Mudrim, Onim Koji sve čuje, Svevidljivim, Vladarem, Silnim, Uzvišenim. Neke Svoje robeve je nazvao ovim imenima. On kaže:

﴿...تَخْرُجُ الْحَيَّ مِنَ الْمَيِّتِ...﴾

,,,On iz neživa izvodi živo...“ (El-En'am, 95.)

﴿...وَإِشْرُوهُ بِغْلِيمٍ عَلَيْهِ﴾

,,i obradovaše ga dječakom koji će učen biti.“ (Ez-Zariyat, 28.)

﴿...فَبَشَّرْتَهُ بِغْلِيمٍ حَلِيمٍ﴾

,,I Mi smo ga obradovali dječakom blage naravi.“ (Es-Saffat, 101.)

﴿...بِالْمُؤْمِنِينَ رَءُوفٌ رَّحِيمٌ﴾

,,,prema vjernicima je blag i milostiv.“ (Et-Tevbe, 128.)

﴿...فَجَعَلْنَاهُ سَمِيعًا بَصِيرًا﴾

,,,i činimo da on čuje i vidi.“ (Ed-Dehr, 2.)

﴿قَالَتِ امْرَأُتُ الْعَزِيزِ...﴾

,,Reče upravnika⁴⁹ žena...“ (Jusuf, 51.)

﴿...وَكَانَ وَزَاءَهُمْ مَلِكٌ...﴾

,,,jer je pred njima bio jedan vladar...“ (El-Kehf, 79.)

﴿أَفَمَنْ كَانَ مُؤْمِنًا كَمَنْ كَارَ فَاسِقاً﴾

⁴⁹ Upravnik je nazvan *el-aziz*, a to je jedno od Allahovih imena.

„Zar da vjerniku bude isto kao grešniku?“ (Es-Sedžde, 18.)

﴿كَذَلِكَ يَطْبَعُ اللَّهُ عَلَىٰ كُلِّ قَلْبٍ مُتَكَبِّرٍ حَتَّاٰرٌ﴾

„Tako Allah pečati srce svakog oholog silnika.“ (El-Mu'min, 35.)

Poznato je da Živi nije sličan živom (stvorenju), Sveznajući onome koji zna, niti Ponosni ponosnome. Isto je sa preostalim dijelom imena. Uzvišeni kaže:

﴿وَلَا يُحِيطُونَ بِشَيْءٍ مِنْ عِلْمِهِ إِلَّا بِمَا شَاءَ﴾

„...oni ne mogu obuhvatiti od Njegovoga znanja osim koliko On želi...“ (El-Bekare, 255.)

﴿أَنْزَلَهُ بِعِلْمِهِ...﴾

„...objavljuje ga sa Svojim znanjem...“ (En-Nisa', 166.)

﴿... وَمَا تَحْمِلُ مِنْ أُثْنَىٰ وَلَا تَضُعُ إِلَّا بِعِلْمِهِ...﴾

„...I nijedna žena ne zanese niti rodi a da On to ne zna...“ (Fatir, 11.)

﴿... إِنَّ اللَّهَ هُوَ الرَّزَّاقُ ذُو الْقُوَّةِ الْمَبِينُ﴾

„...Opskrbu daje jedino Allah Moćni i Jaki!“ (Fz-Zariyat, 58.)

﴿أَوْلَمْ يَرَوْا أَنَّ اللَّهَ الَّذِي خَلَقَهُمْ هُوَ أَشَدُّ مِنْهُمْ قُوَّةً﴾

„A zar nisu znali da je Allah, Koji ih je stvorio, jači od njih?“ (Fussilet, 15.)

Od Džabira, radijallahu anhu, se prenosi da je rekao: „Allahov Poslanik, sallallahu alejhi ve sellem, nas je podučavao istihari za sva pitanja, kao što nas je podučavao suri iz Kur'ana. Rekao je: 'Kada neko od vas namjerava nešto učiniti, neka klanja dva rekata koja nisu obavezni namaz, a zatim neka kaže: Allahu moj, ja tražim dobra putem

Tvoj znanja. Tražim moći putem Tvoje moći i molim Te da mi udijeliš iz Svoje velike blagodati, jer Ti si Moćan, a ja nisam moćan, Ti znaš, a ja ne znam. Ti dobro poznaješ sve skriveno. Allahu, ako znaš daje ovo dobro za mene, za moju vjeru, život i posljedice (ili je rekao za bližu i dalju budućnost ove stvari), odredi mi ga i olakšaj mi ga, a onda mi u njemu daj blagoslov. Ako znaš da je ova stvar loša za mene, za moju vjeru, život i posljedice (u bližoj i daljoj budućnosti), odvrati je od mene i odvrati me od nje i odredi mi dobro gdje god bilo, a zatim me učini da budem zadovoljan time.' Rekao je: 'Neka imenuje svoju potrebu.'“ (Bilježi ga El-Buhari.)⁵⁰

U hadisu Ammara b. Jasira kojeg prenosi En-Nesai i drugi od Vjerovjesnika, sallallahu alejhi ve sellem, navodi se da je upućivao ovu dovu: „Allahu, s Tvojim znanjem o nevidljivom i Tvojom moći nad stvorenjima poživi me sve dok je život dobar za mene, a usmrti me kada smrt bude dobra za mene. Allahu, ja Te molim za bogobojažnost u tajnosti i javnosti. Molim Te za riječ istine u srdžbi i zadovoljstvu. Molim Te za umjerenost u bogatstvu i siromaštvu. Molim te za blagodat koja neće prestati i radost oka koja se neće prekinuti. Molim te za zadovoljstvo poslije presude. Molim Te za ugodan život poslije smrti. Molim Te za slast pogleda u Tvoje Časno Lice, čežnju za susretom s Tobom, bez ikakve štete i zavodeće smutnje. Allahu, okiti nas ukrasima imana i učini nas upućenim i uputiteljima.“⁵¹

⁵⁰ Sahih; El-Buhari, 1162; En-Nesai, 2/369; Ebu-Davud, 1038; i dr. Dovoljno ti je znati da ga je El-Buhari naveo u svome *Sahihu*. Ahmedove riječi o jednom od prenosilaca: „Prenosi neispravan hadis“ ne štete, nakon što je o njemu rekao: „Nema smetnje“, već smetnja postoji kada se prenosilac suprotstavi onome ko je od njega pouzdaniji, što ovdje nije slučaj. Ovom hadisu svjedoči i hadis Ebu-Hurejre kojeg je Ibn-Hibban ocjenio vjero-dostojnim, a ja sam ga naveo u *Ed-Daife*, 2305.

⁵¹ Sahih; En-Nesai, 3/54-55; Hakim, koji ga je ocjenio vjerodostojnim, a sa njim se slaže Ez-Zehebi. Hadis je naveden u *El-Kelimut-tajjib*, 105. i *Zilalul-Dženneti fi tahridžis-sunne*, 129.

Potvrda Allahovih svojstava ne obavezuje poređenje

Allah i Njegov Poslanik, sallallahu alejhi ve sellem, su Allahove osobine nazvali znanjem, moći i snagom. Uzvišeni kaže:

﴿ثُمَّ جَعَلَ مِنْ بَعْدِ ضَعْفٍ قُوَّةً﴾

,...i onda vam, poslije nejakosti, snagu daje...“ (Er-Rum, 54.)

﴿وَإِنَّهُ لَذُو عِلْمٍ لِمَا عَنَّتْهُ﴾

,...a on je, uistinu, veliki znalač bio, zato što smo ga Mi naučili...“ (Jusuf, 68.)

Poznato je da Njegovo znanje nije kao svako znanje, da Njegova snaga nije kao svaka snaga, a primjeri za to su mnogobrojni. Ovo je nužna činjenica kod svih pametnih ljudi. Onaj ko negira jedno od Njegovih svojstava kojima se Uzvišeni opisao, kao što su zadovoljstvo, srdžba, ljubav, prijezir i sl. Smatrajući da to iziskuje poistovjećivanje sa stvorenjima (tedžsim), reći će mu se: Ti potvrđuješ da Uzvišeni ima htijenje, govor, sluh i vid, iako ta svojstva koja potvrđuješ nisu ista kao svojstva stvorenja. Zato, o onome što si negirao, a Allah i Njegov Poslanik, sallallahu alejhi ve sellem, su to potvrdili, reci isto što si rekao o onome što si potvrdio, jer nema razlike između njih.

Ako kaže: „Ja ne potvrđujem nijedno svojstvo.“ Reći će mu se: „Ti potvrđuješ lijepa imena poput Sveznajući, Živi, Moćni.“ Čovjek, također, može biti nazvan ovim imenima, a imena koja su potvrđena Gospodaru nisu slična onima koja su potvrđena čovjeku. Zato, o Njegovim svojstvima govori isto kao što govorиш o Njegovim imenima.

Ako kaže: „Ja Mu ne potvrđujem lijepa imena, nego kažem da su metafora. To su imena nekih Njegovih djela.“ Tako govore eks-tremni ezoteristi (batinije) i filozofi.

Reći će mu se: „Moraš neminovno vjerovati da On postoji i da je istina i da opстоји Сам по себи, да тјело постоји и опстоји по себи и да Mu ништа nije slično.“

Ako kaže: „Ja ništa ne potvrđujem, već negiram postojanje obaveznog (razumom).“

Reći će mu se: „Poznato je, po ispravnom razumu, da je ono što postoji obavezno само по себи, ili nije obavezno само по себи, ili je oduvijek. Ili je novonastalo, nakon što nije bilo, ili je stvoreno i ovisno o Stvoritelju, ili je nestvoreno i ne ovisi o Stvoritelju, ili je ovisno o nečemu drugom, ili je neovisno od svega. Ono što je neobavezno само po себи ovisi o onome što je obavezno само po себи. Novonastalo dolazi isključivo od praiskonskog. Stvorenje biva isključivo od Stvoritelja. Ovisni je vezan isključivo za onoga koji je neovisan o njemu. Iz ove dvije suprotnosti nužno proizilazi obavezno postojanje samog по себи koji je praiskonski Stvoritelj i neovisan od svega što je mimo Njega, a suprotno tome je sve što je osim Njega. Putem nužnosti i osjetila se zna da postoji novonastalo biće nakon što nije bilo. Ono što je novonastalo nije obavezno само по себи, nije praiskonsko, niti je stvoritelj onoga što je mimo njega, a ovisno je о onome što je mimo njega. Stoga je činjenica о postojanju dva bitisanja nužna. Jedno je obavezno, a drugo je moguće, jedno je praiskonsko, a drugo novonastalo, jedno je neovisno, a drugo ovisno, jedno je Stvoritelj, a drugo stvorenje. Oba bitka se slažu u postojanju.

Negiranje sličnosti između Stvoritelja i stvorenja

Poznato je da jedan drugome nisu slični u suštini, jer da je tako, bili bi slični u onome što je obavezno, moguće i nemoguće. Za jednog je praiskonsko postojanje obaveza i on postoji sam по себи, drugome nije obaveza praiskonsko postojanje i on ne postoji sam

po sebi. Jedan od njih je Stvoritelj, a drugi nije stvoritelj, jedan od njih je neovisan o svemu drugome, a drugi je ovisan.

Kada bi se poistovijetili, nužno bi bilo da svaki od njih obvezno bude postojan iz praiskona i da u isto vrijeme ne bude postojan iz praiskona, da postoji sam po sebi i da ne postoji sam po sebi, da bude stvoritelj, a nije stvoritelj, da bude neovisan, a i ovisan. Iz toga proizilazi objedinjavanje dvije suprotnosti ako se pretpostavi da su isti. Stoga se zna da je njihova sličnost isključena i to čistim razumom, kao što je ona isključena Šerijatskim tekstovima. Putem ovih dokaza se saznaće da su osobine iz jednog aspekta iste, a iz drugog aspekta se razilaze. Ko negira ono oko čega se slažu, opovrgava svojstva i iznosi neistinu. Ko ih učini istim, poistovjećuje Allaha sa stvorenjima i iznosi neistinu. Allah najbolje zna.

Nazivi (imena) se slažu, ali ne i bit. Allah Uzvišeni ima posebno postojanje, znanje, moć i ostala svojstva, čovjek u tome nema nikakvog učešća. Isto tako čovjek ima svoje postojanje, znanje i moć. Uzvišeni Allah je čist da bi sa Njim čovjek učestvovao u Njegovim osobenostima. Pošto se osobine slažu u nazivima postojanja, znanja i moći, ovaj zajednički opis je općenit i generalan i nalazi se u mislima, a ne u bićima (u suštini). On što se nalazi u bićima je zasebno i u njemu nema niko drugi učešća. Na ovom mjestu su mnogi teoretičari ostali zbumjeni, smatrajući da slaganje u nazivima svih stvari nalaže da postojanje Gospodara bude kao postojanje čovjeka.

Druga grupacija je pomislila da se termin postojanje upotrebljava samo za jezičku recipročnost. Oni su svoje razume smatrani isuviše velikim. Ovi nazivi su generalni i mogu se dijeliti. Kao što se kaže: Ono što postoji dijeli se na obavezno i moguće, praiskonko i nastalo. Podjela je zajednička za sve dijelove koji učestvuju. Zajednički termin je kao termin *el-mušteri* koji se odnosi i na kupca i na planetu Jupiter. Riječ se odnosi ili na jedno ili na drugo. Primjeri ovakvih fraza su preciznije pojašnjeni na njihovom mjestu.

Izvor pogreške je njihovo navodno mišljenje da su ova imena generalna i sveobuhvatna, i da se općenito odnose na svaku

dotičnu stvar koja trpi taj naziv. Međutim, nije tako. Ono što se nalazi izvan naziva nije općenito i sveobuhvatno, a ni cijelovito, pa čak nije ni posebno određeno za dotičnu stvar. Kada Uzvišeni biva nazivan ovim imenima, onda se ti nazivi dotično i specifično odnose na Njega, a kada se njima nazove čovjek ti nazivi su specifični za njega. U Allahovom postojanju i Njegovom životu nema niko drugi učešće. Postojanje određenih stvari ne trpi neko drugo učešće postojanja, a šta tek reći za postojanje Stvoritelja? Zar ne vidiš kada kažeš: „Ovo je taj“ da pokazuješ na jednog iz dva različita aspekta.

Ovim i sličnim primjerima ti se očituje da su oni antropomorfisti (mušebbihe) uzeli ovo značenje, pa su dodali dodatke na istinu i tako zalutali. Oni koji isključuju Allahova svojstva (muattile) su se prihvatali negiranja sličnosti u jednom smislu, dodajući dodatke na istinu, pa su tako i oni zalutali. Allahova Knjiga ukazuje na jasnu i čistu istinu koju shvataju ispravni i zdravi razumi. To je umjerena istina u kojoj nema iskrivljenja.

Oni koji niječu svojstva (nufat), Stvoritelja su proglašili čistim od ikakve sličnosti sa Njegovim stvorenjima i to je lijepo. Ali su, u isto vrijeme, pogriješili u negaciji potvrđenih značenja Allahu Uzvišenom.

Antropomorfisti (mušebbihe) su potvrdili Njegova svojstva, i to je lijepo, ali su loše postupili kada su pretjerali u upoređivanju.

Znaj da onaj kome se obraćaš ne shvata značenje koje se izražava terminima osim ako ga poznaje ili poznaje ono što je vezano za samu suštinu termina. Tako termini imaju zajedničko učešće i slični su u osnovnom značenju. U suprotnom, onima kojima se obraćamo nikako ne bi mogli pojasniti značenje. Na početku učenja značenja govora uče se značenja termina posebno, kao kada se dijete odgaja i podučava govoru i jeziku. Posebno mu se izgovara termin i pokazuje šta on fizički predstavlja, ako se ono može osjetiti čulima u vanjsтинu ili nutrini. Kaže mu se mlijeko, hljeb, majka, otac, nebo, zemlja, sunce, mjesec, voda. Sa svakim ovim izrazom mu se pokaže šta taj naziv podrazumijeva, a u suprotnom, ne

bi shvatio značenje termina i šta govornik želi reći. Svaki čovjek je u potrebi za naučavanjem putem slušanja.

Otac čovječanstva Adem prvo što je naučio bili su slušni dokazi, tj. sva imena. Uzvišeni mu je govorio i podučio ga putem objave onome što nije spoznao putem golog razuma.

Ukazivanje termina na značenja biva posredstvom ukazivanja tia ono što sagovornik želi. Njegovo htijenje i pažnja su u srcu. Na početku se ne mogu shvatiti putem riječi, ali će značenje shvatiti samo putem riječi tako što će prvo spoznati na što ono ukazuje. Kada to spozna jedanput, a drugi put čuje termin, znat će željeno značenje bez posebne gestikulacije, iako gestikulacija o unutrašnjim osjećajima poput gladi, sitosti, žeđi, tuge i radosti, neće biti shvaćene dok ih sam čovjek u sebi ne pronađe. Kada ih nađe i kada mu se pokaže na njih, sazna da je to naziv za to i to.

Nekada se gestikulira na samu glad ili žeđ, poput da vidimo čovjeka koji je ogladnio, pa mu kažemo: „Ti si gladan“. On čuje termin i zna tačno na što se odnosi gestikulacijom ili iz konteksta koji detaljno precizira željeno. Kao kada majka pogleda u svoje dijete dok je gladno, shvati njegovu glad putem pogleda i zna da se to odnosi na glad ili može čuti kako drugi za sličnu situaciju kažu da je stanje gladi. Kada se to zna, onaj koji govorи, kada želi pojasniti značenje, mora biti u jednom od dva stanja: ili da svojim čulima, prisustvom ili razumom shvati ono što sagovornik govorи ili da to ne shvati. Ako se to odnosi na prva dva dijela, onda mu je samo potrebna spoznaja jezika, tako da je spoznao značenje pojedinačnih termina i značenje njihove konstrukcije. Kada mu se poslije kaže:

﴿أَلَّذِي جَعَلَ لَهُ عَيْنَيْنِ ﴿٦﴾ وَلَسَانًا وَشَفَتَيْنِ ﴾

„*Zar mu nismo dali oka dva, i jezik i usne dvije.*“ (El-Beled, 8-9.) ili se kaže:

﴿ وَاللَّهُ أَخْرَجَكُم مِّنْ بُطُونِ أُمَّهَتُكُمْ لَا تَعْلَمُونَ شَيْئًا وَجَعَلَ لَكُمُ الْسَّمْعَ وَالْأَبْصَارَ وَالْأَفْقَادَ لَعَلَّكُمْ تَشْكُرُونَ ﴾

„Allah vas iz trbuha majki vaših izvodi, vi ništa ne zнате, i daje vam sluh i vid i razum - da biste bili zahvalni.“ (En-Nahl, 78.) i sl, sagovornik shvata svojim osjetilima. Ako značenja s kojima se želi upoznati ne ulaze u domen njegovih osjetila ili očne percepcije, niti ima cjelokupnu predstavu kako bi mogao shvatiti značenje tih termina i ne može ih shvatiti nijednim od svojih unutrašnjih i vanjskih čula, tada je neophodno upoznati ga sa analogijom, navođenjem primjera i razmatranjem u okviru shvatljivih stvari koje je video i između kojih ima sličnosti i podudarnosti. Što je navođenje primjera jače, pojašnjenje je bolje, a shvatanje potpunije.

Poslanik, sallallahu alejhi ve sellem, nam je pojasnio stvari koje prije nisu bile jasne, a u njihovom jeziku nije bilo termina koji tačno ukazuje na njih. Zato je došao s terminima čija značenja odgovaraju tim značenjima i učinio ih nazivima za njih. Oni imaju reciprocitet, kao što su namaz, zekat, post, vjerovanje i nevjerstvo. Isto tako, obavijestio nas je o stvarima koje su vezane za vjerovanje u Allaha i Sudnji dan. Oni to prije nisu poznavali sve dok nisu dobili termine koji na to tačno ukazuju. Iz jezika su uzeti odgovarajući termini za te pojmove, a to ukazuje na zajedničko učešće u tim značenjima koja su vezana za nevidljivi svijet, a i za pojavnvi svijet koji su poznavali. Za to je vezao napomene putem kojih se spoznaje suština željenog, poput podučavanje djeteta.

Rebi'a b. Ebi Abdur-Rahman⁵² je govorio: „Ljudi su u okrilju učenjaka kao što su djeca u okrilju njihovih roditelja.“

⁵² Rebi'a b. Ferruh el-Medeni Ebu-Osman, imam, hafiz, islamski pravnik, mudžtehid, izdavao je fetve u Medini. Imam Malik je učio vjerske propise kod njega, nekada su ga nazivali Rebi'atur-re'j.

Svijet gajba (nevidljivi svijet)

Stvari o kojima Poslanik, sallallahu alejhi ve sellem, obavijesti, a vezane su za nevidljivi svijet, možda imaju slične primjere koje su oni shvatili svojim osjetilima i razumima, kao što su obaviješteni da je vjetar uništio narod Ad. Narod Ad je bio njihovog ljudskog roda, a i vjetar spada među poznate vjetrove, iako je bio daleko jači. Također, isto se odnosi na potapanje farona u moru, a i na preostale obavijesti o prijašnjim narodima. Obavijest o tome nama donosi pouke kao što Uzvišeni kaže:

﴿لَقَدْ كَانَ فِي قَصَصِنَا عِبْرَةٌ لِّأُولَئِكَ...﴾

„U kazivanju o njima pouka je za one koji su razumom obdarjeni...“ (Jusuf, 111.)

Poslanikova, sallallahu alejhi ve sellem, obavijest može biti sa primjerom kojem nisu našli sličnog ni iz jednog aspekta. Međutim, iz nekih aspekata pojedinačne činjenice su slične njihovim pojedinačnim činjenicama i terminima, kao kada obavijesti o nevidljivim stvarima vezanim za Allaha i Sudnji dan. Neophodno je da putem svojih čula i razuma spoznaju zajedničko značenje i sličnost između pojedinačnih termina i termina koje su spoznali na dunjaluku. Ako to značenje nisu još na dunjaluku vidjeli, a želi da im ga prikaže potpuno kako bi shvatili zajedničko učešće između njega i nevidljivog značenja, onda im ga prikaže i ukaže na njega, tj. sastavi govor u kojem im priča o tom značenju i njegovoj sličnosti. Tako slušaoci znaju da je njihova spoznaja vidljivih činjenica put kojim saznaju za nevidljive stvari.

Stoga je potrebno poznavati sljedeće stepene:

Prvi je da čovjek shvati čulna i vidljiva značenja.

Drugi je shvatanje cjelokupnih značenja.

Treći je upoznavanje termina koji ukazuju na ta čulna i razumska značenja.

Ova tri stepena neminovno moraju postojati u svakoj komunikaciji i obraćanju. Kada obavještavamo o nevidljivim stvarima moramo spoznati zajednička značenja između njih i vidljivih činjenica, te naglasiti sličnost između njih, tako što ćemo definisati vidljive stvari. Ako budu istovjetne, onda nema potrebe da se spomenе razlike, kao što je prethodno rečeno u pričama o prijašnjim narodima. Ako nisu slične, pojasne se razlike, kao da se kaže: „To nije isto kao ovo“ i sl. Kada se potvrdi prestanak sličnosti, samo dodavanje je dovoljno za pojašnjenje razlike. Prestanak jednakosti ne sprječava postojanje reciprociteta koji ostaje u značenju zajedničkog termina. Putem ovoga smo shvatili nevidljive stvari. Da nismo imali zajedničkog značenja, ne bismo ih nikako mogli pojmiti.

Allahova svemoć

Autor kaže: „Ništa Mu nije nemoguće učiniti.“

Zbog Njegove savršene moći Uzvišeni kaže:

﴿...إِنَّ اللَّهَ عَلَىٰ كُلِّ شَيْءٍ قَدِيرٌ﴾

„...Allah, uistinu, sve može!“ (El-Bekare, 20.)

﴿...وَكَانَ اللَّهُ عَلَىٰ كُلِّ شَيْءٍ مُّقْتَدِرًا﴾

„...a Allah sve može.“ (El-Kehf, 45.)

﴿وَمَا كَانَ اللَّهُ لِيُعِزِّزَهُ مِنْ شَيْءٍ فِي السَّمَاوَاتِ وَلَا فِي الْأَرْضِ إِنَّهُ كَانَ عَلَيْهِمَا قَدِيرًا﴾

„Allahu ne može ništa umaci ni na nebesima ni na Zemlji; On uistinu sve zna i sve može.“ (Fatir, 44.)

﴿...وَسَعَ كُرْسِيُهُ السَّمَاوَاتِ وَالْأَرْضَ وَلَا يَعُودُهُ حِفْظُهُمَا وَهُوَ أَعْلَى الْعَظِيمِ﴾

„*Njegova kursija⁵³ obuhvaća i nebesa i Zemlju i Njemu nije teško održavati ih! On je Svevišnji i Veličanstveni!*“ (El-Bekare, 255.) Ovo je negacija kojom se izražava potvrda potpune suprotnosti. Isto se odnosi na svaku negaciju koja govori o Allahovim svojstvima u Kur'anu i Sunnetu, a ona se navodi da bi se potvrdila potpuna suprotnost, kao što Uzvišeni kaže:

﴿ وَلَا يَظْلِمُ رَبِّكَ أَحَدًا ﴾

„*Gospodar tvoj neće nikome nepravdu učiniti.*“ (El-Kehf, 49.), zbog savršenstva Njegove pravde.

﴿ ... لَا يَعْرِبُ عَنْهُ مِثْقَالُ ذَرَّةٍ فِي السَّمَاوَاتِ وَلَا فِي الْأَرْضِ ... ﴾

„...*Njemu ne može ništa, ni trunčica jedna, ni na nebesima ni na Zemlji, izmaći...*“ (Sebe', 3.), zbog savršenstva Njegovog znanja.

﴿ ... وَمَا مَسَّنَا مِنْ لُغُوبٍ ﴾

„...*i nije Nas ophrvao nikakav umor.*“ (Kaf, 38.), zbog savršenstva Njegove moći.

﴿ ... لَا تَأْخُذْهُ سَيْنَةٌ وَلَا نَوْمٌ ... ﴾

„...*Ne obuzima Ga ni drjemez ni san...!*“ (El-Bekare, 255.), zbog savršenstva Njegovog života i opstojnosti.

﴿ ... لَا تُدْرِكُهُ الْأَبْصَرُ ﴾

„...*Pogledi do Njega ne mogu doprijeti...*“ (El-En'am, 103.), zbog savršenstva Njegove uzvišenosti, veličine i veličanstvenosti. U suprotnom bi negacija bila neumjesna i ne bi bila pohvalna. Zar nisi čuo što pjesnik kaže:

⁵³ Mjesto dvaju stopala Uzvišenog Allaha. (prim. šer. rec.)

*Ovo malo pleme garanciju ne iznevjeri
Niti ljudima čini nepravdu koliko je zrno gorušice*

Kada je uvezao negiranje prevare i nepravde, što je spomenuo u ovome stihu, naveo je riječ „*kubejjile*“ (malo pleme) u deminutivu čime želi naznačiti njihovu nemoć i slabost, a ne savršenstvo njihove moći. U drugom se stihu kaže:

*Moj narod, iako je brojan, nema nikakve veze sa złom
Nisu ničim vezani za zło, pa makar ono malo bilo*

Pošto je vezao negaciju zla, koja ukazuje na njihovu pokudu, zna se da se time želi reći i naglasiti njihova nemoć i slabost.

Pravac ispravnih prethodnika u podrobnom potvrđivanju i općenitom negiranju

Zato, potvrda osobina uzvišenosti u Allahovoј Knjizi dolazi podrobno, a negacija općenito, što je suprotno pravcu sljedbenika pokuđenoga kelama. Oni donose podrobnu negaciju, a općenitu potvrdu. Oni kažu: Nije tijelo, niti pojava (duh), ni bit, ne prikazuje se, nema boje, okusa, mirisa, nije mjesto dodira, nije topao niti hladan, vlažan ili suh, dug ili širok, a ni dubok, nije sastavljen i ras-tavljen, ne miče se, ne miruje, ne parča se, nije sastavljen iz dijelova, udova i organa, nije ni na kojoj strani, nije ni desno ni lijevo, ni ispred ni iza, ni iznad ni ispod, mjesto ga ne može obuhvatiti, niti mu prolazi vrijeme, nije moguće da se dodirne, niti da se osami ili utjelovi (nástani) u nekim mjestima. Ne daje Mu se nijedan epitet od epiteta stvorenja koja ukazuju na njihovu nestalost. Ne daje Mu se epitet završetka, niti epitet prostora, niti odlaska prema pravcima. Nije ograničen, nije rodio niti je rođen, ne potпадa pod određenje, zastori Ga ne prekrivaju, te drugi navodi koje je prenio

Ebul-Hasan el-Eš'ari⁵⁴, Allah mu se smilovao, od mu'tezila. Ovaj navod sa sobom nosi i istinu i neistinu. To se očituje onome koji poznaje Kur'an i Sunnet. Ovo je negacija u kojoj nema pohvale i predstavlja nekorektan odnos. Kada bi vladaru rekao: „Ti nisi čistač, onaj koji vadi krv (hadždžam), a ni tkalac“, ne bi imao korektan odnos, pa makar iskreno govorio, nego ćeš ga pohvaliti ako općenito izneses negaciju, pa kažeš: „Ti nisi ni poput jednog od tvojih podanika, ti si viši, časniji i poštovaniji od njih.“ Kada općenito izneses negaciju lijepo si postupio.

Iznošenje istine šerijatskim terminima

Iznošenje istine sa šerijatskim terminima koji potječu iz Kur'ana i Sunneta je put sljedbenika Sunneta i Zajednice. Oni koji opovrgavaju svojstva udaljavaju se od onoga što je Zakonodavac rekao o imenima i svojstvima, ne razmišljaju o njihovim značenjima, a ono što su uveli kao novotariju u vidu značenja i termina je, prema njima, sasvim jasno i dužnost ga je slijediti i ustanoviti.

Sljedbenici Istine, Sunneta i vjerovanja, ono što Allah i Njegov Poslanik, sallallahu alejhi ve sellem, kažu, smatraju istinom koju je obaveza slijediti i na nju se oslanjati. Ono što su ovi rekli moraju se ili općenito udaljiti od ovoga ili ga pojasniti podrobno. Sud za to je Kur'an i Sunnet, a takvim neispravnim navodima se ne može suditi Kur'anu i Sunnetu.

Želi se reći da je većina njihovih uvjerenja zasnovana na negaciji: „Nije ovako, nije ovako“, potvrda kod njih je sasvim ograničena, a ogleda se u priznanju da je On Sveznajući, Moćan i Živ. Većina spomenute negacije nije preuzeta iz Kur'ana i Sunneta, a ni razum-

⁵⁴ On je Alija b. Isma'il b. Ebi-Bišr el-Eš'ari el-Jemami, vođa apologetičara. Umro je 324. h.g. Navedeni govor spomenut je u djelu *Mekalat el-islamijjin*, 155-156. str.

skim putevima kojima su krenuli oni koji potvrđuju svojstva. Uzvišeni kaže:

﴿لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ﴾

„**Njemu ništa nije slčno! On sve čuje i sve vidi.**“ (Eš-Šura, 11.) Ovom potvrdom se ustanavlja značenje negacije. Shvata se da se Uzvišeni želi izdvojiti po svojstvima Svoga savršenstva. Uzvišeni je opisan onim čime je Sebe opisao i čime su Ga opisali Njegovi poslanici. Njemu nije ništa slično po Negovim savojstvima, imenima i djelima, prema onome što nas je obavijestio od Svojih svojstava. On ima svojstva koja ne poznaje nijedno Njegovo stvorenje, kao što je istinoljubivi Poslanik, sallallahu alejhi ve sellem, govorio u dovi potištenosti: „*Allahu, ja Te molim svakim imenom koje Ti pripada i kojim si se nazvao ili si ga objavio u Svojoj Knjizi, ili si podučio nekoga od Svojih stvorenja, ili si ga za Sebe zadržao u nedokućivom znanju, da učiniš Kur'an Veliki osyeženjem moga srca, svjetlom mojih prsa, da njime razbijes moju tugu i da putem njega ode moja briga i potištenost.*“⁵⁵

Šejhov govor: „**Njemu ništa nije nemoguće učiniti**“, ne spada u pokuđenu negaciju, jer je Uzvišeni rekao:

﴿وَمَا كَانَ اللَّهُ لِيُعِجزَهُ مِنْ شَيْءٍ فِي الْأَرْضِ وَلَا فِي السَّمَاوَاتِ إِنَّهُ كَانَ عَلَيْهَا قَدِيرًا﴾

„...**Allahu ne može ništa umaci ni na nebesima ni na Zemlji; On uistinu sve zna i sve može.**“ (Fatir, 44.)

Uzvišeni je na kraju ajeta skrenuo pažnju na dokaz nepostojanja nemoći, a on (dokaz) je savršenstvo znanja i moći. Nemoć nastaje ili iz slabosti da se izvrši ono što činilac želi ili zbog nepoznavanja toga. Allahu ne izmiče ni koliko je atom, On je sve moćan učiniti. I

⁵⁵ Sahih; Ahmed, 1/391, 452; Ibn-Hibban, 2372; El-Hakim, 1/509. Ez-Zehebi je ovaj hadis proglašio slabim zbog Ebu-Seleme koji je nepoznat. Jedan dio vremena sam istraživao ovaj hadis, kasnije se uspostavilo da je Ebu-Seleme povjerljiv i poznat i da je njegov lanac prenosilaca uvezan i ispravan, prema valorizaciji koju sam izvršio o njemu. Ne mislim da me iko u tome pretekao, hadis sam naveo u *El-Ebadisu es-sabiba*, str. 199.

primitivni razumi, shodno prirodnoj urođenosti, shvataju Njegovu moć i znanje. Nemoć je tada isključena, jer između nje i moći postoji očita suprotnost. Onaj koji je nemoćan ne može biti bog, neka je Allah od spomena toga daleko Uzvišen!

Autor kaže: „**Nema drugog boga osim Njega.**“

Ovo je riječ tevhida u koju su pozivali svi poslanici, kao što smo spomenuli prije. Potvrda tevhida ovim riječima podrazumijeva negaciju i potvrdu koji iziskuju ograničavanje. Sama potvrda ostavlja prostora drugim opcijama. Zato je Uzvišeni rekao:

﴿وَإِلَهُكُمْ إِلَهٌ وَاحِدٌ...﴾

„*A vaš Bog - jedan je Bog...*“ (El-Bekare, 163.)

﴿...لَا إِلَهَ إِلَّا هُوَ الرَّحْمَنُ الرَّحِيمُ﴾

„...*nema boga osim Njega, Svetilosnog, Milostivog.*“ (El-Bekare, 163.)

Čovjeku može naumpasti šejtanska ideja tako što pretpostavi da je naš bog Jedan, a drugi mimo nas imaju drugoga boga. Zato je Uzvišeni rekao:

﴿...لَا إِلَهَ إِلَّا هُوَ الرَّحْمَنُ الرَّحِيمُ﴾

„...*nema boga osim Njega, Svetilosnog, Milostivog.*“ (El-Bekare, 163.)

Autor knjige *El-Muntehab* oponirao je gramatičarima u definiciji riječi „**Nema drugog boga osim Njega**“.⁵⁶ Rekli su: U osnovi

⁵⁶ Uvaženi šejh Abdul-Aziz b. Baz, Allah mu se smilovao, je na ovom mjestu dao sljedeći komentar: „Ono što je autor knjige *El-Muntehab* iznio, nije ispravno, a isto se odnosi na ono što su rekli gramatičari. Podržao ga je šejh

Ebu-Abdullah el-Mursi kada je rekao da se prepostavlja da je u riječima izbrisani predikat koji glasi „u postojanju“, a to nije ispravno, jer bogovi koji se obožavaju mimo Allaha su mnogobrojni i postoje, a prepostavka da izbrisani predikat „u postojanju“ ne daje željeno značenje kad se pojašnjava Allahovo prvenstveno pravo da bude jedino obožavan i neispravnost svega drugoga mimo toga. Čovjek ima pravo da kaže: 'Kako kažete nema drugog boga u postojanju osim Allaha, kada je Allah Uzvišeni obavijestio o postojanju mnogobrojnih božanstava kod mušrika, kao što Uzvišeni kaže:

﴿ وَمَا ظَلَمْتُهُمْ وَلَكِنْ ظَلَمُوا أَنفُسَهُمْ فَمَا أَغْنَيْتُ عَنْهُمْ إِلَّا هُنَّ مِنْ دُونِ اللَّهِ مِنْ شَيْءٍ لَمَّا جَاءَ أَمْرِ رَبِّكُمْ ... ﴾

'Mi nismo prema njima bili nepravedni, već oni sami prema sebi. I kad bi pala naredba Gospodara tvoga, ništa im nisu pomogla božanstva njihova koja su mimo Allaha molili.' (Hud, 101.) I riječi Svevišnjeg:

﴿ فَلَوْلَا نَصَرْهُمُ الَّذِينَ أَخْنَدُوا مِنْ دُونِ اللَّهِ قُرْبًاً إِلَهًا بَلْ ضَلَّوْا عَنْهُمْ وَذَلِكَ إِنْ كُفُّهُمْ وَمَا كَانُوا يَفْتَرُونَ ﴾

'A zašto im nisu pomogli oni koje su, pored Allaha, prihvatali da im budu posrednici i bogovi? Ali, njih nije bilo. To su bile samo klevete njihove i laži.' (El-Ahkaf, 28.)

Zato, nema drugog puta za rješavanje ovog oponiranja i pojašnjenje veličine ovih riječi i da je to riječ tevhida koja opovrgava božanstva idolopoklonika i njihovo obožavanje mimo Allaha, osim da se prepostavi da predikat glasi onako kako to gramatičari nisu naveli, a to je sa riječju „*bi-hakk*“ (istinski, ili s pravom), jer ova riječ pojašnava neispravnost svih božanstava i dokazuje da je stvarni, obožavani s pravom i istinski bog - Allah Jedini. Na to su skrenuli pažnju mnogi učenjaci, a od njih su Ebul-Abbas Ibn-Tejmijje, njegov učenik Ibnul-Kajjim i drugi, Allah im se smilovao.

Od dokaza za to su riječi Uzvišenog:

﴿ ذَلِكَ بِأَنَّ اللَّهَ هُوَ الْحَقُّ وَأَنَّ مَا يَدْعُونَ مِنْ دُونِهِ هُوَ آبْطَلُ وَأَنَّ اللَّهَ هُوَ الْعَلِيُّ الْكَبِيرُ ﴾

'To je zato što je Allah istina, a oni kojima se oni, pored Allaha, klanjaju su laž, i zato što je Allah uzvišen i velik.' (El-Hadž, 62.)

Uzvišeni je u ovom ajetu pojasnio da je On istina, a ono što ljudi dozivaju mimo Njega je neistina. Obuhvatio je sva božanstva koja se obožavaju

ovo svjedočenje glasi: „Nema drugog boga u postojanju osim Allaha.“ Rekao je: „To će biti negacija postojanja Boga, a poznato je da negiranje suštine je jače u tevhidu od negiranja postojanja. Zato je tumačenje ovoga govora u njegovoј vanjštini i udaljavanje od ovog unutrašnjeg tumačenja preće.

Ebu-Abdullah Muhammed Ebul-Fadl el-Mursi⁵⁷ u tefsiru *Rejjuz-Zam'an* kaže: „Ovo je govor onoga koji ne poznaje jezik Arapa.

mimo Allaha, bilo da se odnosi na ljude, meleke, džine i ostala stvorena. Iz toga se očituje da je On Jedini Istinski obožavani s pravom. Zbog toga su mušrici negirali ove riječi i nisu ih priznali, znajući da one opovrgavaju njihova božanstva. Shvatili su da se putem ovih riječi želi negirati istinska božanstvenost drugih mimo Allaha Uzvišenog. Zato su odgovarajući našem vjerojesniku Muhammedu, sallallahu alejhi ve sellem, nakon što im je rekao: 'Recite nema drugog boga osim Allaha', rekli:

﴿أَجْعَلَ الْآلهَةَ إِلَهًا وَاحِدًا إِنَّ هَذَا لَشَيْءٌ عَجَابٌ﴾

'Zar on da bogove svede na Boga jednog? To je, zaista, nešto veoma čudno!' (Sad, 5.) Također su rekli:

﴿وَيَقُولُونَ أَيْنَا لَتَارِكُوا إِلَهَتِنَا لِشَاعِرٍ مَجْنُونٍ﴾

'Zar da napustimo božanstva naša zbog jednog ludog pjesnika?' (Es-Saffat, 36.) To se odnosi na sve ajete koji su u ovom značenju. Sa ovim tumačenjem nestaju sve problematičnosti i očituje se tražena istina. A Allah je Zaštitnik Upute.“

Ahmed Šakir, Allah mu se smilovao, za njega kaže: „On se zove Šerefuddin Muhammed b. Abdullah b. Muhammed b. Ebul-Fadl el-Endelusi, poznati književnik, gramatičar, mufessir, učenjak u hadisu i islamskom pravu, kao što ga Jakut opisuje. Jakut se sa njim susreo u Egiptu 624. h.g. Obavijestio ga je da se rodio 570. g. Spomenuo je mnoge njegove knjige, a od njih je Tefsir Kur'ana koga je nazvao *Rejjuz-Zam'an fi tefsiril-Kur'an* koji je veoma veliki. Njime je želio uvezati ajete jedne s drugima. Pogledaj njegovu biografiju u *Mu'džemul-udeba'*, 7/16-17. Umro je u Tarikul-Arišu 655. h.g. Ibn-Kesir navodi njegovu biografiju u *Et-Taribu*, 13/197. kao i Ibnul-Imad u knjizi *Eš-Šezerat*, 5/269. Od njega je Radijuddin Et-Taberi preslušao *Sabih Ibn-Hibbana*, kao što smo to spomenuli u uvodu *Sabiba Ibn-Hibbana*. Od stvari koje su vezane za njega, a čudne su je ono što spominje Jakut. Imao je knjige u svakom području gdje se kretao tako da na putovanjima nije nosio knjige, jer su mu bile dovoljne knjige u pokrajini u koju je putovao.

Riječ *ilah* (bog) nalazi se na mjestu subjekta, prema mišljenju Sibevejha, a kod drugih na mjestu subjekta (ism) *la*. Uz obje pretpostavke subjekat mora imati predikat, u suprotnom riječi o tome da nema potrebe za skrivenim predikatom su neispravne. Njegove riječi *Ako nemaju skriveni predikat onda to biva negacija suštine*, ne znače ništa, jer negacija suštine znači negiranje postojanja. Nije moguće zamisliti suštinu osim uz postojanje. Zato nema razlike između riječi *nema suštine* i *nema postojanja*. Ovo je pravac sljedebenika Sunneta, za razliku od mu'tezila. Oni potvrđuju suštinu odgoljenu od postojanja. *Illallahu - osim Allaha* je u nominativu, umjesto *la ilah* koji ne biva predikat za *la*, a ni subjekat. Spomenuo je dokaz za to.“

Ovdje nije cilj jezička analiza, nego se želi otkloniti postojeća dilema kod gramatičara oko ovog pitanja i pojasniti da ona dolazi od mu'tezila, što je neispravno. Njihov govor: „Negiranje postojanja nije ograničenje“, jer nepostojeće nije ništa, kao što Uzvišeni kaže:

﴿... وَقَدْ حَلَقْنَاكَ مِنْ قَبْلٍ وَلَمْ تَلِئْ شَيْئًا ﴾

„.... *i tebe sam ranije stvorio, a nisi ništa bio.*“ (Merjem, 9.)

Ne kaže se: Nije govor *gajruhu - mimo Njega* poput govora *illallah*, jer se *gajr* analizira kao imenica koja dolazi poslije *illa - osim*. Zato je predikat za oboje jedan i zbog toga sam spomenuo ovu dilemu i odgovor na nju.

Prvi i Posljednji

Autor kaže: „**Oduvijek bez početka** (*Kadimun bila ibtida'*⁵⁸), **Vječni bez završetka.**“

⁵⁸ Istaknuti učenjak Abdul-Aziz b. Baz, rahmetullahi alejhi, u vezi ovih riječi kaže: „Riječi: *Kadim bila ibtida' - Oduvijek bez početka*. Ovo ime ne spominje se među Allahovim, subhanehu ve te'ala, lijepim imenima, kako je komentator upozorio na to, a i drugi. To ime spominje veliki broj apologetičara kako bi ustvrdili Allahovo postojanje prije svega drugog. Allahova imena su *tevkifije*. Nije dozvoljeno ustvrditi nijedno od njih osim s dokazom iz Kur'ana i

Allah Uzvišeni kaže:

﴿ هُوَ الْأَوَّلُ وَالآخِرُ ... ﴾

„On je Prvi i Posljednji...“(El-Hadid, 3.)

Poslanik, sallallahu alejhi ve sellem, kaže: „*Allahu, Ti si Prvi i prije Tebe nema ništa, i Ti si Posljednji i poslije tebe nema ništa.*“⁵⁹

Njegove riječi da je Oduvijek bez početka, da je Vječni bez završetka predstavljaju značenje Njegovog imena da je *Prvi i Posljednji*. Znanje o potvrđi ova dva opisa nalazi se u prirodnoj vjeri kod ljudi. Sve što postoji mora se završiti na obaveznom postojanju svoga bitka kako bi se završio i presjekao lančani poredak. Mi vidimo nastanak životinja, bilja, elemenata, vremenskih promjena, kao što su oblaci, kiša i sl. Svi ovi događaji nisu nemogući. Nemoguće ne postoji, niti je njihovo postojanje nužno samo po sebi. Onaj čije je postojanje nužno samo po sebi ne prihvata nepostojanje. Sve ovo navedeno je prije bilo nepostojeće da bi nastalo. Nepostojanje negira njihovo postojanje, a postojanje negira nemogućnost njihovog postojanja. Ono što može i postojati i nepostojati, ne može postojati samo po sebi, kao što Uzvišeni kaže:

﴿ أَمْ حَلِقُوا مِنْ غَيْرِ شَيْءٍ أُمْ هُمُ الْخَلَقُونَ ﴾

„Zar su oni bez Stvoritelja stvoreni, ili su oni sami sebe stvorili?!”(Et-Tur, 35.)

vjerodostojnjog Sunneta... Zbog toga, nije dozvoljeno ime *El-Kadim* ubrajati u Allahova lijepa imena. Dovoljno je u ovom značenju ustvrditi ime *El-Evvəl - Prvi*, kao što i Uzvišeni kaže:

﴿ هُوَ الْأَوَّلُ وَالآخِرُ ... ﴾

On je Prvi i Posljednji... A kod Allaha je uspjeh.“

⁵⁹ Muslim, 8/78-79. Na početku hadisa stoji: „*Allahov Poslanik, sallallahu alejhi ve sellem, bi nam naređivao da kada legnemo u postelju kažemo...*“ (spomenuto je hadis)

Jesu li stvoreni bez Stvoritelja ili su sami sebe stvorili? Poznato je da stvoreno ne može samo sebe stvoriti. Ono što je moguće, a nije samo po sebi nastalo, niti postoji, ne može postojati samo po sebi, ako se ne dogodi ono što ga stvara, u suprotnom će biti nepostojeće. Sve što je moguće da postoji umjesto da ne postoji i da ne postoji umjesto da postoji, ono ne može samo po sebi postojati, a ni nepostojanje za njega nije obavezno.

Ako se porazmisli o onome što spominju apologetičari i filozofi na racionalni način, pronaći će da se ispravnost toga vraća na dio onoga što je spomenuto u Kur'anu na racionalni način i to najjasnijim i najkonciznijim govorom. Kur'anski načini (metode) sadrže potpuno pojašnjenje i ostvarenje onoga što se ne može naći kod drugih. Uzvišeni kaže:

﴿ وَلَا يَأْتُونَكَ بِمَثَلٍ إِلَّا جِئْنَاهُ بِالْحَقِّ وَأَخْسَنَ تَفْسِيرًا ﴾

„*Oni ti neće nijedan prigovor postaviti, a da ti Mi nećemo odgovor i najlepše objašnjenje navesti.*“ (El-Furkan, 33.)

Mi ne kažemo da argumentiranje skrivenim postavkama i teoretskim argumentima ne koristi. Skrivenost i pojava spadaju u relativne činjenice. Možda se nekim ljudima očituju stvari koje su skrivene drugima, a i samo jednom čovjeku se pokaže u određenoj situaciji ono što mu je skriveno u drugim. Također, postavke iako su skrivene kod nekih ljudi, bivaju proglašene ispravnima, a postoji razilaženje oko onoga što je jasnije.

Duša se raduje onome što sazna putem traganja i razmatranja za razliku od onoga što sazna putem očitih činjenica. Zato, nema sumnje da znanje o potvrdi Tvorca i obaveznosti Njegovog postojanja je nužna, prirodna i urođena činjenica. Ali i pored toga, neki ljudi imaju sumnje koje ih vode ka teoretskim pravcima.

El-Kadim nije Allahovo ime

Apologetičari su u Allahova imena uvrstili ime *El-Kadim* - *Prais-konski*. Ovo ime ne spada u Allahova lijepa imena. *El-Kadim* u jeziku Arapa, na kojem je objavljen Kur'an znači Onaj koji prethodi svemu. Tako se kaže: Ovaj je *kadim*, tj. star, a ovaj je *hadis*, tj. nov. Ovo ime upotrebljavaju samo za onoga koji prethodi drugima, ali i ne za onoga kome je prethodilo nepostojanje, kao što Uzvišeni kaže:

﴿... حَتَّىٰ عَادَ كَالْعَرْجُونَ الْقَدِيمُ﴾

„...i on se uvijek ponovo vraća kao stari savijeni palmin prut.“
(Ja-sin, 39.)

Stara palmina grana ovdje znači onu granu koja ostaje do pojave druge grane. Kada se pojavi nova kaže se: Ova je stara, tj. koja je prethodila dotičnoj. Uzvišeni kaže:

﴿وَإِذْ لَمْ يَهْتَدُوا بِهِ فَسَيَقُولُونَ هَذَا إِفْلُكٌ قَدِيمٌ﴾

„A kako pomoći njega pravi put nisu našli, sigurno će reći: 'Ovo je još davna izmišljotina.'“ (El-Ahkaf, 11.), tj. ova laž je povremenu prethodila. Uzvišeni kaže:

﴿قَالَ أَفَرَءَيْتُمْ مَا كُنْتُمْ تَعْبُدُونَ ﴿٦﴾ أَنْتُمْ وَأَبْأَوْكُمُ الْأَقْدَمُونَ ﴿٧﴾﴾

„A da li ste razmišljali', upita on, 'da su oni kojima se klanjate vi i kojima su se klanjali davni preci vaši, doista neprijatelji moji - osim Gospodara svjetova.'“ (Eš-Šu'ara', 75-76.)

Riječ *el-akdem* je hiperbolizacija od riječi *kadim*. U to spada i *el-kavlul-kadim vel-džedid* - staro i novo mišljenje imama Šafije. Uzvišeni kaže:

﴿يَقْدُمُ قَوْمٌ بِيَوْمِ الْقِيَمَةِ فَأَوْزَدُهُمُ النَّارَ ...﴾

„*Na Sudnjem će danu on svoj narod predvoditi i u vatru ga uvesti...*“ (Hud, 98.), tj. on će ih predvoditi i biti na njihovom pročelju. Od ove riječi se koristi glagol kao prelazan i neprelazan, kao kada se kaže: *Eħażtu ma kadume ve ma haduse* - uzeo sam staro i novo. Zbog toga je stopalo nazvano *kademun*, zato što prethodi ostatim dijelovima tijela u hodu.

Uvrštavanje imena El-Kadim u Allahova imena je poznato kod većine sljedbenika kelama. Mnogi is-pravni prethodnici i nasljednici su to osporili, a od njih je bio i Ibn-Hazm. To se nesumnjivo prihvata ako se ova riječ upotrijebi za prethodnost, jer svi događaji prethode jedni drugima. Međutim, Allahova imena su lijepa imena koja posebno ukazuju na ono čime On biva hvaljen.

Prethodnost je u jeziku isuviše općenita i nije posebno određena za prethodnost u odnosu na sve događaje, zato i ne može biti jedno od lijepih imena. Šerijat je donio ime *El-Evvél* - *Prvi* koje je bolje od imena El-Kadim, jer ono daje osjećaj da sve ono što dolazi poslije Njega o Njemu ovisi i slijedi ga, za razliku od imena El-Kadim. Allah ima ne lijepa, već najljepša imena.

Allahova vječnost

Autor kaže: „Neće nestati.“

Ovo je priznanje Njegove vječne postojanosti, kao što Uzvišeni kaže:

﴿ كُلُّ مَنْ عَلَيْهَا فَانٍ وَيَقِنَ وَجْهُ رَبِّكَ ذُو الْجَلَلِ وَالْإِكْرَامِ ﴾

„*Sve što je na njoj (Zemlji) prolazno je, a ostaje Lice tvoga Gospodara, Veličanstveno i Plemenito.*“ (Er-Rahman, 26-27.)

Riječi *el-fena'* - nestanak i *el-bid* su približnog značenja. Objedinjene su ovdje radi pojačanja značenja, a to je potvrđeno riječima autora: „**Vječan je bez završetka.**“

Allahova volja

Autor kaže: „**Biva samo što On želi.**“

Ovo je odgovor kaderijama i mu'tezilama koji tvrde da Allah želi vjerovanje od svih ljudi, a da nevjernik želi nevjerstvo. Njihovo mišljenje je neispravno i odbacuje se, jer se suprotstavlja Kur'anu, Sunnetu i ispravnom razumu. Ovo je poznato pitanje kadera (određenja), a o tome ćemo dati više pojašnjenja kasnije, inšallahu te'ala.

Nazvani su kaderijama zato što niječu kader. Nekada se i džebrije, koje argumentiraju kaderom, nazivaju kaderijama. Međutim, ovaj naziv se u većini slučajeva upotrebljava za prvu grupaciju.

Razlika između htijenja i ljubavi

Sljedbenici Sunneta govore: Uzvišeni Allah, iako želi grijšešenje po određenju, ne voli ga i nije zadovoljan s njime, niti ga naređuje, već ga mrzi, prezire i zabranjuje. Ovo je mišljenje svih ispravnih pethodnika koji kažu: „Ono što Allah hoće i biće, a što neće neće ni biti.“ Islamski pravnici su se zato usaglasili da ako se čovjek zakune govoreći: „Tako mi Allaha, uradit ću to i to, ako Allah bude htio“, da ne krši zakletvu ako to ne učini, bez obzira bilo to obavezno (vadžib) ili pohvalno (mustehab). Ako bi rekao: „Ako Allah to bude volio“, prekršio bi zakletvu ako je ona obavezna ili pohvalna.

Učenjaci iz reda sljedbenika Sunneta govore: U Allahovoј Knjizi postoje dvije vrste htijenja: sudbonosno egzistencijalno stvaralačko htijenje, te vjersko, imperativno šerijatsko htijenje. Šerijatsko htijenje podrazumijeva ljubav i zadovoljstvo, a egzistencijalno podrazumijeva sveobuhvatnu volju za sve što postoji, kao što Uzvišeni kaže:

﴿فَمَنْ يُرِدُ اللَّهُ أَنْ يَهْدِيَهُ يَشْرَحْ صَدْرَهُ لِلإِسْلَامِ وَمَنْ يُرِدُ أَنْ يُضْلَلَ يَجْعَلْ صَدْرَهُ ضَيْقًا حَرَجًا كَانَمَا يَصْعَدُ فِي السَّمَاءِ﴾

„Onome koga Allah želi uputiti - On srce njegovo prema islamu raspoloži, a onome koga želi u zabludi ostaviti - On srce njegovo stegne i umornim učini, kao kad čini napor da na nebo uzleti...“ (El-En'am, 125.)

O Nuhu, alejhis-selam, kaže:

﴿وَلَا يَنْفَعُكُمْ نُصْحِى إِنْ أَرَدْتُ أَنْ أَنْصَحَ لَكُمْ إِنْ كَانَ اللَّهُ يُرِيدُ أَنْ يُغُوِّبَكُمْ﴾

„Ako vas Allah hoće ostaviti u zabludi, neće vam savjet moj koristiti, ma koliko ja želio da vas savjetujem.“ (Hud, 34.) I kaže:

﴿وَلَكِنَّ اللَّهَ يَفْعَلُ مَا يُرِيدُ﴾

„...Ali Allah radi ono što On želi.“ (El-Bekare, 253.)

Njegovo vjersko šerijatsko imperativno htijenje je u riječima:

﴿يُرِيدُ اللَّهُ بِكُمُ الْيُسْرَ وَلَا يُرِيدُ بِكُمُ الْأُثْرَ﴾

„Allah hoće da vam olakša, a ne da teškoće imate.“ (El-Bekare, 185.)

﴿يُرِيدُ اللَّهُ لِيُبَيِّنَ لَكُمْ وَيَهْدِيَكُمْ سُنَّ الَّذِينَ مِنْ قَبْلِكُمْ وَيَتُوبَ عَلَيْكُمْ وَاللَّهُ عَلِيمٌ حَكِيمٌ﴾

„Allah želi da vam objasni i uputi vas putevima onih prije vas, i da vam oprosti! Jer, Allah sve zna i mudar je!“ (En-Nisa', 26.)

﴿وَاللَّهُ يُرِيدُ أَنْ يَتُوبَ عَلَيْكُمْ وَيُرِيدُ الَّذِينَ يَتَبَعَّونَ الشَّهَوَاتِ أَنْ تَبْلُوا مَيْلًا عَظِيمًا وَيُرِيدُ اللَّهُ أَنْ تُحْفَفَ عَنْكُمْ وَخُلِقَ الْإِنْسَنُ ضَعِيفًا﴾

„*Allah vam želi oprostiti, a oni koji se za strastima svojim povode žele da daleko skrenete! Allah vam želi olakšati, a čovjek je stvoren slabim!*“ (En-Nisa', 27-28.)

﴿ مَا يُرِيدُ اللَّهُ لِيَجْعَلَ عَلَيْكُم مِّنْ حَرَجٍ وَلَكُنْ يُرِيدُ لِيُظْهِرَ كُمْ وَلَيُتَمَّ بِعْمَتَهُ عَلَيْكُمْ ... ﴾

„*Allah vam ne želi pričiniti poteškoće, već vas želi učiniti čistim i blagodat Svoju vam upotpuniti...*“ (El-Maide, 6.)

﴿ إِنَّمَا يُرِيدُ اللَّهُ لِيُذْهِبَ عَنْكُمْ آثِرَ جُنُسٍ أَهْلَ الْبَيْتِ وَيُطَهِّرَكُمْ تَطْهِيرًا ﴾

„*Allah želi da od vas porodico Poslanikova, grijeha odstrani, i da vas potpuno očisti.*“ (El-Ahzab, 33.)

Ovo htijenje je spomenuto u primjeru ljudi koji kažu onome koji čini pokuđena djela: „Ovaj čini ono što Allah ne želi“, tj. što ne voli, njime nije zadovoljan niti ga naređuje.

Egzistencijalno htijenje je spomenuto u riječima muslimana: Što je Allah htio to je i bilo, a što nije htio, nije ni bilo. Potvrđena je ralika između onoga koji želi da učini i onoga koji želi da učini ali ne učini.

Kada činilac želi nešto učiniti, njegovo htijenje je vezano za njegovo djelo, a kada želi od drugih da nešto učine, to je htijenje vezano za tuđe djelo. Obje ove vrste su shvatljive ljudima. Ovdje se govori o drugom htijenju, a ne o prvom.

Kada Uzvišeni naređuje ljudima nešto, On nekad želi pomoći onome kome je naređeno u onome što mu je naređeno, a nekada to i ne želi, iako želi (voli) da to dotični učini. Razmatranje ovoga prekida sporenja oko pitanja vezanih za Allaha, subhanahu ve te'ala, tj. da li to iziskuje Njegovo htijenje ili ne?

Uzvišeni je jezikom Svojih poslanika naredio stvorenjima ono što im koristi i zabranio im ono što im šteti. Međutim, neki od njih su htjeli da počine djela, pa je Allah Uzvišeni htio da stvori to djelo i učini ga njegovim počiniocem. Neki su htjeli da ne počine svoje djelo. Aspekt stvaranja djela Njegovih robova i drugih stvorenja,

nije isti kao aspekt Njegove naredbe čovjeku kada mu pojašnjava u čemu je korist ili šteta.

Kada je Uzvišeni naredio faraonu, Ebu-Lehebu i drugima da vjeruju, pojasnio im je ono što im koristi i što će ih popraviti ako ga budu činili. To ne znači da ih mora pomoći ako im je nešto naredio, već Njegovo stvaranje tog djela njima i pomoći u njemu može sadržavati vid štete s obzirom da je to Njegovo djelo. On nešto stvara radi mudrosti, a to ne nalaže, da ako je djelo naređeno, da u njemu mora biti korist za onoga kome je naređeno ako ga učini i da se proistekne korist od naredbe kada ga On učini ili da onoga kome je naređeno učini njegovim činiocem. Zato, kakav je aspekt stvaranja u odnosu na naredbe? Jedan čovjek drugome naređuje i zabranjuje želeći ga posavjetovati i pojasniti ono što mu koristi, iako ga uz to ne želi pomoći u činjenju tog djela, jer korist naređivanja i savjetovanja drugoga ne mora biti sadržana u koristi da ga pomažem u tome. Možda je moja korist da želim nešto suprotno. Aspekt naredbe drugima, a i savjeta, nije isto kao aspekt djela. Kada je moguće napraviti razliku u ovome kod robova, onda je preče i više moguće kada se radi o Allahovim pravima.

Kaderije navode primjer onoga koji naredi drugome nešto. On neminovno mora učiniti ono što je najbliže njegovom postupku, kao što je donošenje radosne vijesti, razvod...

Reći će im se: Ovo može biti na dva načina:

Prvi: Korist naredbe vraća se na onoga koji naređuje, kao kada kralj naredi svojoj vojsci ono što ojačava njegovu vlast, ili vlasnik naredi svome robu ono što će koristiti njegovom posjedu, ili da čovjek naredi svome ortaku stvar koja će obostrano zajednički biti korisna za obojicu i sl.

Dруги: Da onaj koji naređuje ispomoći naređenom vidi vlastitu korist u tome, kao što je npr. onaj koji naređuje dobro; ako pomogne u dobročinstvu i bogobojažnosti, zna da će ga Allah nagraditi za pomoći u pokornosti, jer je Uzvišeni na ispomoći čovjeku dok je čovjek na ispomoći svome bratu. Međutim, postoji i pret-

postavka da je naređivač naredio drugome određenu stvar radi koristi onoga kome je naređena, a ne zbog njegove vlastite koristi, a primjer je savjetovanje. Isto tako, ako se prepostavi da ako ga pomogne to neće biti iz koristi naređivaču i da je u postizanju koristi onoga kome se naređuje ustvari šteta za naređivača. Kao što je primjer onoga koji je došao sa kraja grada žureći i rekao Musau, alejhis-selam:

﴿...إِنَّ الْمُلَأَ يَاتِمُونَ بِكَ لِيَقْتُلُوكَ فَآخْرُجْ إِنِّي لَكَ مِنَ النَّصْحِينَ﴾

„...glavešine se dogovaraju da te ubiju, zato bježi, ja sam ti zbilja iskren savjetnik!“(El-Kasas, 20.)

Njegova korist je bila da naredi Musau da izade, a ne da ga u tome pomogne, jer da ga je pomogao njegov narod bi mu naštetio. Primjeri za ovo su mnogobrojni.

Ako se kaže: Allah je naredio ljudima ono u čemu će imati koristi to ne nalaže da ih mora pomoći u onome što im je naredio, naročito kod kaderija kod kojih se ne prepostavlja da će ikoga pomoći u onome što će dotični činiti. Ako se Njegova djela protumače putem mudrosti, ona je u njima svakako prisutna, iako je mi ne znamo. To ne nalaže da ako naređivač posjeduje mudrost naredbe da pomaganje izvršenja dotičnog djela nosi mudrost. Možda mudrost nalaže da ga u tome ne pomogne. Kada je moguće da stvorenje, shodno mudrosti i koristi, izda naredbu koja koristi onome kome je djelo naređeno, te da mudrost i korist naređivača bude u tome da ga ne pomogne, onda je to daleko preće i više moguće u pitanjima i pravima Gospodara.

Želi se reći: Moguće je da mudro stvorenje drugome naredi nešto, ali ga u tome ne pomogne. To je preće u pogledu prava Stvoritelja uz svu Njegovu mudrost. Kada naređivač naredi i pomogne u činjenju naređenog, onaj kome je naređeno za naređivača se vezao svojim stvaranjem (činjenjem djela) i između njih je nastala ljubav. To se od onoga kome je naređeno želi iz aspekta stvaranja (činjenja) i aspekta naredbe. Onaj koji ne pomogne činjenje onoga što je

naredio, za to naređeno se vezala njegova naredba, ali se nije vezalo njegovo stvaranje (djela) zbog ne-postojanja mudrosti da se stvaranje za njega veže i zbog ostvarenja mudrosti da se stvari suprotno. Stvaranje jedne suprotnosti oprečno je stvaranju druge suprotnosti. Stvaranje bolesti putem koje nastaje poniznost čovjeka prema njegovom Gospodaru, njegova dova, pokajanje, brisanje grijeha, njegovo srce se prosvijetli, a od njega odu oholost, uobraženost i neprijateljstvo, u suprotnosti je sa stvaranjem zdravlja s kojime se ne ostvaruju ove koristi. Zato je stvaranje nepravde nepravednog, putem koje se onome kome se nepravda čini dešava isto što se dešava kod stvaranja bolesti, u suprotnosti sa njegovom pravednosti sa kojom se ne ostvaruju ove koristi, iako se njegova korist ogleda u tome da nasilnik (nepravednik) bude pravedan.

Ljudski razumi su nemoćni spoznati podrobno pojašnjenje Allahove, azze ve dželle, mudrosti o stvaranju i naredbi. Kaderije su zašle u tumačenje i pojašnjenja na neispravan način. Allaha su poistovijetili sa Njegovim stvorenjima, a nisu potvrdili mudrost koja se Njemu vraća.

Allahovu kakvoću poznaje jedino Uzvišeni

Autor kaže: „Imaginacijom (maštom) se ne može zamisliti, niti shvatanjem dosegnuti.“

Uzvišeni kaže:

﴿...وَلَا تُحِيطُونَ بِهِ عِلْمًا﴾

„...a oni znanjem ne mogu Njega obuhvatiti.“ (Ta-ha, 110.)

U riječniku *Es-Sihab* se kaže: *tevehhemuš-šeј'* – prepostavio sam i *fehimtuš-šeј'* - shvatio sam.

Autor, Allah mu se smilovao, želi reći da se maštom ne može predstaviti, niti može biti obuhvaćen nekim znanjem. Rečeno je:

vehm - mašta je ono za što se nada da će biti, tj. nagađa se da je takvog i takvog opisa, a *fehm - shvatanje* je ono što razum postigne i obuhvata ga. Samo Allah poznaje kakav je On Uzvišeni, a mi našega Gospodara poznajemo po Njegovim svojstvima i znamo da je Jedan, da je Utočište svakome, da nije rodio niti je rođen i da Njemu niko ravan nije.

﴿ إِنَّ اللَّهَ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ رِسْتَةٌ وَلَا نَوْمٌ لَهُ مَا فِي السَّمَاوَاتِ وَمَا فِي الْأَرْضِ...﴾

„Allah je, nema boga osim Njega, živi i Vječni! Održavatelj! Ne obuzima Ga ni drijemež ni san! Njegovo je ono što je na nebesima i na Zemlji...!“ (El-Bekare, 255.)

﴿ هُوَ اللَّهُ الَّذِي لَا إِلَهَ إِلَّا هُوَ الْمَلِكُ الْقُدُوسُ السَّلَمُ الْمُؤْمِنُ الْمَهِيمُ الْعَزِيزُ الْجَبَارُ الْمُنْكَرُ سُبْحَنَ اللَّهِ عَمَّا يُشَرِّكُونَ ﴿١٦﴾ هُوَ اللَّهُ الْخَلِقُ الْبَارِئُ الْمُصَوِّرُ لَهُ الْأَسْمَاءُ الْحُسْنَى يُسَتِّحُ لَهُ مَا فِي السَّمَاوَاتِ وَالْأَرْضِ وَهُوَ الْعَزِيزُ الْحَكِيمُ ﴿١٧﴾﴾

„Allah, nema drugog boga osim Njega, Vladar, Sveti, Onaj Koji je bez nedostatka, Onaj Koji svakog osigurava, Onaj Koji nad svim bdi, Silni, Uzvišeni, Gordi, Slavljen neka je Allah, On je vrlo visoko iznad onih koje smatraju Njemu ravnim! On je Allah, Tvorac, Onaj Koji iz ničega stvara, Onaj Koji svemu daje oblik, On ima najljepša imena. Njega slavi sve što je na nebesima i na Zemlji, On je Silni i Mudri.“ (El-Hašr, 23-24.)

Odgovor onima koji poistovjećuju Allaha sa stvorenjima

Autor kaže: „Nije sličan stvorenjima.“

Ovo je odgovor onima koji upoređuju Allaha sa stvorenjima. Uzvišeni kaže:

﴿لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ﴾

„**Niko nije kao On! On sve čuje i sve vidi.**“ (Eš-Šura, 11.)

Ovim se ne žele negirati svojstva, kao što kažu novotari. Iz govora Ebu-Hanife, Allah mu se smilovao, u *El-Fikbul-ekberu* navodi: „On nije sličan nijednom stvorenju, niti je Njemu ijedno stvorene slično.“ Potom je rekao: „Sve Njegove osobine su potpuno različite od osobina stvorenja. On zna, ali Njegovo znanje nije kao naše. On je Moćan, ali Njegova moć nije kao naša. On vidi, ali Njegovo gledanje nije kao naše.“⁶⁰

Ne'im b. Hammad⁶¹ kaže: „Ko usporedi Allaha sa nekim od Njegovih stvorenja postao je nevjernik. Ko negira ono čime se Allah opisao postao je nevjernik. U onome čime se Allah opiše ili Ga opiše Poslanik, sallallahu alejhi ve sellem, nema *tešbiha – poistovjećivanja*.“

Ishak b. Rahavejh⁶² kaže: „Ko Allaha opiše i poistovijeti Njegove osobine sa osobinama jednog od Njegovih stvorenja, on je nevjernik u Allaha Velikog.“ Rekao je: „Džehm i njegovi istomišljjenici se prepoznaju po tome što tvrde za sljedbenike Sunneta i Džema'ata, opijeni lažu, da su mušebbihi (antropomorfisti), a zapravo, džehmiye su muattile, oni koji poriču Allahova svojstva. Tako su spomenuli mnogi imami iz reda ispravnih prethodnika.“

⁶⁰ *El-Fikb el-ekber* s komentarom od Alijja el-Karija, str.15, 31. i 32.

⁶¹ Ne'im b. Hammad el-Huzai el-Mervezi, Ebu-Abdullah je prvi sabrao zbirku *El-Musned*. Bio je jedan od najboljih poznavalaca islamskog nasljedstva. Jedno vrijeme je proveo u Iraku i Hidžazu tragajući za hadisom, a zatim se nastanio u Egiptu. Hafiz u *Et-Takribu* kaže: „Govorio je istinu, ali je mnogo griješio.“ Umro je 228. h.g.

⁶² Ishak b. Ibrahim et-Temimi el-Mervezi, Ebu-Ja'kub, horosanski učenjak u svome dobu. Kaže El-Hatib el-Bagdadi: „Objedinio je hadis, fikh, hifz, iskrenost, skromnost i plemenitost. Od njega su prenosili El-Buhari, Muslim, Et-Tirmizi i drugi.“

Osobine džehmija

„Džehmije se prepoznaju po tome što sljedbenike Sunneta nazivaju *mušebbihima - antrpomorfistima*.“ Svaki onaj koji negira neko ime ili svojstvo naziva onoga ko potvrđuje ta svojstva mušebbihima. Oni koji u potpunosti poriču Allahova imena iz reda ekstremnih otpadnika, kao što su karamiti, filozofi koji kažu da se za Allaha ne kaže: Sveznajući i Moćni, tvrde za onaj koji ga nazove tim imenima da je antrpomorfista, jer zajedničko učešće u imenu, prema njima, iziskuje sličnost u značenju. Oni koji potvrde imena, a kažu da su metafora, kao što su ekstremne džehmije tvrde da onaj koji kaže da je Allah Sveznajući u stvarnosti i Moćni u stvarnosti - da je antrpomorfista. Onaj koji negira svojstva, pa kaže Allah nema znanja ni moći, ni govora, ni ljubavi ni htijenja, onome koji potvrdi ova svojstva, kaže da je antrpomorfista i da Allahu daje tjelesni oblik. Zato su knjige onih koji negiraju svojstva poput džehmija, mu'tezila, rafidija i sl. ispunjene nazivima onih koji potvrđuju svojstva, najčešće ih nazivaju *mušebbihima* (antropomorfistima) i *mudžessimima* – (oni koji Allahu daju tjelesni oblik). U svojim knjigama kažu: „Među ostalim mudžessimima postoje i ljudi za koje se kaže da su malikije. Pripisuju se nekom čovjeku koji se zove Malik b. Enes, ili ljudi koji se zovu šafijama i pripisuju nekom čovjeku koji se naziva Muhammed b. Idris. Čak neki od njih koji se bave tumačenjem Kur'ana, kao što su Abdul-Džebbar, Ez-Zemah-šeri i drugi svakoga onoga koji potvrdi bilo koje svojstvo ili kažu da će Allah biti viđen na Sudnjem danu nazivaju antropomorfistima. Upotreba ovog naziva je preovladala kod zadnjih generacija kod većine ovih grupacija.

Upotreba ovoga termina kod poznatih učenjaka iz reda Ehlis-Sunneta je u značenju da oni negacijom poistovjećivanja ne žele negirati svojstva i da time ne opisuju svakoga onoga koji potvrdi svojstva, već žele reći da On nije sličan Svojim stvorenjima u imenima, svojstvima i djelima, kao što je prethodno navedeno u govoru Ebu-Hanife, Allah mu se smilovao, kada je rekao da Allah zna,

ali Njegovo znanje nije kao naše. Da je Moćan, ali Njegova moć nijekao naša, da On vidi ali Njegovo gledanje nije kao naše. Ovo je značenje riječi Uzvišenog:

﴿لَيْسَ كَمِثْلَهُ شَيْءٌ وَهُوَ السَّمِيعُ الْبَصِيرُ﴾

„*Niko nije kao On! On sve čuje i sve vidi.*“ (Eš-Šura, 11.)

Negirao je sličnost, a potvrdio svojstvo.

Kasnije će se nešto više reći o govoru autora o potvrđi svojstava sa posebnom naznakom da negiranje poistovjećivanja ne nalaže negiranje svojstava. To se pojašnjava sljedećim: Nije dozvoljeno argumentirati božanskim znanjem uz analogiju uspoređivanja u kojima su isti temelj i ogranač (propis na osnovu kojeg se donosi analogni sud i novi propis o kojem se donosi), ili putem sveobuhvatne analogije u kojoj su sve pojedinosti jednake. Allahu, subhanahu ve te'ala, nije ništa slično. Nije dozvoljeno da se usporedi s drugima. Nije dozvoljeno da se On i drugi stave pod cijelokupni sud u kojem su svi članovi jednaki. Zato kada su grupacije filozofa i apologetičara uzele ove analogije u pojašnjenu božanskih opisa putem njih nisu došli do čvrstog ubjedjenja, već su njihovi argumenti postali kontradiktorni. Na vrhuncu ih je savladala zbunjenost i poremećenost, jer su vidjeli neispravnost svojih dokaza. Međutim, za ovo se koristi analogija prioriteta svjedno bila ona kao navođenje primjera i sveobuhvatna, kao što Uzvišeni kaže:

﴿... وَلَهُ الْمُمْلُكُ الْأَعْلَمُ ...﴾

„... a *Allah ima svojstva najuzvišenija...*“ (En-Nahl, 60.) Npr. da se zna da svako savršenstvo pripada onome što je moguće ili što je nastalo i ni iz jednog aspekta nema manjkavosti, a to je ono što posjeduje potpunost postojanja i ne nalaže postojanje na jedan način. Ono što je obavezno i praiskoško, najpreče je. Svaku potpunost u kojoj nema manjkavosti iz jednog aspekta a djelomično se nalazi u stvorenju koje je podređeno i kojim se upravlja, zadobilo od svoga Stvoritelja, Gospodara i uređivača, a On ima veće pravo

na to od njega. Svaki nedostatak i mahana su kod njega (stvorenja) što predstavlja oduzimanje savršenstva. Kada je obavezno negirati to nekim stvorenjima, mogućim i nastalim stvarima, onda je preće i obaveznije negirati njihovu vezanost za Gospodara Uzvišenog. Najveće čudo je da ekstremni negatori svojstava koji ovim časnim ajetom argumentiraju negiranje svojstava i imena govore: „Ono što je obavezno da postoji nije ovako a nije ni ovako“, a zatim kažu: „Temelj filozofije je uspoređivanje drugih s Bogom, prema mogućnosti.“ Ovaj postupak čine vrhuncem mudrosti i krajnjim dometom ljudskog savršenstva. U ovome se sa njima slažu oni koji spominju ovu frazu.

Prenosi se od Vjerovjesnika, sallallahu alejhi ve sellem, da je rekao: „*Okitite se Allahovim moralnim osobinama.*“⁶³

Kada negiraju svojstva, kako će se čovjek prema njihovo tvrdnji, okititi moralnim osobinama. Kao što On nije sličan nijednom od Svojih stvorenja, nijedno stvorenje Njemu nije slično. U ovome suprotno mišljenje imaju kršćani, utjelovitelji i panteisti, Allah ih prokleo. Negiranje sličnosti nekih Njegovih stvorenja Njemu nalaže negiranje Njegove sličnosti sa bilo kojim stvorenjem. Zato se autor, Allah mu se smilovao, zadovoljio riječima: „**Nije sličan stvorenjima**“, a pod njima misli na ljude. Rečeno je da se to odnosi na sve što ima dušu, ili da se odnosi na ljude i džine. Vanjsko značenje riječi Uzvišenog:

﴿وَالْأَرْضَ وَضَعَهَا لِلْأَنَامِ﴾

„**A Zemlju je za stvorenja razastro.**“ (Er-Rahman, 10.) svjedoči u prilog prvom značenju više nego u prilog ostalima. Uzvišeni Allah najbolje zna.

⁶³ Ovoj predaji ne znamo utemljenje ni u jednoj knjizi Sunneta, niti u *El-Džamī'ul-kebir* od Es-Sujutija. On ju je naveo u svojoj knjizi *Te'jidul-haki katil-alije*, 1/89. ali ga nije pripisao nikome.

Allahov Život

Autor kaže: „On je Živi i neće umrijeti, On opстоји, ne spa-va.“

Uzvišeni kaže:

﴿ إِنَّ اللَّهَ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سَنَةٌ وَلَا نَوْمٌ ... ﴾

„Allah je, nema boga osim Njega, živi i Vječni! Održavatelj! Ne obuzima Ga ni drijemež ni san...“ (El-Bekare, 255.)

Negiranje drijemeži i sna dokaz je savršenstva Njegovog života i opstojnosti. Uzvišeni kaže:

﴿ إِنَّمَا يَنْهَا اللَّهُ لَا إِلَهَ إِلَّا هُوَ الْحَيُّ الْقَيُّومُ ﴿نَزَّلَ عَلَيْكَ الْكِتَابَ بِالْحَقِّ﴾

„Elif - Iam - mim! Allah, osim Koga drugog boga nema, živi je i Vječni! On tebi objavljuje Knjigu s istinom.“ (Ali Imran, 1-3.) I kaže Uzvišeni:

﴿ وَعَنِتَ الْوُجُوهُ لِلْحَيِّ الْقَيُّومِ ... ﴾

„Lica će se živom i Vječnom pokoriti...“ (Ta-ha, 111.) I kaže:

﴿ وَتَوَكَّلْنَ عَلَى الْحَيِّ الَّذِي لَا يَمُوتُ وَسَبِّحْنَ حَمْدَهُ ... ﴾

„Ti se pouzdaj u Živog, koji ne može umrijeti, i veličaj Ga, i hvali...“ (El-Furkan, 58.) I kaže:

﴿ هُوَ الْحَيُّ لَا إِلَهَ إِلَّا هُوَ ... ﴾

„On je živ, nema boga osim Njega...“ (Gafir, 65.)

Poslanik, sallallahu alejhi ve sellem, kaže: „*Allah ne spava niti Mu priliči da spava.*“⁶⁴

Pošto je autor negirao pojedinacno poistovjećivanje Allaha sa Njegovim stvorenjima ukazao je na postojeću razliku između Njega i Njegova stvorenja, tj. onim čime se On opisao za razliku od stvorenja. Od toga je sljedeće: On je Živi, ne umire.

Svojstvo vječnoga života je specifično samo za Njega za razliku od stvorenja koja umiru. Također, On samostalno opстојi i ne spava. Za Njega je specifično nespavanje i nedrijemež, za razliku od stvorenja koji spavaju. Ovdje nailazimo na naznaku da negiranje poistovjećivanja nema za cilj negiranje osobina. Zapravo, On Uzvišeni je opisan osobinama savršenstva zbog savršenstva Svoga Bića. Vječno Živome nije sličan živi čiji život prestaje. Zato je ovodunjalučki život naslada, zabava i igra, a budući život (na ahiretu) je pravi život. Ovodunjalučki život je poput sna, a ahiretski poput jave. Ne kaže se: „Budući život je savršen“ jer pripada stvorenju. Zato što kažemo: Živi je taj kojem je život osobina Njegovog bića obavezna i neosporna. On je stvorenju podario taj stalni život. On je Vječan i stalni zato što ga je Allah takvim učinio, a ne zato što je to uporedna osobina vezana za stvorenje kao biće, za razliku od života Gospodara, azze ve dželle. Isto se odnosi na ostale osobine: Osobine Stvoritelja dolikuju Njemu, a osobine stvorenja dolikuju stvorenju.

Znaj da ova dva naziva, a mislim na Živi i Onaj Koji opстојi, su spomenuti u Kur'anu zajedno u tri sure, kao što je prethodno spomenuto. Spadaju u najveća Allahova lijepa imena. Čak je rečeno da su to najveća Allahova imena⁶⁵.

⁶⁴ Prenosi ga Muslim, 179, 293; Ibn-Madže, 195, 196; Ebu-Seid Ed-Darimi u knjizi *Er-Reddit al-đeblimije*. Ovo je dio hadisa Ebu-Musaa el-Eš'arija, a kasnije će bit spomenut u potpunosti.

⁶⁵ Od Esme bint Jezid, radijallahu anha, se prenosi da je rekla: „Čula sam Allahova Poslanika, sallallahu alejhi ve sellem, da kaže: 'Uistinu, u ova dva ajeta nalazi se najveće Allahovo ime: Vaš Bog je jedan Bog. Nema boga osim Njega, Milostivog, Samilosnog i Elif lam mim! Allah je nema boga osim Njega,

Ova dva naziva obuhvataju potvrdu osobina savršenstva, na najsavršeniji i najistinitiji način.

Opstojnost ukazuje na značenje praiskona i vječnosti na koje ukazuje termin El-Kadim. Također, ukazuje na to da postoji Sam po Sebi, što znači da On postoji po obaveznom postojanju.

Riječ *El-Kajum* ima dalekosežnije značenje od *El-Kavam*, jer je *vav* jači od *elifa* i označava da On opстоји Sam po Sebi, prema koncenzusu mufessira i jezičara. To je nužno poznato. Da li to znači da On druge održava? O tome imaju dva mišljenja, a ispravnije je ono koje kaže da označava, tj. da označava Njegovo stalno i potpuno održavanje, jer se navodi u obliku hiperbolizacije.

Uzvišeni neće nestati, jer onaj ko zamakne sigurno je nestao, tj. neće nestati, umanjiti se i sl. Zapravo, On je Vječni, Stalni, oduvijek i zauvijek. Opisan je osobinama savršenstva. Njegova povezanost sa nazivom Živi nalaže ostale osobine savršenstva i ukazuje na njihovu trajnost, vječnost i nemogućnost umanjenja ili nepostojanja u prošlosti i u budućnosti. Zato su riječi:

﴿ إِنَّ اللَّهَ لَا إِلَهَ إِلَّا هُوَ الْحَيُّ الْقَيُّومُ ... ﴾

„*Allah je, nema boga osim Njega, Živi i Vječni! Održavatelj...*“ (El-Bekare, 255.) najodabraniji ajet u Kur'anu, kao što se to potvrđuje u *Sabihu* od Vjerovjesnika, sallallahu alejhi ve sellem.⁶⁶

Oko ova dva imena kruže sva ostala lijepa imena i na njih se vraćaju njihova značenja. Njegov epitet života iziskuje sva ostala svojstva savršenstva. Zato iza ove osobine ne zaostaje nijedna druga osobina osim slabosti života. Pošto je Njegov život najpotpuniji i najsavršeniji, Njegova potvrda iziskuje potvrdu svakog savršenstva koje je suprotno negaciji savršenstva života.

Živog i Onoga Koji opстоји!“ Ahmed, 6/461; Ed-Darimi, 2/450, Ebu-Davud, 1496.

⁶⁶ Muslim, 810; od Ubejja b. Ka'ba.

El-Kajjum - Onaj koji opстоји podrazumijeva savršenstvo neovisnosti i savršenstvo moći.

On opстоји sam po Sebi, nije u potrebi ni u jednom smislu za nekim drugim, On izdržava druge. Zato drugi ne mogu opstatiti osim putem Njegovog izdržavanja. Ova dva naziva su na najsavršeniji način složeni kao Njegova svojstva savršenstva.

Stvoritelj i Skrbitelj

Autor kaže: „**Stvoritelj bez potrebe, Skrbitelj bez napora.**“

Uzvišeni kaže:

﴿ وَمَا حَلَقْتُ لِجِنَّةً وَلَا إِنْسَانَ إِلَّا يَعْبُدُونَ ﴾ ﴿ مَا أُرِيدُ بِهِمْ مِنْ زِيَّٰٰ وَمَا أُرِيدُ أَنْ يُطْعَمُوْنَ ﴾ ﴿ إِنَّ اللَّهَ هُوَ الرَّزَاقُ ذُو الْقُوَّةِ الْحَمِيمُ ﴾ ﴿

„*Džine i ljudi sam stvorio samo zato da Me obožavaju. Ja ne tražim od njih opskrbu niti želim da me hrane, opskrbu daje jedino Allah Moćni i Jaki!*“ (Ez-Zarijat, 56-58.)

﴿ * يَأَيُّهَا النَّاسُ أَنْتُمُ الْفُقَرَاءُ إِلَى اللَّهِ وَاللَّهُ هُوَ الْغَنِيُّ الْحَمِيمُ ﴾ ﴿

„*O ljudi, vi ste siromasi, vi trebate Allaha, a Allah je Neovisan i hvale Dostojan.*“ (Fatir, 15.)

﴿ ... وَاللَّهُ الْغَنِيُّ وَأَنْتُمُ الْفُقَرَاءُ ... ﴾ ﴿

„....Allah je bogat, a vi ste siromašni...“ (Muhammed, 38.)

﴿ قُلْ أَعْيُّنَ اللَّهَ أَكْبَرُ وَلَيَّ فَاطِرُ السَّمَاوَاتِ وَالْأَرْضِ وَهُوَ يُطْعِمُ وَلَا يُطْعَمُ ... ﴾ ﴿

„*Reci: 'Zar da za zaštitnika uzmem nekog drugog osim Allaha, stvoritelja nebesa i Zemlje? On hrani, a Njega niko ne hrani...'*“ (El-En'am, 14.)

Poslanik, sallallahu alejhi ve sellem, kao što prenosi Ebu-Zerr, radijallahu anhu, navodi riječi svog Gospodara: „*O robovi moji! Kada bi vi od prvog do posljednjeg, ljudi i džini, posjedovali srce poput najbogobojažnijeg čovjeka među vama, to Moju vlast ne bi ništa povećalo. O robovi moji! Kada bi vi od prvog po posljednjeg, ljudi i džini, imali srce poput najgrješnijeg (najbezbožnijeg) čovjeka među vama, to ne bi ništa umanjilo Moju vlast. O robovi moji! Kada bi vi od prvog do posljednjeg, ljudi i džini, stali svi na jedno prostranstvo, pa me zamolili, a Ja dadnem svakom čovjeku ono što moli, to Meni ne bi napravilo nikakvoga manjka osim koliko igla sa sobom ponese vode kada se stavi u more.*“ Bilježi ga Muslim.⁶⁷

Njegove riječi: „**bez napora**“ označavaju bez opterećenja ili zauzimanja.

Onaj Koji usmrćuje i oživljava

Autor kaže: „Usmrćuje bez straha, oživljava bez poteškoće.“

Smrt je postojana osobina za razliku od navoda filozofa i onih koji se sa njima slažu. Uzvišeni kaže:

﴿ الَّذِي خَلَقَ الْمَوْتَ وَالْحَيَاةَ لِيَتُوْكِمَ أَيْكُمْ أَحَسْنُ عَمَلاً ... ﴾

„*Onaj Koji je dao smrt i život da bi iskušao koji će od vas bolje postupati...*“ (El-Mulk, 2.)

Nepostojanosti se ne može dati osobina stvorenog. U hadisu se navodi da će se smrt na Sudnjem danu dovesti u liku debelog ovna i priklati između Dženneta i Džehennema.⁶⁸

Iako je smrt samo stanje, Allah će je pretvoriti u biće, kao što se navodi o dobrim djelima „da će ona doći onome ko je činio dobra

⁶⁷ Muslim, 2577; Ahmed, 5/160.

⁶⁸ Muttefekun alejhi; El-Buhari, 4730; Muslim, 2849; hadis se prenosi od Ebu-Se'ida el-Hudrija i drugih.

djela u obliku lijepoga mladića, a ružna djela će doći u najružnijem liku.“⁶⁹

O Kur'anu se navodi da će doći u liku izblrijedjelog mladića.⁷⁰

U djelu *El-E'amal* navodi se da će djela biti postavljena na Vagu.⁷¹ Samo uobličeni predmeti mogu biti vagani, za razliku od apstraktnih pojmove i stanja.

O surama El-Bekare i Ali Imran novodi se da će ove dvije sure praviti hlad onome ko ih je učio kao da su dva turbana ili dva oblačka, ili kao dva jata poredanih ptica sa raširenim krilima.⁷²

U *Sabihu* se prenosi: „*Djela ljudi penju se ka nebu.*“⁷³ Posebno će biti govora o tome prilikom govora o proživljenju i sakupljanju, inšallahu te'ala.

⁶⁹ Ahmed, 4/287, 295, 296; El-Hakim, 1/37, 40. Aludira na hadis El-Beraa o patnjama i blagodatima u kaburu, te ispitivanju od strane meleka. Ovo je dug hadis koji će biti spomenuti u potpunosti na kraju knjige u poglavljiju o patnjama u kaburu.

⁷⁰ Ed-Darimi, 2/450-451; Ibn-Madže, 3771; Ahmed, 5/348, 352; Ibn-Adijj u *El-Kamilu*, 35/1; El-Hakim, 1/256; hadis od Burejde b. El-Husajba (kao merfu'), sa potpunim lancem prenosilaca u kome se kaže: „*Kur'an ē na Sudnjem danu doći u liku izblrijedjelog čovjeka i reči onome ko ga je učio: Ja sam taj koji ti noći nije dao da spavaš, i koji sam te po podnevnoj žegi ižednjivao.*“ El-Hakim kaže: „Hadis je sahih prema uslovima Muslima.“ Ez-Zehebi je to potvrdio, a El-Busajri u *Ez-Zevādu* kaže: „Lanac prenosilaca je ispravan.“ U hadisu je Bešir b. El-Muhadžir, on je *saduk, lejjinul-hadisi*, kao što kaže Hafiz u *Et-Takribu*. Zato njegov hadis podrazumijeva ocjenu kao hasen-dobar, a ocjena kao sahih je nemoguća.

⁷¹ Ahmed, 2/213, 221, 222; i dr. O ovome postoje mnogi hadisi, autor će ih spomenuti na kraju knjige.

⁷² Muslim, 804; od Ebu-Umame i Ahmed, 5/348, 352; od Burejde.

⁷³ El-Buhari, 799; od Rufaa b. Rafia ez-Zerkija koji kaže: „Klanjali smo jedan dan iza Vjerovjesnika, sallallahu alejhi ve sellem, pa kada je podigao svoju glavu s rukua rekao je: 'Allah čuje onoga koji zahvaljuje.' Neki čovjek iza njega je rekao: »Gospodaru naš, Tebi pripada mnoga, lijepa i blagoslovljena zahvala.« Kada se okrenuo nakon završetka namaza rekao je: 'Ko je govorio?' Rekao je: »Ja.« Reče: 'Vidio sam više od trideset meleka kako se takmiče ko će prvi upisati to.' Prenosi Et-Tirmizi, 2/254-255; En-Nesai, 1/147; s drugim lancem prenosioca od Rufaa i sljedećim riječima: 'Oko ovoga se potaknijalo više od

Allahovasvojstva su oduvijek i zauvijek s Njim

Autor kaže: „**Oduvijek ima Svoje osobine, čak prije stvaranja stvorenja. Sa njihovim postojanjem se nisu povećale Njegove osobine koje su inače bile. Kao što su Njegove osobine oduvijek, isto tako, one će biti zauvijek.**“

Uzvišeni Allah je oduvijek opisan osobinama savršenstva, osobinama bića i osobinama djela. Nije dozvoljeno biti uvjeren da se Allah opisao nekom osobinom nakon što nije bio opisan njom, jer su Njegove osobine osobine savršenstva, a njihov gubitak je osobina manjkavosti. Nije moguće da je postigao savršenstvo nakon što je bio opisan njegovom suprotnošću, niti se u tom kontekstu mogu spomenuti osobine djela ili proizvoljnosi i sl, kao što su stvaranje, oblikovanje, usmrćivanje, oživljavanje, hvatanje, širenje, motanje, uzvisivanje, prilazak, dolazak, spuštanje, srdžba, zadovoljstvo i slične osobine kojima se opisao i kojima Ga je opisao Njegov Poslanik, sallallahu alejhi ve sellem, iako mi ne možemo dokučiti njihovu bit i suštinu kojima se oni tumače (kakvoču). U to ne zalazimo tumačeći ih svojim mišljenjima, niti iznoseći maštanja koja su proizvod naših strasti. Međutim, temelj njihovog značenja nam je poznat, kao što je rekao Imam Malik, rahimehullah, kada je upitan o riječima Uzvišenog:

﴿... ثُمَّ أَسْتَوِي عَلَى الْعَرْشِ﴾

trideset meleka ko će se sa ovim riječima popeti ka nebū.‘ Et-Tirmizi kaže: „Hadis je hasen.“

Kažem: Lanac prenosilaca je dobar, a postoji hadis koji mu svjedoči a prenosi se od Abdulaha b. Ebu-Evfa, u njemu se kaže: „*Vidio sam kako se tvój govor penje ka nebū sve dok vrata nisu otvorena i dok taj govor nije ušao kroz njih.*“ Prenosi Ahmed, 4/355. 356; i njegov sin Abdulah u *Ez-Zevid*. Svi prenosioci su povjerljivi osim Abdullaha b. Seida, a Ibn-Hibban ga spominje u *Es-Sikat* (povjerljivi ili pouzdani), 1/104-105.

„....a zatim se nad Aršom uzvisio.“ (El-E'araf, 54.) Kako se uzvisio?, pa je odgovorio: „Uzvisivanje je poznato, a kako je nepoznato.“⁷⁴

Iako se ova stanja dešavaju s vremena na vrijeme, kao što se navodi u hadisu zalaganja: „Moj Gospodar se danas rasrdio kako se nikada prije slično nije rasrdio, a neće se poslije toga slično rasrditi.“⁷⁵

Odvijanje ovih stvari uz ovakvo tumačenje nije isključeno. Zato se neće reći da se ovo desilo nakon što nije bilo. Zar ne vidiš da onaj koji govorи danas i koji je govorio jučer, da se za njega ne kaže: „Danas je počeo govoriti“, pa makar i ne govorio, jer je to mahana poput maloljetnosti ili nijemosti. Kada progovori, kaže se: „Počeo je govoriti“. Onaj koji šuti bez mahane naziva se govornikom po snazi, tj. on govorи kada želi, a u okolnostima kada govorи naziva se stvarnim govornikom. Također, onaj koji piše dok piše naziva se stvarnim piscem, a ne izlazi iz okvira tog naziva kada se direktno ne bavi pisanjem.

Propis općenitih termina za koje nije došla negacija niti potvrda u Kur'anu i Sunnetu

Za novonastale stvari vezane za Gospodara Uzvišenog, koje su negirane u znanju o pokuđenom kelamu, ne navode se ni negacija ni potvrda u Kur'anu i Sunnetu. O tome postoji općenit stav.

⁷⁴ Autor se ograničio iz odgovora imama Malika samo na ove riječi, a u nastavku glasi: „Vjerovanje u uzvisivanje je obaveza, a pitanje o tome je novotarija.“ Tj. pitanje o kakvoći uzvisivanja. Njegove riječi *poznato* su potvrđene u Malikovom odgovoru, a neki navodi od novotara da je rekao da je uzvisivanje *spomenuto* nemaju osnove, kao što sam pojasnio u knjizi *Mubtesarul-'uluvv*, str. 142.

⁷⁵ Prenosi se u oba *Sabiha*: El-Buhari, 3340; Muslim, 194; i dr. a nešto kasnije će biti u potpunosti spomenut.

Ako se pod negacijom misli da se u Allahovo Svetu Biće ne može ništa utjeloviti od Njegovih nastalih stvorenja, ili da nanovo ne nastaje nova osobina koja nije postojala, onda je ova negacija ispravna.

Ako se pod ovim misli na negiranje proizvoljnih osobina, tj. da On ne čini ono što želi ili da ne govori što želi kada želi, ili da se On ne srdi i nije zadovoljan kako to ne rade stvorenja, ili se ne opisuje onim čime je Sebe opisao, kao što su silazak, uzvisivanje, dolazak, kako to dolikuje Njegovoj uzvišenosti i veličini, onda je ova negacija neispravna.

Pobornici pokuđenog kelama općenito uzimaju negaciju nastanka događaja. Sljedbenici Sunneta to priznaju apologetičarima uz pretpostavku da se time negira ono što ne priliči Njegovoj uzvišenosti. Ako Mu se prizna ispravnost ove negacije, to ga obavezuje negacijom proizvoljnih svojstava i svojstava djela koja nisu obavezna za Njega.

Zapravo, suniji se nalaže priznanje općenitog negiraja. Međutim, kad bi zatražio tumačenje ili podrobnu analizu, sa apologetičarom se ne bi oko toga složio.

Isto se odnosi i na pitanje svojstva (sifeta), da li je ona dodatna za Njegovo biće ili ne? Njen termin je općenit, a općenit je i termin *el-gajr* (drugi). Nekada se pod njim misli na ono što nije On, a nekada se pod njim želi ono je moguće da bude odvojeno od Njega. Zato imami Sunneta, Allah im se smilovao, Allahova svojstva i govor nisu nazivali nečim drugim (*gajruhu*) mimo Njega, niti su govorili da to nije nešto drugo mimo Njega. Jer, ako se to općenito potvrди, onda se inicira osjećaj da su Njegove osobine odvojene od Njega, a ako se to negira onda se inicira osjećaj da je On On.

Pošto je termin *gajr* općenit, upotrebljava se samo uz posebno pojašnjenje i podrobno razjašnjenje.

Ako se njim misli da je On posebno biće koje opstoji samo po sebi i koje je odvojeno od Njegovih dodatnih osobina, onda je to neispravno.

Ako se misli da su Njegove osobine dodatne u odnosu na Biće, što se shvata iz značenja pojma osobine, onda je to istina. Međutim, izvana ne postoji posebno biće odvojeno od svojih osobina. Zapravo, Biće je opisano svojstvima savršenstva koja su potvrđena i koje se ne odvajaju od Njega. Razum pretpostavlja Biće i Njegovu osobinu, a oboje su jedno. Međutim, izvan ne postoji biće koje nema osobina, jer je ovo nemoguće. Da postoji samo osobina postojanja, ona se ne bi mogla odvojiti od onoga koji postoji. Ako razum prepostavi postojanje Bića i postojanja, onda je moguća predodžba da je to jedno, a ovo drugo jedno. Međutim, jedno od drugoga se izvan ne mogu odvojiti.

Neki će reći: Osobina se ne odnosi na dotično opisanu osobu, a ni nešto drugo mimo Njega. Ovo je značenje ispravno, tj. osobina nije suština Bića opisanog koju razum pretpostavlja i nije odvojena, a nije ni Biće. Nije ni bez osobina, već onaj koji je opisan osobinama je jedna jedinstvena cjelina koja nije rasparčana, pa ako kažeš: Utječem se Allahu, ti se utječeš Njegovom Svetom Biću koje je opisano osobinama svetoga savršenstva, potvrđena je i ne prima razdvajanje ni na koji način.

Kada kažeš: Utječem se Allahovoj snazi, zatražio si utočište kod jedne od Allahovih osobina, a nisi zatražio utočište kod nekoga drugoga mimo Allaha. Ovo značenje se shvata iz termina Biće. Biće u osnovnom značenju se upotrebljava samo sa dodatkom, tj. Biće postojanja, Biće moći, Biće snage, Biće znanja, Biće pelementnosti, i dr. Kada se kaže: to i to biće, to znači posjeduje to i to. Ovo je ženski rod od *zv* što znači vlasnik. To je osnovno značenje ove riječi. Tako se zna da se ne može zamisliti odvajanje osobina od Bića ni na koji način, iako razum može prepostaviti Biće odvojeno od osobina, kao što može zamisliti nešto što je nezamislivo. Poslanik, sallallahu alejhi ve sellem, je rekao: „*Utječem se Allahovoj snazi i Njegovoj moći od zla onoga što nalazim i od čega prežem.*“⁷⁶

⁷⁶ Sahih; Muslim, 2202. Tekst hadisa u potpunosti glasi: Od Osmana b. El-Asa es-Sekafija se prenosi da se požalio Allahovom Poslaniku, sallallahu alejhi ve sellem, na bol u tijelu koji je osjećao još od primanja islama. Allahov Posla-

Poslanik, sallallahu alejhi ve sellem, je rekao: „*Utječem se savršenim Allahovim riječima od zla onoga što je stvorio.*“⁷⁷

Poslanik, sallallahu alejhi ve sellem, se nije utjecao nekome drugome mimo Allaha. Isto tako govorio je: „*Allahu, utječem se Tvojem zadovoljstvu od Tvoje srdžbe. Tvoje oprostu od Tvoje kazne. Utječem se Tebi od Tebe.*“⁷⁸

Poslanik, sallallahu alejhi ve sellem, je govorio: „*Utječemo se Tvojom veličini od iznenadnog užimanja ispod naših nogu.*“⁷⁹

Poslanik, sallallahu alejhi ve sellem, bi govorio: „*Utječem se svjetlosti Tvoga Lica koje je osvijetlilo tame.*“⁸⁰

Isto tako oni kažu: Naziv se odnosi dotično na onoga ko se njime opisuje, ili na drugoga. Mnogi ljudi u tome grijese i ne poznaju ispravno mišljenje.

Nekada se imenom želi istaći ono što se njime naziva, a nekada se njime želi termin koji ukazuje na njega.

Kada kažeš: Allah kaže to i to, ili kažeš: Čuo je Allah onoga koji Mu zahvaljuje i sl., sa ovim se želi onaj ko je nazvan ovim imenom dotično.

nik, sallallahu alejhi ve sellem, mu je rekao: „*Stavi svoju ruku na dio tijela koji te boli i reci: »Bismillahi, tri puta, a onda reci sedam puta: »Utječem se Allahu i Njegovoj moći od zla koje osjećam i od kojeg prežem.«*“ Prenosi ga Malik u *El-Muvettan*, 2/946/9. Prenosi ga i Ebu-Davud, 3891. i Et-Tirmizi koji kaže: „Hadis je hasen-sahih, s riječima: *Utječem se Allahovojoj snazi, Njegovoj moći od zla onoga što osjećam.*“, bez riječi „*I od kojeg prežem*“. Isto tako prenosi ga Ahmed, 4/217, 6/390; i El-Hakim, 1/343. koji je dodao: „Prilikom svakog potiranja“. Rekao je: „Lanac prenosilaca je ispravan.“ A tako je kao što je i rekao.

⁷⁷ Sahih; Muslim, 2708. Ebu-Davud, 3898, 3899. i drugi. Lanac prenosilaca je ispravan.

⁷⁸ Prenosi ga Muslim, 482; i dr. Ovo je jedna od dova na sedždi.

⁷⁹ Sahih; Ebu-Davud, 5074; Ahmed, 2/52. sa ispravnim lancem prenosilaca. Ova dova spada u jutarnji i večernji zikr.

⁸⁰ Daif; prenosi ga Ibn-Ishak sa slabim lancem prenosilaca. Neki ga od njega prenose sa uvezanim lancem prenosilaca, ali sa „'an'anom“ Hadis je naveden u *Tābridžu fikbis-sireti* (str. 132.) i u *Fd-Daiṣeb* (2933).

A kada kažeš: Allah je arapski naziv, Er-Rahman je arapski naziv, Er-Rahim spada u Allahova imena, i slično tome, ovdje se cilja ime, a ne onaj ko je nazvan tim imenom. Ne kaže se nešto drugo mimo toga zato što termin *drugi mimo Njega* je općenit. Ako se pod njim želi napraviti razlikovanje tj. da termin nije u tom značenju, onda je istina. Ako se pod njim misli da je Allah bio (postojao) i da nije imao imena, pa je Sebi stvorio imena ili su ga Njegova stvorenja nazvala imenima, onda se ovo ubraja u najveću zabludu i nevjerojanje u Allahova lijepa imena.

Autor je svojim riječima: „**Po Svojim osobinama je oduvijek prije stvaranja stvorenja**“ - aludirao na odgovor mu'tezilama, džehmijama i šijama koji su sa njima u saglasnosti. Oni su rekli: „Uzvišeni je postao moćan činiti i govoriti nakon što to nije mogao. Govor i djelo su postali mogući nakon što nisu bili i On je prešao iz Svoje nemogućnosti u Svoju mogućnost.“

Alijj b. Kilal, El-Eš'ari i oni koji su sa njima u suglasnosti su rekli: „Djelo Mu je postalo moguće nakon što je bilo nemoguće. Govor kod njih ne ulazi pod htijenje i moć, nego je to za njih jedna stvar koja je sastavni dio Njegovog Bića.“

Ovaj govor potiče od džehmija koji kažu: „Stalnost nastalih stvari je nemoguća, sve nastale stvari moraju imati početak zato što je nemoguće da nastale stvari nemaju početka, nemoguće je da Stvoritelj, azze ve dželle, bude oduvijek činio i govorio po volji. Nemoguće je da to bude moćan, jer je moć u nemogućnosti nemogućeg.“

Ovo je neispravno mišljenje. To ukazuje na nemogućnost nastanka svijeta, a on je nastao. Ono što je nastalo nakon što nije bilo moralno je prije biti moguće, a ono što je moguće nema određeno vrijeme. Svako vrijeme koje bude određeno mogućnost je za njega potvrđena. Za mogućnost i ispravnost djela ne postoji početak na kojeg se vraća. Zato je obavezno da je djelo oduvijek bilo moguće ispravno. To nalaže da je Gospodar oduvijek bio u mogućnosti, kao što nalaže mogućnost nastanka stvari koje nemaju završetka od početka.

Džehmije i njihovi istomišljenici kažu: „Mi ne potvrđujemo da mogućnost nastanka stvari nema početka, već kažemo mogućnost nastanka stvari uz uslov da im prethodi njihovo nepostojanje koje nema početka, zato što je nemoguće kod nas da nastale stvari budu oduvijek, već zapravo je obavezno da nastanu a nemoguće je da budu oduvijek. Međutim, nije obavezan nastanak u određenom dotičnom vremenu. Mogućnost nastanka stvari uz uslov da im je prethodilo nepostojanje koje nema početka za razliku od vrste nastalih stvari.“

Reći će im se: „Prepostavimo da to govorite.“ Onda će se reći: „Mogućnost nastanka stvari kao kategorije kod vas ima početak. Kategorija nastanka kod vas je moguća nakon što nije bila moguća. Ova mogućnost nema određeno vrijeme. Zapravo, nema nijednog vremena koje se prepostavi, a da mogućnost za njega nije potvrđena. Iz toga proizilazi stalna mogućnost. U suprotnom bi to nalagalo preokretanje kategorije iz nemogućnosti u mogućnost bez nastanka ičega. Poznato je da promjena suštine kategorije nastanka ili kategorije nastanka stvari, ili kategorije djela, ili kategorije događaja i druge slične faze iz nemogućnosti u mogućnost se preobražava u moguće nakon što je bilo nemoguće, bez povoda obnove. Ovo je nemoguće prema čistom razumu. To je također izmjena kategorije iz vlastite nemogućnosti u vlastitu mogućnost. Zato suština kategorije nastalih stvari kod njih postaje moguća nakon što je bila nemoguća. Ova preobrazba nije specifično određena za određeno vrijeme, jer svako vrijeme koje se procijeni mogućnost je u njemu potvrđena. To nalaže da je ovakva preobrazba moguća i da je nemoguće bilo oduvijek moguće. Ovo je dalekosežnije nemoguće od našeg govora, događaj je oduvijek bio moguć. Ono čemu su pribjegli daleko ih je više obavezalo od onoga od čega su pobjegli. Shvatljivo je da je događaj moguć i shvatljivo je da je mogućnost bila oduvijek, a da je nemoguće moguće to je samo po sebi isključeno, a šta reći kada se kaže: oduvijek je bila moguća ova nemogućnost. Ovo je podrobno pojašnjeno na mjestu gdje ga treba i pojasniti.“

Rezime: Da li mogu nastali događaji opstati u budućnosti i prošlosti ili ne, ili samo u budućnosti ili samo u prošlosti?

O tome imaju tri poznata mišljenja kod teoretičara iz reda muslimana i drugih.

Najslabije mišljenje je ono koje kaže: „Njihova trajnost nije bila moguća ni u prošlosti ni u budućnosti“, kao što je govorio Džehm b. Safvan i Ebū-Huzejl el-Allaf⁸¹.

Drugi odgovor je odgovor onih koji kažu: „Njihova stalnost je moguća u budućnosti, a ne u prošlosti, kao što je mišljenje mnogih pobornika kelama i njihovih istomišljenika iz reda islamskih pravnika i drugih.“

Treće mišljenje kaže da je njihova stalnost moguća i u prošlosti i u budućnosti, kao što govore imami u hadisu. Ovo je jedno od velikih pitanja. Niko nije rekao da je moguće da budu stalna u prošlosti a ne i u budućnosti.

Nema sumnje da velika većina ljudi iz svih grupacija kaže: „Sve što je mimo Allaha Uzvišenog je stvoreno i nastalo nakon što nije bilo. Ovo je govor poslanika i njihovih sljedbenika, muslimana, židova, kršćana i drugih.“

Putem prirodne urođene vjere se zna da djelo i njegov počinjac ne mogu i nikada nisu bili usporedni, jer je to nemoguće. Kada lančana povezanost događaja u budućnosti ne isključuje da Gospodar Uzvišeni bude Posljednji poslije kojega nema ništa, isto tako lančana povezanost događaja u prošlosti ne isključuje da Uzvišeni bude Prvi prije kojega nije bilo ništa. Uzvišeni Gospodar je oduvijek i zauvijek, čini šta hoće i govoriti kada hoće. Uzvišeni kaže:

﴿ قَالَ كَذَّابٌ أَلَّا يَفْعُلُ مَا يَشَاءُ ﴾

⁸¹ On je Ebū-Huzejl Muhammed b. El-Huzejl el-Allaf, predvodnik učenjaka Basre u i'tizalu i jedan od njihovih najvećih učenjaka. Trojica halifa: Me'mun, Mu'tesim i Vasik mnogo su ga poštivali i uvažavali. Umro je 225. ili 226. h.g.

„Eto tako, reče On, Allah čini što On hoće!“ (Ali Imran, 40.)

﴿ وَلَكُنَ اللَّهُ بِفَعْلٍ مَا يُرِيدُ ﴾

„...ali Allah radi ono što On želi.“ (El-Bekare, 253.)

﴿ ذُو الْعَرْشِ الْمَجِيدُ ﴾ فَعَالٌ لِمَا يُرِيدُ

„Gospodar Arša, Uzvišeni. On radi šta je Njemu volja.“ (El-Burudž, 15-16.) I kaže:

﴿ وَلَوْ أَنَّمَا فِي الْأَرْضِ مِنْ شَجَرَةٍ أَفْلَمُهُ وَالْبَحْرُ يَمْدُدُهُ مِنْ بَعْدِهِ سَبَعَةُ أَخْرٍ مَا نَفِدْتُ كَلِمَتُ اللَّهِ ﴾

„Da su sva stabla na Zemlji pisaljke, a more, uz pomoć još sedam mora, tinta, ne bi se ispisale Allahove riječi...“ (Lukman, 27.) I kaže:

﴿ قُلْ لَوْ كَانَ الْبَحْرُ مَدَادًا لِكَلِمَتِ رَبِّي لَنَفِدَ الْبَحْرُ قَبْلَ أَنْ تَنَفِدَ كَلِمَاتُ رَبِّي وَلَوْ جِئْنَا بِمِثْلِهِ مَدَادًا ﴾

„Reci: 'Kada bi more bilo mastilo da se ispišu riječi Gospodara mog, more bi presahlo, ali ne i riječi Gospodara mog, pa i kad bismo ga proširili morem poput njega.'“ (El-Kehf, 109.)

Ovim se potvrđuje govor koji postoji i tada kada je ovo kao kategorija moguće onda je moguće i najpotpunije je prednjačenje nad svakom pojedinošću tako da je nemoguće da i u jednom dijelu svijeta bude nešto isto njemu ni iz jednog aspekta.

Stalnost djela također ulazi u savršenstvo. Pošto je djelo osobina savršenstva, onda je i Njegova opstojnost opstojnost savršenstva.

Rekli su da je lančana povezanost općenit termin. Nije navedena njegova negacija, a ni potvrda u Kur'anu i u Sunnetu kako bi se trebalo čuvati pravo ovog termina. On se dijeli na obavezni, nemo-

gući i mogući. Lančana povezanost kod onih koji imaju primarni uticaj je isključena sama po sebi, a to znači da oni koji utječu svaki od njih uzima svoj uticaj od onoga prethodnika, a ne prema cilju.

Obavezna lančana povezanost je ona na koju ukazuju razum i Šerijat, kao što su trajnost Allahovih djela zauvijek. Kada se god stanovnicima Dženneta završi jedna blagodat On će im dati novu blagodat i tome nema prestanka. Također, u to spada lančana povezanost njegovih djela iz aspekta praiskona. Svakom djelu pretodi drugo djelo. Ovo je obavezno vezano i za Njegov govor. On oduvijek govori kada želi. Osobina Njegovog govora nije nastala u nekom vremenu. Isto se odnosi na Njegova djela koja su usko vezana za Njegov život. Svako živo biće je činilac, a razlika između mrtvog i živog jeste djelo. Zato su mnogi ispravni pethodnici govorili: Živi koji čini. Osman b. Seid⁸² kaže. „Svaki živi čini. Naš Gospodar ni u jednom vremenu nije bio lišen Svoga savršenstva u pogledu govora, htijenja ili djela.“

Moguća lančana povezanost, lančana povezanost Njegovih djela iz ovog aspekta, kao što se ona lančano redaju u vječnost. Ako je oduvijek živ, moćan i ako oduvijek želi i govori, a to su osobine vezane za Njegovo Biće, onda je djelo moguće za Njega kako nalaze ova Njegova svojstva. Ako učini to je potpunije od onoga kada ne učini. Ovo ne nalaže da su Njegova stvorenja oduvijek sa Njim.

Uzvišeni prethodi svakom pojedincu od Svojih stvorenja, tako da toj prethodnosti nema prvoga. Svako stvorenje ima početak, a Stvoritelj nema početka. On je Jedini Stvoritelj, a sve što je mimo Njega je stvoreno i nastalo nakon što nije bilo.

Rekli su: „Svako mišljenje mimo ovoga biva odbačeno i osuđeno čistim razumom. Svaki onaj koji prizna da Uzvišeni Gospodar je oduvijek moćan učiniti - nužno ga sljedeće jedna od dvije

⁸² On je imam, autoritet, hafiz Ebu-Se'id Osman b. Se'id ed-Darimi es-Sidžistanji. Autor je velikog *Musneda* i mnogih drugih djela. Roden je oko 200. h.g. Mnogo je putovao u potrazi za znanjem. Susreo se sa Alijom b. el-Medinijem, Jahjom b. Mc'inom, Ahmed b. Hanbelom i dr. Umro je 280. h.g.

stvari: ili mora reći da je djelo oduvijek moguće, ili će reći da ono još nije nastupilo. U suprotnom će zapasti u čistu kontradiktornost, jer tvrdi da Gospodar Uzvišeni je oduvijek moćan učiniti djelo, a djelo je nemoguće i isključeno za Njegovo Biće i da je želio ne bi bilo moguće Njegovo postojanje. Prepostavka htijenja kod njega o Njegovom htijenju je nemoguća, a On je to moćan. Ovaj govor se međusobno pobija.“

Želi se reći: „Ono na što ukazuju Šerijat i razum je da je sve mimo Allaha stvoreno i nastalo nakon što nije bilo. To da Gospodar Uzvišeni nije mogao uraditi određeno djelo, a zatim ga uradio - u Šerijatu i u razumu nema oslonca, nego oboje ukazuje na oprečnost.“

Ebul-Me'ali⁸³ u svojoj knjizi *E/Iršad* i drugi teoretičari govoreći o lančanoj povezanosti u prošlosti kažu: „Ako kažeš: 'Neću ti dati dirhem, osim ako ti poslije njega ne dadnem još jedan dirhem', ovo je moguće. A ako kažeš: 'Neću ti dati dirhem sve dok ti prije njega ne dadnem dirhem', ovo je nemoguće. Ovo navođenje primjera i usporedbe je neispravno. Pravilna usporedba je da kažeš: 'Nisam ti dao dirhem, a da ti nisam prije njega dao dirhem', pa tako perfekt staviš prije perfekta, kao što si tamo stavio budućnost poslije budućnosti. A kada se kaže: 'Neću ti dati sve dok ti prije njega ne dadnem', predstavlja negaciju budućnosti sve dok se ne desi u budućnosti i dok ne bude prije, ali je negirao budućnost prije nego što je i postojala budućnost. Ovo je nemoguće. Negiranje prošlosti kako bi prije nje bila prošlost je moguće. Buduće davanje počinje od budućnosti, a onaj koji daje ima početak i završetak, prije njega neće biti nešto što nema završetka. Ono što nema završetka i konačne granice je nemoguće.“

⁸³ Šafijski učenjak, Abdul-Melik b. Abdullah b. Jusuf b. Muhammed el-Džuvejni en-Nejsaburi. Poznatiji kao *Imam dva harema*. Autor je mnogih djela. Umro je 478. h.g.

Autor kaže: "Nije stekao ime Stvoritelj poslije stvaranja stvorenja."

Vanjsina autorovog govora kaže da on isključuje lančanu povezanost događaja u prošlosti, a nešto kasnije će doći njegov govor koji kazuje da on to ne isključuje u budućnosti, njegovim riječima: „Džennet i Vatra su stvorenji i nikada neće nestati.“

Ovo je mišljenje većine kao što je prethodno rečeno. Nema sumnje u neispravnost mišljenja onih koji to smatraju isključenim u prošlosti i budućnosti, kao što to zastupa Džehm i njegovi sljedbenici. On je govorio da će Džennet i Vatra nestati, a o tome će kasnije biti navedeni dokazi.

Mišljenje onih koji zastupaju mogućnost događaja bez njihovog početka, od onih koji kažu da događaji nemaju završetka je očito ispravnije od mišljenja onih koji između njih ne prave razlike. Uzvišeni je oduvijek Živ, djelo je sastavni dio Njegovog života, oduvijek čini ono što želi, kao što je i On opisao sam sebe kada je rekao:

﴿ذُو الْعَرْشِ الْمَجِيدِ ﴿فَعَالٌ لِمَا يُرِيدُ﴾

„*Gospodar Arša, Uzvišeni. On radi šta je Njemu volja.*“ (El-Burudž, 15-16.)

Značenje ajeta: „On radi šta je Njemu volja.“

Sam ajet ukazuje na više činjenica:

Prva: Uzvišeni postupa po Svome htijenju i Svojoj volji.

Druga: On je oduvijek tako, jer je On to naveo kao pohvalu samog Sebe. To je vid Njegovog savršenstva. Nemoguće je da ovo savršenstvo nije kod Njega postojalo u nekom vremenu. Uzvišeni kaže:

﴿ أَفَمَنْ سَخَّلْتُ كَمَنْ لَا سَخَّلْتُ أَفَلَا تَذَكَّرُونَ ﴾

„Pa da li je onda Onaj Koji stvara kao onaj koji ne stvara? Urazumite se!“(En-Nahl, 17.)

Pošto su ovo sobine i epiteti Njegovog savršenstva i uzvišenosti On nije nastao nakon što nije bio.

Treća: Kada nešto želi On to i učini. Čestica *ma* je ovdje veznik, tj. On čini sve ono što želi da čini. Ovo se odnosi na Njegovo htijenje koje je vezano za Njegovo djelo.

Njegovo htijenje vezano za djelo čovjeka je drugačije. Ako želi da čovjek učini neko djelo, a ne želi da ga u njemu pomogne, a učini ga počiniteljem tog djela - djela neće biti, iako ga želi sve dok ga On ne bude želio učiniti njegovim činiteljem. Ova činjenica je skrivena kaderijama i džebrijama koji su se zamrsili u pitanjima kadera zbog svoga nerazumijevanja o tom pitanju. Oni nisu napravili razliku između htijenja da čovjek nešto učini i htijenja da ga On učini činiocem. Govor o pitanju određenja (kadera) će nešto kasnije doći, inshallahu te'ala.

Četvrta: Da Njegovo djelo i htijenje budu međusobno uslovljeni, pa što želi da učini to rob i učini, a što učini to je i želio, za razliku od stvorenja. On želi ono što ne čini, a učini ono što ne želi. Stoga, nema nikoga ko nešto čini kako želi osim Allaha Jedinoga.

Peta: Potvrda više htijenja shodno djelima. Svako djelo je uslovljeno posebnim htijenjem. Ovo je shvatljivo putem prirodne urođene vjere. Uzvišeni stalno ima volju (htijenje) i čini šta hoće.

Šesta: Sve ono za što je ispravno da se veže Njegovo htijenje moguće je da bude i Njegovo djelo. Kada želi da se svake noći spusti na ovozemaljsko nebo, da dođe na Sudnji dan radi konačne presude, da se Svojim robovima pokaže, da im se očituje kako želi, da sa njima razgovara, da im bude nasmijan i slično od onoga što Uzvišeni želi nije to nemoguće da učini. Uzvišeni čini što želi. Ispravnost toga je ovisna o obavijesti iskrenoga. Kada on obavijesti

dužnost je to potvrditi. Također, On briše što hoće i potvrđuje što hoće. Svakoga časa On se zanima nečim. Mišljenje da događajima prethodi početak nalaže opovrgavanje svega što je bilo prije tog prvog događaja i da Uzvišeni nije činio da bi kasnije postao činilac. To ne nalaže postojanje svijeta oduvijek, jer sve što je mimo Allaha je stvoreno i moguće je da postoji, a i postoji Allahovim stvaranjem. Ono smo po sebi posjeduje nepostojanje. Ovisnost i potreba su lična osobina koja je vezana za sve što je mimo Allaha Uzvišenog. Allahovo postojanje je obavezno za Njegovo Biće. On je Neovisan. Neovisnost je Njegova lična osobina.

Prvo stvorenje ovoga svijeta

Ljudi imaju dva mišljenja o ovome svijetu, tj. da li je stvoren od materije ili ne. Razišli su se oko toga šta je prvo nastalo na svijetu. Uzvišeni je rekao:

﴿وَهُوَ الَّذِي خَلَقَ السَّمَاوَاتِ وَالْأَرْضَ فِي سِتَّةِ أَيَّامٍ وَكَانَ عَرْشُهُ عَلَى الْمَاءِ﴾

„*On je u šest dana nebesa i Zemlju stvorio - a Njegov je prijesto iznad vode bio...*“ (Hud, 7.)

El-Buhari i drugi prenose od Imrana b. Husajna, radijallahu anhu, da je rekao: „Stanovnici Jemena su rekli Allahovom Poslaniku, sallallahu alejhi ve sellem: 'Došli smo ti da se podučimo vjeri i da te upitamo o početku ove stvari (života)', pa je rekao: *Bio je Allah i ništa prije Njega nije bilo.*“⁸⁴

⁸⁴ Sahih; predaju koja glasi: „*A nije bilo ništa sa njim*“ nisam našao kod El-Buharija. Ovaj hadis je naveo na dva mjesta u svome *Sahihu*. Početak stvaranja, 3191. i Et-Tevhid, 7417; sa dva posljednja rivajeta u kojima se kaže *Prije Njega i Osim Njega*.

Drugu verziju navodi El-Bejheki u *El-Esma' ves-sifat*, 6 i 270. Prenosi ga Ahmed, 4/431, prema prvoj verziji, ali sa sljedećim riječima *Bio je Allah, tebareke ve te'ala prije svega*. Ez-Zehebi u *Muhtesarul-uluvvu*, 98/40, ga pripisuje El-Buhariju i kaže: „Hadis je sahih.“ Pogledaj Uvod, str. 27. Navod Hafiza Ibn-Hadžera o komentaru hadisa navodi na osjećaj da ovu predaju koja se

U drugoj predaji stoji: *I nije ništa sa Njim bilo, a u sljedećoj stoji: Njegovo Prijestolje bilo je na vodi, u Opomeni je sve zapisao, stvorio je nebesa i zemlju.* U jednoj verziji stoji: *Zatim je stvorio nebesa i zemlju.*

Riječi: „*Zapisao je u Opomeni*“ znači u Levhi Mahfuzu, kao što Uzvišeni kaže:

﴿وَلَقَدْ كَتَبْنَا فِي الْرَّبُورِ مِنْ بَعْدِ الْذِكْرِ...﴾

„*Mi smo u Zeburu, poslije Opomene, napisali...*“ (El-Enbi'a', 105.)

Ono što biva zapisano u Opomeni naziva se Opomena, kao ono što biva zapisano u Knjizi naziva se Knjiga.

Ljudi se oko ovog hadisa razilaze na dva mišljenja.

Neki su rekli da se njime želi obavijestiti da je Allah postojao sam i da je tako uvijek i bilo. Zatim je otpočeo sve događaje. Njihove kategorije i pojave su pretečene nepostojanjem. Kategorija vremena je nastala ne u vremenu. Allah je počeo činiti nakon što nije ništa činio od praiskona do početka činjenja dijela, a samo djeleo nije bilo moguće.

Drugo mišljenje kaže da se ovim želi obavijestiti o početku stvaranja pojavnog svijeta kojeg je Allah stvorio za šest dana, a zatim se uzvisio nad Aršom, kao što Kur'an o tome obavještava na više mjesta. U Muslimovom Sahihu od Abdullaha b. Amra, radi-jallahu anhu, se prenosi da je Vjerovjesnik, sallallahu alejhi ve sellah, rekao: „*Uzvišeni Allah je odredio sudbine stvorenja prije nego što je*

navodi sa njim nije razmatrao. On je rekao, 2/206: „Napomena: U nekim knjigama postoji verzija ovog hadisa *Allah je bio i nije bilo ništa sa Njim i On je sada na onome na čemu je bio*. Ovo je dodatak koji se ne može naći u validnim knjigama hadisa. Na to je pažnju skrenuo i Ibn-Tejmije, a on smatra da su njegove riječi *On je sada...* do kraja, a riječi *sa Njim nije ništa bilo* su u značenju riječi *Osim Njega nije bilo ništa*.“ Kaže: „Da je Hafiz išta znao o ovom rivajetu spomenuo bi ga i time bi se zadovoljio ne argumentirajući ovoj predaji značenjima koje je spomenuo, kao što se vidi iz vanjštine, a Allah najbolje zna.“

stvorio nebesa i zemlju na pedeset hiljada godina. Njegovo Prijestolje bilo je na vodi.“⁸⁵

Poslanik, sallallahu alejhi ve sellem, je obavijestio da je određenje stvaranja ovog svijeta za šest dana bilo prije stvaranja nebesa na pedeset hiljada godina. Arš Gospodara je tada bio na vodi.

Dokaz ispravnosti drugog mišljenja je iz nekoliko aspekata:

Prvi: Govor stanovnika Jemena „Došli smo ti da te pitamo o početku ove stvari“ aludira na postojeći pojavnji svijet. Stvar ovdje podrazumijeva ono što je Allah stvorio Svojom naredbom. Vjerojvesnik, sallallahu alejhi ve sellem, im je odgovorio o početku ovog postojećeg svijeta, a ne o stvorenjima kao kategoriji. Oni nisu pitali za to. Obavijestio ih je o stvaranju nebesa i zemlje dok je Njegovo Prijestolje bilo na vodi, a nije ih obavijestio o stvaranju Prijestolja koji je stvoren prije stvaranja nebesa i zemlje. Također je rekao: „Allah je bio, a prije Njega nije ništa bilo“, a u drugim predajama još stoji i „sa Njim“, a i „osim Njega“. Radilo se o jednom skupu. Iz toga se zna da je on izrekao jedan termin, a ostala dva termina su prenesena po značenju. Termin *prije* je potvrđen u drugim hadisima.

U Muslimovom *Sahibu* od Ebu-Hurejre, radijallahu anhu, se prenosi da je Poslanik, sallallahu alejhi ve sellem, govorio u svojoj dovi: „Allahu, Ti si Prvi i prije Tebe nije ništa bilo.“ Dva druga termina nisu potvrđena ni na jednom drugom mjestu. Zato su mnogi učenjaci u hadisu prenosili ovaj hadis sa riječima „Prije Njega nije bilo ništa“, kao što su El-Humejdi⁸⁶, El-Begavi⁸⁷, Ibnul-Esir⁸⁸ i dr.

⁸⁵ Sahih; Muslim, 2653; Ahmed, 2/169; Et-Tirmizi, 2156; i smatra ga vjerodostojnjim bez riječi „A Njegovo Prijestolje je bilo na vodi“. To je Muslimova predaja. Prenosi ga El-Bejheki u *El-Esma'*, 269; u svojoj predaji u kojoj se kaže: „Allah, azze ve dželle, je završio sa određenjima i stvarima dunjaluka prije nego što je stvorio nebesa i zemlju, a Njegovo Prijestolje bilo je na vodi, i to pedeset hiljada godina.“

⁸⁶ On je imam, hafiz, fakih, učenjak mekkanskog Harema, Ebu-Bekr Abdulla b. ez-Zubejr b. Isa el-Kureši el-Esedi el-Humejdi Mekki. Autor je djela *Mu-sned*. Umro je 219. h.g.

Pošto je tako u ovom terminu se ne izlaže pitanje početka događaja, niti prvog stvorenja. Također, kaže se: „*Bio je Allah i nije bilo ništa prije Njega (sa Njim i osim Njega). Njegovo Prijestolje je bilo na vodi i u Opomeni je sve napisao.*“ Ove tri stvari je obavijestio sa veznikom *i*, a stvorio je nebesa i zemlju sa veznikom *i ȝatim*. Iz toga se očituje da mu je cilj bio obavijestiti ih o početku stvaranja nebesa i zemlje i onoga što je između njih. To su stvorenja koja su stvorena za šest dana, a spo-minjanje onoga što je prije njih ukazuje na Njegovo bitisanje i postojanje. Ne spominje se početak stvaranja. Također, kada hadis navodi i jedno i drugo nema kategoričkog određenja jedne od tih stvari osim sa dokazom. Kada jedno od njih prevagne onaj ko bude tvrdio isključivo da je Poslanik želio drugo značenje zasigurno je pogriješio.

U Kur'anu i Sunnetu se ne navodi nešto što bi ukazivalo na drugo značenje. Zato nije dozvoljeno potvrditi ga sa onim što se pretpostavlja da je značenje hadisa.

Nije preneseno: „*Bio je Allah, a sa Njim nije ništa bilo*“ - zasebno, nego je to nevedeno u spomenutom kontekstu. Zato ne treba nagadati i misliti da je značenje obavještenje o Gospodarevoj stalnoj lišenosti djela sve dok nije stvorio nebesa i zemlju. Također, Poslanikove, sallallahu alejhi ve sellem, riječi: „*Allah je bio i nije bilo ništa prije Njega (sa njim i osim Njega) a Njegovo Prijestolje je bilo na vodi*“ nije ispravno protumačiti u značenju da je Allah bio jedini i da sa Njim u osnovi nije bilo nikakvoga stvorenja, jer to njegove riječi „*A Njegovo Prijestolje je bilo na vodi*“ pobijaju. Ova rečenica „*Njegovo Prijestolje je bilo na vodi*“ je vezana za značenje koje je navedeno prije, uz obje pretpostavke Prijestolje je bilo stvoren i postojalo je u tom vre-

⁸⁷ On je imam, uzorni autoritet, hafiz, mufessir, šejhul-islam, Ebu-Muhammed Husejn b. Mes'ud b. Muhammed el-Begavi el-Šafi'i. Autor je mnogih djela iz tefsira, hadisa i fikha. Umro je 516. h.g.

⁸⁸ On je autoritet Medžduddin Ebu-Sadat el-Mubarek b. Muhammed el-Džezeri el-Musili. Autor je djela *Džamiu usul fi ehadisi Resul*. U njega je uvrstio hadise šest hadiskih zbirki, stim da je umjesto *Sunena* Ibn-Madže uvrstio *Muvetta'* Imama Malika. Umro je 606. h.g.

menu. Iz toga se zna da se pod ovim hadisom misli: nije bilo ništa od ovog pojavnog svijeta.

Autor kaže: „**On ima epitet gospodarenja još dok nije bilo onih kojima On gospodari i epitet *Stvoritelj* još dok nije bilo stvorenja.**“

To znači da Allah ima epitet Gospodara, prije nego što je stvorio podređene i da je imao epitet Stvoritelja prije nego što je postojalo bilo koje stvorene.

Neki komentatori su rekli : Njemu pripada epitet *Gospodar* i epitet *Stvoritelj*, a nije rečeno stvoriteljstva, jer Stvoritelj izvodi nešto iz nepostojanja u postojanje, dok Gospodar podrazumijeva više značenja, a ona su vlast, zaštita, uređenje, odgoj koji označava dostizanje potpunosti putem postepenosti. Nesumnjivo je donio termin koji obuhvata sva ova značenja, a on je gospodarenje. Međutim, oko ovoga ima diskusije, jer stvaranje nekada dolazi u značenju određenja.

Autor kaže: „**Oživjet će mrtve, a opisan je ovim svojstvom prije njihova oživljjenja. Također, svojstvom Stvoritelj je opisan prije njihova stvaranja.**“

To znači da je Uzvišeni. Onaj koji oživljava mrtve i prije njihovoga proživljjenja. Isto tako ima svojstvo Stvoritelja prije njihovog stvaranja čime se nameće prihvatanje ovog mišljenja mu'tezilama i njihovim istomišljenicima. O njima smo prethodno govorili i potvrdili da Allah oduvijek čini ono što želi.

Autor kaže: „**Zato što je On sve moćan učiniti, sve je o Njemu ovisno, svaka stvar se Njemu vraća, ništa Mu nije potrebno, Njemu ništa nije slično, On sve čuje i vidi.**“

To je naznaka o potvrdi Njegovih svojstava u praiskonu prije Njegovog stvaranja stvorenja. Govor se odnosi na činjenicu da Njegova svojstva sve obuhvataju i da se, shodno kontekstima, nalaze na svakome mjestu. Ovo ćemo podrobniјe pojasniti u pitanju Allahovog govora, inšallahu te'ala.

Mu'tezile su izmijenile značenje koje se shvata iz riječi Uzvišenog:

﴿...وَاللَّهُ عَلَىٰ كُلِّ شَيْءٍ قَدِيرٌ﴾

, „...A Allah je Svemoćan!“ (El-Bekare, 284.)

Rekli su: On je moćan učiniti sve što može učiniti, a nad samim djelima ljudi, prema njima, On nema moći. Sporili su se da li je moćan učiniti slična djela ili ne?

Da je značenje onako kako oni kažu, onda bi se reklo: „On zna sve ono što zna“, „Stvoritelj je svega onoga što stvara“ i druge slične fraze od kojih nema nikakve koristi. Tako su isključili svojstvo savršenstva Njegove nadmoći nad svime.

Ehli-sunnet zastupa mišljenje da je Allah sve moćan učiniti, a sve što je moguće potpada pod Njegovu moć. Međutim, ono što je nemoguće samo po sebi, kao npr. da određena stvar u isto vrijeme postoji i ne postoji, ustvari je izvan stvarnosti. Nemoguće je nešto tako zamisliti. Ono se, prema saglasnosti razboritih ljudi, ne može ničim ni nazvati. U to spada da stvori nešto poput Sebe, da uništi Sebe i druge slične nemoguće i nepojmljive činjenice.

Ovaj temelj je vjerovanje u Njegovo savršeno i generalno gospodarenje. Ne vjeruje da je On Gospodar svega osim onaj koji vjeruje da je On moćan nad tim svim stvarima. Ne vjeruje u savršenstvo Njegovog gospodarstva i potpunost osim onaj ko vjeruje da je On sve moćan učiniti. Razišli su se oko nepostojeće moguće stvari, da li ona nešto predstavlja ili ne. Zaključak glasi da nepostojeće nije ništa u stvarnosti. Međutim, Allah zna šta će biti prije nego što bude. On to zapiše, spominje i obavijesti o tome, kao što kaže:

﴿ إِنَّ زَلْزَلَةَ السَّاعَةِ شَيْءٌ عَظِيمٌ ﴾

„Zaista je potres Smaka svijeta stvar velika!“ (El-Hadždž, 1.)

To biva u znanju, spomenu i Knjizi, a ne izvan toga, kao što Uzvišeni kaže:

﴿ إِنَّمَا أَمْرُهُ إِذَا أَرَادَ شَيْئًا أَنْ يَقُولَ لَهُ كُنْ فَيَكُونُ ﴾

„I zaista On može, kada nešto hoće, samo za to rekne: 'Budi!' - i ono bude.“ (Jasin, 82.) On kaže:

﴿ وَقَدْ خَلَقْتَ مِنْ قَبْلُ وَلَمْ تَلِكُ شَيْئًا ﴾

„i tebe sam ranije stvorio, a nisi ništa bio.“ (Merjem, 9.) tj. nisi bio ništa u stvarnosti iako si bio nešto u Njegovom znanju, kao što Uzvišeni kaže:

﴿ هَلْ أَنْتَ عَلَى الْإِنْسَنِ حَسِينٌ مِّنَ الْأَدَهِرِ لَمْ يَكُنْ شَيْئًا مَذْكُورًا ﴾

„Zar ne dođe čovjeku jedan dio vremena u kojem nije bio spomena vrijedan.“ (Ed-Dehr, 1.)

Riječi Uzvišenog:

﴿ لَيْسَ كَمِثْلِهِ شَيْءٌ ﴾

„Njemu nije ništa slično“, predstavljaju repliku antropomorfistima (mušebbihe), a riječi Uzvišenog:

﴿ وَهُوَ السَّمِيعُ الْبَصِيرُ ﴾

„...On sve čuje i sve vidi.“ (Eš-Šura, 11.) su replika onima koji poriču Allahova svojstva (mu'attile). Uzvišeni je opisan svojstvima savršenstva i niko Mu po njima nije sličan. Iako stvorene imaju svojstva sluha i vida, njegov sluh i vid nisu kao sluh i vid Gospodara. Potvrda svojstva ne mora značiti poistovjećivanje, jer svoj-

stva stvorenja dolikuju dotičnom stvorenju, a svojstva Stvoritelja dolikuju Stvoritelju.

Mi ne negiramo ono čime se Allah opisao i čime Ga je opisalo stvorenje koje Ga najbolje poznaje i koje poznaje najbolje šta je dužnost a šta je zabranjeno pripisati Gospodaru. On je svoj ummet savjetovao na najbolji način. Imao je najrječitije i najmoćnije pojašnjenje. Ako negiraš nešto od toga, postat ćeš kafir (nevjernik) u ono što je objavljeno Muhammedu, sallallahu alejhi ve sellem. Ako ga opišeš onim čime je Sebe opisao, nemoj Ga poistovjećivati sa Njegovim stvorenjima, jer Njemu nije ništa slično. Ako Ga poistovjetiš sa Njegovim stvorenjima, postat ćeš nevjernik u Njega.

Neim b. Hammad el-Huzai, Buharijin učitelj, je rekao : „Ko poistovjeti Allaha sa Njegovim stvorenjima, postao je nevjernik. Ko negira ono sa čime se Allah opisao, postao je nevjernik. Ono čime se Allah opisao ili Ga je opisao Njegov Poslanik, sallallahu alejhi ve sellem, nije poistovjećivanje.“

Naknadno ćemo spomenuti navod iz govora šejha Et-Tahavija, Allah mu se smilovao, u kome kaže: „Onaj ko se ne bude čuvao negiranja i poistovjećivanja, posrnut će i Allahu neće isповijedati Njegovu čistotu.“

Uzvišeni se opisao, rekavši da ima najuzvišeniji (najljepši) primjer. On kaže:

﴿لِلَّذِينَ لَا يُؤْمِنُونَ بِالْآخِرَةِ مَثُلُّ الْسَّوْءِ وَلَهُ الْمَثَلُ الْأَعْلَى﴾

„*Oni koji u onaj svijet ne vjeruju hrđavih su osobina, a Allah ima svojstva najuzvišenija: On je silan i mudar...*“ (En-Nahl, 60.) Kaže:

﴿وَلَهُ الْمَثَلُ الْأَعْلَى فِي السَّمَاوَاتِ وَالْأَرْضِ وَهُوَ الْعَزِيزُ الْحَكِيمُ﴾

„...Njemu pripada primjer najuzvišeniji i na nebesima i na Zemlji; On je Silan i Mudar.“ (Er-Rum, 27.)

Uzvišeni je Svojim neprijateljima pripisao loš primjer, koji sadrži mahane, nedostatke i lišenost potpunosti, idolopoklonicima i njihovim idolima. Obavijestio je da najuzvišeniji (najljepši) primjer, koji sadržava potvrdu čitavog savršenstva, pripada jedino Njemu. Ko od Njega oduzme neko svojstvo savršenstva, pripisao Mu je loš primjer i negirao ono čime se opisao, tj. najuzvišeniji (najljepši) primjer.

Najuzvišeniji (najljepši) primjer je apsolutna potpunost koja podrazumijeva činjenice postojanosti i potvrđna značenja. Što su ove činjenice kod onoga koji se opisuje potpunije i on je potpuniji i uzvišeniji od drugih.

Pošto su svojstva Gospodara najbrojnija i najpotpunija, On ima i najuzvišeniji primjer. On je najpreči da ima najljepši primjer u odnosu na sve mimo Njega. Zapravo, nemoguće je da u apsolutno najuzvišenijem (najljepšem) primjeru učestvuju dvojica, jer ako se izjednače iz svakog aspekta jedan od drugoga neće biti uzvišeniji. Ako se ne izjednače, jedan koji je opisan njima će ih zadobiti, a bit će nemoguće za drugoga da ima sličan najuzvišeniji primjer. Mišljenja mufessira se razilaze oko tumačenja ovog najuzvišenijeg (najljepšeg) primjera. Njihove navode je usaglasio onaj koga je Allah uputio, pa kaže: „Najuzvišeniji (najljepši) primjer podrazumiјeva najuzvišenije Allahovo svojstvo, znanje onih koji Ga poznaju i Njegovo naučno postojanje, obavijest i spomen o Njemu, te robovanje Uzvišenom Gospodaru putem znanja i postojeće spoznaje u srcima onih koji Ga obožavaju i spominju.“

Ovdje imamo četiri činjenice:

Prva: Potvrda Allahovih uzvišenih svojstava bez obzira poznavali ih ljudi ili ne. Ovo je značenje govora onih koji ga tumače kao svojstva.

Druga: Njihovo postojanje u znanju i osjećajima. Ovo je značenje govora ispravnih prethodnika i naslijednika koji kažu da se nalazi „u srcima onih koji Ga obožavaju i spominju“, tj. spoznaja Njega, spominjanje Njega (zikr), ljubav prema Njemu, uzvišenost,

veličanje Njega, strah od Njega, nada u Njega, pouzdanje na Njega i povratak Njemu. Ovo je vid najuzvišenijeg primjera koji se nalazi u njihovim srcima i u osnovi sa Njim niko drugi u ovome ne učestvuje, već posebno On ima na to pravo u srcima ljudi. On to za sebe zadržava u Svome biću. Ovo je značenje govora mufessira koji kaže da to znači: Stanovnici nebesa Ga veličaju, vole i obožavaju, a i stanovnici Zemlje, i pored toga što Mu neki čine širk, ne-pokornost i negiraju Njegova svojstva. Stanovnici zemlje Ga veličaju, izražavaju Njegovu uzvišenost, pokoravaju se Njegovoj veličini, predaju se Njegovoj snazi i sili. Uzvišeni kaže:

﴿ وَلَهُ مَن فِي السَّمَاوَاتِ وَالْأَرْضِ كُلُّهُ لَهُ قَبْسُونَ ﴾

, „*Njemu pripada sve što je na nebesima i na Zemlji, sve je Njemu poslušno.*“ (Er-Rum, 26.) .

Treća: Spomen Njegovih svojstava, obavijest o njima, izražavanje njihove čistoće od svake vrste mahane, pomanjkanja ili navođenja sličnih primjera.

Četvrta: Ljubav prema Onome ko je opisan ovim svojstvima i ispoljavanje jednoće Njemu, iskrenosti, pouzdanja u Njega i povrat Njemu. Što je vjerovanje u ova svojstva potpunije, ljubav i iskrenost su jači.

Svi navodi ispravnih prethodnika kruže oko ova četiri značenja. Ima li više zalutalog od onoga ko se protivi jasnom govoru Uzvišenog:

﴿ وَلَهُ الْمَثُلُ الْأَعْلَى ﴾

, „...*Njemu pripada primjer najuzvišeniji...*“ (Er-Rum 27.) i

﴿ لَيْسَ كَمِثْلِهِ شَيْءٌ ﴾

, „...*Njemu ništa nije slično...*“ (Eš-Šura, 11.)

Takvi argumentiraju riječima Uzvišenog:

﴿ لَيْسَ كَمُتَّلِّهٍ شَتِّي ﴾

„...**Njemu ništa nije slično...**“ (Eš-Šura, 11.) negiranje svojstava, a slijepi su da bi pročitali ajet u potpunosti čiji završetak glasi:

﴿ وَهُوَ الْسَّمِيعُ الْبَصِيرُ ﴾

„**On sve čuje i sve vidi**“ (Eš-Šura, 11.)

Ova zabluda je jednog od njih, a on je Ahmed b. Ebi-Duad el-Kadi, navela da posavjetuje halifu El-Me'muna da na zastorima Ka'be napiše: „Njemu nije ništa slično, On je Ponosan i Mudar.“ Izmijenio je Allahov govor kako bi negirao Allahov vlastiti opis:
„**On sve čuje i sve vidi.**“

Tako je drugi zalutali Džehm b. Safvan rekao: „Volio sam da sam iz Mushafa izbrisao riječi Uzvišenog:

﴿ ثُمَّ أَسْتَوَى عَلَى الْعَرْشِ ﴾

„...**a zatim se nad Aršom uzvisio.**“ (El-E'ara, 54.)

Molimo Allaha Velikoga, Koji sve čuje i sve vidi, da nas iz Svoje počasti i blagodati učvrsti postojanim govorom u životu na ovom i budućem svijetu.

Analiza riječi *ke mislihi – poput Njega* ima nekoliko tumačenja.

Prvo je da se *kaf* koristi kao čestica spajanja koja je dodata radi potvrde.

Evs b. Hadžer kaže:

(*Lejse ke misli el-feta Zubejr
Halkun juvazibi fil-fedaiki
Poput mladića Zubejra nema ljudi
Koji bi mu bili ravni po vrijednostima*)

Drugi je rekao:

(*Ma enne ke mislihimu finnasi min bešerin*)

Njima nema sličnih među ljudima

Neki je rekao:

(*Ve katla ke misli džuzu'in-nehil*)

Pobijeni su poput stabala palmi

Riječ *mislibi* je predikat od *lejse*. Subjekat im je *šeji*. Ovo tumačenje je veoma jako. Arapi poznaju njegovo značenje u jeziku. Ono nije skriveno ako se putem njega obrati.

Od Arapa se prenosi dodavanje *kafa* radi potvrde, kao što neki kažu:

(*Ve salijatun kekema ju'sejejn*)

Užareno kamenje kao kada sa na njega lonci stave.

Drugi je rekao:

Fe asbehat misle keasfin me'kul.

(Postala je poput izjedene vlati.)

Druga vrsta tumačenja je dodatak riječi *poput*, tj. nije ništa kao On. Ovo mišljenje je neosnovano zato što je riječ *poput* imenica, a mišljenje o dodavanju slova radi potvrde je preče od mišljenja o dodavanju imena.

Treće: U osnovi ne postoji dodavanje nego je to govor poput *misluke la jef'alu keža* (neko poput tebe neće tako uraditi), tj. ti to ne radiš. Ovdje je riječ *misle* (poput) radi hiperbolizacije.

O značenju hiperbolizacije ovdje su rekli: „*Lejse ke mislibi*“ (Nije ništa poput Njega) tj. kada bi se pretpostavilo da ima neko takav, a šta tek reći onda kada takvog nema?! O tome su iznesena i druga mišljenja, a prvo je najjače.

Allahovo znanje

Autor kaže: „Stvorio je stvorena Svojim znanjem.“

Stvoriti znači dovesti u postojanje. Također, stvaranje (halk) dolazi u značenju moći.

Njegove riječi „Svojim znanjem“ označavaju da ih je stvorio znajući ih. Uzvišeni kaže:

﴿أَلَا يَعْلَمُ مَنْ خَلَقَ وَهُوَ الْلَّطِيفُ الْخَبِيرُ﴾

„*A kako i ne bi znao Onaj koji stvara, Onaj koji sve potanko zna, koji je o svemu potanko obaviješten.*“ (El-Mulk, 14.) I kaže:

﴿وَعِنْهُ مَفَاتِحُ الْغَيْبِ لَا يَعْلَمُهَا إِلَّا هُوَ وَيَعْلَمُ مَا فِي الْأَرْضِ وَالْبَحْرِ وَمَا تَسْقُطُ مِنْ وَرَقَةٍ إِلَّا يَعْلَمُهَا وَلَا حَبَّةٌ فِي ظُلْمَدَتِ الْأَرْضِ وَلَا رَطْبٌ وَلَا يَابِسٌ إِلَّا فِي كِتَابٍ مُّبِينٍ وَهُوَ الَّذِي يَتَوَفَّنُكُمْ بِاللَّيْلِ وَيَعْلَمُ مَا جَرَحْتُمْ بِالنَّهَارِ﴾

„*U Njega su ključevi svih tajni, samo ih On zna, i On jedini zna šta je na kopnu i šta je u moru, i nijedan list ne opadne, a da On za njega ne zna; i nema zrna u tminama Zemlje niti ičeg svježeg niti ičeg suhog, ničeg što nije u Jasnoj knjizi. On vas noću uspavljuje - a zna i šta ste preko dana griješili...*“ (El-En'am, 59-60.) U ovom ajetu je replika mu'tezilama.

Imam Abdul-Aziz el-Mekki, sljedbenik imama Šafije i njegov priatelj, u knjizi *El-Hajde* je ispričao svoje polemike sa Bišrom el-Merisijem kod el-Me'muna (halife) kada ga je upitao o znanju Uzvišenog. Bišr je rekao: „On nije nezNALICA.“ Halifa je počeo ponavljati pitanje o osobini znanja potvrđujući ga, a Bišr je govorio: „On nije nezNALICA, ne priznavajući Mu Njegovo znanje.“ Imam Abdul-Aziz reče: „Negiranje neznanja nije osobina pohvale, kao kada se kaže: 'Ovaj stub nije nezNALICA'. Uzvišeni Allah je pohvalio

vjerovjesnike, meleke i vjernike zbog znanja, a nije iznio negaciju neznanja. Ko potvrdi znanje, negirao je neznanje, a ko negira neznanje, nije potvrdio znanje. Stvorenja moraju potvrditi ono što je Allah Sebi potvrdio i negirati ono što je negirao, a suzdržati se od onoga od čega se suzdržao.^{“⁸⁹}

Razumski dokaz Njegovog znanja govori da je nemoguće da nešto stvori sa neznanjem. Stvaranje stvari biva Njegovim htijenjem, a htijenje iziskuje predodžbu o željenom. Predodžba željenog označava znanje o željenom. Zato stvaranje iziskuje htijenje. Htijenje iziskuje znanje. Stvaranje iziskuje znanje. Za stvorenja su vezani propisi i savršenstvo, a to iziskuje znanje Onoga ko ih je načinio, jer potpuno djelo ne može proizići bez znanja. Ima stvorenja koja znaju, a znanje je osobina potpunosti. Zato je nemoguće da Stvoritelj ne bude Znalac. Za to imaju dva puta:

Prvi je da se kaže: Mi nužno znamo da je Stvoritelj savršeniji od stvorenja i da je ono što je obavezno potpunije od mogućeg. Također, nužno znamo kada bismo pretpostavili dvije stvari, tj. da jedna zna a druga ne zna, ona koja zna bila bi potpunija. Kada Stvoritelj ne bi bio zналac, onaj ko bi bio moguć po svome postojanju bi bio od Njega potpuniji, a to je isključeno.

Drugi je da se kaže: Svako znanje o onome šta može postati, a to su stvorenja, a to znanje je od Njega. Nemoguće je da Onaj ko je načinio i izumio savršenstvo da ga bude lišen. To savršenstvo je Njemu najpreče. Allahu pripada najuzvišeniji primjer. On i Njegova stvorenja nisu jednaki, ni po analogiji, u kojoj se navode primjeri, a niti sveobuhvatnoj analogiji. Svaka potpunost koja je potvrđena za stvorenja najpreča je Stvoritelju. Svako pomanjkanje od koga je stvorenje čisto, Stvoritelj je preči da bude čist od njega.

Autor kaže: „On im je odredio sudbine.“

Uzvišeni kaže:

⁸⁹ El-Hajde, 55. i 56. str.

﴿ وَخَلَقَ كُلَّ شَيْءٍ فَقَدْرَهُ تَقْدِيرًا ﴾ (١)

„*Stvorio je sve i kako treba uredio (odredio).*“

﴿ إِنَّا كُلَّ شَيْءٍ خَلَقْنَاهُ بِقَدْرٍ ﴾ (٢)

„*Mi, doista, sve s određenjem stvaramo.*“ (El-Kamer, 49.)

﴿ وَكَانَ أَمْرَ اللَّهِ قَدْرًا مَقْدُورًا ﴾

„*a Allahova zapovijed je odredba konačna.*“ (El-Ahzab, 38.)

﴿ خَلَقَ فَسُوئِي ﴿١﴾ وَالَّذِي قَدَرَ فَهَدَى ﴾

„*Koji sve stvara i čini skladnim, i Koji sve s mjerom određuje i upućuje.*“ (El-E'ala, 2-3.)

U Muslimovom *Sahihu* od Abdullahe b. Amra se prenosi da je Vjetrovjesnik, sallallahu alejhi ve sellem, rekao: „*Allah je predodredio određenje stvorenjima prije nego što je stvorio nebesa i zemlju na pedeset hiljada godina. Njegovo Prijestolje bilo je na vodi.*“⁹⁰

Autor kaže: „**Odredio im je čas smrti.**“

Uzvišeni je odredio čas smrti stvorenjima. Kada dođe smrtni čas oni ga ne mogu ni trenutka ubrzati ni odgoditi. Uzvišeni kaže:

﴿ فَإِذَا جَاءَ أَجَلُهُمْ لَا يَسْتَخِرُونَ سَاعَةً وَلَا يَسْتَقْدِمُونَ ﴾ (٣)

„*....i kad rok njihov prođe, ni za tren ga jedan ne mogu ni odgoditi ni ubrzati.*“ (En-Nahl, 61.) I kaže:

﴿ وَمَا كَانَ لِنَفْسٍ أَنْ تَمُوتَ إِلَّا بِإِذْنِ اللَّهِ كِتَابًا مُؤْجَلًا ﴾

⁹⁰ Sahih; Muslim, 2653.

„Nijedna osoba neće umrijeti bez određenja Allahovog, časa suđenog.“(Ali Imran, 145.)

U Muslimovom *Sahibu* od Abdullaха b. Mes'uda se prenosi da je rekao: „Ummu-Habiba, supruga Vjerovjesnika, sallallahu alejhi ve sellem, je rekla: 'Allahu moj, poživi me sa mojim suprugom, Allahovim Poslanikom, sallallahu alejhi ve sellem, sa Ebu-Sufjanom i mojim bratom Muavijom.' Vjerovjesnik, sallallahu alejhi ve sellem, je rekao: *Pitala si Allaha za smrtne časove koji su određeni, dane koji su odbrojani, i nafake koje su podijeljene. Ništa se neće ubrzati prije njegovog roka, a ni odgoditi. Bilo bi bolje da si molila Allaha da te sačuva od patnje u Vatri i patnje u kaburu.*“⁹¹

Ubijeni će biti mrtav sa smrtnim časom. Allah, subhanahu ve te'ala, je znao, predodredio i presudio da će određena osoba umrijeti povodom bolesti, druga povodom ubistva, treća povodom obrušavanja, požara, utapanja itd. Uzvišeni je stvorio smrt i život, stvorio je povode smrti i života. Kod mu'tezila je ubijenom ugašen njegov život, a da nije ubijen živio bi do svog smrtnog časa, kao da ovakav ima dva smrtna časa, što je sasvim neispravno. Ne pristaje da se Allahu Uzvišenom pripše da je odredio smrtni čas za kojeg zna da do njega neće živjeti, ili da smrtni čas načini jednom od dvije stvari. Tako radi osoba koja ne zna kakve su posljedice. Obavezna je osveta i naknada ubici zato što je počinio zabranu i direktno učestvovao u povodu koji je zabranjen. Prema ovome se tumače i riječi Poslanika, sallallahu alejhi ve sellem: „Održavanje rodbinskih veza produžava život“⁹², tj. povod su produženja života. Uzvišeni je odredio da će dotični održavati rodbinske veze i tim povodom živjeti do određenog trenutka. Da nije tog povoda, ne bi došao do tog cilja. Međutim, odredio je i presudio povod. Također, odredio

⁹¹ Sahih; Muslim, 2663; Ahmed u *Musnedu*, 1/390, 413, 433, 445, 466; Ibn Ebi - Asim u *Es-Sunne*, 262-263.

⁹² Sahih; ovo je dio hadisa koji prenosi Ebu-Ja'la, od Enesa sa slabim lancem prenosilaca, ali je njegovo značenje ispravno. Svjedoče mu mnogi drugi hadisi, a od njih je i Enesov hadis sa potpunim lancem prenosilaca: „Ko želi da mu se dadne obilna nafaka, da se dugo spominje, neka održava rodbinske veze.“ Muttefekun alejhi; El-Buhari, 2067; Muslim, 2557.

je da će onaj ko prekida rodbinske veze živjeti do određenog trenutka, isto kao što smo rekli o ubijanju i neubijanju.

Propisanost dove

Ako se kaže: Da li iz utjecaja održavanja rodbinskih veza na produženje i smanjenje života proizilazi utjecaj dove na to ili ne?

Odgovor je: To nije obavezno, jer je Vjerovjesnik, sallallahu alejhi ve sellem, Ummu-Habibi rekao: „*Pitala si Allaha za časove smrti koji su određeni, dane koji su odbrojani, nafake koje su podijeljene...*“ Zna se da su životi određeni, a dova za njihovu promjenu nije utemeljena za razliku od spasa od patnje na ahiretu. Dova za spas na ahiretu je propisana i korisna. Zar ne vidiš kako je dova za promjenu života propisana zato što sadrži ahiretsku korist, kao dova koju prenosi En-Nesai kao hadis od Ammara b. Jasira da je Vjerovjesnik, sallallahu alejhi ve sellem, rekao: „*Allahu, s Tvojim znanjem o nevidljivom i Tvojom moći nad stvorenjima, poživi me dok je život dobar za mene i usmrti me kada je smrt bolja za mene...*“⁹³

Ovo je ojačano predajom koju prenosi El-Hakim u svome *Sabihu* od Sevbana, radijallahu anhu, da je Vjerovjesnik, sallallahu alejhi ve sellem, rekao: „*Ništa ne može odvratiti određenje osim dove. Život može povećati samo dobročinstvo, a čovjeku nafaka biva uskraćena zbog grijeha kojeg počini.*“⁹⁴

⁹³ Sahih; En-Nesai, 3/54, 55. Nazivanje *El-Mustedreka* Sahihom predstavlja očitu popustljivost zbog mnoštva slabih i apokrifnih hadisa koji se nalaze u njemu. Zato pravi stručnjaci u hadisu kažu: „Prenosi ga El-Hakim u *El-Mustedreku*.“

⁹⁴ Ahmed, 5/277, 280, 282; Ibnu-Hibban, 1090; El-Hakim, 1/493. Hasen, bez riječi „Čovjeku biva uskraćena nafaka...“, El-Hakim kaže da je ispravan, a u tome se slaže Ez-Zehebi. U predaji je nepoznati prenosilac. Međutim, ovom hadisu svjedoče drugi u kojima nema spomenutog dodatka i bez kojeg je hadis hasen. Hadis se u potpunosti spominje u *Fs-Sahiba*, br. 154.

U hadisu je replika onome ko misli da je zavjetovanje povod za odagnavanje iskušenja i postizanje blagodati.

U oba *Sabiba* od Vjerovjesnika, sallallahu alejhi ve sellem, se prenosi da je zabranio zavjetovanje, rekavši: „*Ono ne donosi dobro, nego se putem zavjetovanja uzima od škrtice.*“⁹⁵

Znaj da dova može biti propisana i korisna za neke stvari. Zato se Allah ne odaziva i ne uslišava dove onima koji prelaze granice u dovi.

Imam Ahmed je prezirao da mu upućuju dovu za dug život, rekavši: „To je već završena stvar.“ Uzvišeni kaže:

﴿ وَمَا يُعَمِّرُ مِنْ مُعَمَّرٍ وَلَا يُنَقْصُ مِنْ عُمُرِهِ إِلَّا فِي كِتَابٍ ﴾

„*I ničiji život se ne produži niti skrati a da to nije zabilježeno u Knjizi.*“ (Fatir, 11.)

Neki su rekli da zamjenica u riječi *min umuribi* (od njegovog života) je kao kada se kaže imam dirhem i pola dirhema, pa bi to značilo: od života drugoga živoga neće se oduzeti.

Neki su rekli da se to odnosi na povećanje i smanjivanje u listovima koji se nalaze u rukama meleka, tumačeći riječi Uzvišenog:

﴿ لِكُلِّ أَجْلٍ كِتَابٌ ﴿١٧﴾ يَمْحُوا اللَّهُ مَا يَشَاءُ وَيُثْبِتُ وَعِنْدَهُ أُمُّ الْكِتَابِ ﴾

„*Svako doba imalo je Knjigu. Allah je dokidao što je htio, a ostavljao što je htio; u Njega je glavna Knjiga.*“ (Er-Ra'd, 38 i 39.) da je brisanje i potvrda na listovima koji se nalaze u rukama meleka.

Njegove riječi: „*A kod njega je Ummul-kitab (majka knjige)*“, odnose se ne Levhi-Mahfuz. Na ovo tumačenje ukazuje kontekst ajeta, jer Uzvišeni kaže: „*Svaki rok je zapisan*“, a zatim kaže:

⁹⁵ El-Buhari, 6608; Muslim, 1639. Prenosi ga još Ibn ebi-Asim, 312-314; *El-Ir'a'*, 2585.

﴿ يَمْحُوا اللَّهُ مَا يَشَاءُ وَيُثِبِّتُ ﴾

„....Allah je dokidao što je htio, a ostavljao što je htio.“ (Er-Ra'd, 39.) tj. iz te knjige.

„*Kod Njega je Majka knjige*“, tj. osnova, Levhi Mahfuz. Rečeno je: Allah briše od zakona i derogira što hoće, a potvrđuje što želi ne derogirajući ga. Kontekst jasnije ukazuje na ovo tumačenje od prethodnog, a to su riječi Uzvišenog:

﴿ وَمَا كَانَ لِرَسُولٍ أَنْ يَأْتِيَ بِفَاعِلَةٍ إِلَّا بِإِذْنِ اللَّهِ لِكُلِّ أَجْلٍ كِتَابٌ ﴾

„*I ni jedan poslanik nije donio nijedno čudo sobom već Allahovom voljom. Svako doba imalo je Knjigu.*“ (Er-Ra'd, 38.)

Uzvišeni je obavijestio da Poslanik, sallallahu alejhi ve sellem, ne donosi ajete od sebe, nego od Allaha, a potom kaže:

﴿ لِكُلِّ أَجْلٍ كِتَابٌ ﴿٢٩﴾ يَمْحُوا اللَّهُ مَا يَشَاءُ وَيُثِبِّتُ ﴾

„*Svako doba imalo je Knjigu. Allah je dokidao što je htio, a ostavljao što je htio.*“ (Er-Ra'd, 38-39.) tj. propisi imaju određeni rok i cilj sa kojim se završavaju, a zatim se derogiraju drugim zakonima. Allah derogira što želi od propisa kada istekne rok, a potvrđuje što želi. O ovom ajetu ima i drugih mišljenja, a Allah najbolje zna šta je ispravno.

Autor kaže: „*Njemu nije ništa bilo skriveno prije nego što ih je stvorio, a znao je šta će raditi i prije nego što ih je stvorio.*“

Uzvišeni zna šta je bilo i šta će biti i ono što nije bilo, a da je bilo kako bi bilo. Uzvišeni kaže:

﴿ وَلَوْ رُدُوا لَعَادُوا لِمَا هُوَا عَنْهُ ﴾

„...a kada bi bili povraćeni, opet bi nastavili raditi ono što im je bilo zabranjeno...“ (El-En'am, 28.)

Iako zna da neće biti vraćeni, obavijestio je da kada bi se vratili (na dunjaluk), vratili bi se i onome što im je zabranjeno. Uzvišeni kaže:

﴿ وَلَوْ عَلِمَ اللَّهُ فِيهِمْ خَيْرًا لَا سَمَعُوهُمْ وَلَوْ أَشْمَعْهُمْ لَتَوَلَّوْا وَهُمْ مُغَرَّضُونَ ﴾

„Da Allah zna da od njih može biti ikakva dobra, učinio bi da čuju, a da je učinio i da čuju, oni bi se opet okrenuli, jer oni i inače glave okreću.“ (El-Enfal, 23.)

U ovome je replika rafidijama i kaderijama i onima koji kažu: On ne zna ništa prije nego što ga stvori i dovede u postojanje. Ovo je jedan od ogrankaka pitanja o kaderu, što će kasnije biti više pojašnjeno, inshallahu te'ala.

Svrha postojanja čovjeka

Autor kaže: „Naredio im je da Mu se pokoravaju a zabranio da Mu čine grijeha.“

Autor je spomenuo naredbe i zabrane nakon što je spomenuo stvaranje i određenje, želeći ukazati da je Uzvišeni Allah stvorio stvorenja radi ibadeta Njemu, kao što kaže Uzvišeni:

﴿ وَمَا خَلَقْتُ الْجِنَّ وَالْإِنْسَنَ إِلَّا يَعْبُدُونِ ﴾

„Džine i ljudi sam stvorio samo zato da Me obožavaju.“ (Ez-Zarijat, 56.)

﴿ الَّذِي خَلَقَ الْمَوْتَ وَالْحَيَاةَ لِيَبْلُوْكُمْ أَيْكُمْ أَخْسَنُ عَمَلاً ﴾

„Onaj Koji je dao smrt i život da bi iskušao koji će od vas bolje postupati...“ (El-Mulk, 2.)

Smutnje po pitanju Allahova htijenja

Autor kaže: „Sve se odvija po Njegovom određenju i htijenju. Njegovo htijenje se sprovodi, Njegovi robovi nemaju htijenja osim onoga što On njima želi. Što im želi to će i biti, a što im ne želi, neće biti.“

Uzvišeni kaže:

﴿ وَمَا نَشَاءُونَ إِلَّا أَن يَشَاءَ اللَّهُ إِنَّ اللَّهَ كَانَ عَلَيْمًا حَكِيمًا ﴾

„A vi ćete htjeti samo ono što Allah hoće. Allah, uistinu, sve zna i mudar je.“ (Ed-Dehr, 30.)

﴿ وَمَا نَشَاءُونَ إِلَّا أَن يَشَاءَ اللَّهُ رَبُّ الْعَالَمِينَ ﴾

„A vi ne možete ništa htjeti ako to Allah, Gospodar svjetova, neće!“ (Et-Tekvir, 29.)

﴿ وَلَوْ أَنَّا نَرَلَنَا إِنَّهُمْ الْمَلِئَكَةُ وَكَلَّمُهُمُ التَّوْقَ وَحَسَرْنَا عَلَيْهِمْ كُلَّ شَيْءٍ قُبْلًا مَا كَانُوا لِيُؤْمِنُوا إِلَّا أَن يَشَاءَ اللَّهُ ﴾

„Kad bismo im meleke poslali, i kad bi im mrtvi progovorili, i kad bismo pred njih očigledno sve dokaze sabrali - oni opet ne bi vjerovali, osim ako bi Allah htio.“ (El-En'am, 111.)

﴿ وَلَوْ شَاءَ رُتِكَ مَا فَعَلُوهُ ﴾

„...a da je Gospodar tvoj htio, oni to ne bi učinili.“ (El-En'am, 112.)

﴿ وَلَوْ شَاءَ رُتِكَ لَا مَنْ فِي الْأَرْضِ كُلُّهُمْ جَهِيْنًا ﴾

„Da Gospodar tvoj hoće, na Zemlji bi doista bili svi vjernici.“ (Junus, 99.)

﴿فَمَنْ يُرِدُ اللَّهُ أَنْ يَهْدِيَهُ يَشْرَحْ صَدْرَهُ لِلإِسْلَامِ وَمَنْ يُرِدُ أَنْ يُضِلَّهُ يَجْعَلْ صَدْرَهُ ضَيْقًا حَرَجًا كَانَمَا يَصْعَدُ فِي السَّمَاءِ﴾

„Onome koga Allah želi uputiti - On srce njegovo prema islamu raspoloži, a onome koga želi u zabludi ostaviti - On srce njegovo stegne i umornim učini, kao kad čini napor da na nebo uzleti...“ (El-En'am, 125.)

Uzvišeni govori o Nuhu, alejhis-selam, kada je rekao svome narodu:

﴿وَلَا يَنْفَعُكُمْ نُصْبِحِي إِنْ أَرَدْتُ أَنْ أَنْصَحَ لَكُمْ إِنْ كَانَ اللَّهُ يُرِيدُ أَنْ يُغَوِّبَكُمْ﴾

„Ako vas Allah hoće ostaviti u zabludi, neće vam savjet moj koristiti, ma koliko ja želio da vas savjetujem.“ (Hud, 34.)

﴿مَنْ يَشَاءُ اللَّهُ يُضْلِلُهُ وَمَنْ يَشَاءُ يَجْعَلُهُ عَلَى صِرَاطٍ مُّسْتَقِيمٍ﴾

„Onoga koga hoće - Allah stavlja u zabludu, a onoga koga hoće - na pravi put izvodi.“ (El-En'am, 39.)

Postoje i drugi dokazi da ono što je Allah htio i bilo je, a ono što nije htio nije bilo. Kako u Njegovom carstvu može biti ono što ne želi? Ima li više zalutalog i nevjernijeg čovjeka od onoga koji tvrdi da Allah želi vjerovanje od nevjernika, a da nevjernik želi nevjerstvo, pa je onda nevjernikovo htijenje nadvladalo Allahovo?! Neka je Allah Uzvišen od onoga što oni govore!

Prva smutnja i odgovor na nju

Ako se kaže: Postoji problematičnost shvatanja riječi Uzvišenog:

﴿سَيَقُولُ الَّذِينَ أَشْرَكُوا لَوْ شَاءَ اللَّهُ مَا أَشْرَكَنَا وَلَاَءَابَاؤُنَا﴾

„Mnogobošci će govoriti: 'Da je Allah htio, mi ne bismo druge Njemu ravnim smatrali, a ni preci naši...'“ (El-En'am, 148.)

﴿ وَقَالَ الَّذِيْتَ أَشْرَكُوا لَوْ شَاءَ اللَّهُ مَا عَبَدَنَا مِنْ دُونِهِ مِنْ شَيْءٍ هُنَّ وَلَا إِلَٰهَ اُخْرَىٰ وَلَا حَرَمَنَا مِنْ دُونِهِ مِنْ شَيْءٍ ﴾

„Oni koji Njemu druge smatraju ravnim govore: 'Da je Allah htio ne bismo se ni mi ni preci naši, pored Allaha, nikome klanjali...'“ (En-Nahl, 35.)

﴿ وَقَالُوا لَوْ شَاءَ الرَّحْمَنُ مَا عَبَدَنَاهُمْ مَا لَهُمْ بِاللَّهِ مِنْ عِلْمٍ إِنْ هُنَّ إِلَّا يَخْرُصُونَ ﴾

„I oni vele: 'Da je htio Svemilosni, njih ne bismo obožavali! Oni o tome ništa ne znaju, oni samo lažu.'“ (Ez-Zuhraf, 20.)

Uzvišeni ih je ukorio, jer su njihov širk pripisali Allahovo volji. Također, ukorio je Iblisa, jer je odvođenje u zabludu pripisao Allahu Uzvišenom, kada kaže:

﴿ قَالَ رَبِّهِمَا أَغْوَيْتَنِي لَا زَرَبْتَنِي لَهُمْ فِي الْأَرْضِ وَلَا أَغْوَيْتُهُمْ أَجْهَمْتَهُمْ ﴾

„Gospodaru moj“ - reče - „zato što si me u zabludu doveo, ja ču njima na Zemlji poroke lijepim predstaviti i potrudit ču se da ih sve zavedem.“ (El-Hidžr, 39.)

Reći će se: O ovome je dato nekoliko odgovora, a najbolji glasi: On im je to negirao zato što su argumentirali Njegovim htijenjem protiv Njegovog zadovoljstva i ljubavi. Rekli su: Da On to prezire i mrzi, ne bi ga želio učinivši Njegovo htijenje dokazom Njegovog zadovoljstva. Allah im je to odbacio i negirao zbog uvjerenja da je Allahovo htijenje dokaz da On to naređuje, ili im je to negirao zato što se opire Njegovom Šerijatu i naredbi s kojom je poslao poslanike i objavio knjige Svojim određenjem i presudom. Oni su opće htijenje uzeli za odbijanje naredbe. Htijenje nisu spomenuli iz aspekta tevhida, nego su ga spomenuli opirući se njime Njegovoj

naredbi i odbijajući njime Njegov Šerijat, kao što rade otpadnici i neznalice argumentirajući sudbinom kada im se nešto naredi ili zabrani. Jedan kradljivac je u doba Omera, radijallahu anhu, branio se time što je tvrdio da mu je bilo suđeno da krade, pa mu je Omer, radijallahu anhu, rekao: „Ja ču ti odsjeći ruku sada Allahovim određenjem i sudbinom.“ Tome svjedoče riječi Uzvišenog:

﴿كَذَلِكَ كَذَبَ الَّذِينَ مِنْ قَبْلِهِمْ﴾

,,Tako su isto oni prije njih poricali...“ (El-En'am, 148.)

Znao je da oni žele utjerivati u laž, prije nego što su to učinili. Odakle im da to Allah nije odredio, da li su došli do nevidljivog svijeta?

Druga smutnja i odgovor na nju

Ako se kaže: Šta kažete o Ademovoj argumentaciji sudbinom, protiv Musaa, alejhis-selam, kada mu je Adem rekao: „Zar me koriš za stvar koju je Allah meni propisao prije nego što sam stvoren na četrdeset godina.“ Vjerovjesnik, sallallahu alejhi ve sellem, je posvjedočio da je Adem nadgovorio Musaa⁹⁶, tj. nadvladao ga sa argumentacijom.

Odgovorit će se: Ovu predaju treba primiti sa posluhom i pokornošću, jer se vjerodostojno prenosi od Vjerovjesnika, sallallahu alejhi ve sellem, a ne treba je odbaciti i opovrgavati, kao što su uradile kaderije, niti joj pridavati neumjesna tumačenja. Zapravo, ispravno je da se Adem nije pravdao presudom i određenjem za svoj grijeh. On je najbolje poznavao svoga Gospodara i svoj grijeh. Pojedinci iz njegovog roda kao vjernici ne opravdavaju se kaderom, jer je to neispravno. Musa, alejhis-selam, je najbolje poznavao svoga praoca i njegov grijeh, da bi korio Adema za grijeh za koji se pokajao i koji mu je Allah oprostio, pa ga je odabroa i

⁹⁶ El-Buhari, 3409; Muslim, 2652 i dr.

uputio. Prijekor se odnosi na nedaću zbog koje su njegovi potomci izvedeni iz Dženneta. Adem se pravdao određenjem (sudbinom) za nedaću, a ne za grijeh. Sudbinom se može pravdati prilikom nedaća, ali ne i prilikom grijeha. Ovo je najbolje mišljenje koje je izneseeno o značenju ovog hadisa. Dužnost se predati Allahu u nedaćama koje su već određene, jer spadaju u potpuno zadovoljstvo Allahom kao Gospodarom. Čovjek nema pravo činiti grijeha, a kada ih počini, dužnost mu se pokajati i tražiti oprosta. Znači, kajat će se za grijeha, a strpiti u nedaćama. Uzvišeni kaže:

﴿فَاصْبِرْ إِنَّ وَعْدَ اللَّهِ حَقٌّ وَاسْتَغْفِرْ لِذَنْبِكَ﴾

, „*Pa ti budi strpljiv - Allahovo je obećanje istina - i moli da ti budu oprošteni tvoji grijesi...*“ (El-Mu'min, 55.)

﴿وَإِن تَصْبِرُوا وَتَتَّقُوا لَا يَضُرُّكُمْ كَيْدُهُمْ شَيْئًا﴾

, „*Ako se budete strpjeli i bogobojažni bili, njihovo lukavstvo vam nimalo neće naudititi...!*“ (Ali Imran, 120.)

Iblisove riječi:

﴿رَبِّنِي أَغْوَيْتَنِي﴾

, „...*zato što si me u zabludu doveo...*“ (El-Hidžr, 39.) su prijekor za njegovo opravdavanje sudbinom, a nisu prijekor za priznanje određenom i potvrđenom sudbinom. Zar nisi čuo Nuhove, alejhis-selam, riječi:

﴿وَلَا يَنْفَعُكُمْ نُصْحِنِي إِنْ أَرَدْتُ أَنْ أَنْصَحَ لَكُمْ إِنْ كَانَ اللَّهُ يُرِيدُ أَنْ يُغْوِيَكُمْ هُوَ رَبُّكُمْ وَإِلَيْهِ تُرْجَعُونَ﴾

, „*Ako vas Allah hoće ostaviti u zabludi, neće vam savjet moj koristiti, ma koliko ja želio da vas savjetujem On je Gospodar vaš i Njemu ćete se vratiti.*“ (Hud, 34.)

Pjesnik je lijepo rekao:

*Ono što si htio bilo je, pa makar ja ne htio
A ono što sam htio ako Ti nisi želio, nije ni bilo*

Od Vehba b. Munebbiha⁹⁷ se prenosi da je rekao: „Razmatrao sam kader, pa sam se zbumio. Ponovo sam to učinio, pa sam se zbumio. Potom sam našao da najbolje kader poznaju oni koji najmanje ulaze u razmišljanje i polemiku o njemu. Najveće neznanice o kaderu su oni koji najviše o njemu pričaju.“

Uputa i zabluda

Autor kaže: „On, azze ve dželle, upućuje koga hoće, štiti i opraća, dobrovoljno. On odvodi u zabludu koga hoće, uđava i iskušava pravedno.“

Ovo je replika mu'tezilama koji zastupaju mišljenje o obveznosti činjenja onoga što je najispravnije za čovjeka, od strane Allaha Uzvišenog. To je pitanje upute i zablude. Mu'tezile su rekle: Uputa od Allaha je pojašnjenje puta ispravnosti, a zabluda nazivanje čovjeka zalutalim i Njegova presuda čovjeku da je u zabludi prilikom stvaranja čovjeka zablude u samome sebi. Ovakvo mišljenje se temelji na neispravnoj postavci koja kaže da su djela ljudi stvorena od njih. Dokaz za ovo što smo rekli su riječi Uzvišenog:

﴿إِنَّكُمْ لَا تَهْدِي مَنْ أَحْبَبْتُ وَلَكِنَّ اللَّهَ يَهْدِي مَنْ يَشَاءُ﴾

„Ti, doista, ne možeš uputiti na Pravi put onoga koga ti voliš (želiš da uputiš), Allah ukazuje na Pravi put onome kome On hoće...“ (El-Kasas, 56.)

⁹⁷ On je imam, autorutet, historičar, Vehb b. Munebbih b. Kamil el-Jemani es-San'ani, brat Hemmama b. Munebbiha. Rodio se za vrijeme Osmana, radikalno anhu, 34. h.g. Prenosi od mnogih ashaba i tabi'ina. Umro je 110. h.g.

Da uputa predstavlja pojašnjenje puta ovakva negacija upućivanja od strane Vjerovjesnika, sallallahu alejhi ve sellem, ne bi bila ispravna, jer Vjerovjesnik, sallallahu alejhi ve sellem, je pojasnio put i onome koga voli i koga mrzi. Uzvišeni kaže:

﴿ وَلَوْ شِئْنَا لَا تَنْهَا كُلَّ نَفْسٍ هُدَّنَا هَا ﴾

,*A kad bismo htjeli, svakog čovjeka bismo na Pravi put uputili...*“ (E-Sedžde, 13.)

﴿ يُضْلِلُ اللَّهُ مَنْ يَشَاءُ وَهُدِيَ مَنْ يَشَاءُ ﴾

,*Allah stavља u zabludu onoga koga hoće, i na pravi put ukazuje kome hoće.*“ (El-Mudessir, 31.)

Kada bi uputa od Allaha predstavljala pojašnjenje, a ona je generalna za svakoga pojedinca, ne bi bilo ispravno ograničiti se na htijenje. Također, Uzvišeni kaže:

﴿ وَلَوْلَا بِعْمَةَ رَبِّي لَكُنْتُ مِنَ الْمُخْضَرِينَ ﴾

,*Da nije bilo milosti Gospodara moga, i ja bih bio od privedenih.*“ (Es-Saffat, 57.)

﴿ مَنْ يَشَاءُ اللَّهُ يُضْلِلُهُ وَمَنْ يَشَاءُ جَعَلَهُ عَلَى صِرَاطٍ مُّسْتَقِيمٍ ﴾

,*Allah stavља u zabludu, a onoga koga hoće - na pravi put izvodi.*“ (El-En'am, 39.)

Autor kaže: „Svi kruže u okviru Njegovog htijenja između Njegove blagodati i pravednosti.“

Uzvišeni za njih kaže:

﴿ هُوَ الَّذِي خَلَقَكُمْ فَمِنْكُمْ كَافِرٌ وَمِنْكُمْ مُّؤْمِنُ ﴾

„On je Onaj Koji vas stvara, pa ima od vas i nevjernika, a ima od vas i vjernika...“(Et-Tegabun, 2.)

Koga je uputio na vjerovanje, to je zbog Njegove blagodati i Njemu pripada zahvala. Koga je odveo u zabludu, to je iz Njegove pravednosti, a opet Mu pripada zahvala. Za ovo značenje će biti nešto više pojašnjenja, inšallah.

Autor, Allah mu se smilovao, nije na jednom mjestu objedinio govor o kaderu, nego ga je razdijelio, a ja sam ga naveo prema njegovom poretku.

Allahova uzvišenost

Autor kaže: „**On je Uzvišen od toga da ima Sebi ravnoga ili suparnika.“**

Uzvišeni nema oponenta. Ono što je htio bilo je, a ono što nije htio nije ni bilo. On nema Sebi ravnoga, kao što kaže:

﴿ وَلَمْ يَكُنْ لَهُ كُفُواً أَحَدٌ ﴾

„Iniko Mu ravan nije!“ (El-Ihlas, 4.)

Autor putem negacije Allahu nekog ravnog i suparnika daje repliku mu'tezilama koji tvrde da rob stvara svoje djelo.

Autor kaže: „**Niko ne može odvratiti Njegovo određenje, niti opovrgnuti Njegovu presudu, niko Ga ne može nadvladiti u Njegovoj odredbi.“**

Niko ne može odbaciti Allahovo određenje, niti Njegovu presudu odgoditi, niti Njegovu naredbu nadvladati, nego je On Allah Jedan i Nadmoćan nad svim.

Autor kaže: „U sve ovo vjerujemo i duboko smo ubjedeni da je sve od Njega.“

O imanu će nešto kasnije biti govora, inšallahu te'ala, a ubjedjenje dolazi od riječi 'el-ikan' i jezički označava smirenje vode u izvoru. Sve što postoji dolazi od Allaha, tj. Njegovim određenjem i presudom, htijenjem i stvaranjem, a o tome će biti nešto više govora kasnije, inšallahu te'ala.

Vjerovanje u našega Vjerovjesnika, sallallahu alejhi ve sellem

Autor kaže: „Muhammed je Njegov odabrani rob, vjerovjesnik i poslanik s kojim je On zadovoljan.“

Odabir i zadovoljstvo imaju približno slično značenje. Znaj da se potpunost stvorenja ogleda u ostvarenju robovanja Allahu Uzvišenom. Što čovjek više ostvaruje obožavanje, više je potpuniji i njegov stepen je veći. Onaj koji smatra da može izaći iz obožavanja na jedan način i da je izlazak potpun, najveća je neznalica i najviše je zalutao. Uzvišeni kaže:

﴿ وَقَالُوا أَخْنَدَ الْرَّحْمَنُ وَلَدًا سُبْحَنَهُ بَلْ عِبَادٌ مُّكَرَّمُونَ ﴾

„Oni govore: 'Svemilosni je uzeo dijete!' - Uzvišen neka je On! A meleki su samo robovi poštovani.“ (El-Enbija', 26.)

O tome govore i drugi ajeti. Uzvišeni Allah je spomenuo Svoga Vjerovjesnika, sallallahu alejhi ve sellem, sa imenom „rob“ na najčasnijoj poziciji. U suri El-Isra' kaže:

﴿ سُبْحَنَ اللَّذِي أَسْرَى بِعَتْدِيهِ ﴾

„Uzvišen neka je Onaj Koji je u jednom času noći preveo Svoga roba...“ (El-Isra', 1.) I kaže:

﴿ وَإِنَّهُ لَكَ قَامَ عَبْدُ اللَّهِ يَدْعُونَهُ ﴾

„*A kada je Allahov rob ustao da Mu se pomoli...*“ (El-Džinn, 19.)

﴿ فَأَوْحَى إِلَيْهِ عَبْدِهِ مَا أَوْحَى ﴾

„*I objavio robu Njegovu ono što je objavio.*“ (En-Nedžm, 10.)

﴿ وَإِن كُنْتُمْ فِي رَيْبٍ مِّمَّا نَزَّلْنَا عَلَى عَبْدِنَا ﴾

„*A ako sumnjate u ono što smo Mi objavili robu Svome...*“ (El-Bekare, 23.)

Zato je zaslužio prednost nad ljudima i na dunjaluku i na ahiretu. Zato će Mesih na Sudnjem danu, kada od njega budu tražili zaščitanje poslije vjerovjesnika, reći: „Idite Muhammedu, robu kome su oprošteni njegovi prijašnji i budući grijesi.“⁹⁸ Ovaj stepen se dogodio usavršavanjem i upotpunjnjem obožavanja Allaha, azze ve dželle.

Raznovrsni dokazi poslanstva

Autorove riječi: „Muhammed je...“ su vezane za njegove riječi „Allah je Jedan Koji nema sudruga.“

Sve ovo je u kontekstu riječi u kojima autor kaže na početku: „O Allahovoj jednoći kažemo...“

Poznati pravac kod apologetičara i teoretičara je potvrda vjerovjesništva putem mu'džiza (nadnaravnih djela). Mnogi od njih poznaju vjerovjesništvo samo putem mu'džiza. To su ustanovili neu-saglašenim pravcima.

⁹⁸ Muttefekun alejhi; El-Buhari, 4476; Muslim, 193; to je dio hadisa koji će kasnije biti u potpunosti naveden.

Mnogi od njih su nijekali nadnaravnosti drugima mimo vjerojvesnika tako da su zanijkali keramete evlja, magije (sihr) i sl.

Nema sumnje da su mu'džize ispravan dokaz. Međutim, dokazi nisu samo ograničeni na mu'džize. Na vjerovjesništvo se pozivaju i najistinoljubiviji a i najlažljiviji ljudi. Ovo je nejasno samo najvećim neznašicama. Okolnosti u kojima žive govore o njima. Upoznaju druge i prave razliku između istinoljubivog i lašca. Za put ispitivanja tvrdnji koje se ne odnose na vjerovjesništvo ima mnogo načina, a šta tek reći kada se odnosi na vjerovjesništvo? Kako je samo lijep Hassanov, radijallahu anhu, govor u kome se kaže:

*Da kod njega nije bilo jasnih dokaza
Intuicija bi ti govorila⁹⁹*

Na svakom lašcu, koji se pozivao na vjerovjesništvo, neminovno su se pojavili znakovi neznanja, laži, grješništva i šejtanske obuzetosti, i to svakome onome koji ima i najmanju moć razlikovanja dobra od zla. Poslanik, sallallahu alejhi ve sellem, mora ljudi obavještavati o određenim stvarima i naređivati im određene stvari. Nemino mora činiti stvari kojima pojašnjava svoju istinoljubivost. Kod lažljivca se očituje ono što naređuje, o čemu obavještava i što čini, a time pokazuje svoju laž na više načina, za razliku od istinoljubivog. Obje osobe se pozivaju na vjerovjesništvo, jedna je iskrena, a druga je lažac. Nemino se mora očitovati istinoljubivost jednog i laž drugog, pa makar nakon određenog vremena. Istinaljubivost iziskuje dobročinstvo, a laž iziskuje griješenje.

U oba *Sabiha* od Vjerovjesnika, sallallahu alejhi ve sellem, se prenosi da je rekao: „Pridržavajte se iskrenosti, jer iskrenost upućuje na dobročinstvo, a dobročinstvo upućuje na Džennet. Čovjek koji neprestano bude istinu govorio i tragao za njom kod Allaha će biti upisan kao istinoljubivi. Čuvajte se laži, jer laž vodi u grijeh, a grijeh vodi u Vatru. Čovjek koji nepre-

⁹⁹ Mibred u *El-Kamilu*, 9-10. str.

stano laže i traga za laži, bit će upisan kod Allaha kao lažac.¹⁰⁰ Zato je Uzvišeni rekao:

﴿ هَلْ أَنْتُمْ عَلَىٰ مَنْ تَنَزَّلُ الْشَّيْطَنُونَ ﴾ تَنَزَّلُ عَلَىٰ كُلِّ أَفْلَكٍ أَثِيمٍ ﴿ يُلْقَوْنَ السَّمَاءَ وَأَكْثَرُهُمْ كَذِبُونَ ﴾ وَالشَّعَرَاءَ يَتَعَاهُمُ الْغَاوُونَ ﴾ إِنَّمَا تَرَ أَنَّهُمْ فِي كُلِّ وَادٍ يَهِيمُونَ ﴾ وَأَنَّهُمْ يَقُولُونَ مَا لَا يَفْعَلُونَ ﴾ ﴾

„Hoću li vas obavijestiti kome dolaze šejtani? Oni dolaze svakom lašcu, grješniku, oni prisluskuju - i većinom oni lažu. A zavedeni slijede pjesnike. Zar ne znaš da oni u svaki govor zadiru, i da govore ono što ne rade.“ (Eš-Šu'ara', 221-226.)

Vračari i njima slični, iako nekada donose obavijesti o nevidljivim stvarima koje budu istina, ipak kod sebe imaju daleko više jasne laži i grješništva. To govori da ono o čemu donose obavijesti ne dolazi od meleka, a nisu ni vjerovjesnici. Zato je Vjerovjesnik, sallallahu alejhi ve sellem, Ibn-Sajjadu rekao: „Nešto sam ti sakrio“, pa reče: „A to je dim“. Vjerovjesnik, sallallahu alejhi ve sellem, reče: „Budi ponižen. Nećeš prevazići ono što ti je određeno.“¹⁰¹ Želio je reći: „Ti si vračar.“

Rekao je Vjerovjesniku, sallallahu alejhi ve sellem: „Dolazi mi i iskreni i lažac.“¹⁰² Rekao je: „Vidim prijestolje na vodi.“¹⁰³ To je šejtanovo prijestolje, a pojasnio je da pjesnike slijede oni koji su

¹⁰⁰ Muslim, 2607, 105; Ebu-Davud, 4989; i dr. Šejh Ahmed Šakir kaže: „Ova dva dodatka su potvrđena u Muslimovoj predaji.“ Autor je popustljivo pripisao predaju sa ovim riječima *Sahibima*. Šejh Albani kaže: „Hadis je sahih, a sažeto se prenosi u *El-Edebu iz Sahihul-Buharija*, kao što je spomenuo šejh Šakir, Allah mu se smilovao.“ *El-Edebul-mufred*, 386.

¹⁰¹ Sahih; hadis od Ibn-Omera koji se navodi u oba *Sabiba*: El-Buhari, 1354; Muslim, 2930.

¹⁰² Sahih; El-Buhari, 6273; Muslim, 2930; dio hadisa Ibn-Omera koji je pretvodno spomenut.

¹⁰³ Sahih; Bilježi ga Muslim, 8/190/2925; hadis od Seida b. Hudrija. Vjerovjesnik, sallallahu alejhi ve sellem, mu je rekao: „Vidiš Iblišovo prijestolje na moru.“

zalutali. Zalutao je onaj koji slijedi svoju strast, znajući da će ga to koštati u budućnosti.

Ko spozna Poslanika, sallallahu alejhi ve sellem, njegovu istinoljubivost i dosljednost, te podudarnost njegovih riječi sa djelima, ubijeđeno će znati da nije ni pjesnik ni враčар.

Ljudi prave razliku između iskrenog i lašca putem različitih argumentata kada se neko poziva na neki zanat ili izjave, kao npr. da poznaje poljoprivredu, tkanje, kaligrafiju, gramatiku, medicinu, fikh i sl. Vjerovjesništvo obuhvata više nauka i djela, a Poslanik, sallallahu alejhi ve sellem, se mora nužno opisati njima. To su najčasnije nauke i djela. Kako se iskreni može pomiješati sa lašcem u tim naukama i izjavama? Nema sumnje da oni koji tragaju za istinom znaju da se za obavijest jednog, dvojice ili trojice mogu vezati konteksti iz kojih se dobiva kategoričko znanje, kao kada čovjek prepozna zadovoljstvo drugog čovjeka, njegovu ljubav, mržnju, radost, tugu putem znakova na njegovom licu. Nekada se ove stvari ne mogu izraziti, kao što Uzvišeni kaže:

﴿ وَلَوْ نَشَاءُ لَا رَبَّكُمْ فَلَعْرَفَتُهُمْ بِسِيمَهُمْ ﴾

,*A da hoćemo, Mi bismo ti ih, uistinu, pokazali i ti bi ih, sigurno, po biljezima njihovim poznao....*“ (Muhammed, 30.) I kaže:

﴿ وَلَتَعْرِفَهُمْ فِي لَخْنِ الْقَوْلِ ﴾

,*Ali, ti ćeš ih poznati po načinu govora njihova...*“ (Muhammed, 30.)

Rečeno je¹⁰⁴: „Niko neće sakriti neku tajnu, a da je Allah neće otkriti na izrazima njegovog lica ili na ispadima njegovog jezika.“ Kada se istinoljubivost i laž onoga koji donosi određenu obavijest zna putem konteksta, kako onda može neko tvrditi da je Allahov poslanik i kako se istinitost ovoga može sakriti tako da se ne može

¹⁰⁴ To je rekao Osman b. Affan, radijallahu anhu.

raspoznati od laži? Kako da se ne razlikuje iskreni od lašca putem različitih dokaza?

Hadidža, radijallahu anha, znala je da je Vjerovjesnik, sallallahu alejhi ve sellem, istinoljubiv i dobročinitelj. Kada mu je došla Objava, rekao je: „*Pobojao sam se za sebe.*“¹⁰⁵

Rekla je: „Nikako, tako mi Allaha, Allah te nikada neće poniziti. Ti održavaš rodbinske veze, istinoljubivo govorиш, skribiš nemoćne, dočekuješ gostu, daješ siromašnom i pomažeš u nedaćama.“¹⁰⁶

On se nije bojao namjerne laži, on je za sebe znao da ne laže, nego se pribajavao da mu nije došlo kakvo zlo izvana. Hadidža je spomenula činjenice koje to pobijaju, a on, sallallahu alejhi ve sellem, je imao prirodne urođenosti lijepoga ponašanja i ophođenja. Zna se, prema Allahovom zakonu, da On neće obrukati ni poniziti onoga koga je stvorio sa lijepim manirima ponašanja i očistio ga od ružnih osobina.

Isto je rekao En-Nedžaši kada je od njih tražio informacije o onome o čemu ih Poslanik, sallallahu alejhi ve sellem, obavještava, pa je zahtijevao da mu prouče nešto od Kur'ana. Kada su mu proučili, rekao je: „Ovo i ono sa čime je došao Musa izlazi iz jedne svjetiljke.“¹⁰⁷

Isto se odnosi na Vereku b. Neufela¹⁰⁸ kada ga je Vjerovjesnik, sallallahu alejhi ve sellem, obavijestio o onome što je vidio. Vereka je prešao na kršćanstvo, a pisao je Indžil na arapskom jeziku. Hadidža mu je rekla: „Amidža, saslušaj šta govorи tvoj nećak.“ Kada ga

¹⁰⁵ Sahih; dio hadisa koji govori o početku objave na početku *Sabihul-Buharija*.

¹⁰⁶ El-Buhari, 3, 4953, 6982; Muslim, 160; hadis se prenosi od Aiše.

¹⁰⁷ Hasen; dio hadisa Ummu-Seleme u kojem se govori o njenoj hidžri u Abesiniju. Prenosi ga Ibn-Ishak u *Siri*, 1/357-363 od Ibn-Hišama, a od njega Ahmed, 1/201-203. Lanac prenosilaca je dobar.

¹⁰⁸ On je Vereka b. Nevfel b. Esed b. Abdul-Uzza b. Kusajj, amidžić Hatidže, radijallahu anha. Prezirao je ibadet kipova. Tragao je za ispravnom vjerom. U hadisu o početku Objave razumije se da je potvrdio poslanstvo Allahova Poslanika, sallallahu alejhi ve sellem, zbog čega ga Et-Taberi, El-Begavi, Ibnu-Seken i drugi ubrajuju u ashabe.

je Vjerovjesnik, sallallahu alejhi ve sellem, obavijestio o onome što vidi, rekao je: „To je izaslanik koji je dolazio Musau.“¹⁰⁹

Isto se odnosi i na Heraklijia, bizantijskog cara. Vjerovjesnik, sallallahu alejhi ve sellem, mu je poslao pismo u kojem ga poziva u islam. Herakl je potražio Arape koji su tamo bili. Ebu-Sufjan se tamo zadesio sa skupinom Kurešija radi trgovine u Šamu. Oni su mu dovedeni, pa ih je upitao o stanjima Vjerovjesnika, sallallahu alejhi ve sellem. Upitao je Ebu-Sufjana i naredio ostalima da ga oni opomenu ako slaže. Svojom šutnjom su odobravali njegove vijesti.

Upitao je: „Da li je neki njegov predak bio kralj?“, pa je odgovorio: „Ne.“

Upitao je: „Da li je prije njega iko iznosio slična mišljenja?“, pa su rekli: „Ne.“

Upitao je: „Da li je on poznat po rodu među vama?“ Odgovorili su: „Da.“

Upitao ih je: „Da li ste ga ikad prije optuživali za laž, prije nego što je iznio svoj govor?“ Rekli su: „Ne. Kod njega nismo okusili laži.“

Upitao ih je: „Da li ga slijede slabi ili ugledni ljudi?“ Spomenuli su da ga slijede slabi.

Upitao je: „Da li se njihov broj povećava ili smanjuje?“ Rekli su da se povećava.

Upitao je: „Da li je iko od njih ostavio svoju vjeru iz srdžbe nakon što je u nju ušao?“ Odgovorili su: „Ne.“

Upitao ih je: „Jeste li se borili protiv njega?“ Odgovorili su: „Da.“

Upitao ih je o ratu između njih i njega. Odgovorili su: „Jedanput mi pobijedimo, a jedanput oni.“

Upitao je: „Da li je sklon prevari?“ Rekli su da nije.

¹⁰⁹ El-Buhari, prethodno spomenuti hadis koji se prenosi od Aiše.

Upitao je: „A šta vam naređuje?“ Rekli su: „Naređuje nam da obožavamo Allaha Jedinoga i da Mu ništa ne pripisujemo. Zabranjuje nam obožavanje onoga što su obožavali naši očevi. Naređuje nam namaz, iskrenost, čednost i čuvanje rodbinskih veza.“

Ovo je više, od deset pitanja. Zatim im je pojasnio dokaze iz ovih pitanja.

Rekao je: „Upitao sam vas: 'Da li je iko od njegovih predaka bio kralj?' Odgovorili ste: 'Ne.' Da je neko od njegovih predaka bio kralj rekao bih da čovjek traži vlast svoga pretka.

Upitao sam vas: 'Da li je među vama iko prije iznosio takva mišljenja?' Rekli ste: 'Ne.' Da je iko prije njega to rekao, rekao bih taj čovjek slijedi govor koji je već prije iznešen.

Upitao sam vas: 'Jeste li ga optuživali za laž prije nego što je iznio svoj govor?' Rekli ste: 'Ne.' Tako sam znao da on neće ostaviti iznošenje laži ljudima, a zatim preći na laž na Allaha.

Upitao sam vas: 'Da li ga slijede slabi ili ugledni ljudi?' Rekli ste: 'Slabi', a to su sljedbenici poslanika, tj. na početku njihovoga poslanstva.

Upitao sam vas: 'Da li se njihov broj povećava ili smanjuje', pa ste rekli: 'Povećava se.' Takvo je vjerovanje sve dok se ne upotpuni.

Upitao sam vas: 'Da li se iko odmetnuo od njegove vjere iz srdžbe prema njemu nakon što je ušao u nju?' Rekli ste: 'Ne', a vjerovanje je takvo. Kada se Njegova vedrina pomiješa sa srcima, ništa ih ne može rasrditi. Ovo je jedan od najvećih znakova iskrenosti i istinoljubivosti. Laž i neistina se na kraju moraju otkriti, pa se njeni sljedbenici povrate, a oni koji nisu ušli u takvu vjeru poslije u nju ne žele ući. Neistina se pronosi malo, a zatim se otkrije.

Upitao sam vas: 'Kakav je rat između vas i njega?' Rekli ste da obostrano i pobjeđujete i gubite. Tako je sa poslanicima. Bivaju iskušavani, a krajnji ishodi pripadaju njima.

Upitao sam vas: 'Da li je sklon prevari?' Rekli ste: 'Ne.' Poslanici ne varaju.“¹¹⁰

Herakle je imao znanje o poslanicima i Allahovim zakonima, i da ih On nekada pomaže, a nekada iskušava. Poslanici nikada ne varaju. Znao je da su to znakovi poslanika. Znao je da je Allahov zakon o vjerovjesnicima i vjernicima da ih iskušava neimaštinom i izobiljem kako bi postigli stepen zahvale i strpljenja.

U *Sabihu* se prenosi da je Vjerovjesnik, sallallahu alejhi ve sellem, rekao: „*Tako mi Onoga u čijoj je Ruci moja duša, Allah neće odrediti vjerniku ni jednu stvar a da to nije dobro za njega. To pripada samo vjerniku. Zahvaljuje ako ga snade izobilje i to je dobro za njega. Strpi se ako ga snade oskudica, pa je i to dobro za njega.*“¹¹¹

Uzvišeni Allah je pojasnio u Kur'anu da neprijateljsko nadvladanje na dan Uhuda ima svoju mudrost. On kaže:

﴿ وَلَا تَهْنُوا وَلَا تَحْزَنُوا وَأَنْتُمُ الْأَعْلَوْنَ إِنْ كُنْتُمْ مُّؤْمِنِينَ ﴾

„*Ne klonite duhom, i ne žalostite se! Vi ćete gornji biti, ako vjernici budete!*“ (Ali Imran, 139.)

﴿ أَتَمْ أَحَسِبَ النَّاسُ أَنْ يُتْرَكُوا أَنْ يَقُولُوا إِنَّا مَانَّا وَهُمْ لَا يُفَتَّنُونَ ﴾

„*Elif-lam-mim! Zar misle ljudi da će biti ostavljeni na miru ako kažu: 'Mi vjerujemo!' i da u iskušenje neće biti doveđeni?*“ (El-Ankebut, 1-2.)

¹¹⁰ El-Buhari, 7; Ahmed, 1/262, 273.

¹¹¹ Muslim, 8/227/2999; Ahmed, 4/332, 333, 6/15, 16, sa riječima: „Čudi ti se vjerniku, sve je za njega dobro, a to niko drugi nema...“ Preostali dio hadisa je isti. U predaji od Ahmeda stoji: „Dok je Allahov Poslanik, sallallahu alejhi ve sellem, bio sa ashabima nasmijao se i rekao: 'Zar me nećete upitati zašto se smijem?' Rekli su: 'Allahov Poslaniče, čemu se smiješ?' Odgovorio je: 'Čudim se vjerniku...'“ Lanac prenosilaca je ispravan prema uslovima Muslima. Predaja ima i drugu koja je svjedoči u sažetom obliku. *Es-Sabiha*, 147.

Postoje i drugi ajeti i hadisi koji ukazuju na Allahov zakon o Njegovim stvorenjima i Njegovoj savršenoj mudrosti koja zapanjuje razume.

'Upitao sam vas šta vam naređuje, pa ste spomenuli da vam naređuje da obožavate Allaha i da Mu nikoga ne smatrate ravnim. Naređuje vam namaz, iskrenost, čednost i čuvanje rodbinskih veza, a zabranjuje vam ono što su obožavali vaši preci. To je svojstvo vjerovjesnika. Znao sam da će vjerovjesnik biti poslan. Nisam mislio da će biti od vas. Volio bih da budem iskren prema njemu. Da mi nije ove vlasti, otišao bih do njega. Ako je ono što govorиш istina, on će zavladati ovim mjestom na kojem stojim.'

Na ova pitanja je odgovarao Ebu-Sufjan b. Harb. Tada je bio nevjernik i jedan od najžešćih ljudi koji su mrzili i bili neprijatelji prema Vjerovjesniku, sallallahu alejhi ve sellem. Ebu-Sufjan je rekao: „Rekao sam svojim saputnicima dok smo izlazili: 'Uvećalo se pitanje Ibn Ebi Kebše (Poslanika, sallallahu alejhi ve sellem). Njega respektuje vladar Bizantinaca. Neprestano sam bio uvjeren da će Vjerovjesnikov, sallallahu alejhi ve sellem, poziv nadvladati sve dok me Allah nije uputio u islam, a ja sam to prezirao.'“

Treba znati da zaključci u srcu nastaju putem nekoliko zajedničkih stvari. Jedne od drugih nekada ne mogu biti neovisne. Čovjekovo saznanje o sitosti, zahvale, radosti, potištenosti su uporedno neodvojive stvari. Ne mogu se zasebno dešavati. Međutim, uz njih se dešavaju djelimične stvari.

Isto tako, znanje se zadobiva nekom informacijom. Predaja od jedne osobe srcu daje jednu vrstu sumnje. Predaja od dvije osobe ga ojačava sve dok se ne formira saznanje koje se uvećava i osnaži. Isto se odnosi na dokaze iskrenosti, laži i sl.

Uzvišeni Allah je na svijetu ostavio tragove koji ukazuju na ukažanu počast vjerovjesnicima i vjernicima, kao i na kaznu koju je dao onima koji su nijekali Njegove dokaze, kao što su poplave i potapanje Faraona i njegove vojske. Nakon što Allah navodi kazivanja o poslanicima jedno za drugim u suri Eš-Šu'ara, kao što je

kazivanje o Musau, Ibrahimu, Nuhu i drugima poslije njih. Na kraju svakog ovog kazivanja kaže:

﴿ إِنَّ فِي ذَلِكَ لَذِكْرٌ وَمَا كَانَ أَكْثَرُهُمْ مُؤْمِنِينَ ﴾ ﴿ وَإِنَّ رَبَّكَ هُوَ الْعَزِيزُ الرَّحِيمُ ﴾

„U ovome je uistinu dokaz, ali većina njih nisu vjernici, a tvoj Gospodar je Ponosan i Milostiv.“ (Eš-Šu'ara', 8-9.)

Općenito rečeno, znanje o onima koji su na zemlji govorili da su Allahovi poslanici, a ljudi su ih slijedili, dok su im se drugi suprotstavljeni, je najuzvišenije i najisticačnije znanje koje se prenosi sa kategoričkim pouzdanjem. Allah, azze ve dželle, je pomogao poslanike i vjernike i dao im pozitivne posljedice i kaznio njihove neprijatelje. Prenošenje obavijesti o ovim činjenicama je isticajnije i jasnije od prenošenja obavijesti o prethodnim narodima poput perzijskih kraljeva i učenjaka u medicini, kao što su bili Hipokrat, Sokrat, Platon, Aristotel i njihovi sljedbenici.

Kada danas putem kategoričkih predaja znamo stanje vjerovjensnika, njihovih sljedbenika i neprijatelja, iz nekoliko aspekata, zasigurno, znamo da su bili iskreni i da su slijedili istinu. Oni su obavijestili narode o svojoj pobjedi i porazu neprijatelja, te konačnici koje će njima pripasti. Uzvišeni Allah im je dao pobjedu i uništio njihovog neprijatelja. Kada se sazna način na koji se to odvijalo, kao što je bio potop Faraona, Nuhovog naroda i drugo, sazna se i za istinoljubivost poslanika.

Ko sazna navode poslanika, u vidu zakona i pojedinosti vezanih za njih, očituje mu se da su oni najznanija bića i da takve činjenice ne mogu proizaći od lažaca i neznalica. Korist, milost, uputa, dobro, ukazivanje stvorenjima na koristi i sprječavanje štete, s kojima su došli poslanici, jasno ukazuju da mogu proizaći isključivo od brižnih dobročinitelja koji žele krajnje dobro i korist stvorenjima.

Dokazi vjerovjesništva Muhammeda, sallallahu alejhi ve sellem, u vidu mu'džiza i njihovo podrobnije pojašnjavanje će biti spomenuto na drugom mjestu.

Neki učenjaci su o tome napisali posebne spise, kao što je to uradio imam El-Bejheki¹¹².

Nijekanje poslanstva predstavlja vrijedanje Gospodara

Nijekanje poslanstva Muhammeda, sallallahu alejhi ve sellem, predstavlja vrijedanje Gospodara Uzvišenog i pripisivanje nepravde i neuračunljivosti Njemu. Neka je uveliko uzvišen Allah od toga. To, zapravo, označava nijekanje Gospodara u potpunosti.

Ovo ćemo pojasniti sljedećim: Ako Muhammed, sallallahu alejhi ve sellem, prema njima nije istinoljubivi vjerovjesnik već nepravedni vladar, onda je spreman i da iznese laž na Allaha i da doneše različite neispravne navode. Tako će činiti sve dok ne bude po svom nahođenju dozvoljavao i zabranjivao, postavljao obaveze i zakone, derogirao vjeru, ubijao ljudе i sljedbenike poslanika, a oni su sljedbenici istine. Tako će porobljavati njihove žene, uzimati njihove imetke, potomstvo i staništa kao ratni plijen. To će mu se upotpuniti kad oslobodi zemlju. Sve će to pripisati Allahovoј odredbi i ljubavi prema Njemu. Gospodar Uzvišeni ga vidi i ono što, navodno, čini sa sljedbenicima istine. On tako, navodno, nastavlja lagati na Njega dvadeset i tri godine, a Allah ga podržava i pomaže, podiže njegov spomen, učvršćuje ga u povodima pobjede koja izlazi van okvira običnog ljudskog poimanja. On mu se odaziva na pozive, uništava njegove neprijatelje, podiže mu spomen, on je kod njih vrhunac laži, potvore i nepravde.

Nema nepavednjeg od onoga koji laže na Allaha, te opovrgava i mijenja zakone vjerovjesnika i ubija Njegove šitćenike. Njegova pobjeda nad njima je bila stalna. Allah mu to potvrđuje, On ga ne uzima za desnicu, niti mu kida njegovu žilu kucavicu. Tada bi bili

¹¹² On je imam, hafiz, autoritet, učenjak Horosana, Ebu-Bekr Ahmed b. Husejn b. Alija el-Bejheki. Autor mnogih djela. Umro je 458. h.g.

prisiljeni da kažu: Nema Tvorca svijeta niti njegova Uređivača. Da svijet ima onoga ko ga uređuje, Moćnog i Mudrog, spriječio bi ga i izašao pred njega. Učinio bi da bude primjerno kažnjen zbog dobrih, jer vladarima samo to pristaje, a šta tek reći o Vladaru svih vladara i najpravednjem sucu?

Nema sumnje da mu je Allah Uzvišeni podigao spomen, njegov poziv i svjedočenje o vjerovjesništvu iznio pred najvećim svjedocima u preostalim dijelovima zemlje. Mi ne negiramo da postoje mnogi lašci koji su imali moć. Međutim, njihov poziv nije upotpunjeno i nije dugo trajao. Zapravo, Allah je njima nadredio Svoje poslanike i njihove sljedbenike. Oni su ih uništili i iskorijenili. Ovo je Allahov zakon koji oduvijek važi. Čak i nevjernici to znaju:

﴿ أَمْ يَقُولُونَ شَاعِرٌ شَرِيكٌ لِّهِ رَبِّ الْمَنْوَنِ ۝ قُلْ تَرَبَصُوا فَإِنِّي مَعْكُمْ مِّنَ الْمُرْتَصِينَ ﴾

„Zar oni da govore: 'On je pjesnik, sačekat ćemo mi da ga uklone događaji vremena.' 'Pa čekajte' - reci ti - 'i ja ću zajedno s vama čekati.'“ (Et-Tur, 30-31.)

Zar ne vidiš da obavještava da Njegova savršenost, mudrost i moć ne prihvataju da potvrdi navode onih koji na Njega iznose laži? Neminovno takve mora učiniti poukom za Svoje robove, kao što se odvijao Allahov zakon u pogledu onih koji su govorili laži na Njega. Uzvišeni kaže:

﴿ أَمْ يَقُولُونَ أَفْتَرَى عَلَى اللَّهِ كَذِبًا فَإِنِّي بِشَارِلَ اللَّهِ تَحْتَمُ عَلَى قَلْبِكَ ﴾

„Zar oni da govore: 'On izmišlja o Allahu laži! A Allah će, ako hoće, srce tvoje zapečatiti!'“ (Eš-Šura, 24.)

Ovdje se završava odgovor na postavljeni uslov.

Zatim je iznio kategoričku obavijest bez komentara: „On potire neistinu i iznosi istinu.“ Uzvišeni kaže:

﴿ وَمَا قَدَرُوا اللَّهَ حَقَّ قَدْرِهِ إِذْ قَالُوا مَا أَنْزَلَ اللَّهُ عَلَىٰ بَشَرٍ مِّنْ شَيْءٍ ﴾

„Oni ne poznaju Allaha kako treba - kad govore: 'Ni jednom čovjeku Allah nije ništa objavio!'“ (El-En'am, 91.)

Obavijestio je da nije spoznao Njegovu suštinsku veličinu onaj ko negira Njegovo slanje vjerovjesnika i Njegov govor.

Razlika između vjerovjesnika i poslanika

Spomenuli su razlike između vjerovjesnika i poslanika, a najbolje pojašnenje je sljedeće:

Onaj kome je Allah dao nebesku objavu, naredivši mu da je dostavi drugima, on je vjerovjesnik i poslanik.

Ako mu nije naređeno da drugima dostavi onda je vjerovjesnik, a nije poslanik.

Poslanik ima posebnost u odnosu na vjerovjesnika. Svaki poslanik je vjerovjesnik, a svaki vjerovjesnik nije poslanik.

Poslanstvo je samo po sebi općenitije. Vjerovjesništvo je dio poslanstva, jer poslanstvo podrazumijeva i vjerovjesništvo i drugo, dok poslanici ne obuhvataju vjerovjesnike i druge. Poslanstvo je samo po sebi općenitije, a specifičnije sa aspekta onih koji ga nose (poslanici).

Slanje poslanika je najveća blagodat ljudima, a posebno se to odnosi na Muhammeda, sallallahu alejhi ve sellem, kao što kaže Uzvišeni:

﴿ لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِّنْ أَنفُسِهِمْ يَتَلَوَّ عَائِنِمْ ۚ أَيَّتِهِ وَيُرَكِّبُهُمْ وَيُعَلِّمُهُمُ الْكِتَابَ وَالْحِكْمَةَ ۖ وَإِنْ كَانُوا مِنْ قَبْلِ أَيْنِي ضَلَالٌ مُّبِينٌ ﴾

„Allah je vjernike (milošću Svojom) darovao kada im je poslanika između njih poslao, da im ajete Njegove kazuje, da ih očisti, i da ih Knjizi i mudrosti pouči, iako su prije u očitoj zabludi bili!“ (Ali Imran, 164.) I kaže:

﴿ وَمَا أَرْسَلْنَاكَ إِلَّا رَحْمَةً لِّلْعَالَمِينَ ﴾ ١٧

„a Tebe smo samo kao milost svjetovima poslali.“ (El-Enbija', 107.)

Odlike Muhammeda, sallallahu alejhi ve sellem

Autor kaže: „On je pečat vjerovjesnika.“

Uzvišeni kaže:

﴿ وَلِكُنْ رَسُولَ اللَّهِ وَحَاتَمَ الْأَئْمَانِ ﴾

„....nego je Allahov poslanik i posljednji vjerovjesnik.“ (El-Ahzab, 40.)

Poslanik, sallallahu alejhi ve sellem, kaže: „Primjer mene i primjer ostalih vjerovjesnika je poput dvorca koji je lijepo sagrađen, ali na njemu nije popunjeno jedan elemenat. Promatrači oko njega obilaze i dive se ljepotu građevine osim mjesta na kome nema elementa. Ničemu drugome ne nalaze mahanu. Ja sam taj koji je popunio mjesto tog elementa. Putem mene je građevina dovršena i putem mene su zapečaćeni poslanici.“¹¹³ Ovaj hadis se prenosi u oba Sahiba.

¹¹³ Sahih; Pripisivanje ovog hadisa sahihima sa ovim terminima je pogrešno. Ova predaja se nalazi kod Ibn-Asakira u *Historiji Damaska* hadis od Ebu-Hurejre. Kao što se prenosi u *El-Džami'ul-kebir* od Es-Sujutija, 2/03/1. El-Buhari i Muslim ga prenose od Džabira, kao i Ahmed, 2/244, 256, 312, 398, 412, 3/361. Prenosi ga također, 3/9 od Ebu-Seida el-Hudrija.

Poslanik, sallallahu alejhi ve sellem, kaže: „*Ja imam imena, ja sam Muhammed, pa Ahmed, El-Mahi, putem kojeg Allah briše kufr, El-Hašir, iža koga će biti proživljeni ostali ljudi, El-Akib, onaj poslije kojeg nema vjerovjesnika.*“¹¹⁴

U Muslimovom *Sabihu* od Sevbana se prenosi da je Allahov Poslanik, sallallahu alejhi ve sellem, rekao: „*U mom će umetu biti trideset lažaca. Svaki od njih će tvrditi da je vjerovjesnik, a ja sam pečat svih vjerovjesnika. Nema vjerovjesnika poslije mene.*“¹¹⁵

Muslim, također, prenosi da je Allahov Poslanik, sallallahu alejhi ve sellem, rekao: „*Dato mi je šest odlika nad ostalim vjerovjesnicima: dat mi je koncizan govor, pomognut sam strahom, dozvoljen mi je ratni plijen, zemlja mi je učinjena mjestom obavljanja namaza i sredstvom čišćenja, poslat sam svim ljudima i sa mnom su započaćeni vjerovjesnici.*“¹¹⁶

Autor kaže: „**Predvodnik bogobojaznih.**“

Poslanik, sallallahu alejhi ve sellem, je predvodnik za kojim se drugi povode, tj. za njim pristaju. Vjerovjesnik, sallallahu alejhi ve sellem, je poslan da se za njim pristaje. Uzvišeni kaže:

﴿ قُلْ إِنْ كُنْتُ تُحْبُّونَ اللَّهَ فَاتَّبِعُونِي يُخْبِتُكُمُ اللَّهُ أَعْلَمُ ﴾

„*Reci: 'Ako vi Allaha volite, onda mene slijedite, i vas će Allah voljeti...'“* (Ali Imran, 31.)

Svako ko ga slijedi i pristaje za njim spada u bogobojazne.

Autor kaže: „**Predvodnik poslanika.**“

¹¹⁴ El-Buhari, 3532; Muslim, 2354; hadis se prenosi od Džubejra b. Mut'ima.

¹¹⁵ Ebu-Davud, 4252; Ahmed, 5/278; i dr. također.

¹¹⁶ Sahih; Muslim, 523; hadis od Ebu-Hurejre, a prenosi ga i Et-Tirmizi, 1/293/1553. On kaže da je ovaj hadis hasen-sahih. Ahmed, 2/412. On ima istu predaju sa različitim prenosiocima. Navodi se u *El-Irvā'u*, 285.

Poslanik, sallallahu alejhi ve sellem, kaže: „*Ja sam predvodnik Ademovog potomstva na Sudnjem danu, prvi nad kojim će se rascijepiti kabur, prvi zalagač i prvi čije će se zalaganje primiti.*“¹¹⁷ Prenosi ga Muslim.

Na početku hadisa o šefa'atu stoji: „*Ja sam predvodnik ljudi na Sudnjem danu.*“¹¹⁸

Prenose Muslim i Et-Tirmizi od Vaile b. el-Es-ka'a, radijallahu anhu, da je Allahov Poslanik, sallallahu alejhi ve sellem, rekao: „*Allah je odabrao Kinanu iz potomstva Ismailova. Odabralo je Kurejš od Kinane. Od Kurejša je odabralo Benu Hašim, a mene iz Benu Hašima.*“¹¹⁹

Vrednovanja vjerovjesnika jednog nad drugim bez pristrasnosti

Ako se kaže: Shodno ovome Poslanikov, sallallahu alejhi ve sellem, govor je problematičan, jer se kaže: „*Nemojte me smatrati vrednjim od Musaa. Ljudi će biti proživljeni na Sudnjem dnu. Bit ću prvi koji će se probuditi i naći Musaa kako se drži za stub Arša. Ne znam da li će se probuditi prije mene, ili ga je Allah posebno izuzeo.*“¹²⁰ Bilježe ga sakupljači oba *Sabiha*.

¹¹⁷ Muslim, 7/59/2278; Ebu-Davud, 4673; Ibn-S'ad u *Et-Tabekat*, 1/20; Ahmed, 2/540; hadis od Ebu-Hurejre. Ovaj hadis ima mnogo drugih koji mu svjedoče. Neki su navedeni u *Zilaul-Dženneb*, 792-796.

¹¹⁸ Muslim, 1/127; El-Buhari, 2/334, 3/272; Ahmed, 2/435; Hadis od Ebu-Hurejre. Ed-Darimi, 7/27-28; Ahmed, 3/144; sa ispravnim lancem prenosilaca od Enesa. Dodao je „Bez ponosa.“ Prenosi ga i Et-Tirmizi od Ebu-Se'ida. Bit će kasnije naveden.

¹¹⁹ Muslim, 2276; Et-Tirmizi, 2/281/3612. Kaže: „Ovaj hadis je hasen-sahih. Termimi su iz Muslimovog *Sabiha*, a Et-Tirmizijevi termini su potpuniji, ali u ovoj predaji ima onih koji imaju mnogo grešaka kao što sam pojasnio u *Et-Sabiha*“, 302.

¹²⁰ El-Buhari u *El-Husumat*, 2/89; *El-Enbija'*, 13/359; *Er-Rikak*, 4/234; *Et-Tevhid*, 4/474; Muslim, u *El-Fedail*, 7/101; Ahmed, 2/264; hadis od Ebu-Seleme od Ebu-Hurejre sa potpunim lancem sa riječima: „*Nemojte me smatrati boljim*“, a riječi „*Nemojte me smatrati vrednjim*“ se prenose kod El-Buharija i Muslima, iz pravca El-E'aredža u drugom kontekstu. U hadisu Ebu-Seleme se navodi:

Kako se može ovo usaglasiti sa riječima: „Ja sam predvodnik Ademovog potomstva, bez oholog ponosa.“¹²¹

Odgovorit će se: Ovaj navod ima povod. Neki je židov rekao: „Ne, tako mi Onoga Koji je odabrao Musaa nad cijelim čovječanstvom.“ Neki musliman ga je ošamario rekavši: „Zar tako govorиш, a Allahov Poslanik, sallallahu alejhi ve sellem, je među nama?“ Židov je došao i požalio se na muslimana koji ga je udario. Zatim je Vjerovjesnik, sallallahu alejhi ve sellem, izrekao te riječi.

Ako se putem izricanja prednosti i vrijednosti želi istaći pristrasnost i duševna pohota, onda je pokuđeno. Pokuđeno je da se čovjek bori radi nacionalizma i pristrasnosti. Allah je zabranio oholu ponositost. Uzvišeni kaže:

﴿ وَلَقَدْ فَضَّلْنَا بَعْضَ النَّبِيِّنَ عَلَىٰ بَعْضٍ ﴾

„Mi smo jedne vjerovjesnike nad drugima odlikovali...“ (El-Isra', 55.) I kaže:

﴿ * تِلْكَ الْأُرْسُلُ فَضَّلْنَا بَعْضَهُمْ عَلَىٰ بَعْضٍ مِّنْهُمْ مَنْ كَلَمَ اللَّهُ وَرَفَعَ بَعْضَهُمْ دَرَجَاتٍ *

„To su poslanici, Mi smo odlikovali jedne nad drugima. S nekim od njih je Allah govorio, a neke je za više stupnjeva uzdigao...“ (El-Bekare, 253.)

„Musa će se držati za stranu Arša.“ El-E'aredž kaže: „Musa će se držati za Arš.“ Predaja od Ahmeda od El-E'aredža i Ebu-Seleme glasi: „Nači ću Musaa kako se pridržava za stranu Arša.“

¹²¹ Sahih; Et-Tirmizi, 2/282; Ibn-Madže, 4308; Ahmed, 3/2; hadis od Ebu-Se'iда el-Hudrija. Et-Tirmizi kaže: „Hadis je hasen-sahih“, prenosi ga Ahmed, 1/281-295. Ovako se prenosi od Ibn-Abbasa, a svjedoči mu drugi hadis od Ebu-Ihurejre sa sljedećim riječima: „Ja sam predvodnik Ademovog potomstva na Sudnjem danu.“ Muslim, 7/59; Ebu-Davud, 4673; Ibn-S'ad, 1/20, i nalazi se u sličnim verzijama u oba Sahiha. Prethodno je naveden. Spomenuli smo drugi hadis koji mu svjedoči, a ima i još jedan koji se prenosi od Selmana, a navodi se u Es-Sabiba, 1571.

Tako se zna da je pokuđeno davanje prednosti u smislu izričanja ohole ponositosti ili radi umanjivanja vrijednosti onoga ko je manje vrijedan. U kontekstu ovoga se tumače riječi Poslanika, sallallahu alejhi ve sellem: „*Nemojte davati prednosti vjerovjesnicima jednim nad drugima.*“¹²² - ako je hadis potvrđen (vjerodostojan), a isto se prenosi u hadisu koji govori o Musau. Prenosi ga El-Buhari i drugi.

Neki ljudi kažu da ovaj hadis ima mahanu za razliku od hadisa koji govori o Musau koji je vjerodostojan i u njemu nema mahane prema saglasnosti učenjaka.

Drugi su dali drugi odgovor, a glasi da je Vjerovjesnik, sallallahu alejhi ve sellem, riječima: „*Nemojte mi davati prednost nad Musaom*“, ili „*Nemojte davati prednost vjerovjesnicima jednim nad drugim.*“ - želio zabraniti posebno vrjednovanje, tj. poslanici se dotično i poimenično ne

¹²² Sahih; El-Buhari, 3414; Muslim, 2373; hadis od Ebu-Hurejre od Ebu Abdur-Rahmana el-E'aredža koji kaže: „Dok je neki židov nudio svoju robu, dato mu je nešto što je prezreno i nije bio zadovoljan. Rekao je: 'Tako mi Onoga Koji je odabrao Musaa nad cijelim čovječanstvom.' Neki ensarija ga je čuo i ošamario ga. Rekao mu je: 'Kažeš: Tako mi Onoga Koji je odabrao Musaa nad cijelim čovječanstvom, a Allahov Poslanik, sallallahu alejhi ve sellem, je među nama.' Potom je židov otisao do Allahovog Poslanika, sallallahu alejhi ve sellem, i rekao: 'Ebul-Kasime, imam garanciju i ugovor. Jedan čovjek me je udario po licu!' Allahov Poslanik, sallallahu alejhi ve sellem, je upitao: 'Zašto si ga udario?' Rekao je: 'Zbog toga što je rekao da je Musa odabran nad čovječanstvom, a ti si među nama.' Allahov Poslanik, sallallahu alejhi ve sellem, se rasrdio tako da se srdžba vidjela na njegovom licu. Potom je rekao: '*Nemojte davati prednost vjerovjesnicama jednim nad drugim. Puhnut će se u Sur, pa će svi na nebesima i zemlji pomrijeti osim onaj koga Allah poštediti. Zatim će se punnuti drugi put, pa će prvi biti proživljen, ili će biti među prvima koji su proživljeni. Tada će se Musa, alejbis-selam, držati za Arš. Ne znam da li mu je uračunato to što se onesvjestio na dan Tura, ili će biti proživljen prije mene? Ne kažem da je iko bolji od Junusa b. Mettaa, alejbis-selam.*' Prenosi ga El-Buhari, 2/360-361; Muslim, 7/100-101; Komentator je aludirao na neispravnost hadisa, a ja ne poznajem nikakve mahane. O njemu se nije negativno izrazio Hafiz u *El-Fethu*, 6/318. Ovom hadisu svjedoči i predaja od Ebu-Seida el-Hudrija sa potpunim lancem prenosilaca: „*Nemojte smatrati boljim vjerovjesnike jedne od drugih, jer će ljudi biti usmrćeni...*“ El-Buhari, 2/89; Muslim, 7/102; Ahmed, 3/33; Ebu-Davud, 4648; Ebu-Davud prenosi samo prvu rečenicu ovog hadisa; Ahmed, 3/31.

vrjednuju jedan nad drugim, za razliku od njegovih riječi: „*Ja sam predvodnik Ademovog potomstva, bez obolog ponosa.*“ Ovo je općenito vrednovanje za koje nema smetnje, kao da se kaže: „Ta i ta osoba je najvrednija u svome kraju.“ Ovo se ne odnosi na pojedince za razliku od toga kada bi se reklo nekome: „*Ova osoba je bolja od tebe.*“ Potom sam video da je imam Et-Tahavi, Allah mu se smilovalo, dao isti odgovor u knjizi *Šerbu me'ani el-asar*.

Predaja od Vjerovjesnika, sallallahu alejhi ve sellem, u kojoj se kaže: „*Nemojte me vrednovati nad Junusom b. Mettaom.*“¹²³

Jedan šejh je rekao: Ovaj hadis se neće protumačiti sve dok se ne dadne lijep imetak, a kada su ga dali, protumačio ga je ovako: „*Junusova blizina Allahu dok je bio u kitovoj utrobi je kao blizina Allahu u noći Mi'radža*“, smatrajući to velikim tefsirom. Ovo ukazuje na njihovo neznanje o Allahovom govoru i govoru Poslanika, sallallahu alejhi ve sellem, terminima i značenjima. Hadis sa ovim terminima nije prenesen ni od jednog sabirača zbirki hadisa koje se uzimaju u obzir, već termin koji se prenosi u vjerodostojnoj predaji glasi: „*Nije prilično (dolično) nijednom čovjeku da kaže:* „*Ja sam bolji od Junusa b. Mettaa.*“¹²⁴

U drugoj predaji se kaže: „*Ko kaže: 'Ja sam bolji od Junusa b. Mettaa' - slagao je.*“

Ovaj termin ukazuje na općenitost. Nikome nije prilično (dolično) da sebe smatra vrednijim i boljim od Junusa b. Mettaa. Ovdje se muslimanima ne zabranuje da smatraju Muhammeda vrednijim od Junusa, jer je Allah Uzvišeni obavijestio da ga je progutala riba i da je bio prekoren. Uzvišeni kaže:

¹²³ Ne poznajem utemeljenje ovoj predaji sa ovim terminima. Prethodno je spomenut hadis Ebu-Hurejre u kome se kaže: „*Ne kažem da je iko bolji od Junusa b. Mettaa.*“

¹²⁴ El-Buhari, 3415; Muslim, 2376; Ahmed, 1/242, 254. i drugi. Termini su Muslimovi, 2376. tj. Uzvišeni je rekao: „*Ne treba rob (Moj rob)...*“ Druga predaja je kod El-Buharija u *Tefsiru*.

﴿ وَذَا الْئُونِ إِذْ ذَهَبَ مُغَنِّيْبًا فَطَمَّ أَن لَّنْ تَقْدِرَ عَلَيْهِ فَنَادَى فِي الظُّلْمَمِتِ أَن لَا إِلَهَ إِلَّا أَنْتَ سُبْحَنَكَ إِنِّي كُنْتُ مِنَ الظَّالِمِينَ ﴾

„I spomeni Zunnuna, kada srdit ode i pomisli da ga nećemo usmrtiti, pa poslije u tminama zavapi. 'Nema boga osim Tebe, Uzvišen neka si! Ja sam, zaista, bio od onih koji su nasilje učinili!'“ (El-Enbija', 87.)

Neki ljudi mogu pomisliti da su oni bolji od Junusa i da nisu u potrebi za ovom pozicijom, jer oni ne čine ono u vezi čega je on bio prekoren. Ko ovako misli, slagao je, već svaki Allahov rob kaže ono što je rekao Junus „Nema drugoga boga osim Tebe, neka je slava Tebi, ja sam uistinu od nepravednih“. Tako je govorio i prvi i zadnji vjerovjesnik.

Prvi je Adem koji kaže:

﴿ رَبَّنَا ظَلَمَنَا أَنفُسَنَا وَإِن لَّمْ تَغْفِرْ لَنَا وَتَرْحَمْنَا لَنَكُونَنَا مِنَ الْخَسِيرِينَ ﴾

„Gospodaru naš“ - rekoše oni – „sami smo sebi krivi, i ako nam Ti ne oprostiš i ne smiluješ nam se, sigurno ćemo biti izgubljeni.“ (El-E'raf, 23.), a zadnji od njih, najbolji njihov predvodnik, Muhammed, sallallahu alejhi ve sellem, u vjerodostojnom hadisu u kojem se navodi početna dova prilikom namaza, iz predaje Alije b. Ebi-Taliba, radijallahu anhu, kaže se: „Svoje lice sam okrenuo... Allahu, Ti su Vladar, nema drugog boga osim Tebe, Ti si moj Gospodar, a ja sam Tvoj rob. Sebi sam počinio nepravdu i priznajem svoj grijeh. Oprosti mi sve grijehu, a niko ne opršta grijehu osim Tebe.“¹²⁵

Tako je rekao Musa, alejhi selam:

﴿ رَبِّنِي ظَلَمْتُ نَفْسِي فَاغْفِرْ لِي فَغَفَرَ لَمَّا إِنَّهُ هُوَ الْغَفُورُ الْرَّحِيمُ ﴾

¹²⁵ Muslim, 771; Ahmed, 1/94, 95. i drugi hadis od Alije, radijallahu anhu. Ovo je dio dove koja se uči poslije oblačenja ihmara. Navodi se u knjizi *Sifetus-salah*, str. 85.

„...Ja sam sebi zlo nonio, oprosti mi, i On mu oprosti, On, uistinu prašta i On je milostiv.“ (El-Kasas, 16.)

Isto se odnosi i na Junusa kada je o njemu rečeno:

﴿فَاصْبِرْ لِتَكُرِّ رِبِّكَ وَلَا تَكُنْ كَصَاحِبِ الْحُوتِ﴾

„Ti strpljivo čekaj presudu Gospodara svoga i ne budi kao onaj što u kitu bi...“ (El-Kalem, 48.)

Vjerovjesniku, sallallahu alejhi ve sellem, je zabranjeno da se sa njim poistovjeti, a naredio mu je da se poistovjeti sa odlučnim poslanicima kada je rečeno:

﴿فَاصْبِرْ كَمَا صَبَرَ أُولُو الْعَزْمِ مِنَ الرَّسُّلِ﴾

„Ti izdrži kao što su izdržali odlučni poslanici...“ (El-Ahkaf, 35.)

Možda će neko reći: Ja sam bolji od Junusa, a ko je bolji ima pravo da se ponosi nad ostalima. A šta ako nije bolji? Allah ne voli svakog gordog hvalisavca.

U Muslimovom Sahihu od Vjerovjesnika, sallallahu alejhi ve sellem, se prenosi da je rekao: „Objavljeni mi je da budete skromni i da se niko od vas ni nad kim ne ponosi, niti da jedni na druge nasrćete.“¹²⁶

Uzvišeni Allah je zabranio iznošenje ponosa nad vjernicima općenito, a šta tek kada se radi nad časnom vjerovjesniku? Zato je rekao: „Čovjek ne treba govoriti: Ja sam bolji od Junusa b. Mettaa.“ Ovo je općenita zabrana svakome onome ko se vrjednuje ili ponosi nad Junusom.

Također je rekao: „Ko kaže: 'Ja sam bolji od Junsa b. Mettaa, slagao je.'“

¹²⁶ Muslim, 1/160/2865; hadis od Ijada b. Himara. Ovom hadisu svjedoči Enesov hadis koji se navodu u Es-Sahiha, 570.

Kada bi se prepostavilo da je bolji, ovakav govor bi postao maha na, a čovjek lažac. Ovo ne govori časni Vjerovjesnik, sallallahu alejhi ve sellem, nego je ovakva prepostavka općenita, tj. ko ovo izgovori, lažac je, iako to Vjerovjesnik, sallallahu alejhi ve sellem, neće reći. Tako Uzvišeni kaže:

﴿لَئِنْ أَشْرَكْتَ لَيَحْبَطَنَّ عَمَلُكَ﴾

„Ako budeš druge Allahu ravnim smatrao, tvoja će djela si-gurno propasti.“ (Ez-Zumer, 65.) iako je, sallallahu alejhi ve sellem, sačuvan od širka, ali obećanje i prijetnja dolaze radi pojašnjenja veličine djela.

Poslanik, sallallahu alejhi ve sellem, je obavijestio da je predvodnik Ademovog potomstva, a mi to ne možemo znati osim putem njegove obavijesti. Poslije njega nema vjerovjesnika koji bi nas obavijestio o veličini njegova ugleda kod Allaha. Isto tako, obavijestio nas je o vrijednosti vjerovjesnika prije njega, neka je na njih sve blagoslov i spas. Zato je svoje riječi popratio navodom „bez obolog ponosa“, kao što se navodi u jednoj predaji. Da li onaj koji vjeruje u Allaha i Sudnji dan može reći: Stepen na koji je doveden putem Israa (i Mi'radža) do svoga Gospodara, a on je približen, poštovan i počašćen, je poput stepena onoga koji je bačen u kitovu utrobu kao prekoren?! Kolika li je razlika samo između iskušanog čovjeka kojeg treba prevaspitati i između privrženog i poštovanog! Ovo je krajnje približavanje, a drugo krajnje prevaspitanje. Razmotri ovu argumentaciju. Sa ovim izmijenjenim značenjem i terminom Poslanik, sallallahu alejhi ve sellem, to nije rekao. Da li se ovaj dokaz o negiranju Allahove uzvišenosti nad Njegovim stvorenjima može suprotstaviti ispravnim, jasnim i kategoričkim dokazima o Allahovo uzvišenosti nad Njegovim stvorenjima kojih ima više od hiljadu? O tome će, inšallah te'ala, posebno govoriti autor, Allah mu se smilovao, u poglavljju: „On sve obuhvata i On je iznad svega“.

Autor kaže: „On je miljenik Gospodara svjetova.“

Njemu, sallallahu alejhi ve sellem, je potvrđena najviša pozicija ljubavi, a to je prisno prijateljstvo, kao što se vjerodostojno prenosi da je Poslanik, sallallahu alejhi ve sellem, rekao: „*Allah me je uzeo za prisnog prijatelja, kao što je Ibrahima uzeo za prisnog prijatelja.*“¹²⁷

I rekao je: „*Da sam od stanovnika Zemlje uzeo ikoga za prisnog prijatelja, uzeo bih Ebu-Bekra, ali je vaš prijatelj (Poslanik, sallallahu alejhi ve sellem) prisni prijatelj Milostivog.*“¹²⁸

Oba hadisa se prenose u *Sabihu* i opovrgavaju navode onih koji kažu: Prisno prijateljstvo pripada Ibrahimu, a ljubav Muhammedu. Ibrahim je Allahov prisni prijatelj, a Muhammed Njegov miljenik.

U *Sabihu* stoji: „*Ja se proglašavam čistim od svakog prisnog prijateljstva.*“¹²⁹ Ljubav je potvrđena za druge, kao što Uzvišeni kaže:

﴿ وَاللَّهُ يُحِبُّ الْمُحْسِنِينَ ﴾

„*A Allah voli dobročinitelje!*“ (Ali Imran, 134.)

﴿ فَإِنَّ اللَّهَ يُحِبُّ الْمُتَّقِينَ ﴾

„*...pa Allah voli bogobojazne.*“ (Ali Imran, 76.)

﴿ إِنَّ اللَّهَ يُحِبُّ الْوَابِينَ وَيُحِبُّ الْمُتَطَهِّرِينَ ﴾

„*Allah, doista, voli one koji se kaju i voli one koji se čiste.*“ (El-Bekare, 222.)

¹²⁷ Muslim, 532; i Ebu-Avane, hadis od Džunduba. Dio ovog hadisa je naveden u *Abkamul-dženaiz*, 217.

¹²⁸ Muslim, 2383; hadis od Abdullahe b. Mes'uda, sa terminom Allahov prisni prijatelj. Et-Tirmizi, 2/289 i kaže da je sahih. Ibn Ebi Asim u *Es-Sunne*, 1221.

¹²⁹ Ovo je dio hadisa Ibn-Mes'uda koji je naveden prije.

Tako je opovrgnut govor onih koji su prisno prijateljstvo rezervisali za Ibrahima, a ljubav za Muhammeda. Prisno prijateljstvo je specifično za njih dvojicu, a ljubav je općenita. Hadis Ibn-Abbasa, radijallahu anhuma, kojeg prenosi Et-Tirmizi a u njemu se kaže: „Ibrahim je Allahov prisni prijatelj, a ja sam Allahov miljenik, bez oholog ponosa.”¹³⁰ - nije potvrđen.¹³¹

Stepeni ljubavi

Ljubav ima stepene.

Prvi stepen je vezivanje, a označava vezanost srca za voljenog.

Drući je htijenje, a označava naklonost srca i potražnju voljenog.

Treći je predanost, a označava predanost srca voljenom tako da ga njegov vlasnik ne posjeduje, kao što se voda ulije u posudu.

Cetvrti je odanost, a označava stalnu ljubav srca. Od ovoga dolazi riječi *el-garim* zbog kontinuiteta odanosti. Uzvišeni kaže:

﴿إِنَّ عَذَابَهَا كَانَ غَرَامًا﴾

„...jer je patnja u njemu, doista, propast neminovna.“ (El-Furkan, 65.)

Peti je *mehabbe* - ljubav, a označava prefinjenost, profiliranost i srž ljubavi. Uzvišeni kaže:

﴿سَيَجْعَلُ لَهُمُ الْرَّحْمَنُ وَدًا﴾

„...Svemilosni će sigurno, voljenim učiniti.“ (Merjem, 96.)

Šesti stepen je obuzetost, a označava da ljubav dostigne stepen obuzetosti srca.

¹³⁰ Et-Tirmizi, 3620; Ed-Darimi, 1/26. Daif, zbog slabosti Zem'ata b. Saliha Seleme b. Vehrana, zbog čega i Et-Tirmizi kaže: „Ovaj hadis je garib.“

¹³¹ Pogledaj *Revdatul-muhibbin*, 47.-49. str.

Sedmi je 'išk, a označava bezgraničnu ljubav zbog koje postoji bojazan za onoga ko je posjeduje. Ovom vrstom ljubavi se ne može opisati Uzvišeni Gospodar, a ni čovjek u ljubavi prema Njemu, iako su neki upotrijebili ovaj naziv.

Postoji razilaženje oko povoda zabrane upotrebe ovog termina. Rečeno je: Zbog nepostojanja šerijatske upute o tome i dr. Možda je jedan od razloga zabrane zato što 'išk' označava ljubav sa strašću.

Osmi stepen je *et-tejm*, a označava robovanje.

Deveti je *te'abbud* - robovanje.

Deseti je blisko prijateljstvo, a označava ljubav u kojoj se duša i srce onoga koji voli prožimaju.

• O poretku stepena ljubavi postoje i druga mišljenja. Ovaj poređak je lijepo dočaran, a njegova ljepota se može spoznati samo podrobnim razmišljanjem o značenjima ljubavi.

Znaj da je opisivanje Uzvišenog Allaha ljubavlju i bliskim prijateljstvom onako kako dolikuje Njegovoj uzvišenosti i veličini. Tako je i sa ostalim Njegovim svojstvima. Uzvišeni se, shodno šerijatskim tekstovima, opisuje ovim vrstama opisa, kao što su htijenje, ljubav i blisko prijateljstvo.

Postoji razilaženje na oko trideset mišljenja oko preciznije definicije ljubavi. Ljubav se ne može jasnije definisati nego što je već rečeno, jer će sa drugim definicijama još više postati nejasnija. Ove činjenice su jasne i nisu u potrebi za preciziranjem, kao što su jasni pojmovi: voda, zemlja, glad i sl.

Autor kaže: „**Svako pozivanje na vjerovjesništvo poslije njegovog, sallallahu alejhi ve sellem, predstavlja zabludu i strast.**“

Pošto je potvrđeno da je on, sallallahu alejhi ve sellem, pečat svih vjerovjesnika, zna se da laže onaj ko se poslije njega pozove na vjerovjesništvo. Ne treba reći: Kako se može opovrgnuti onaj koji

se poziva na vjerovjesništvo kada dođe sa mu'džizama i iskrenim dokazima? Mi kažemo: Ne može se zamisliti da to postoji, jer spada u nemoguću pretpostavku. Kada je Uzvišeni Allah obavijestio da je on, sallallahu alejhi ve sellem, pečat svih vjerovjesnika, nemoguće je da se neko poziva na vjerovjesništvo a da se prilikom poziva ne pokažu naznake njegove laži. Zabluda je suprotna uputi, a *heva* označava strast duše, tj. želi se reći: Takva tvrdnja nastaje zbog strasti duše, a ne iz dokaza, i neispravna je.

Općenitost njegove, sallallahu alejhi ve sellem, poslanice

Autor kaže: „On, sallallahu alejhi ve sellem, je poslan općenito džinima i svim ljudima sa istinom, uputom i svjetлом.“

Poslat je općenito džinima. Uzvišeni, govoreći o onome što su džini govorili, kaže:

﴿يَقُولُونَ أَجِبُّوْ دَاعِيَ اللَّهِ﴾

„*O narode naš odazovite se Allahovu glasniku...*“ (El-Ahkaф, 31.)

Sura El-Džinn ukazuje da je Poslanik, sallallahu alejhi ve sellem, i njima poslan.

Mukatil kaže: „Nikada prije nije poslan poslanik ljudima i džinima.“ Ovo mišljenje je udaljeno, jer Uzvišeni kaže:

﴿يَمْعَلِّمُ الْجِنَّةَ وَالْإِنْسَانَ أَلَّذِي أَنْتُمْ رُشْلُ مِنْكُمْ﴾

„*O skupe džinski i ljudski, zar vam iz redova vaših nisu dolazili poslanici...*“ (El-En'am, 130.)

Poslanici su iz reda ljudi, a nije ih bilo iz džinskog roda. Tako su rekli Mudžahid i drugi ispravni prethodnici i nasljednici.

Ibn-Abbas, radijallahu anhuma, kaže: „Poslanici su od Ademovog roda, a od džina su opominjači.“ Vanjština govora Uzvišenog govori o tome.

﴿إِنَّا سَمِعْنَا كَتَبًا أُنزَلَ مِنْ بَعْدِ مُوسَى﴾

„...mi smo slušali Knjigu koja se poslije Musaa objavljuje.“ (El-Ahkaf, 30.)

Ajet ukazuje da je Musa, također, poslan džinima, a Allah najbolje zna.

Ibn-Džerir od Ed-Dahhaka b. Muzahima¹³² prenosi da je tvrdio da i od džina ima poslanika. Argumentirao je ovim časnim ajetom, ali postoji rezervisanost oko argumentacije ovim ajetom, jer podrazumijeva više opcija i ne govori sasvim otvoreno o tome. Ovaj ajet, Allah najbolje zna, je poput riječi Uzvišenog:

﴿يَخْرُجُ مِنْهُمَا الْأُلُؤُ وَالْمَرْجَانُ﴾

„Iz njih se vadi biser i merdžan.“ (Er-Rahman, 22.)

Želi se reći: Iz jednog od njih.

Poslanik, sallallahu alejhi ve sellem, je poslan svim ljudima. Uzvišeni kaže:

﴿وَمَا أَرْسَلْنَاكَ إِلَّا كَافَةً لِلنَّاسِ يَشْبَرُّ وَيَذِيرُ﴾

„Mi smo te poslali svima ljudima da radosne vijesti donosiš i s da opominješ, ali većina ljudi ne zna.“ (Sebe', 28.)

﴿قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا﴾

¹³² On je Ebu-Kasim Ed-Dahhak b.Muzahim el-Hilali. Autor tefsira. Umro je 102. h.g. Ez-Zehebi kaže za njega: „Bio je posuda znanja. Nije bio dobar u hadisu. Nije sreo Ibnu-Abbasa, već je sreo Se'ida b. Džubejra i od njega uzeo tefsir.“

„Reci: 'O Ijudi, ja sam svima vama Allahov poslanik...’“
(El-E'raf, 158.)

﴿وَأُوحِيَ إِلَيْنَا هَذَا الْقُرْآنُ لِأُنذِرَكُمْ بِهِ وَمَنْ يَلْعَمْ﴾

„A meni se ovaj Kur'an objavljuje da njime vas i one do kojih on dopre opominjem...“ (El-En'am, 19.) tj. opominji onoga do koga dođe. Uzvišeni kaže:

﴿وَأَرْسَلْنَاكَ إِلَيْنَاكَ رَسُولًا وَّكَفَىٰ بِاللَّهِ شَهِيدًا﴾

„Mi smo te kao poslanika Ijudima poslali, a Allah je dovojan svjedok!“ (En-Nisa', 79.)

﴿أَكَانَ لِلنَّاسِ عَجَبًا أَنْ أُوحِيَنَا إِلَيْرَجُلٍ مِّنْهُمْ أَنْ أُنذِرَ النَّاسَ وَدَيْنَرَ الَّذِينَ ءَامَنُوا أَنَّهُمْ قَدَّمَ صِدْقَىٰ عِنْدَ رَبِّهِمْ﴾

„Zašto je čudno Ijudima što Mi objavljujemo jednom između njih: 'Opominji Iude! A vjernike obraduj divnom nagradom kod Gospodara njihova!'“ (Junus, 2.)

﴿تَبَارَكَ الَّذِي نَزَّلَ الْفُرْقَانَ عَلَىٰ عَبْدِهِ لِيَكُونَ لِلْعَالَمِينَ نَذِيرًا﴾

„Neka je Uzvišen Onaj Koji robu Svome objavljuje Kur'an da bi svjetovima bio opomena.“ (El-Furkan, 1.)

﴿وَقُلْ لِلَّذِينَ أَوْتُوا الْكِتَابَ وَالْأُمِّيْنَ أَسْلَمُمْ فَإِنْ أَسْلَمُوا فَقَدِ اهْتَدَوْا وَإِنْ تَوَلُّوْ فَإِنَّمَا عَلَيْكُمُ الْبَلَغُ﴾

„I reci onima kojima je dana Knjiga i nepismenima: 'Da li ste islam primili?' Pa ako prime islam, onda su oni na Pravom putu, a ako odbiju, tvoje je jedino da pozivaš!“ (Ali Imran, 20.)

Poslanik, sallallahu alejhi ve sellem, kaže: „Dato mi je pet stvari koje nisu date nijednom vjerovjesniku prije mene: pomognut sam strahom na udalje-

nosti mjeseca dana (hoda), zemlja mi je učinjena mjestom obavljanja namaza i čistećom, kojeg god čovjeka iz moga ummeta žadesi namaz neka klanja. Dozvoljen mi je ratni plijen, a nije bio dozvoljen nikome prije mene. Dato mi je žalaganje (šefa'at). Svaki vjerovjesnik bi posebno bio poslan određenom narodu, a ja sam poslan svim ljudima.“¹³³ Zabilježen je u oba *Sabiha*.

Kaže Poslanik, sallallahu alejhi ve sellem: „Neće za mene čuti od ovog ummeta židov ili kršćanin, a ne povjeruje u mene, a da neće ući u vatri.“¹³⁴ Bilježi ga Muslim.

Poslanikovo slanje svim ljudima je nužno poznato u islamu.

Tvrđnje nekih kršćana da je Poslanik, sallallahu alejhi ve sellem, poslan isključivo Arapima je očito neispravan. Kada su potvrdili njegovo poslanstvo, dužnost im je potvrditi sve ono o čemu obavještava. Rekao je da je Allahov Poslanik, sallallahu alejhi ve sellem, svim ljudima, a Poslanik, sallallahu alejhi ve sellem, ne laže. Dužnost im je to potvrditi. Poslao je izaslanike i pisma u sve zemaljske predjele, kao perzijskom i bizantijskom caru, Nedžašiji, Mukavkisu i ostalim vladarima pozivajući ih u islam.

Upotreba riječi *kaffeten* u izrazu *svim ljudima* je diskutabilna, jer se upotrebljava u jeziku Arapa samo za stanje. Razišli su se na tri mišljenja oko pozicije ove riječi u gramatici kada Uzvišeni kaže:

﴿ وَمَا أَرْسَلْنَاكَ إِلَّا كَافِةً لِلنَّاسِ ﴾

„*Mi smo te poslali svima ljudima.*“ (Sebe', 28.)

Prvo je da je to stanje od *poslali smo te* koje označava subjekat, a harf *ta* je ovdje radi hiperbolizacije, tj. u značenju *da bi ljudi odvratio od neistine*.

¹³³ Sahih; El-Buhari, 335; Muslim, 521; hadis od Džabira. Spominje se u *Irvaul-galil*, 285.

¹³⁴ Sahih; hadis od Ebu-Hurejre. Muslim, 1/93/153; Međutim, u nekim terminima se razlikuje od konteksta knjige. Prenosi ga Ibn-Mende u *Et-Tevhidu*, 1/44; Njegovi termini su bliži. *E-s-Sabiha*, 157.

Neki su rekli da je to infinitiv od riječi *keffē* u značenju *keffen*, tj. da bi ljudi odvratio. Pojava infinitiva za stanje se često susreće.

Drugi su rekli da je to stanje od *ljudi*. Na to je data replika u kojoj se kaže da se, prema većini jezičara, stanju genitiva ne daje prioritet. Rečeno je da se to često navodi u jeziku Arapa, pa je to dužnost prihvatići. Ovo je odabir Ibn-Malika¹³⁵, Allah mu se smilovao, tj. poslali smo te svim ljudima.

Treće mišljenje je da je epitet za izbrisani infinitiv, tj. potpuno poslanstvo a u replici se kaže da se riječ *kaffeten* upotrebljava samo za stanje.

Riječi autora: „**s istinom, uputom, svjetлом**“ su opisi s kojima je Allahov Poslanik, sallallahu alejhi ve sellem, došao u vidu vjere i zakona, pomognutog očitim dokazima iz Kur'ana i ostalih argumenata.

Ed-Dija' je potpunija od *nura* - svjetlosti, kao što Uzvišeni kaže:

﴿هُوَ الَّذِي جَعَلَ النَّسْرَ ضِيَاءً وَالْقَمَرَ نُورًا﴾

„*On je sunce izvorom sjetlosti učinio a mjesec sjajnim...*“
(Junus, 5.)

Allahov govor

Autor kaže: „Kur'an je Allahov govor, on je proizašao od Njega bez mišljenja o kakvoći. Objavio ga je Svome Poslaniku, sallallahu alejhi ve sellem, kao Objavu. Vjernici su mu to uistinu potvrdili. Ubijedeni su da je to Allahov govor u stvarnosti. Nije stvoren poput govora ljudi. Ko ga čuje, pa usvrđi da je govor ljudi, postao je nevjernik. Pošto je Allah zaprijetio Džehennemom onome ko kaže:

¹³⁵ On je imam u arapskom jeziku, Džemaluddin Muhammed b. Abdullah b. Malik et-Ta'i el-Džijani eš-Šafi'i. Rođen je 600. h.g. a umro 672. h.g.

﴿ إِنَّ هَذَا إِلَّا قَوْلُ الْبَشَرِ ﴾

'Ovo su samo čovjekove riječi!' (El-Mudessir, 25.) - znamo i ubijeđeni smo da je Kur'an govor Stvoritelja ljudi. Njemu govor ljudi nije sličan.“

Ovo je časno pravilo i veliki temelj vjere. Mnoge grupacije su u pogledu ovog temelja zalutale. Ovo što je rekao Et-Tahavi, Allah mu se smilovao, je istina na koju onome ko razmišlja ukazuju dokazi iz Kur'ana i Sunneta. Ovome svjedoči i ispravna ljudska urođena vjera koja se nije izmijenila sa sumnjama i neispravnim mišljenjima.

Razilaženje po pitanju Allahovog govora

Ljudi su se u pogledu Allahovog govora podijelili na devet mišljenja:

Prvo: Allahov govor su značenja koja se izljevaju na ljudske duše putem djelotvornog razuma, prema nekima, ili drugim putevima. Ovo je govor otpadnika i filozofa.

Druga: Stvoren je, tj. Allah ga je stvorio zasebno. Ovo je mišljenje mu'tezila.

Treće: On ima jedinstveno značenje koje opostoji u Allahovom biću, a označava naredbu, zabranu, donošenje i traženje obavijesti. Ako se citira na arapskom, onda je Kur'an. Ako se citira na hebrejskom, onda je Tevrat. Ovo je mišljenje Ibn-Kilaba i njegovih istomišljenika, kao što je El-Eš'ari i drugi.

Četvrto: Praiskonska slova i glasovi objedinjeni u praiskonu. Ovo je mišljenje grupacija apologetičara i nekih sljedbenika hadisa.

Peto: Kur'an su slova i glasovi. Allah ih je izgovorio nakon što nije govorio putem njih. Ovo je mišljenje kerramija i drugih.

Šesto: Njegov govor se vraća na ono što stvara iz Svoga znanja i htijenja koje opstoji u Njegovom biću. Ovo je mišljenje autora *El-Mu'tebira*. Ovom mišljenju je bio naklonjen i Er-Razi¹³⁶ u knjizi *El-Metalibul-alije*.

Sedmo: Njegov govor podrazumijeva značenje koje opstoji u Njegovom biću. On ga je stvorio u nečemu drugom. Ovo je mišljenje Ebu-Mensura el-Maturidija¹³⁷.

Osmo: Recipročan je između praiskonskog značenja koje opstoji u Biću i onoga što stvara od drugih glasova. Ovo je mišljenje Ebula-Me'alija i onih koji ga slijede.

Deveto: Uzvišeni je oduvijek govorio kada je htio i kako je htio. On govori glasom koji se čuje. Kategorija govora je praiskonska iako određeni glas nije praiskonski. Ovo se prenosi od imama hadisa i Sunneta.

Šejhove riječi da je Kur'an Allahov govor vraćaju se na riječi Allah je Jedan, nema sudruga. Potom je rekao da je Muhammed Njegov odabranji rob. Sve je to vezano za riječi na početku kada se kaže: „U pogledu Allahove jednoće kažemo...“

Njegove riječi: „Allahov govor je potekao od Njega bez iznošenja mišljenja o kakvoći“, replika je mu'tezilama i drugima.

Mu'tezile tvrde da Kur'an nije potekao od Njega, kao što je prethodno o njima rečeno. Rekli su da je pripisivanje Kur'ana Njemu iz počasti, kao što su riječi *Bejtullah - Allahova kuća, nakatullah - Allahova deva*. Oni izmjenjuju značenje riječi. Njihovo mišljenje nije ispravno.

¹³⁶ On je Fahruddin Muhammed b. Omer b. Husejn el-Kureši, učenjak u usulu i tefsiru. Rođen je 544. h.g. U njegovim djelima nalazi se mnogo suprotnosti sa Sunnetom, nakon što se počeo baviti apologetikom. Spominje se da je umro lijepom smrću. Allahu prepuštamo njegovu nutrinu.

¹³⁷ On je Muhammed b. Muhammed el-Maturidi, vođa apologetika, autor mnogih djela iz fikha, usula, akideta i tefsira. Umro je 333. h.g.

Allahu se pripisuju i značenja, a i stvari. Pripisivanje stvari Allahu je radi počasti, a te stvari su stvorene, kao što je Allahova kuća, Allahova deva, za razliku od pripisivanja apstraktnih značenja, kao što su Allahovo znanje, moć, snaga, uzvišenost, veličina, govor, život, nadmoć. Sve su ovo Njegova svojstva. Ništa od ovoga nije stvoreno.

Pravac sljedbenika Sunneta po pitanju epiteta govora

Epitet govora je epitet savršenstva, a nasuprot su mu epiteti manjkavosti. Uzvišeni kaže:

﴿ وَأَنْجَدَ قَوْمًا مُّوسَى مِنْ بَعْدِهِ مِنْ حُلُبِهِمْ عِجْلًا جَسَدًا لَهُ خُوارٌ أَلَّمْ يَرُوَا أَنَّهُ لَا يُكَلِّمُهُمْ وَلَا يَهْدِهِمْ سِيِّلًا ﴾

„*I narod Musaov, poslije odlaska njegova, prihvati od nakita svoga kip teleta koje je rikalo. Zar nisu vidjeli da im ono ne govori i da ih putem pravim ne vodi...?*“ (El-E'raf, 148.)

Obožavaoci teleta, i pored svoga kufra, bolje su poznavali Allaha od mu'tezila. Oni Musau nisu rekli: „Tvoj Gospodar ne govori“. Uzvišeni je o teletu rekao:

﴿ أَفَلَا يَرَوْنَ أَلَا يَرْجِعُ إِلَيْهِمْ قَوْلًا وَلَا يَمْلِكُهُمْ شَرًّا وَلَا نَفْعًا ﴾

„*Zar oni nisu vidjeli da im ono ni riječi ne odgovara i da od njih ne može nikakvu nevolju otkloniti niti im može ikakvu korist pribaviti?*“ (Ta-ha, 89.)

Iz toga se, takođe, zna da je negiranje moći teleta da odgovara i negacija govora manjkavost kojom se argumentira nebožanstvenost teleta.

Vrhunac njihove šumnje je da kažu: Iz toga nužno proizilazi poistovjećivanje i davanje tjelesnog oblika Bogu. Reći će im se:

Ako kažemo da Uzvišeni govori kako pristaje Njegovoj Uzvišenoći, njihova sumnja prestaje. Zar ne vidiš da je Uzvišeni rekao:

﴿الَّيْمَنَ حَتَّىٰ عَلَىٰ أَفْوَاهِهِمْ وَتُكَلِّمُنَا أَيْدِيهِمْ وَتَشَهِّدُ أَرْجُلُهُمْ﴾

„Danas ćemo im usta zapečatiti, ruke njihove će Nam govoriti, a noge njihove će o onom što su radili svjedočiti.“ (Ja-sin, 65.)

Mi smo uvjereni da će tjelesni udovi govoriti, ali ne znamo kako će govoriti. Isto tako, Uzvišeni kaže:

﴿وَقَالُوا لِجُلُودِهِمْ لَمْ شَهِدُوكُمْ عَلَيْنَا قَالُوا أَنْطَقَنَا اللَّهُ الَّذِي أَنْطَقَ كُلَّ شَيْءٍ﴾

„'Zašto svjedočite protiv nas?' - upitat će oni kože svoje. 'Allah, Koji je dao sposobnost govora svakom biću, obdario je darom govora i nas' - odgovorit će...“ (Fussilet, 21.)

Isto se odnosi na slavljenje Allaha od strane pijeska i hrane, te pozdrav kamenja¹³⁸. Kod svih ovih predmeta izlazi glas bez upotrebe usta a mogu ih izgovarati.

Na ovo ukazuje autor, Allah mu se smilovao, kada kaže: „Od njega je proistekao bez iznošenja mišljenja o kakvoći“, tj. od Njega se pojavio. Ne znamo kako je govorio. Ovo značenje je potvrdio riječima: „bez iznošenja mišljenja o kakvoći“, tj. ne znamo izvor koji nas upoznaje sa suštinom. Isto tako, Uzvišeni je potvrdio govor sa drugima sa infinitovom koji isključuje svaku vrstu prenesenog značenja: „*Allah je sigurno razgovarao sa Musaom.*“ A šta je poslije istine osim zabluda.

Neki su rekli Ebu-Amru b. el-'Alau¹³⁹, jednom od sedmerice karia, učača Kur'ana: „Želim da proučiš: '*Allah je razgovarao sa Musaom*', tako što će ime Uzvišenog doći u akuzativu, kako bi

¹³⁸ Aluzija na neke mu'džize Allahovog Poslanika, sallallhu alejhi ve sellem. (op. recen.) Pogledati: El-Buhari, 3579; Muslim, 2277.

¹³⁹ On je Zeban b. El-Ala b. Amar et-Temimi el-Basri, učenjak arapskog jezika i jedan od predstavnika sedam kiraeta. Umro je 154. h.g.

Musa bio govornik, a ne Allah.“ Ebu-Amr je rekao: „Pretpostavimo da će ja taj ajet tako i proučiti, a šta će uraditi sa riječima Uzvišenog: **'A kada je Musa došao na određeno mjesto, njegov Gospodar je sa njim govorio.'**“ Tada je mu'tezila zapanjeno usutio.

Allahov razgovor sa stanovnicima Dženneta i drugima

Koliko ima samo dokaza u Kur'anu i Sunnetu da će Allah razgovarati sa stanovnicima Dženneta! Uzvišeni kaže:

﴿ سَلَّمَ قَوْلًا مِنْ رَبِّ رَحْمَةٍ ﴾

„**'Mir vama!'** - bit će riječi Gopodara Milostivog.“ (Jasin, 58.)

Od Džabira, radijallahu anhu, se prenosi da je Allahov Poslanik, sallallahu alejhi ve sellem, rekao: „Dok stanovnici Dženneta budu u svojim blagodatima, pojavit će im se svjetlo. Podignut će svoje poglede, a ono, Gospodar Uzvišeni će ih iznad njih posmatrati. Reći će im: 'Neka je spas na vas, stanovnici Dženneta.' To su riječi Uzvišenog:

﴿ سَلَّمَ قَوْلًا مِنْ رَبِّ رَحْمَةٍ ﴾

„**'Mir vama!'** - bit će riječi Gopodara Milostivog.“ (Ja-sin, 58.) Oni se neće obazirati ni na jednu od blagodati u kojima će biti sve dok budu gledali u Njega i dok se On ne zakloni od njihovih pogleda, a ostat će Njegov blagoslov i svjetlo.“¹⁴⁰ Prenosi ga Ibn-Madždže i dr.

¹⁴⁰ Daif; prenosi ga Ibn-Madže, 184, a također Ebu-Ne'im u *El-Hilji*, 6/208-209. Lanac prenosilaca je slab kao što kaže Ez-Zehebi u *El-Uluvu*, 99. U predaji je Ebu-Asim el-Abbadani, a pravo ime mu je Abdullah b. Ubejdullah. Ez-Zehebi kaže: „Njegovo prenošenje hadisa je fiktivno, od El-Fadla er-Rekkašija koji je munkirul-hadisi, kao što se prenosi u *Et-Takribu*. „Odavde se očituje da su riječi šejha Ahmeda Šakira: „Lanac prenosilaca ovog hadisa je dobar“ neispravne.

U ovom hadisu se potvrđuju osobine govora, viđenja Allaha i Njegove uzvišenosti. Kako je onda ispravno da sav govor Gospodara bude u jednom značenju? Uzvišeni kaže:

«إِنَّ الَّذِينَ يَشْرُونَ بِعَهْدِ اللَّهِ وَأَيْمَانِهِمْ ثُمَّنَا قَلِيلًا أُولَئِكَ لَا خَلَقَ لَهُمْ فِي الْآخِرَةِ وَلَا
يُكَلِّمُهُمْ اللَّهُ وَلَا يَنْظُرُ إِلَيْهِمْ»

„Doista oni koji za obavezu svoju prema Allahu i zakletve svoje kupuju nešto što malo vrijedi, na drugom svijetu nikakva dobra neće imati. Allah s njima neće govoriti, niti će na njih pogledati...“(Ali Imran, 77.)

On ih je ponizio tako što neće sa njima govoriti, a želi se reći da neće sa njima razgovarati iz počasti, a to je ispravno, jer je u drugom ajetu obavijestio da će im u Vatri reći:

«أَخْسَأُو فِيهَا وَلَا تُكَلِّمُونِ»

„Ostanite u njoj prezreni i ništa Mi ne govorite!“(El-Mu'minun, 108.)

Kada ne bi govorio sa Svojim robovima, vjernicima, bili bi isti sa Njegovim neprijateljima, a posebno isticanje toga da neće govoriti sa Svojim neprijateljima nebi imalo svrhu.

El-Buhari u *Sahihu* kaže: „Poglavlje - govor Gospodara, subhanahu ve te'ala, sa stanovnicima Dženneta.“ O tome je naveo više

Prenosi ga Ibn el-Dževzi u *El-Mevduat* iz predaje Ibn-Adijja. Rekao je: „Hadis je apokrifan, a El-Fadl je loš čovjek.“

Es-Sujuti ga je popratio u knjizi *El-Lejali*, 2/460-461, rekavši da ga je Ibn-Madže naveo, ali to ništa ne znači. Također je rekao da ga navodi Ibn en-Nedždžar od Ebu-Hurejre, ali je u predaji Sulejman b. Ebi-Kerime. Es-Sujuti kaže: „Ibn-Adij je rekao: 'Većina njegovih hadisa je neispravna, a prethodnici o njemu nisu iznijeli mišljenje.'“

Ebu-Hatim ga je proglašio slabim u *El-Džerbu vet-ta'dil*, 2/1/138. Iako on negira da se Er-Rekkaši osamio sa ovim hadisom, ipak se od njega ne može otkloniti slabost. Allah najbolje zna.

hadisa. Najvrednija balgodat stanovnika Dženneta je viđenje lica njihovog Gospodara, azze ve dželle, i Njegov razgovor sa njima. Ko to negira, negira suštinu Dženneta i najvišu i najbolju blagodat putem koje će stanovnici Dženneta osjećati užitak.

Allahov govor je Njegova osobina i nije stvoren

Oni (koji kažu da je Kur'an stvoren) argumentiraju riječima Uzvišenog:

﴿اللَّهُ خَلَقَ كُلَّ شَيْءٍ﴾

„*Allah je Stvoritelj svega...*“ (Er-Rad, 16.) pa kažu da je Kur'an nešto postojeće i da ulazi općenito u okvir *svega* i zato je stvoren. Ovo je jedna od najčudnijih stvari, jer sva djela ljudi, prema njima, nisu stvorena od Allaha Uzvišenog nego ih ljudi stvaraju i izdvojili su ih iz te općenitosti *svega*, a onda su Allahov govor svrstali u tu općenitost, mada je govor jedna od Njegovih osobina. Putem govora stvari bivaju stvorene, jer Njegovom naredbom nastaju stvorenja. Uzvišeni kaže:

﴿وَالشَّمْسُ وَالْقَمَرُ وَالنُّجُومُ مُسْخَرَاتٍ بِأَمْرِهِ إِلَّا هُنَّ الْخَلْقُ وَإِلَّا هُنَّ﴾

„*Sunce i Mjesec i zvijezde pokoravaju se Njegovoj volji. Samo On stvara i upravlja!...*“ (El-E'raf, 54.)

Napravio je razliku između stvaranja i naredbe. Da je naredba stvorena, neminovno bi morala biti stvorena drugom naredbom, a sljedeća sljedećom i tako u beskraj. Time se nalaze lančani poredak, a to je sasvim neispravno. Prema toj njihovoj neispravnoj postavci sva Njegova svojstva su stvorena, kao što su znanje, moć i dr. Ovakva izjava je jasno nevjerstvo. Njegovo znanje je nešto, moć je nešto, a i život je nešto. Onda bi to ulazilo u općenito značenje

svega i bilo stvoreno nakon što nije postojalo. Neka je uzvišen Allah i daleko od onoga što oni govore!

Kako je ispravno da govori govorom koji se nalazi kod nekoga drugoga?

Da je to ispravno, neminovno bi bilo da je Njegov govor - govor neživih stvari kojima je dao da govore, a također i govor životinja. Tako nebi bilo razlike između *netaka* - da On govori i *entaka* - da daje nekome moć govora.

Kože će reći:

﴿أَنْطَقَنَا اللَّهُ﴾

„Allah, Koji je dao sposobnost govora svakom biću, obdario je darom govora i nas.“ (Fussilet, 21) a neće reći Allah je rekao, jer to nalaže da On govori govorom Svojih stvorenja kod drugih, radilo se o neistini, laži, neverstvu ili buncanju. Neka je Allah uzvišen od toga! Pobornici panteizma su to zastupali. Ibn-Arebi kaže:

*Svaki govor koji postoji je Njegov govor,
svejedno nam da li je on proza ili poezija.*

Kada bi bilo ispravno da se nekome dadne svojstvo koje se nalazi kod drugoga bilo bi ispravno da se kaže onome koji vidi da je slijepac, a slijepcu da vidi, jer je kod onoga koji vidi epitet onoga koji ne vidi, a kod slijepca postoji svojstvo vida kod drugoga. Bilo bi ispravno da se Allahu dadnu svojstva koja je stvorio kod drugih, kao što su boje, mirisi, ukusi, dužina, kratkoća i sl.

Sa ovakvim i sličnim navodima imam Abdul-Aziz el-Mekki¹⁴¹ prisilio je Bišra el-Merisija pred El-Me'munom, nakon što je sa njim govorio, da ne izlazi iz okvira tekstova Objave. Prisilio ga je na argument. Tada je Bišr rekao: „Vodo vjernika, neka ne traži od mene tekstove Objave i neka se sa mnjom raspravlja putem nečega drugog. Ako ne ostavi svoje mišljenje, ne povrati se od njega i ne prizna ovog trenutka stvaranje Kur'ana, moja krv će biti halal.” Abdul-Aziz je rekao: „Hoćeš me ti pitati ili ču te ja pitati?” Bišr reče: „Pitaj ti.” Upitao sam ga: „Neminovno moraš priznati jednu od tri stvari: da kažeš da je Allah stvorio Kur'an u Sebi, a Kur'an je za mene Govor; Ili ga je stvorio tako što opстоji u Njegovom biću, ili ga je stvorio u nečem drugom.” Rekao je: „Stvorio ga je kao što je stvorio sve ostale stvari”, a zatim dalje nije odgovarao. El-Me'mun reče: „Pojasni to pitanje ti, jer Bišr je ušutio.”

Abdul-Aziz reče: „Ako kaže stvorio je Svoj govor u Sebi, to je nemoguće, jer Allah nije mjesto novonastalih stvorenih stvari. U Njemu nije ništa stvoreno. Ako kaže stvorio ga je u nečemu drugom, onda putem razmatranja i analogije proizilazi da je svaki govor koji je Allah stvorio kod drugih Njegov govor, što je, također, nemoguće, jer se time onaj koji ovo izjavljuje obavezuje da svaki govor koji je Allah stvorio u drugima smatra Allahovim govorom. Ako kaže da je stvorio govor koji opстоji u Njemu i Njegovom biću, to je, također, nemoguće jer govor biva samo od govornika, kao što htijenje biva samo od onoga koji nešto želi. Znanje isključivo dolazi od znalca. Nije moguće shvatiti da postoji govor koji opстоji u Njemu, a da govori Svojim bićem. Kada je iz svih ovih aspekata nemoguće da Njegov govor bude stvoren, zna se, da je

¹⁴¹ Abdul-Aziz el-Mekki je Abdul-Aziz b. Jahja el-Kinani, jedan od pravnika, sljedbenika imama Eš-Šafijja. Došao je u Bagdad za vrijeme halife El-Me'muna. Između njega i Bišra el-Merisija se odvila rasprava o stvaranju Kur'ana u prisutvu El-Me'muna. Napisao je knjigu *El-Hajde* u kojoj je naveo tekst rasprave sa Bišrom. Međutim, oko potvrde ove rasprave postoji predostrožnost, jer je jedino prenosi Muhammed b. El-Hasen b. Ezehr. El-Hatib el-Bagdadi ga je optužio za izmišljanje hadisa, a Ez-Zehebi je spomenuo da je on izmislio ovu predaju. *El-Mizan*, 3/44. *Tabekatus-Subki*, 1/265)

Njegov govor Njegova osobina.” Ovo je sažeti govor imama Abdul-Aziza iz knjige *El-Hajde*.

Općenitost termina *svega* je različita shodno mjestu na kome se nalazi, a spoznaje se putem pratećih činjenica. Zar ne vidiš riječi Uzvišenog:

﴿ تُدْمِرُ كُلَّ شَيْءٍ بِأَمْرِ رَبِّهَا فَأَصْبَحُوا لَا يُرَى إِلَّا مَسْكُنُهُمْ ﴾

„...koji, odredbom Gospodara svoga, sve ruši. I ujutro su se vidjele samo nastambe njihove...“ (El-Ahkaf, 25.)

Njihova staništa su nešto i nisu ušla u općenit navod *svega* što je vjetar uništio. Riječima *uništava sve* misli se na sve ono što može biti uništeno vjetrom, prema običaju i ono što zaslužuje da bude uništeno. Tako Uzvišeni, govoreći o Belkisi, kaže:

﴿ وَأَوْتَبَتْ مِنْ كُلِّ شَيْءٍ ﴾

„...i da joj je svega i svačega dato...“ (En-Neml, 23.)

Pod ovim se misli na sve za čime su kraljevi u potrebi. Ovo se ograničenje shvata iz konteksta govora, jer je ptica Hudhud htjela reći da je Belkisa potpuna vladarica i da nije u potrebi za nečim što bi upotpunilo pitanje njenog carstva. Za ovo ima mnogo primjera.

Riječima Uzvišenog:

﴿ خَلِقَ كُلَّ شَيْءٍ ﴾

„*Stvoritelj svega...*“ (Er-Ra'd, 16.), želi se reći: Stvorio je svako stvorene, a sve što postoji mimo Allaha, stvoreno je.

U ovu općenitost neminovno ulaze djela ljudi, a ne ulazi Stvoritelj Uzvišeni. Njegove osobine nisu nešto drugo, jer je On, subhanahu ve te'ala, opisan svojstvima savršenstva. Njegova svojstva su nerazdvojna od Njegovog svetog bića. Ne može se zamisliti odavanje Njegovih svojstava od Njega, kao što je data naznaka o ovo-

me značenju kada autor kaže: „**Oduvijek ima Svoja svojstva, prije nego što je stvarao.**“ Zapravo, ono čime su oni argumentirali je protudokaz njima. Ako su riječi Uzvišenog:

﴿اللَّهُ خَلَقَ كُلَّ شَيْءٍ﴾

„**Allah je Stvoritelj svega...**“ (Er-Ra'd, 16.) - stvorene, onda nije ispravno da budu same po sebi dokaz.

Neispravnost argumentacije onih koji kažu da je Kur'an stvoren

Njihovo argumentiranje riječima Uzvišenog

﴿إِنَّا جَعَلْنَا فُرْءَانًا عَرِيبًا﴾

„**Mi je objavljujemo kao Kur'an na arapskom jeziku...**“ (Ez-Zuhraf, 3.) je najlošiji vid argumentacije. Ako glagol *dž'ale* dolazi u značenju stvaranja onda prelazi samo na jedan objekat, kao što Uzvišeni kaže:

﴿وَجَعَلَ الظُّلُمَتِ وَالنُّورَ﴾

„...**dao (stvorio) i tmine i svjetlo...**“ (El-En'am, 1.)

﴿وَجَعَلْنَا مِنَ الْمَاءِ كُلَّ شَيْءٍ حَتَّىٰ أَفَلَا يُؤْمِنُونَ ﴾

„**i da Mi od vode sve živo stvaramo? Pa zar neće vjerovati?**“ (El-Enbij'a, 30.)

﴿وَجَعَلْنَا فِي الْأَرْضِ رَوَبِيًّا أَنْ تَمِيدَ بِهِمْ وَجَعَلْنَا فِيهَا فِجَاجًا سُبُلًا لَّعَلَّهُمْ يَهْتَدُونَ ﴾

„**Mi smo po Zemlji nepomične planine razmjestili da ih ona ne potrese, i po njima smo prolaze i staze učinili da bi oni kuda žele stizali.**“ (El-Enbij'a, 31.)

﴿ وَجَعَلْنَا السَّمَاءَ سَقْفًا مَحْفُوظًا وَهُمْ عَنِ إِيمَانِنَا مُعْرِضُونَ ﴾

,,A nebo smo učinili svodom čuvanim, a oni se od Njegovih znakova okreću.“ (El-Enbijah, 32.)

Kada prelazi na dva objekta onda nije u značenju stvaranja. Uzvišeni kaže:

﴿ وَلَا تَنْقُضُوا الْأَيْمَنَ بَعْدَ تَوْكِيدِهَا وَقَدْ جَعَلْنَا اللَّهَ عَلَيْكُمْ كَفِيلًا ﴾

,,...i ne kršite zakletve kad ste ih tvrdo dali, a Allaha kao jamca sebi uzeli...“ (En-Nahl, 91.)

﴿ وَلَا تَجْعَلُوا اللَّهَ عُرْضَةً لِأَيْمَنِكُمْ ﴾

,,I neka vam zakletva Allahom ne bude prepreka da dobro činite...“ (El-Bekare, 224.)

﴿ الَّذِينَ جَعَلُوا الْقُرْءَانَ عِصْبَنَ ﴾

,,...one koji Kur'an na dijelove dijele.“ (El-Hidžr, 91.)

﴿ وَلَا تَجْعَلْ يَدَكَ مَغْلُولَةً إِلَى عُنْقِكَ ﴾

,,Ne drži ruku svoju stisnutu...“ (El-Isra', 29.)

﴿ وَلَا تَجْعَلْ مَعَ اللَّهِ إِلَهًا إِلَّا هُوَ أَخْرَى ﴾

,,I ne dodaji Allahu drugog boga...“ (El-Isra', 39.)

﴿ وَجَعَلُوا الْمَلِئَكَةَ الَّذِينَ هُمْ عِبَادُ الرَّحْمَنِ إِنَّا نَحْنُ ﴾

„Oni meleke koji su robovi Sverilosnog ženskinjem smatraju...“ (Ez-Zuhru, 19.)

Primjeri za ovo su mnogobrojni, a na isto se odnose riječi Uzvišenog:

﴿إِنَّا جَعَلْنَاهُ قُرْءَانًا عَرَبِيًّا﴾

„Mi je objavljujemo kao Kur'an na arapskom jeziku...“ (Ez-Zuhru, 3.)

Kako je samo loše njihovo argumentiranje riječima Uzvišenog:

﴿نُودِكَ مِنْ شَطْبِي الْوَادِ الْأَيْمَنِ فِي الْبُقْعَةِ الْمُبَرَّكَةِ مِنَ الشَّجَرَةِ﴾

„.... neko ga zovnu s desne strane doline, iz stabla, u blagoslovijenom kraju...“ (El-Kasas, 30.) kada kažu da je Uzvišeni Allah stvorio govor u drvetu, pa ga je Musa iz njega čuo, a ne vide prethodne i sljedeće riječi. Uzvišeni kaže:

﴿فَلَمَّا أَتَهَا نُودِكَ مِنْ شَطْبِي الْوَادِ الْأَيْمَنِ﴾

„A kad dođe do vatre, neko ga zovnu s desne strane doline...“ (El-Kasas, 30.)

Poziv označava govor iz daleka. Musa, alejhis-selam, je čuo poziv sa obronka doline, zatim je rekao:

﴿فِي الْبُقْعَةِ الْمُبَرَّكَةِ مِنَ الشَّجَرَةِ﴾

„....iz stabla, u blagoslovijenom kraju...“ (El-Kasas, 30.) tj. poziv je bio u blagoslovjenoj dolini iz pravca drveta, kao kada se kaže: Čuo sam Zejdov govor *iż kuće*.

Riječi *iż kuće* označavaju početak cilja, a ne znače da kuća goovi. Da je govor bio stvoren u drvetu, onda bi i drvo govorilo:

﴿يَنْمُوسَى إِذْنَنِي أَنَا اللَّهُ رَبُّ الْعَالَمِينَ ﴾

„*O Musa, Ja sam, zbilja, Allah, Gospodar svjetova!*“ (El-Kasas, 30.)

Da li je riječi:

﴿إِنَّمَا أَنَا اللَّهُ رَبُّ الْعَالَمِينَ﴾

„...*Ja sam, zbilja, Allah, Gospodar svjetova!*“ (El-Kasas, 30.) rekao neko drugi mimo Gospodara svjetova? Da je ovaj govor proistekao od nekoga drugog mimo Allaha, faraonove riječi:

﴿فَقَالَ أَنَا رَبُّكُمْ أَلَّا عَلَىٰ﴾

„*'Ja sam gospodar vaš najveći!', on je rekao.*“ (En-Naziat, 24.), bi bile istina, jer oba govora su kod njih stvorena, a izgovorili su ih drugi mimo Allaha. Napravili su razliku između oba govora prema svojim neispravnim postavkama, rekavši: „To je govor kojeg je Allah stvorio u drvetu, a drugi govor je stvorio faraon.”

Oni su izvrnuli riječi i uvjereni su da postoji stvoritelj mimo Allaha. Nešto kasnije će biti više govora o pitanju djela ljudi, inshallahu te'ala.

Ako se kaže: Uzvišeni je rekao:

﴿إِنَّمَا لَقَوْلُ رَسُولٍ كَرِيمٍ﴾

„*On je (Kur'an) doista govor objavljen plemenitom Poslaniku.*“ (El-Hakkah, 40.) i (Et-Tekvir, 19.) onda ove riječi ukazuju da je izaslanik stvorio riječi, tj. Džibril ili Muhammed.

Odgovorit će se: Izaslanik je spomenut sa određenim članom kao prenosilac od Onoga Koji ga šalje, jer nije rekao da je to govor meleka ili vjerovjesnika. Tako se zna da ga je dostavio od Onoga Ko ga je poslao, a ne da ga je stvorio od sebe. Također, izaslanik u jednom od dva ajeta je Džibril, a u drugome Muhammed. Pripisivanje govora obojici pojašnjava se kao pripisivanje radi dostavljanja, jer da ga je jedan stvorio bilo bi nemoguće da ga drugi stvori.

Također, kaže se da je to govor povjerljivog izaslanika¹⁴², što je dokaz da on ne dodaje niti oduzima išta od govora s kojim je posлан да га достави. On je povjerenik za ono за што је послан и доставља га од онога ко га шалје.

Uzvišeni je proglašio nevjernicima one koji Njegov govor smatraju govorom ljudi. Muhammed, sallallahu alejhi ve sellem, je čovjek. Ko kaže da je to Muhammedov govor, tj. da ga je on stvorio, postao je nevjernik. Nema razlike između onoga koji kaže: To je govor čovjeka, džina, ili meleka. Govor u osnovi pripada onome ko ga otpočne, a ne onome ko ga prenosi.

Ko čuje nekoga kako govori: „Stanite da zaplaćemo sjećajući se voljenog i onog koji je objavu slao”, reći će: Ovo su riječi Imru'ul-Kajsia.

Ko čuje riječi: „*Djela se cijene prema namjerama i svakom čovjeku pripada ono što je namjeravao.*”¹⁴³ Reći će: „Ovo je Poslanikov, sallallahu alejhi ve sellem, govor.”

Kada čuje nekoga kako govori:

﴿ الْحَمْدُ لِلّٰهِ رَبِّ الْعَالَمِينَ ﴾ ﴿ الْرَّحْمٰنُ الرَّحِيمُ ﴾ مَلِكُ يَوْمٍ الْدِيْنِ ﴾ إِيَّاكَ نَعْبُدُ وَإِيَّاكَ نَسْتَعِينُ ﴾

„*Hvala Allahu, Gospodaru svjetova. S vemi losnom, Milostivom. Vladaru Dana sudnjeg.*“ (El-Fatiha, 1-4.) Reći će: „Ovo je Allahov govor” - ako ima obavijest o tome. U suprotnom će reći: „Ne znam čiji je ovo govor.”

¹⁴² Šejh Ahmed Šakir kaže: „Ajet kojeg spominje komentator (El-Hakkah, 40) spominje se dva puta u suri El-Hakkah, a poslije nema opisa sa terminom *povjerljivi*. Navodi se u suri Et-Tekvir 19, a zatim 20-21. Komentatorova pojašnjenja njegovim rijećima *povjerljivi izaslanik* nose jedan vid popustljivosti zato što se ovakvo pojašnjenje ne prenosi u tekstu. On je samo htio pojasniti značenja. Da je opisao Poslanika, sallallahu alejhi ve sellem, da je povjerljiv – bilo bi daleko preciznije i bolje.“

¹⁴³ Muttefekun alejhi; El-Buhari, 1; Muslim, 1907; hadis od Omara b. Hattaba, radijallahu anhu.

Kada bi mu to neko negirao, slagao bi. Zato, kada neko od drugoga čuje prozu ili poeziju, drugi ga upita: „Čiji je to govor?”, tj. da li je to tvoj ili nečiji drugi govor.

Allahov govor nije stvoren

Općenito, svi sljedbenici Sunneta iz reda četiri mezheba i drugi ispravni prethodnici i njihovi nasljednici slažu se da Allahov govor nije stvoren. Međutim, postoji razilaženje među zadnjim generacijama da li je Allahov govor jedinstveno značenje koje opстоji u Biću, ili su to slova i glasovi putem kojih je Allah govorio nakon što nije govorio, ili je On oduvijek govorio kada želi i kako želi i da je sama kategorija govora praiskonska.¹⁴⁴

Neke mu'tezile kažu za Kur'an da nije stvoren, ali time žele reći da nije izmišljen ni patvoren. Naravno, to je istina i nema sumnje da je ovo značenje isključeno prema koncenzusu svih muslimana.

Razilaženje među pripadnicima Kible ogleda se u pitanju da li je Kur'an (govor) stvorene kojeg je Allah stvorio, ili je On njime govorio i on opstoji u Njegovom Biću. Sljedbenici Sunneta su upitani o tome. Nijedan musliman se ne razilazi oko neispravnosti pitanja patvorenosti Kur'ana.

Nema sumnje da su mu'tezilske vođe i drugi iz reda sljedbenika novotarija priznavali da svoje uvjerenje o tev-hidu, sifatima, kaderu, nisu preuzimali iz Kur'ana i Sunneta, niti od imama ashaba, ni njihovih sljedbenika po dobru. Oni tvrde da ih je njihov razum na to naveo i također govore da su od svojih imama preuzeli pravila i postavke.

Kada bi, ljudi bili ostavljeni na svojoj ispravnoj prirodnoj vjeri i ispravnim razumima ne bi bilo razilaženja među njima. Međutim,

¹⁴⁴ Ovo razilaženje se ne prihvata jer je istina ono na čemu su se složili prethodnici. Drži se njihova govora, ustraj na njemu i čuvaj se onoga što su uvelje potonje generacije.

šejtan je nekim ljudima ubacio svoja zbumujuća pitanja napravivši razilaženje:

﴿ وَإِنَّ الَّذِينَ أَخْتَلُفُوا فِي الْكِتَابِ لَفِي شِقَاقٍ بَعِيرٌ ﴾

„...a oni koji se o Knjizi razilaze doista su u neslozi velikoj!“ (El-Bekare, 176.)

Et-Tahavijev, Allah mu se smilovao, govor ukazuje da je Uzvišeni oduvijek govorio kada je htio i kako je htio i da je Njegov govor praiskonski. Isto se može shvatiti iz govora imama Ebu-Hanife iz knjige *El-Fikbul-ekber* koji kaže: „Kur'an je zapisan u Mushafima, u srcima je sačuvan, jezicima se uči, Vjerovjesniku, sallallahu alejhi ve sellem, je objavljen, naše izgovaranje Kur'ana je stvoreno, a Kur'an nije stvoren. Allahov spomen Musaa, faraona i Iblisa u Kur'anu je Allahov govor obavijesti o njima. Musaov i govor drugih stvorenja je stvoren. Kur'an je Allahov govor, a ne njihov. Musa, alejhis-selam, je čuo Allahov govor. Kada je razgovarao sa Musaom, činio je to Svojim govorom koji spada u Njegova svojstva koja su oduvijek. Sva Njegova svojstva su različita od svojstava stvorenja. On zna, ali Njegovo znanje nije kao naše. On je Moćan, ali ne kao što smo mi moćni. On vidi, ali ne kao mi. On govori, ali ne kao mi.“¹⁴⁵

Njegove riječi: „Kada je razgovarao sa Musaom činio je to putem govora koji spada u Njegova svojstva.“

Iz njih se shvata da mu je došao i razgovarao je sa njim, a ne da je oduvijek ili zauvijek govorio: „O Musa...“. To se shvata iz riječi Uzvišenog:

﴿ وَلَمَّا جَاءَ مُوسَى لِمَيقَاتِنَا وَكَلَمَهُ رَبُّهُ ﴾

„I kad Nam Musa dođe u određeno vrijeme, i kada mu Gospodar njegov progovori...“ (El-E'raf, 143.)

¹⁴⁵ Šerh el-fikhl el-ekber, 50. str.

Iz ovoga se shvata replika onim njegovim sljedbenicima koji kažu da je Allahov govor jedinstvenog značenja koji opстоji u Njemu i nemoguće je predočiti da bi se mogao čuti, te da je Allah stvorio glas u zraku, kao što kaže Ebu-Mensur el-Maturidi i dr.

Ebu-Hanifine riječi „...koji spada u Njegove osobine koje su oduvijek” - su replika onima koji kažu da je osobina govora kod Njega nastala nakon što nije govorio.

Općenito, svi argumenti koje mu'tezile upotrebljavaju govoreći da je to govor koji se veže za Njegovo htijenje i moć, da govori kada hoće, da govori nešto poslije nečega su istina koju treba primiti.

Neki kažu da Allahov govor opстоji u Njegovom Biću, on je Njegova osobina, a osobina isključivo biva u onome ko je njome opisan. Ovo je, također, istina koju treba prihvati i po njoj govoriti.

Obaveza je prihvati mišljenja obje grupacije koja su u skladu sa istinom, a udaljiti se od onoga što Šerijat i razum odbacuju kod obje ove grupacije.

Kada nam kažu: „Iz vašeg govora proizilazi da su kod Njega nastupile novonastale stvari” - reći ćemo: „Taj govor je isuviše općenit. Ko je prije vas iz reda imama negirao nastanak novonastalih stvari u ovom značenju kod Njega Uzvišenog? Tekstovi Kur'ana i Sunneta to podrazumijevaju, a i tekstovi od imama, kao i čist razum. Nema sumnje da poslanici koji su se obraćali ljudima i obavijestili ih da je Allah govorio, pozivao, sašaptavao, nisu pojašnavali da su to stvorena odvojena od Njega. Oni su im pojašnjavali da je Allah sam Govornik, da govor opстоji kod Njega, a ne kod nekoga drugoga i da je On Taj Koji je govorio. Tako je Aisa, radijallahu anha, u hadisu o potvori¹⁴⁶ rekla: „Ja sam sebe smatrala isuviše mizernom da bi Allah o meni govorio u Objavi koja se citira.”¹⁴⁷

¹⁴⁶ Radi se o događaju kada su munafici potvorili Aisu, radijallahu anha, da je učinila blud, što je Allah negirao u suri En-Nur. (op. recenz.)

¹⁴⁷ El-Buhari, 3661; Muslim, 2770; u dugom hadisu koji govori o potvori.

Da se pod svim ovim misli suprotno onome što se shvata, dužnost bi bila pojasniti ga, jer nije dozvoljeno zaostajanje pojašnjenja iz vremena potrebe. U jeziku i razumu nije poznato da postoji onaj koji govorи, a da govor nije pri njemu, pa makar tvrdili da to izbjegavaju iz predostrožnosti od poistovjećivanja Allaha sa stvorenjima. Oni ne potvrđuju osobine drugima mimo Njega, kada kažu: „Zna, ali ne kao što mi znamo.” Mi dodajemo: „On i govorи ali ne na način na koji mi govorimo.” Isto se odnosi na ostale osobine. Da li se može pojmiti moćni koji pri sebi nema moći ili živi koji pri sebi nema života?

Poslanik, sallallahu alejhi ve sellem, je rekao: „*Utječem se savršenim Allahovim riječima koje ne prelazi ni dobri ni loši.*”¹⁴⁸

Da li će pametni reći da se Poslanik, sallallahu alejhi ve sellem, utjecao stvorenju? To je poput njegovih riječi: „*Utječem se Tvoje zadovoljstvu od Tvoje srdžbe, utječem se Tvoje oprostu od Tvoje kažne.*”¹⁴⁹

Također, kaže: „*Utječem se Allahovoј snazi i moći od zla kojeg osjećam i kojeg se pribojavam.*”¹⁵⁰

Također je rekao: „*Utječem se Tvojoj veličini da ne budemo uništeni ispod naših nogu.*”¹⁵¹

Sve su ovo uzvišena Allahova svojstva.

Ova značenja su podrobnije pojašnjena na mjestima koja o tome posebno govore, a mi smo ih ovdje samo naznačili.

Mnoge hanefije iz posljednjih generacija smatraju da je Allahov govor jedinstvenog značenja, a da mnoštvo i parčanje dolaze u značenjima, ali ne u onome na što ukazuju. Ovi izrazi su stvoreni i nazvani su *Allahovim govorom* zato što na njih ukazuju i njima vode. Ako se izraze na arapskom jeziku, onda su Kur'an. Ako se izraze

¹⁴⁸ Sahih; prenosi ga Ahmed, 3/419; Ibn es-Sunni, 631 od Abdur-Rahmana b. Hanbeša sa punim ispravnim lancem.

¹⁴⁹ Muslim, 486; hadis je prethodno naveden.

¹⁵⁰ Sahih; hadis je prethodno naveden.

¹⁵¹ Sahih; hadis je prethodno naveden.

na hebrejskom, onda su Tevrat. Samo su izrazi različiti, ali ne i govor. Rekli su: „Ovi se izrazi nazivaju Allahovim govorom u prenesenom značenju!“

Ovakav govor je neispravan, jer iz njega proizilazi da je značenje riječi Uzvišenog:

﴿ وَلَا تَقْرِبُوا الْزَّمَنَ ﴾

„*I ne približavajte se bludu...*“ (El-Isra', 32.) u značenju Njegovih riječi:

﴿ وَأَقِيمُوا الصَّلَاةَ ﴾

,,...*namaz obavljajte...*“ (El-Bekare, 43.)

Tako je značenje Ajetul-kursijje jednako značenju ajeta o dugu. Značenje sure El-Ihlas je jednako značenju sure El-Mesed. Kada god čovjek porazmisli o ovome govoru, pokaže mu se njegova neispravnost i sazna da je u suprotnosti sa govorom Ispravnih predhodnika.

Istina je u sljedećem: Tevrat, Zebur, Indžil, Kur'an su, uistinu, Allahov govor. Allahov govor nema granica. On je oduvijek govorio kako je želio, čime je želio, kada je želio i oduvijek je tako. Uzvišeni kaže:

﴿ قُلْ لَوْ كَانَ الْبَحْرُ مِدَادًا لِكَلِمَتِ رَبِّي لَنَفِدَ الْبَحْرُ قَبْلَ أَنْ تَنَفِدَ كَلِمَتُ رَبِّي وَلَوْ جِئْنَا بِمِثْلِهِ مَذَدًّا ﴾

„*Reci: 'Kada bi more bilo mastilo da se ispišu riječi Gospodara mogu, more bi presahlo, ali ne i riječi Gospodara mogu, pa i kad bismo ga proširili morem poput njega.'*“ (El-Kehf, 109.) I kaže:

﴿ وَلَوْ أَنَّمَا فِي الْأَرْضِ مِنْ شَجَرَةٍ أَفْلَمُهُ وَالْبَحْرُ يَمْدُهُ مِنْ بَعْدِهِ سَبْعَةُ أَخْرٍ مَا نَفِدْتُ كَلِمَتُ اللَّهِ إِنَّ اللَّهَ عَزِيزٌ حَكِيمٌ ﴾

„Da su sva stabla na Zemlji pisaljke, a more, uz pomoć još sedam mora, tinta, ne bi se ispisale Allahove riječi; Allah je, uistinu, Silan i Mudar.“ (Lukman, 27.)

Da je sadržaj Mushafa samo izraz u prenesenom značenju o Allahovom govoru, tj. nije Allahov govor, džunupu i osobi bez abdesta ne bi bilo zabranjeno da ga dodiruju.

Da ono što učač uči nije Allahov govor, ne bi džunupu i onome bez abdesta bilo zabra-njeno da ga čitaju. Allahov govor je sačuvan u prsim, uči se jezi-cima, zapisan je u Mushafima, kao što kaže Ebu-Hanife u *El-J'ikhu-l-ekberu*. On je u svim ovim pozicijama istina.

Kada se kaže: „U Mushafu ima nečiji rukopis“ - iz toga se shvati ispravno suštinsko značenje.

Kada se kaže: „U njemu je tinta kojom je isписан“ - shvati se ispravno suštinsko značenje.

Kada se kaže: „Tinta je u Mushafu“ - *prijedlog* u njemu nije kao prijedlog koji se shvaća iz govora onoga koji kaže: „U njemu su nebesa i zemlja, Muhammed i Isa“ i sl. Ova dva značenja su različita od značenja kada neko kaže: „U njemu je Allahov govor.“

Ko ne obrati pažnju na razlike između ovih značenja, zalutat će i neće biti upućen na ispravnost. Isto se odnosi na razliku između učenja koje je djelo učača i učenog teksta koji je govor Tvorca. Ko na ovo nije upućen, također je zalutao. Kada bi čovjek na listu našao zapisano: „Sve što je mimo Allaha je neispravno“ - u rukopisu poznatog kaligrafa, rekao bi ovo je uistinu dio Lebidovog govora, a ovo je uistinu kaligrafija te i te osobe. Ove riječi imaju svoju stvarnost, a i obavijest o njima imaju stvarnost. Jedna suština sa drugom se ne može pomiješati. Riječ Kur'an je u jezičkoj osnovi ime-

nički infinitiv. Nekada se spominje i njime se želi istaći čitanje (kiraet). Uzvišeni kaže:

﴿ وَقُرْءَانَ الْفَجْرِ إِنَّ قُرْءَانَ الْفَجْرِ كَانَ مَتَّهُودًا ﴾

„...i namaz u zoru jer namazu u zoru mnogi prisustvuju.“
(El-Isra', 78.)

Poslanik, sallallahu alejhi ve sellem, kaže: „Ukrasite Kur'an svojim glasovima.“¹⁵²

Nekada se spominje, a pod njim se misli ono što se uči. Uzvišeni kaže:

﴿ فَإِذَا قَرَأْتَ الْقُرْءَانَ فَاتَّسِعْدُ بِاللَّهِ مِنَ الشَّيْطَنِ الرَّجِيمِ ﴾

„Kada hoćeš učiti Kur'an, zatraži u Allaha zaštitu od šejta-na prokletog.“ (En-Nahl, 98.) I kaže:

﴿ وَإِذَا قُرِئَ الْقُرْءَانُ فَاسْتَمِعُوا لَهُ وَأَنْصِبُوا لَعَلَّكُمْ تُرْحَمُونَ ﴾

„A kad se uči Kur'an, vi ga slušajte i šutite - da biste bili pomilovani.“ (El-E'araf, 204.)

Poslanik, sallallahu alejhi ve sellem, kaže: „Kur'an je objavljen na sedam dijalekata.“¹⁵³

Postoje i drugi ajeti i hadisi koji ukazuju na oba spomenuta značenja. Činjenice imaju očevidno, razumsko, terminološko i pisano postojanje. Vidljive stvari se znaju, a zatim spominju, a potom zapisuju. Njihovo zapisivanje u Mushafu predstavlja četvrti stepen. Između govora i Mushafa nema posredstva. On se piše bez posredstva i jezika.

¹⁵² Sahih, prenosi ga Ebu-Davud, 1378; i drugi sabirači sunena, kao i El-Hakim, 1/575; Ahmed, 4/283; sa ispravnim lancem prenosilaca od El-Beraa b. Aziba; *Sahih Ebi-Davud*, 1320.

¹⁵³ Muttefekun alejhi; El-Buhari, 2419; Muslim, 818; hadis se prenosi od Omara, a u nastavku glasi: „...pa učite koliko vam bude olakšano.“

Razlika između njegovog postojanja u zapisima prvih, ili otvorenim pergamentima*, ili Levhi Mahfuzu, ili Knjizi skrivenoj je jasna. Njegove riječi o Kur'anu:

﴿ وَإِنَّهُ لِفِي زُبُرِ الْأَوَّلِينَ ﴾

„*On je spomenut u knjigama poslanika prijašnjih.*“ (Eš-Šu'ara', 196.) - označavaju Njegov spomen, opis i obavijest o njemu, kao što je Muhammed, sallallahu alejhi ve sellem, pismeno spomenut u njima. Allah, subhanehu ve te'ala, je objavio Kur'an Muhammedu, sallallahu alejhi ve sellem. Nije ga objavio u osnovi nikome drugome. Zato je rečeno da je objavljen u Ez-Zuburu, a ne na listovima, jer je množina od *Ez-zubur* - Zebur, a *ez-zebr* označava pisanje i sabiranje. Riječi Uzvišenog:

﴿ وَإِنَّهُ لِفِي زُبُرِ الْأَوَّلِينَ ﴾

„*On je spomenut u knjigama poslanika prijašnjih.*“ (Eš-Šu'ara', 196.) - znaće: „Zapisan je i sabran kod prvih“, a u samome terminu i njegovoj izvedenici stoji pojašnjenje željenog značenja i savršenstva kur'anskog pojašnjenja koje je čisto od svake nejasnoće. Ovo je poput riječi Uzvišenog:

﴿ الَّذِي تَجْدُونَهُ مَكْتُوبًا عِنْدَهُمْ ﴾

„...kojeg oni kod sebe, u Tevratu i Indžilu, zapisana nalaze...“ (El-E'raf, 156.), tj. Njegov spomen za razliku od riječi Uzvišenog:

﴿ فِي رَقٍ مَّنْشُورٍ ﴾

„na koži razvijenoj.“ (Et-Tur, 3.)

﴿ لَوْحٌ مَّحْفُوظٌ ﴾

* Pergament je dokument napisan na čvrstom papiru ili koži, koji ne propušta mast i vlagu. (prim. recenz.)

„na ploči pomno čuvanoj.“ (El-Burudž, 22.)

﴿كِتَابٌ مَّكْتُوبٌ ﴾

„u Knjizi brižljivo čuvanoj.“ (El-Vakia, 78.), jer faktor priloške odredbe je jedno od općenitih djela kao što su bit, smiraj, postizanje i sl, ili se prepostavlja da je zapisan u nekoj knjizi ili listu.

Knjiga se nekada spominje i pod njom se misli na mjesto pisanja, a nekada na zapisani govor. Obavezno je praviti razliku između pisanja govora u Knjizi i zapisivanja postojećih predmeta izvan nje, jer se ti predmeti zapisuju kao spomen. Kada god čovjek porazmislí o ovom značenju, razlika mu biva jasna.

Vanjska suština Allahovog govora je ono što se čuje od Njega, ili onoga ko dostavlja od Njega. Kada ga neko čuje sazna ga i sačuva. Allahov govor mu je dostupan za slušanje, poznat i sačuvan. Kada ga slušalac izgovori, onda je citiran, ako ga zapiše, onda je zapisan. Iz svih ovih aspekata govor je stvarnost i nije ispravno negirati ga, dok je preneseno značenje dozvoljeno negirati. Nije dozvoljeno reći: „U Mushafu nije Allahov govor, a ni nije Allahov govor ono što je učač proučio.“ Zato je Uzvišeni rekao:

﴿إِنَّ أَحَدًا مِّنَ الْمُشْرِكِينَ أَسْتَجَارَكَ فَأَجِرْهُ حَقًّي يَسْمَعُ كَلْمَةَ اللَّهِ﴾

„Ako te neki od mnogobojaca zamoli za zaštitu, ti ga zaštiti da bi saslušao Allahove riječi...“ (Et-Tevbe, 6.)

On ne čuje Allahov govor od Allaha, nego ga čuje od onoga ko ga dostavlja od Allaha. Ajet ukazuje na neispravnost govora onoga ko kaže: „Ono što se čuje je izraz o Allahovom govoru, a nije Allahov govor“. Uzvišeni je rekao:

﴿حَقًّي يَسْمَعُ كَلْمَةَ اللَّهِ﴾

„...da bi saslušao Allahove riječi...“ (Et-Tevbe, 6.), a nije rekao: „Sve dok ne čuje izraz o Allahovom govoru ili prepričavanje Allahovog govora.“ Osnova je suština i stvarnost.

A ko kaže: „Zapisano u Mushafima je izraz o Allahovom govoru ili prepričavanje Allahovog govora, a u Mushafu nema Allahovog govora“ - suprotstavio se Kur'anu, Sunnetu i ispravnim prethodnicima ummeta. Dovoljna je to zabluda.

Et-Tahavijev, Allah mu se smilovao, govor je replika onima koji kažu: „Njegov govor je jedinstvenog značenja, nije moguće predaći njegovo slušanje od Njega. Ono što se čuje i što je objavljeno i što se čita nije Allahov govor, nego izraz o Njemu.“

Et-Tahavi, Allah mu se smilovao, kaže: „Allahov govor je od Njega potekao.“ Tako su rekli i drugi ispravni pethodnici. Govorili su: „Od Njega je proistekao i Njemu će se vratiti.“ Rekli su: „Od Njega je potekao“, zato što su džehmije, iz reda mu'tezila i drugih govorili, da je stvorio govor na određenom mjestu, pa je govor potekao sa tog mesta.

Ispravni prethodnici su rekli: „Od Njega je potekao“, tj. On govori njime i od Njega proizilazi, a ne od nekih stvorenja, kao što Uzvišeni kaže:

﴿تَزِيلُ الْكِتَبِ مِنَ اللَّهِ الْعَزِيزِ الْحَكِيمِ ﴾ (١)

„*Objavljanje Knjige od Allaha je Silnog i Mudrog!*“ (Ez-Zumer, 1.)

﴿وَلِكُنْ حَقَّ الْقَوْلُ مِنِي﴾

„... ali Ja sam već Istinu rekao...“ (Es-Sedžde, 13.)

﴿قُلْ نَزَّلَهُ رُوحُ الْقُدُسِ مِنْ رَبِّكَ بِالْحَقِّ﴾

„*Reci: 'Od Gospodara tvoga objavljuje ga melek Džibril s istinom...'*“ (En-Nahl, 102.)

Njihove riječi: „I Njemu će se vratiti“, znače: uzdignut će se iz prsa i Mushafa (tj. nestat će), tako da u prsimu i Mushafima od njega neće ostati ni ajet, a o tome se navodi nekoliko predaja.

Nemogućnost spoznaje kakvoće Allahova govora

Autorove riječi: „Bez kakvoće“, tj. ne zna se kakvoća kojom On govori, a nije ni preneseno značenje. Objavio ga je Svome Poslaniku, sallallahu alejhi ve sellem, kao Objavu, tj. objavio ga je jezikom meleka, a melek Džibril ga je čuo od Allaha, a Muhammed, sallallahu alejhi vc sellem, od meleka, a zatim ga proučio pred ljudima. Uzvišeni kaže:

﴿ وَقُلْءَةً أَنَا فَرَقْتُهُ لِتَقْرَأُهُ عَلَى النَّاسِ عَلَى مُكْثٍ وَنَزَّلْنَاهُ تَنْزِيلًا ﴾

„I kao Kur'an, sve dio po dio ga objavljujemo da bi ga ti ljudima malo-pomalo kazivao, i prema potrebi ga objavljujemo.“ (El-Isra', 106.)

﴿ نَزَلَ بِهِ الْرُّوحُ الْأَمِينُ ﴾ عَلَى قَلْبِكَ لِتَكُونَ مِنَ الْمُنذِرِينَ ﴿ بِلِسَانٍ عَرَبِيٍّ مُّبِينٍ ﴾

„Donosi ga povjerljivi Džibril, na srce tvoje, da opominješ, na jasnom arapskom jeziku.“ (Eš-Šua'ra', 193-195.)

U ovome je potvrda Allahove osobine uzvišenosti. O tome se navodi da je Kur'an spušten isto kako se spušta kiša, ili kako je spušteno željezo, ili osam vrsta stoke.

Odgovor glasi: O objavi Kur'ana je spomenuto da je spušten od Allaha. Uzvišeni kaže:

﴿ تَنْزِيلُ الْكِتَابِ مِنَ اللَّهِ الْعَزِيزِ الْعَلِيمِ ﴾

„Objavlјivanje Knjige od Allaha je Silnoga, Sveznajućeg.“ (Gafir, 2.)

﴿ تَنْزِيلُ الْكِتَابِ مِنَ اللَّهِ الْعَزِيزِ الْحَكِيمِ ﴾

„Objavlјivanje Knjige od Allaha je Silnog i Mudrog!“ (Ez-Zumer, 1.)

﴿ تَنْزِيلٌ مِّنَ الرَّحْمَنِ الرَّحِيمِ ﴾

„Objava je od Svemilosnog Milostivog.“ (Fussilet, 2.)

﴿ تَنْزِيلٌ مِّنْ حَكِيمٍ حَمِيدٍ ﴾

„Ona je Objava od Mudroga i hvale dostojnoga.“ (Fusilet, 42.)

﴿ إِنَّا أَنزَلْنَاهُ فِي لَيْلَةٍ مُّبَرَّكَةٍ إِنَّا كُنَّا مُنْذِرِينَ ﴿٢﴾ فِيهَا يُفْرَقُ كُلُّ أُمْرٍ حِكْمٌ ﴿٣﴾ أَمْرًا مِّنْ عِنْدِنَا

﴿ إِنَّا كُنَّا مُرْسِلِينَ ﴿٤﴾

„Mi smo je objavili u Blagoslovljenoj noći, i Mi, doista, opominjemo; u njoj se rasčlanjuje svaka savršeno stvorena stvar! - po zapovijedi Našoj! Mi smo, zaista, slali poslanike.“ (Ed-Duhan, 3-5.)

﴿ فَأَتُوا يَكْتَبِ مِنْ عِنْدِ اللَّهِ هُوَ أَهْدَى مِنْهُمَا أَتْبِعُهُ إِنْ كُنْتُمْ صَادِقِينَ ﴾

„Pa donesite vi od Allaha knjigu koja bolje, nego ove dvije, na Pravi put upućuje, nju bih slijedio, ako Istinu govorite!“ (El-Kasas, 49.)

﴿ وَالَّذِينَ ءاتَيْنَاهُمُ الْكِتَابَ يَعْلَمُونَ أَنَّهُ مُنْزَلٌ مِّنْ رَّبِّكَ بِالْحَقِّ ﴾

„A oni kojima smo Mi dali knjigu dobro znaju da Kur'an objavljuje Gospodar tvoj s istinom.“ (El-En'am, 114.)

﴿ قُلْ نَّزَّلَهُ رُوحُ الْقُدُسِ مِنْ رَّبِّكَ بِالْحَقِّ ﴾

„Reci: 'Od Gospodara tvoga spušta ga Džibril (Ruhul-Kudus) s istinom.'“ (En-Nahl, 102.)

Spuštanje kiše je ograničeno na spuštanje sa neba. Uzvišeni kaže:

﴿ وَأَنْزَلْنَا مِنَ السَّمَاءِ مَاءً طَهُورًا ﴾

, „*I Mi s neba čistu vodu spuštamo.*“ (El-Furkan, 48.)

Nebesa označavaju uzvišenost. Na drugom mjestu se navodi da je kiša spuštena iz oblaka, a na trećem mjestu da je spuštena iz kišnih oblaka. Spuštanje željeza i stoke je općenito, pa kako takvo spuštanje može biti slično spuštanju Objave.

Željezo je metal koji se nalazi u brdima, a brda su viša od zemlje. Rečeno je da što je iskopavanje željeza na većoj nadmorskoj visini, njegov kvalitet je bolji.

Stoka se stvara lančanim rađanjem koje zahtijeva da mužjaci spuste svoja sjemena iz kičmi u maternice ženki. Zato se kaže *enzele* ejakulirao je, a ne kaže se *neenzele*. Potom, djeca u utrobama majki se spuštaju ka zemlji. Poznato je da se mužjaci kod stoke užvise nad ženkama prilikom spolnog odnosa. Sjeme mužjaka se odozgo spušta u maternicu ženke, a zatim svoje mladunče prilikom porođaja izbací odozgo ka dolje. Prema tome, njegove riječi:

﴿ وَأَنْزَلَ لَكُمْ مِنَ الْأَنْعُمِ ﴾

, „...i *On vam je dao osam jedinki stoke u parovima...*“ (Ez-Zumer, 6.) - mogu imati dva tumačenja:

Prvo je da prijedlog *od- min* bude radi pojašnjena vrste, a drugo da bude početak ka cilju. Ova dva tumačenja se mogu zaključiti iz riječi Uzvišenog:

﴿ جَعَلَ لَكُمْ مِنْ أَنفُسِكُمْ أَزْوَاجًا وَمِنَ الْأَنْعُمِ أَزْوَاجًا ﴾

, „*On vas kao parove stvara - a stvara parove i od stoke...*“ (Eš-Šura, 11.)

Autorove riječi: „**Vjernici su mu to uistinu potvrdili**“ ukazuju na ono što je spomenuo - od govora na spomenuti način i način njegove objave, tj. to je govor ashaba i tabiina koji su ih slijedili po dobru. Oni su ispravni prethodnici. Ovo predstavlja istinu.

Odgovor onima koji kažu da je govor nutarnji

Njegove riječi: „**Bili su ubijeđeni da je to Allahov govor u stvarnosti i da nije stvoren kao govor ljudi**“ - replika su mu tezilama i drugima, što je očito iz ovog navoda.

Njegove riječi: „**u stvarnosti**“ - replika su onima koji kažu: Kur'an je jedinstveno značenje koje opстоji u Allahovom biću koji se ne čuje od Njega, nego je to nefsanski (nutarnji) govor, jer se za onoga u kome opстоji nutarnji govor, a ne izgovori ga, ne kaže to je govor u stvarnosti. U suprotnom bi bilo neminovno da se nijemi nazove govornikom. Također, ono što je u Mushafu općenito ne bi bilo Kur'an ni Allahov govor, već izraz o njemu koji nije Allahov govor; kao kada bi nijemi pokazao na određenu osobu i shvatio šta želi, a zatim ta osoba napiše izraz i značenja koje mu je naznačio taj nijemi. Zapis o tome je izraz te osobe o tome značenju. Ovaj primjer se u potpunosti podudara sa onim što oni kažu, iako Allaha Uzvišnog niko ne naziva nijemim. Međutim, prema njima, melek je shvatio od Njega značenje koje opстоji u Njemu. Nije od Njega čuo ni slova ni glasa, već je shvatio ogoljeno značenje, a zatim se o njemu izrazio. Ono što je donio, kur'anski je tekst napisan na arapskom jeziku. Kada ga je Allah stvorio u obliku nekog tijela, poput zraka, melek je taj izraz zapisao.

Onome koji kaže da je Allahov govor jedinstvenog značenja reći će se: Da li je Musa, alejhis-selam, čuo cijelo značenje ili dio?

Ako kaže čuo je sve, onda tvrdi da je čuo čitav Allahov govor! Neispravnost ovoga je očita. Ako kaže da je čuo dio, onda zastupa parčanje koje se odnosi na svakoga onoga s kime je Allah govorio ili mu objavio dio Svoga govora.

Kada je Uzvišeni rekao melekima:

﴿إِنَّ جَاعِلًا فِي الْأَرْضِ خَلِيفَةً﴾

„Ja će na Zemlji halifu (namjesnika) postaviti!“ (El-Bekare, 30.) i kada im je rekao: „**Učinite sedždu Ademu**“ i sl. da li je to dio ili cijeli Njegov govor?

Ako odgovori da je cijeli, onda je to čista oholost. Ako kaže dio, onda je priznao mnoštvo govora.

Ljudi u pogledu pojma govora kao naziva imaju četiri mišljenja:

Prvo: Da obuhvata termin i značenje zajedno, kao što termin čovjek obuhvata zajedno i dušu i tijelo. Ovo je mišljenje ispravnih prethodnika.

Dруги: Samo termin, a značenje nije dio naziva, nego samo ukazuje na naziv. Ovo je mišljenje grupacije mu'tezila i drugih.

Treće: Govor je ime za značenje, a na termin se odnosi u prenesenom značenju zato što ukazuje na njega. Ovo je mišljenje Ibn-Kullaba i njegovih sljedbenika.

Četvrto: Govor je zajednički za termin i značenje, što je mišljenje zadnjih generacija kullabija. Oni imaju i peto mišljenje koje se prenosi od Ebul-Hasena koji kaže da je govor preneseno značenje za Allahov govor. On je suština i stvarnost u govoru ljudi, jer slova i glasovi koje izgovaraju ljudi opстоje u njima. Govor ne može opstojati u nekome ko nije govornik, za razliku od Allahovog govora, jer on, prema njemu, ne opstoji kod Allaha i zato je nemoguće da bude Njegov govor. Ovo je podrobnije pojašnjeno na mjestu na kome se govori o ovoj tematiki.

Zastupao bi neispravnu argumentaciju onaj ko kaže da ima jedinstveno značenje argumentirajući to rijećima El-Ahtala:

*Gовор је засигурно у srcu,
а језик је начинjen показателјем онога што се налази у srcu*

Kada bi neko argumentirao hadisom iz oba *Sabiha*, oni bi povikali da je to *ahad* predaja, a učenjaci su se složili oko potvrde, prihvatanja i prakticiranja takvih predaja. Šta onda reći za ovaj stih za

koji se kaže da je lažno pripisan El-Ahtalu i koji se ne nalazi u nje-govoj zbirci pjesama? Rečeno je da je rekao: „Izraz je u srcu“ - što je bliže ispravnosti. Ako bi se pretpostavilo da je ovaj stih vjerodostojno prenesen, nije dozvoljeno njime dokazivati.

Kršćani su zalutali u značenju govora tvrdeći da je Isa, alejhis-selam, isto što i Allahova riječ, te da su se dio Boga i dio ljudi ujedinili. Zar će se argumentirati govorom kršćanina koji je zалutao o značenju Allahovog govora, a ostaviti ono što je poznato o značenju govora iz jezika Arapa?

Također, značenje ovog stiha nije ispravno, jer iz njega proističe da se nijemi naziva govornikom, jer govor opстоји u njegovom srcu, pa makar jezikom ne izgovarao i od njega se ne čuo. Govor o ovome je podrobnije pojašnjen na odgovorajućem mjestu, a ja dajem samo naznake.

Ovdje imamo jedno čudno značenje, a ono je da je ovakvo mišljenje uveliko slično mišljenju kršćana koji govore o ujedinjenju božanskih i ljudskih osobina. Oni kažu: Allahov govor je značenje koje opстоји u Allahovom Biću koje nije moguće čuti. Jezički niz koji se čuje je stvoren. Dostavljanje praiskonskog značenja putem stvorenog niza uveliko sliči miješanju božanskih i ljudskih osobina koje zastupaju kršćani u pogledu Isaa, alejhis-selam. Pogledaj kako li je samo čudna ova sličnost!?

Na mišljenje onih koji kažu da je Allahov govor značenje koje opстојi u Njemu daje se replika riječima Poslanika, sallallahu alejhi ve sellem: „U ovom našem namazu nije ispravno ništa od govora ljudi.“¹⁵⁴

Rekao je: „Allah donosi naredbu kakvu želi, a donio je naredbu da ne govorite u namazu.“¹⁵⁵

¹⁵⁴ Muslim, 537; i drugi hadis od Muavije b. el-Hakema. *Sabib Ebi-Davud*, 862; *El-Irwa'*, 390.

¹⁵⁵ En-Nesai, 3/19; i drugi sa dobrom lancem prenosilaca, El-Buhari ga prenosi kao popratni hadis; *Sabib Ebi-Davud*, 157.

Učenjaci su se usaglasili da ako klanjač progovori u namazu namjerno, što nije u svrhu namaza, námaž mu je neispravan. Svi su se usaglasili, također, da ono što opстоји u srcu u vidu potvrde duđalučkih činjenica i potražnje (prilikom namaza) ne kvari sam namaz, nego ga kvari govor o tome. Stoga, prema saglasnosti svih muslimana se zna da to nije govor.

Također, u oba *Sahiba* od Vjerovjesnika, sallallahu alejhi ve sellem, se prenosi da je rekao: „*Allah je pripadnicima moga ummeta oprostio ono što u sebi pričaju sve dok jezikom ne izgovore ili djelom ne potvrde.*“¹⁵⁶

Obavijestio je da je Allah oprostio ono što duša unutar priča, osim kada se to govori jezikom. Napravio je razliku između unutarnjeg govora duše i između pravoga govora i obavijestio da za to neće biti kažnjeni sve dok ne progovore, tj. dok ne izgovore jezikom, prema koncenzusu učenjaka. Stoga se zna da je ovo govor u jeziku, jer se Zakonodavac nama obraća jezikom Arapa.

U *Sunenima* se prenosi da je Muaz, radíjallahu anhu, rekao: „Allahov Poslaniče, hoćemo li biti kažnjavani zbog onoga što govorimo?“ Odgovorio je: ‘*Da li će ljudi u Vatru biti vučeni na svojim noždrvama osim zbog onoga što su zaradili njihovi jezici?*’¹⁵⁷

Pojasnio je da govor biva isključivo jezikom. Termin *govor* i njegove izvednice imaju perfekt, prezent, imperativ, a i imenički aktiv. Navodi u Kur'anu i Sunnetu, te ostalom govoru Arapa, se shvataju ako su objedinjeni kao termin i značenje. Kod ashaba nije bilo razilaženja oko naziva *govora*, kao ni kod njihovih sljedbenika po dobru. Razilaženje se desilo među posljednjim generacijama novotarskih učenjaka, a zatim se uveliko proširilo.

Nema sumnje da za naziv *govora* nema potrebe navoditi stihove nekog pjesnika (kao dokaz). O ovome su govorili i prvi i zadnji

¹⁵⁶ Muttefekun alcjhi; El-Buhari, 2527; Muslim, 127; hadis od Ebu-Hurejre, *Irvau-l-galil*, 2062.

¹⁵⁷ Et-Tirmizi, 2616; i drugi sa lancem prenosilaca u kome ima prekid. To je pojasnio Hafiz Ibn-Redžeb el-Hanbeli u *Šerbul-erbein*.

učenjaci u jeziku. Oni su spoznali značenje kao što su spoznali nazine glava, ruka, noge i sl.

Nema sumnje da onaj koji kaže: „Allahov govor je jedinstven i opстоји у Нјему Узвишеноме, а цитрано, памћено, записано и он што се чује од учача је препричавање Allahovог говора који је створен“ - изnio је мишљење о створености Kur'an-a, а да сам не зна. Узвиши каže:

﴿ قُلْ لِّيْنَ أَجْتَمَعَتِ الْإِنْسُ وَالْجِنُّ عَلَىٰ أَنْ يَأْتُوا بِمِثْلِ هَذَا الْقُرْءَانِ لَا يَأْتُونَ بِمِثْلِهِ ﴾

„*Reci: 'Kad bi se svi ljudi i džinovi udružili da sačine jedan ovakav Kur'an, oni, kao što je on, ne bi sačinili...'“* (El-Isra', 88.)

Vidiš ли да Узвиши указује на нешто у Нјему или на цитрано или нешто што се чује?

Nema sumnje да се овдје искључиво указује на цитрано које се чује, jer на Allahово биће се не може указати, нити се може objавити, citirati ili čuti.

Vidiš ли да у Нјеговим ријечима:

﴿ لَا يَأْتُونَ بِمِثْلِهِ ﴾

„...*oni, kao što je on, ne bi sačinili...*“ (El-Isra', 88.), tj. Neće donijeti нешто слично onome што је у Meni, што нису чули, нису znali? Ono што се налази у Allaha nema nikakve mogućnosti да се do njega dođe, niti да се na njemu zastane.

Ako kažu: On, azze ve dželle, само указује на препричавање onoga што се налази у Нјему i izražava se o tome, a ono је цитрано, записано i чује се, a ne daje naznaku na Svoje биће, onda је то otvoren говор о створености Kur'an-a. Zapravo, oni су u tom pogledu veći nevjernici od mu'tezila. Prepričavanje nečega biva putem sličnog. Ovo je otvorena izjava da se Allahova svojstva prepričavaju, a da se Kur'an učenjem prepričava, ljudi bi samim tim могли donijeti нешто слично Allahovom говору. U čemu bi se, onda, pokazala

njihova nemoć? Drugo su njihove tvrdnje kada kažu da se govor odvija glasom i slovom koji nisu glas i slovo. Kur'an su samo raspoređene sure i ajeti stavljeni u redove na čistim listovima. Uzvišeni kaže:

﴿فَاتُوا بِعَشْرِ سُورٍ مِّثْلَهِ مُفْتَرِيَتِهِ﴾

„**Pa sačinite vi deset Kur'anu sličnih, izmišljenih sura...**“
(Hud, 13.)

﴿بَلْ هُوَ أَيَّتُ بَيْتٌ فِي صُدُورِ الظَّالِمِينَ أُوتُوا الْعِلْمَ وَمَا يَحْمَدُ بِمَا يَنْتَهَا إِلَّا الظَّالِمُونَ﴾

„**A to su ajeti jasni, u srcima su onih kojima je razum dat, a Naše ajete samo nepravedni osporavaju.**“ (El-Ankebut, 49.)

﴿فِي صُحْفٍ مُّكَرَّمَةٍ مَّرْفُوعَةٌ مُّطَهَّرَةٌ﴾

„**Na listovima je cijenjenim, uzvišenim, čistim.**“ (Abese, 13-14.)

Svakoj osobi će se sa svakim proučenim harfom upisati deset dobrih djela. Poslanik, sallallahu alejhi ve sellem, kaže: „Ja ne kažem da je 'elif-lam-mim' jedno slovo, nego kažem 'elif' je slovo, 'lam' je slovo i 'mim' je slovo.“¹⁵⁸

Kur'an je sačuvan u prsima hafiza i čuje se putem jezika onih koji ga citiraju.

Šejh Hafizuddin en-Nesefi¹⁵⁹, Allah mu se smilovao, u *El-Mena-nu* kaže: „Kur'an je ime za tekst i značenje.“ Ovo su rekli i drugi usulisti.

¹⁵⁸ Sahih; prenosi ga Et-Tirmizi, 2910; i Ibn-Madže i El-Adžuri u knjizi *Adabu hameletil-Kur'ani* sa ispravnim lancem, a navodi se u *El-Miškatu*, 2137.

¹⁵⁹ On je Abdullah b. Ahmed b. Mahmud Ebul-Berekat en-Nesefi. Bio je veliki učenjak u fikhu i usulu a poznavao je dobro i hadis i njegova značenja. Ostavio je iza sebe mnoga djela. Umro je 710. h.g

Pripisuje se Ebu-Hanifi da je rekao da onaj koji na namazu bude učio na perzijskom jeziku, namaz mu je ispravan. Međutim, mora se znati da se Ebu-Hanife povratio od tog mišljenja rekavši: „Nije dozvoljeno učiti na namazu na nekom drugom jeziku mimo arapskog kada za to postoji mogućnost.“

Rekli su: „Ako bi učio na nekom drugom jeziku mimo arapskog onda je: ili luđak kojeg treba liječiti ili otpadnik kojeg treba ubiti, jer je Allah govorio na ovom jeziku, a nadnaravnost Kur'ana se ogleda u kur'anskom tekstu i značenjima na arapskom.“

Nevjerstvo onoga koji negira da je Kur'an Allahov govor

Autorove riječi: „**Ko ga čuje, pa kaže da je govor ljudi, postao je nevjernik.**“

Nema sumnje oko proglašavanja nevjernikom onoga ko negira da je Kur'an Allahov govor, ili ako kaže da je to Muhammedov ili govor nekog drugog stvorenja, bio on melek ili čovjek. Kada prizna da je Kur'an Allahov govor, a zatim protumači i izmijeni značenje, u saglasnosti je sa onim koji kaže: „To je samo ljudski govor“, prema jednom od djela s kojima je postao nevjernik. Ovakve je šejtan zaveo, a o tome će biti više govora kada budemo pojašnjavali autorove riječi: „**Nikoga od pripadnika Kible ne proglašavamo nevjernikom zbog grijeha sve dok ga ne smatra dozvoljenim**“.

Nadnaravnost Kur'ana

Njegove riječi: „**Nije sličan govoru ljudi**“ - označavaju da je on najčasniji, najretoričniji i najistinitiji. Uzvišeni kaže:

﴿ وَمَنْ أَصْدَقُ مِنَ اللَّهِ حَدِيثًا ﴾

„...jer čiji je govor istinitiji od Allahovog?!“ (En-Nisa', 87.)

﴿ قُلْ لَّئِنْ أَجْتَمَعَتِ الْإِنْسُونَ وَالْجِنُّ عَلَىٰ أَنْ يَأْتُوَا بِمِثْلِ هَذَا الْقُرْءَانِ لَا يَأْتُونَ بِمِثْلِهِ ﴾

„Reci: 'Kad bi se svi ljudi i džinovi udružili da sačine jedan ovakav Kur'an, oni, kao što je on, ne bi sačinili...'“ (El-Isra', 88.)

﴿ قُلْ فَأَتُوا بِسُورَةٍ مِّثْلِهِ ﴾

„Reci: 'Pa dajte vi jednu suru kao što je njemu objavljena.'“ (Junus, 38.)

Kada su bili u nemogućnosti, a oni su arapski retoričari i stilističari, uz svoje žestoko neprijateljstvo, da donesu samo jednu sličnu suru - pokazala se istinoljubivost Poslanika, sallallahu alejhi ve sellem, da je (Kur'an) govor od Allaha. Nadnaravnost Kur'ana se ogleda u aspektu njegovog teksta i značenja, a ne samo iz jednog aspekta. Uz to je Kur'an na jasnom arapskom jeziku u kojem nema iskrivljenja, tj. na jeziku Arapa. Sličnost se negira s obzirom na govor, ili ono o čemu se govori, ili s obzirom na tekst i značenje, a ne s obzirom na same riječi i slova. Na ovo postoji naznaka u isprekidanim slovima (kao elif-lam-mim) koja se nalaze na početku nekih sura, tj. Kur'an je u stilu njihovog govora i jezika kojim se obraćaju. Zar ne vidiš da se poslije ovih isprekidanih slova spominje Kur'an, kao u riječima Uzvšenog:

﴿ إِنَّمَا ذَلِكَ الْكِتَابُ لَا رِبَّ لَهُ فِيهِ ﴾

„Elif-lam-mim! Ova Knjiga, u koju nema sumnje.“ (El-Bekare, 1-2.)

﴿ إِنَّمَا اللَّهُ لَا إِلَهَ إِلَّا هُوَ الْحَقُّ الْقَيُّومُ نَزَّلَ عَلَيْكَ الْكِتَابَ بِالْحَقِّ ﴾

„*Elif-lam-mim! Allah, osim Koga drugog boga nema, Živi je i Vječni! On tebi objavljuje Knjigu s istinom...*“ (Ali Imran, 1-3.)

﴿الْمَصَرُ ﴾ كَتَبَ أَنْزَلَ إِلَيْكَ

„*Elif-lam-mim-sad. Ovo je knjiga koja ti se objavljuje.*“ (El-E'raf, 1-2.)

﴿الرِّ تِلْكَ أَيْنَتُ الْكِتَبُ الْحَكِيمُ ﴾

„*Elif-lam-ra. Ovo su ajeti Mudre Knjige.*“ (Junus, 1-2.)

Također, preostali isprekidani harfovi ih opominju da ovaj plemeniti Poslanik, sallallahu alejhi ve sellem, nije došao sa onim što vi ne poznajete, već vam se obraća vašim jezikom.

Zastupnici neispravnih izjava usuđuju se negirati da Allah govori, da je Allah govorio i da je Džibril od Njega slušao, kao što se usuđuju da putem riječi Uzvišenog:

﴿لَيْسَ كَمِثْلِهِ شَيْءٌ ﴾

„*Niko nije kao On!*“ (Eš-Šura, 11.) - negiraju Allahova svojstva.

U samom ajetu postoji replika na njihovo mišljenje, a ona je:

﴿وَهُوَ السَّمِيعُ الْبَصِيرُ ﴾

„*On sve čuje i sve vidi.*“ (Eš-Šura, 11.)

Isto tako, Uzvišeni kaže:

﴿فَاتُوا بِسُورَةِ مِثْلِهِ ﴾

„...*Pa dajte vi jednu suru kao što je njemu objavljena...*“ (Junus, 38.), a to je replika onima koji negiraju slova, jer Uzvišeni kaže:

﴿فَاتُوا بِسُورَةٍ﴾

„...**Pa dajte vi jednu suru...**“ (Junus, 38.) Nije rekao: „Done-site jedan harf ili riječ“.

Najkraća sura u Kur'anu sadrži tri ajeta. Zato su Ebu-Jusuf i Muhammed¹⁶⁰ rekli: Za ispravnost namaza najmanje su dovoljna tri kratka ajeta ili jedan dugi ajet¹⁶¹, jer nadnaravnost ne biva sa manje od toga, a Allah najbolje zna.

Nevjersvo onoga koji Allaha opisuje osobinama ljudi

Autor kaže: „Ko Allaha opiše nekim ljudskim osobinama, postao je nevjernik; ko ovo sagleda, razumjet će i udaljiti se od sličnih mišljenja nevjernika i znat će da Njegova svojstva nisu poput ljudskih.“

Pošto je prethodno spomenuo da je Kur'an Allahov govor u stvarnosti, da je od Njega proistekao, poslije toga skrenuo je pažnju da Uzvišeni po Svojim svojstvima nije poput ljudi, negirajući poistovjećivanje nakon same potvrde. Uzvišenom Allahu, iako je opisan osobinom govora, ne daje se epitet u jednom od značenja ljudskosti putem kojih čovjek biva govornik. Allahu Uzvišenom ništa nije slično, a On sve čuje i vidi. Lijep li je navedeni primjer onoga koji potvrđuje svojstva bez upoređivanja ili njihovog opovrgavanja

¹⁶⁰ On je autoritet, mudžtchid, fakih Iraka, Ebu-Abdullah Muhammed b. Hasan b. Ferkad eš-Šejbani el-Kufi. Družio se s Ebu-Hanisom i zapisivao znanje od njega. Jedan je od prenosioca *Muvetaa* imama Malika kod kojeg je u Medini učio nešto više od tri godine. Umro je u Rejju, 189. h.g.

¹⁶¹ U *Hidaji* se spominje: „Najmanje što je dovoljno da se prouči u namazu jeste jedan ajet po mišljenju imama Ebu-Hanife, dok po mišljenju Ebu-Jusufa i Muhammeda najmanje tri kratka ajeta ili jedan duži, jer se bez toga učač ne može smatrati učačom.“ Ajni spominje u *Binaji* (2/277) da je ovaj njihov stav, također, jedno od predanja imama Ebu-Hanife.

kada kaže: kao čisto mlijeko ugodno onima koji ga piju, koje izlazi između buraga opovrgavanja i krvi uspoređivanja. Onaj koji opovrgava Allahova svojstva, obožava nepostojeće, a onaj koji ga upoređuje sa ljudima, obožava kipa.

U autorovom govoru će kasnije biti spomenuto: „**Ko se ne bude čuvao negacije upoređivanja, zastranio je i nije pogodio izražavanje čistote.**“

Isto tako, rekao je: „**Vjera islam je između uspoređivanja i opovrgavanja.**“

Nema sumnje da je opovrgavanje gore od uspoređivanja, što će nešto kasnije, inšallahu te'ala, spomenuti.

Ono čime se Allah opisao i čime ga je Poslanik, sallallahu alejhi ve sellem, opisao nije uspoređivanje (antrpomorfizam), jer svojstva Stvoritelja Njemu dolikuju, a svojstva stvorenja dolikuju stvorenjima.

Njegove riječi: „**Ko ovo sagleda, shvatit će**”, tj. ko sagleda putem svoga znanja i prosvjećenosti ono što je rekao o potvrdi opisa i negiranju poistovjećivanja, te prijetnji onome koji poistovjećuje Allaha sa Njegovim stvorenjima, uzet će pouku i udaljiti se od sličnih mišljenja nevjernika.

Viđenje Allaha, subhanehu ve te'ala

Autor kaže: „**Viđenje Allaha je istina za stanovnike Dženeta bez obuhvatanja i kakvoće, kao što o tome govori Knjiga našeg Gospodara:**

﴿وُجُوهٌ يَوْمٌ لَا نَأْصِرُهُمْ إِلَى رَبِّهَا نَاظِرَةٌ﴾

‘Toga dana će neka lica blistava biti, u Gospodara će soga gledati.’ (El-Kijame, 22-23.)

Tumačenje ovoga je prema onome što Allah želi i zna. Svi navodi u vjerodostojnim hadisima od Allahovog Poslanika, sallallahu alejhi ve sellem, su onakvi kakve je izrekao. Njihovo je značenje prema onome što je želio reći. U to ne zalazimo tumačenjem svojim mišljenjima, niti iznošenjem maštana putem naših strasti. U Allahovoj vjeri neće biti ispravan osim onaj ko se potpuno preda Allahu, azze ve dželle, i Njegovom Poslaniku, sallallahu alejhi ve sellem, a za znanje o nejasnom pita onoga ko zna.“

Oko viđenja Allaha suprostavljaju se džehmije, mu'tezile i njihovi sljedbenici, haridžije i šiije imamije. Njihov govor je neispravan i odbacuje se na temelju Knjige i Sunneta. Ashabi i tabiini su iznijeli mišljenje o potvrdi viđenja, kao i imami islama poznati po svome vođstvu u vjeri, učenjaci u hadisu i ostale grupacije, te sljedbenici kelama koji se pripisuju Sunnetu i Džema'atu.

Ovo pitanje je jedno od najčasnijih i najuzvišenijih pitanja vjerskih temelja. Ono je cilj za kojim se trude zalagači i takmiče konkurenți. Ovog pitanja su lišeni oni koji su od svoga Gospodara zaklojeni i sa Njegovih vrata vraćeni.

Šejh, Allah mu se smilovao, od dokaza spominje riječi Uzvišenog:

﴿وُجُوهٌ يَوْمَئِنَ نَاضِرَةٌ إِلَىٰ رَبِّكُمْ تَنَاظِرَةٌ﴾

„Toga dana će neka lica blistava biti, u Gospodara će svoga gledati.“ (El-Kijame, 22-23.)

Ovo je najisticajniji dokaz. Oni koji samo prihvataju iskrivljenje ovog ajeta nazivaju ga *tumačenjem*. Predvodnicima i zagovaračima *tumačenja* tumačenje tekstova koji govore o Povratku, Džennetu, Vatri, Obračunu je lakše nego *protumačiti* ovaj ajet. Kada god neko poželi obesnažiti tekstove, tumačeći ih i pomjerajući riječi sa njihovih mesta, nađe put ka tome.

Ovo je upropastilo dunjaluk i vjeru. Tako su postupali židovi i kršćani u pogledu tekstova Indžila. Allah nas je upozorio da ne postupamo kao oni, a oni koji obesnažuju tekstove odbijaju sve osim da slijede njihov put.

Koliko je samo neispravno tumačenje nanijelo štete vjeri i njenim sljedbenicima?

Zar Osman, radijallahu anhu, nije ubijen zbog pogrešnog tumačenja¹⁶²? Isto se odvijalo i na Dan deve¹⁶³, Siffina¹⁶⁴, ubistva El-Hu-sejna¹⁶⁵ i na dan El-Harre¹⁶⁶. Da li su se haridžije pojavile, mu'tezile izdvojile, a rafidije odbile i ummet se razdijelio na sedmadeset i tri skupine, osim zbog neispravnog tumačenja?

Vezanost pogleda za lice, koje je mjesto pogleda u ovom ajetu i upotreba prijedloga *ila - ka* jasno govore o pogledu oka. Kada u govoru ne postoji kontekst koji ukazuje na suprotno, onda jasna postavljena suština nalaže da je Allah time želio pogled oka, koje se nalazi na licu, ka Gospodaru, azze ve dželle.

Riječ *pogled* ima višestruku upotrebu - shodno vezanosti i samoprijelaznosti. Ako je glagol *pogledati* samoprijelazan, onda označava zastajanje i čekanje:

﴿أَنْظُرُوْنَا نَقْتِيسْ مِنْ نُورٍ كُمْ﴾

„*Pričekajte nas da se svjetлом vašim poslužimo!*“ (El-Hadid, 13.)

Ako je prelazan sa prijedlogom *fi - u* onda označava razmišljanje i uzimanje pouka, kao što Uzvišeni kaže:

﴿أُولَئِنَّ يَنْظُرُوْا فِي مَلْكُوتِ السَّمَاوَاتِ وَالْأَرْضِ﴾

¹⁶² 35. h.g.

¹⁶³ 36. h.g.

¹⁶⁴ 37. h.g.

¹⁶⁵ 61. h.g.

¹⁶⁶ 63. h.g.

„I zašto oni ne promisle o carstvu nebesa i Zemlje...“ (El-E'raf, 185.)

Ako je prijelazan sa prijedlogom *ila - ka*, onda označava viđenje očima, kao što Uzvišeni kaže:

﴿أَنظُرُوا إِلَى ثَمَرَةٍ إِذَا أَثْمَرَ﴾

„Posmatrajte, zato, plodove njihove kad se tek pojave...“ (El-En'am, 99.)

Šta tek reći kada se veže za lice koje je mjesto gledanja?

Ibn-Merdevejh¹⁶⁷ sa lancem prenosilaca od Ibn-Amra prenosi da je Allahov Poslanik, sallallahu alejhi ve sellem, o riječima Uzvišenog:

﴿وُجُوهٌ يَوْمَئِنْ نَاضِرَةً ﴾ ﴿إِلَى رِبَّنَا نَاظِرَةً﴾

„Toga dana će neka lica blistava biti, u Gospodara će svoga gledati.“ (El-Kijame, 22-23.), rekao: „*Toga dana će neka lica svjetla biti*” - od blistavosti i ljepote. ‘U Gospodara će svoga gledati’ - u Allahovo, azze ve dželle, lice.”¹⁶⁸

Od El-Hasena se prenosi: „Gledat će u svoga Gospodara, a onda postati blistava od Njegovog nura.”

Ebu-Salih od Ibn-Abbasa, radijallahu anhuma, prenosi: „U svoga Gospodara će gledati”, tj. gledat će u lice svoga Gospodara, azze ve dželle.

Ikrime kaže: „Neka lica toga dana će biti blistava”, tj. od blagodati. „Gledat će u svoga Gospodara”, tj. gledat će Ga, a onda je od Ibn-Abbasa prepričao slično.

Ovo je mišljenje mufessira iz reda sljedbenika Sunneta i hadisa.

¹⁶⁷ On je hafiz, autoritet, muhaddis Asbehana, Ebu-Bekr Ahmed b. Musa b. Merdevejh el-Asbehani. Autor *Velikog tefsira i Historije*. Umro je 410. h.g.

¹⁶⁸ Hadis je veoma slab jer je u lancu prenosilaca Suvej b. Ebi-Fahite kojeg je Es-Sevri proglašio lašcem. Hafiz u *Et-Takribu* kategorički iznosi da je slab.

Uzvišeni kaže:

﴿ هُمْ مَا يَشَاءُونَ فِيهَا وَلَدَيْنَا مَزِيدٌ ﴾

„*U njemu će imati što god zažele, a od Nas i više.*“ (Kaf, 35.)

Et-Taberi kaže: „Alijj b. Ebi-Talib i Enes b. Malik su rekli: 'To je pogled u Allahovo, azze ve dželle, lice.'“

Uzvišeni kaže:

﴿ لِلّذِينَ أَحْسَنُوا الْخُسْنَى وَرِبَادَةُ ﴾

„*One koji čine dobra djela čeka lijepa nagrada, i više od toga!*“ (Junus, 26.)

Ei-Husna – lijepa nagrada je Džennet.

I više od toga je pogled u Njegovo Časno lice. Tako je protumačio Allahov Poslanik, sallallahu alejhi ve sellem, i ashabi poslije njega.

Prenosi Muslim u svome *Sabihu*¹⁶⁹ od Suhejba: „Allahov Poslanik, sallallahu alejhi ve sellem, je proučio:

﴿ لِلّذِينَ أَحْسَنُوا الْخُسْنَى وَرِبَادَةُ ﴾

„*One koji čine dobra djela čeka lijepa nagrada, i više od toga!*“ (Junus, 26.) a potom rekao: *Kada stanovnici Dženneta uđu u Džennet, a stanovnici Vatre u Vatu, neko će povikati: »Stanovnici Dženneta, vi kod Allaha imate zakazani sastanak, a on želi da vam ga ispuni.« Reći će: 'A koji je to? Zar nije otežao naše vase, osvijetlio naša lica, uveo nas u Džennet i zaštitio Vatu?' Zastor će se otkriti, pa će gledati u Njega. Neće im dati ništa draže od gledanja u Njega, a to je 'zijade' - 'i više od toga'!*“¹⁷⁰

¹⁶⁹ Muslim, 181.

¹⁷⁰ Sahih; Et-Tirmizi, Ibn-Madže i Ahmed sa sličnim tekstrom od Suhejba, radijallahu anhu. Hadis se navodi u *Zilalul-Dženneh*, 472.

Prenose ga i drugi sa mnogobrojnim lancima prenosilaca i drugim terminima, a govore da je *zijade - i više od toga* pogled u Allaha, azze ve dželle. Tako su ga protumačili ashabi. Ibn-Džerir ga prenosi od skupine prenosilaca, a od njih su Ebu-Bekr es-Siddik, Huzejfe, Ebu-Musa el-Eš'ari i Ibn-Abbas, radijallahu anhum.

Uzvišeni kaže:

﴿كَلَّا إِنَّهُمْ عَنْ رَبِّهِمْ يَوْمَئِذٍ لَّخَجُوبُونَ﴾

„*Ne, (nije kao što govore)! Uistinu, oni će toga Dana zastri biti od svoga Gospodara.*“ (El-Mutaffifin, 15.)

Šafija, Allah mu se smilovao, i drugi imami su ovim ajetom argumentirali viđenje Allaha od strane stanovnika Dženneta. To spominje Et-Taberi i drugi od El-Muzenija¹⁷¹, a on od Šafije.

El-Hakim¹⁷² kaže: „Pričao je nam je El-Esamm, pričao nam je Er-Rebia b. Sulejman¹⁷³ rekavši: 'Došao sam Muhammed b. Idrisu eš-Šafijiju, pa mu je stigla poruka iz Es-Saida u kojoj se kaže: *Šta kažeš o govoru Uzvišenog:*

﴿كَلَّا إِنَّهُمْ عَنْ رَبِّهِمْ يَوْمَئِذٍ لَّخَجُوبُونَ﴾

Ne, (nije kao što govore)! Uistinu, oni će toga Dana zastri biti od svoga Gospodara. (El-Mutaffifin, 15.), pa je Eš-Šafijij rekao: »Kada ovi budu zaklonjeni u srdžbi, to će biti dokaz da će ga Njegovi štićenici vidjeti u zadovoljstvu.«¹⁷⁴

¹⁷¹ On je imam, autoritet, Ebu-Ibrahim 'Ismail b. Jahja b. Ismail el-Muzeni el-Misri, drug imama Eš-Šafijija i osoba koja je najviše pomogla i proširila Šafijino učenje. Umro je 264. h.g.

¹⁷² On je imam, hafiz, autoritet, šejh muhaddisa Muhammed b. Abdullah b. Muhammed b. Hamdevejh, Ebu-Abdullah b. Bejjili en-Nejsaburi eš-Šafijij, autor *Mustedreka ala sabibajn*. Umro je 405. h.g.

¹⁷³ On je Ibn Abdul-Džebbar b. Kamil, imam, muhaddis, veliki fakih, drug imama Šafije. Svoje vrijeme potrošio je u traženju znanja i njegovom djelenju. Umro je 270. h.g.

¹⁷⁴ Ovo predanje zabilježio je Bejheki u djelu *Menakibus-Šafijij*, 1/419.

Odgovor onima koji negiraju viđenje Allaha

Argumentacija mu'tezila riječima Uzvišenog:

﴿لَنْ تَرَنِي﴾

„**Nećeš Me vidjeti.**“ (El-E'araf, 143.) i

﴿لَا تُدْرِكُهُ الْأَبْصَرُ﴾

„**Pogledi do Njega ne mogu doprijeti...**“ (El-En'am, 103.), je ustvari argumentacija protiv njih.

Prvim ajetom se dokazuje potvrda Njegovog viđenja iz nekolicu aspekata:

Prvo: Ne može se prepostaviti da Allahov sagovornik, a časni Poslanik, sallallahu alejhi ve sellem, koji je najbolje poznavao svoga Gospodara u svoje vrijeme, moli za ono što mu nije dozvoljeno. Ovo je kod njih najveća nemoguća stvar.

Druge: Allah nije prekorio njegovu molbu, a kada je Nuh zamolio svoga Gospodara da mu spasi sina, Uzvišeni mu je to negirao rekavši:

﴿إِنِّي أَعِظُكَ أَنْ تَكُونَ مِنَ الْجَاهِلِينَ ﴾

„...**savjetujem te da nezNALICA ne budeš.**“ (Hud, 46.)

Treće: Uzvišeni kaže:

﴿لَنْ تَرَنِي﴾

„**Nećeš Me vidjeti**”, a nije rekao: „Ja neću biti viđen“, ili „Moje viđenje nije moguće“, ili „Ne mogu biti viđen“.

Razlika između dva odgovora je sasvim jasna. Zar ne vidiš da kada se u nečijem džepu nađe kamen, a drugi čovjek pomisli da je

hrana, i kaže: „Nahrani me“, ispravan odgovor je da se kaže: „To se ne jede“, a ako je hrana, ispravno je reći: „Nećeš je pojesti.“ Ovo nam ukazuje da će Uzvišeni biti viđen. Međutim, Musa ne može podnijeti snagu Njegovog viđenja na ovom svijetu zbog ljudske slabosti. Ovo biva pojašnjeno četvrtim aspektom.

Četvrt: Uzvišeni kaže:

﴿ وَلِكُنْ أَنْظُرْ إِلَى الْجَبَلِ فَإِنْ أَسْتَقَرَ مَكَانَهُ فَسَوْفَ تَرَنِي ﴾

„...ali pogledaj u ono brdo, pa ako ono ostane na svome mjestu, vidjet ćeš Me!“(El-E'raf, 143.)

Obavijestio ga je da brdo, uz svu svoju snagu i čvrstinu, nije spremno niti postojano da mu se otkrije na ovome svijetu. Šta je tek sa ljudima koji su stvoreni slabii?

Peto: Uzvišeni je Moćan da brdo učini postojanim i smirenim. To je moguće i za to je vezao viđenje. Da je to nemoguće, mogao bi reći: „Ako se brdo smiri, ja će jesti, piti i spavati”, jer kod njih je sve isto.

Sesto: Uzvišeni kaže:

﴿ فَلَمَّا تَجَلَّ رَبُّهُ لِلْجَبَلِ جَعَلَهُ دَكَّا ﴾

„I kad se Gospodar njegov onom brdu otkri, On ga sa zemljom srovni...“(El-E'raf, 143.)

Kada je moguće da se otkrije brdu koje je mrtva priroda bez nagrade i kazne, pa kako onda da uskrati Svoje otkrivanje Svome Poslaniku i Svojim štićenicima u Kući počasti? Uzvišeni je obavijestio Musaa da brdo nije čvrsto i postojano da Ga vidi na ovome svijetu, a ljudi su još slabiji.

Sedmo: Allah je razgovarao sa Musaom. Kome je moguće govoriti i razgovarati s drugima i da njegov sagovornik čuje govor bez sredstva, onda je još više moguće da bude viđen. Zato negiranje

Njegovog viđenja biva samo negiranjem Njegovog govora. Oni su ih objedinili (mu'tezile).

Njihove tvrdnje da pojačana negacija sa česticom *len* ukazuje na negiranje viđenja na ahiretu, su neispravne. Kada bi bila ograničena terminom *trajnosti - te'bid*, to se ne bi odnosilo na trajnu negaciju na ahiretu, a šta tek reći kada se navedi u općenitoj formi? Uzvišeni kaže:

﴿ وَلَنْ يَتَمَمَّهُ أَبَدًا ﴾

„A oni je neće nikada poželjeti...“ (El-Bekare, 95.)

Uz to kaže:

﴿ وَنَادَوْا يَمَالِكُ لِيَقْضِ عَلَيْنَا رِبُّكَ ﴾

„Oni će dozivati: 'O Malik! Neka Gospodar tvoj učini da umremo!'“ (Ez-Zuhraf, 77.)

Da se ona (čestica - *len*) odnosi na absolutnu trajnost, ne bi bilo moguće precizirati glagol *poslje* nje, a to se navodi kada Uzvišeni kaže:

﴿ فَلَنْ أَبْرَحَ الْأَرْضَ حَقًّا يَأْذَنَ لِي أَبِي ﴾

„Neću napustiti ovu zemlju dok mi to moj otac ne dozvoli...“ (Jusuf, 80.)

Time se potvrđuje da čestica *len* ne nalaže trajnu negaciju.

Šejh Džemaluddin b. Malik, Allah mu se smilovao, kaže:

*Onome ko smatra negaciju sa česticom 'len' trajnom
Njegov govor odbaci a ostale podrži.*

Drugim ajetom se argumentira viđenje iz prefinjenog aspekta, a on glasi: Uzvišeni je viđenje spomenuto u pohvalnom kontekstu. Poznato je da pohvala isključivo biva sa potvrđenim svojstvima

(subutije). Čisto nepostojanje nije savršenstvo i njime se ne izražava pohvala. Uzvišeni Gospodar se hvali negacijom ako ona podrazumijeva postojeću činjenicu, kao što je Njegova pohvala negacijom drijemeži i sna koji podrazumijevaju savršenstvo Njegove opstojnosti. Negacija smrti podrazumijeva savršenstvo života. Negacija malaksalosti i slabosti podrazumijeva savršenstvo moći. Negacija sudruga, druge, djeteta i pomagača podrazumijeva savršenstvo gospodarenja, božanstvenosti i nadmoći. Negacija jela i pića podrzumijeva savršenstvo Njegove neovisnosti. Negiranje zauzimanja kod Njega, osim sa Njegovom dozvolom, podrazumijeva savršenstvo Njegove jednoće i neovivnosti od Njegovih stvorenja. Negacija nepravde podrazumijeva savršenstvo Njegove pravednosti, znanja i neovisnosti. Negacija zaborava i izmicanja nečega iz Njegovog znanja podrazumijeva savršenstvo Njegovog znanja i sveobuhvatnosti. Negacija sebi sličnoga podrazumijeva savršenstvo Njegovog Bića. Stoga, nije pohvaljen onim što uopće ne postoji i ne podrazumijeva potvrđene činjenice. Nepostojeći po opisu učestvuje u tom nepostojanju. Savršeni neće biti opisan činjenicom u kojoj on i nepostojeći zajedno učestvuju. Značenje da se On ne vidi, da se ne može dosegnuti niti obuhvatiti pogledima u riječima Uzvišenog:

﴿لَا تُدْرِكُهُ الْأَبْصَرُ﴾

„*Pogledi do Njega ne mogu doprijeti...*“ (El-En'am, 103.) ukazuje na savršenstvo Njegove veličine i da je On veći od svega. Zbog savršentva Njegove moći se ne može doseći da bi bio obuhvaćen. Dostizanje znači obuhvatanje nečega, a to je, također, dodatna dimenzija viđenja, kao što Uzvišeni kaže:

﴿فَلَمَّا تَرَءَاءَ الْجَمَعَانِ قَالَ أَصْحَابُ مُوسَىٰ إِنَّا لَمُدْرَكُونَ ﴾ قَالَ كَلَّا

„*Pa kad jedni druge ugledaše, drugovi Musaovi povikaše: 'Samo što nas nisu stigli!' 'Neće!' - reče on...* “ (Eš-Šu'ara', 62.)

Musa nije negirao viđenje, već je negirao sustizanje. Viđenje i sustizanje mogu postojati jedno s drugim ili ne. Gospodar Uzvišeni

će biti viđen, ali neće bit dostignut (obuhvaćen), isto kao što zna ali Njegovo znanje se ne može obuhvatiti. Ovako su ovaj ajet shvatali ashabi i imami, a njihova mišljenja su spomenuta u tefsiru ajeta. Npr. mi vidimo Sunce koje je stvoreno, ali onaj koji ga gleda ne može dostići i obuhvatiti sve što se nalazi na njemu.

Kategoričnost hadisa o viđenju Allaha

Hadisi od Vjerovjesnika, sallallahu alejhi ve sellem, i njegovih ashaba, koji ukazuju na viđenje Allaha, su preneseni u tolikom broju da je nemoguće posumnjati u njihovu ispravnost. Prenose ih sabirači sahiha, sunena i musneda.

Od tih hadisa je hadis Ebu-Hurejre, radijallahu anhu: „Neki ljudi su rekli: 'Allahov Poslaniče, da li ćemo vidjeti našeg Gospodara na Sudnjem danu?' Allahov Poslanik, sallallahu alejhi ve sellem, rekao je: *Da li imate smetnji da vidite Mjesec u noći uštapa?* Rekli su: 'Ne, Allahov Poslaniče.' Rekao je: *Da li vam smeta da vidite Sunce kada nema oblaka?* Odgovorili su: 'Ne!' Reče: *Vi ćete Ga isto tako vidjeti.*“¹⁷⁵ Hadis se navodi u oba *Sabiba* u dužem obliku.

Hadis od Ebu-Seida el-Hudrija koji je isti navodi se u oba *Sabiba*.¹⁷⁶

U hadisu Džerira b. Abdullaha b. el-Bedželija navodi se da je rekao: „Sjedili smo sa Vjerovjesnikom, sallallahu alejhi ve sellem, pa je pogledao u Mjesec u četrnaestoj noći mjeseca i rekao: *'Vi ćete očima gledati svoga Gospodara kao što ovo vidite. Ništa vam neće smetati da*

¹⁷⁵ Muttefekun alejhi; El-Buhari, 7437; Muslim, 182; navodi se u *Zilalul-Dženneb*, 453-475.

¹⁷⁶ Muttefekun alejh; El-Buhari, 7439; Muslim, 183.

Ga gledate.”¹⁷⁷ Hadis se prenosi u oba *Sabiha*, a prethodni Suhejbov hadis prenosi Muslim i drugi.

U hadisu Ebu-Musaa od Vjerovjesnika, sallallahu alejhi ve sellem, se prenosi da je rekao: „*Dva su Dženneta od srebra, kao i posuđe i sve što je u njima. Dva su Dženneta od zlata, kao i posuđe i sve što je u njima. Između ljudi i njihovog gledanja u Gospodara, tebareke ve te'ala, stoji samo ogrtać ponosa na Njegovom licu u edenskom vrtu.*”¹⁷⁸ Prenosi se u oba *Sabiha*.

U dijelu hadisa Adijja b. Hatima se kaže: „*Sigurno će Allah jednog od vas susresti na Dan susreta. Između Njega i njega neće biti zastora, niti prevodioca koji će mu prevoditi. Reći će: 'Zar ti nisam poslao poslanika da ti dostavi?' Reći će: 'Da, Gospodaru.' Reći će: 'Zar ti nisam dao imetak i dobra?' Reći će: 'Svakako, Gospodaru.'*”¹⁷⁹ Bilježi ga El-Buhari u svome *Sabihu*.¹⁸⁰

Hadise o viđenju prenosi oko trideset ashaba. Ko ih obuhvati spoznajom, kategorički će biti ubijeđen da ih je Poslanik, sallallahu alejhi ve sellem, rekao. Da se nisam pridržavao sažetosti o ovoj tematici, naveo bih mnoge druge hadise.

Ko želi da podrobnije iščita, neka nastoji slušati Vjerovjesnikove, sallallahu alejhi ve sellem, hadise. U njima se navodi potvrda viđenja i da On, azze ve dželle, govori s kime hoće, kada hoće, da će doći radi presude na Sudnjem danu, da je iznad svijeta, pozivat će ih glasom koji će se čuti izdaleka, kao što će se čuti izbliza, pokazat će se Svojim robovima, On se smije i druga svojstva koja, kada džehmije čuju za njih, bivaju poput munja.

¹⁷⁷ Muttefekun alcjhi; El-Buhari, 554; Muslim, 633; navodi se u *Zilalul-Dženneh*, 446-451, 461.

¹⁷⁸ Muttefekun alejhi; El-Buhari, 4878; Muslim, 180; navodi se u *Ed-Daife*, 3456. Pod hadisom koji je sličan ovome, ali u njemu ima dodataka i zato sam ga tamo naveo.

¹⁷⁹ *El-Menakib*.

¹⁸⁰ El-Buhari, 1413; Muslim, 1016.

Kur'an i Sunnet – izvori vjere

Kako možeš saznati temelje vjere islam-a bez Allahove Knjige i Sunneta Njegovog Poslanika, sallallahu alejhi ve sellem?

Kako se Allahova Knjiga može tumačiti bez tumačenja Allahovog Poslanika, sallallahu alejhi ve sellem, i njegovih ashaba, na čijem je jeziku Kur'an objavljen?

Poslanik, sallallahu alejhi ve sellem, kaže: „*Ko o Kur'anu bude govorio po svome mišljenju, neka pripremi sebi mjesto u Vatri.*”¹⁸¹

U drugoj predaji se navodi: „*Ko o Kur'anu bude govorio bez znanja, neka pripremi sebi mjesto u Vatri.*”¹⁸²

Ebu-Bekr, radijallahu anhu, je upitan o riječima Uzvišenog:

﴿ وَفِكْهَةً وَأَيْنَ ﴾

„*i voće i trave.*“ (Abese, 31.), šta je to *el-ebb*? Odgovorio je: „Koja će me nebesa pokrivati i koja će me zemlja nositi kada bih o Allahovoј Knjizi rekao ono što ne znam.”¹⁸³

¹⁸¹ Daif; prenosi ga Et-Tirmizi, 2952; kao hadis od Abdullaha b. Abbasa sa punim lancem prenosilaca. Na početku se kaže: „Govorite o meni samo ono što znate, a ko o Kur'anu bude govorio po svome mišljenju...” Prenosi ga Ibn-Džerir, također, a lanac prenosilaca je slab, kao što sam spomenuo u *Tahridžul-miškab*, 234.

¹⁸² Daif; prenosi ga Ebu-Davud, 3652; i Et-Tirmizi, 2953; i drugi - hadis od Džunduba.

¹⁸³ Ebu-Ubejd u *Fedailul-Kur'an* i Ibnu-Kesir u *Tefsiru*, 1/16 s prekinutim lancem prenosioca.

Upoređivanje gledanja s gledanjem a ne gledanog s gledanim

Upoređivanje Allahovog viđenja sa viđenjem Sunca i Mjeseca nije poistovjećivanje Allaha sa Njegovim stvorenjima, nego se time upoređuje viđenje sa viđenjem, a nije upoređivanje viđenog sa viđenim. U ovome je, također, dokaz da je Allah Uzvišen nad Svojim stvorenjima, a u suprotnom, da li se može pojmiti viđenje bez obostranog gledanja?

Onaj ko kaže: „Vidjet će se, ali ne u određenom pravcu“ - neka preispita svoj razum. Takav se ili veliča svojom pameću ili u njegovojoj pameti ima nešto. Ako kaže da će se vidjeti, ali ne ispred onoga koji gleda, niti iza, ni slijeva, ni zdesna, ni odozgo ni odozdo, svako ko čuje njegovu izjavu odgovorit će mu svojom ispravnom prirodnom urođenom vjerom. Zato su mu'tezile bile prisiljene da negirajem uzvišenosti Njegovog Bića negiraju i Njegovo viđenje. Rekli su: „Kako se može pojmiti viđenje bez obostranog gledanja i bez pravca gledanja?“

Slabost ljudskog vida na dunjaluku za viđenje Allaha

Mi Ga ne vidimo na dunjaluku zbog slabosti naših očiju, a ne zato što ga je nemoguće vidjeti. Ako onaj koji gleda, svoj pogled usmjeri ka Suncu, nemoćan ga je gledati, ne zbog nemogućnosti gledanja samog objekta posmatranja, već zbog slabosti onoga koji gleda. Na budućem svijetu Allah će usavršiti sposobnosti ljudi tako da će podnosići Njegovo gledanje. Zbog toga se Uzvišeni pokazao brdu:

﴿ وَحْرَّ مُوسَىٰ صَعِقًا فَلَمَّا أَفَاقَ قَالَ سُبْحَنَ رَبِّكَ تَبَتُّ إِلَيْكَ وَأَنَا أَوَّلُ الْمُؤْمِنِينَ ﴾

„...a Musa se onesviješćen strovali. Čim se osvijesti, reče: 'Hvaljen neka si! Kajem Ti se, ja sam vjernik prvi!'“ (El-E'araf, 143.), tako da kada te vidi živi, umrijet će a suho će se raspršiti. Zato su ljudi nemoćni vidjeti meleka u njegovom pravom obliku, osim koga Allah pomogne kao što je pomogao našeg Vjerovjesnika, sallallahu alejhi ve sellem. Uzvišeni kaže:

﴿ وَقَالُوا لَوْلَا أَنْزَلَ عَلَيْهِ مَلَكٌ وَلَوْأَنْزَلْنَا مَلَكًا لَقَضَى الْأَمْرَ ﴾

„Oni govore: 'Trebalo je da mu se pošalje melek!' A da meleke pošaljemo, s njima bi svršeno bilo...“ (El-En'am, 8.)

Više ispravnih prethodnika je reklo: „Oni ne podnose da vide meleka u njegovom obliku.“

„Kada bismo im poslali meleka, učinili bismo ga u ljudskom obliku.“ Tada bi im bilo nejasno da li je čovjek ili melek.

U potpunu Allahovu blagodat prema nama spada da nam je poslao Poslanika, sallallahu alejhi ve sellem, našeg ljudskog roda.

Mu'tezile se nisu prisilile na ovo osim kada su se usaglasili da On nije ni unutar svijeta, a ni izvan.

Mišljenje onih koji su potvrdili da On postoji, i da se vidi, ali ne iz pravca, bliže je razumu i mišljenju onih koji kažu da postoji Sam po Sebi, ali neće biti viđen i nema pravca viđenja.

Onome ko negira viđenje zbog nemogućnosti onoga što iz njih nužno proizilazi, a to je pravac gledanja, kaže se da oni pod pravcem gledanja misle na postojeću ili nepostojeću činjenicu. Ako želi istaći postojeću činjenicu, onda se potvrđuje sljedeće: Sve što se ne nalazi u nečemu postojećem ne vidi se. Ova teza je nemoguća i nema dokaza za njenu potvrdu. Zapravo, ona je neispravna. Krov svijeta je moguće vidjeti. Svijet nije jedan u drugom. Ako pod pravcem želiš nepostojeću stvar, onda je i druga teza nemoguća. Zato, mi ne možemo, prema ovom tumačenju, priznati da On nije u određenom pravcu.

Kako o temeljima vjere može govoriti onaj ko ih ne preuzima iz Kur'ana i Sunneta, nego ih preuzima iz mišljenja određene osobe? Tvrde da ih uzimaju iz Allahove Knjige, ali tumačenje Allahove Knjige ne uzimaju iz Poslanikovih, sallallahu alejhi ve sellem, hadisa, ne razmatraju ih, ne obaziru se na izreke ashaba i njihovih sljedbenika po dobru koje su prenesene do nas od povjerljivih prenosilaca, koje su kritičari odabrali. Oni nisu prenijeli samo kur'anski tekst, već i tekst i značenje i nisu učili Kur'an kao što ga uče djeca, nego su ga učili sa njegovim značenjima. Ko ne ide njihovim putem, govorи по svome mišljenju, a ko govorи по svome mišljenju nagađajući da je to Allahova vjera i ne preuzimajući to iz Kur'ana, on je griješan pa makar i pogodio. Onaj koji preuzima iz Kur'ana i Sunneta ima nagradu, pa makar i pogriješio, ali kada pogodi, njegova nagrada se uvišestručuje.

Viđenje Allaha od strane iskupljenih na Mahšeru

Autorove riječi: „Viđenje je istina za stanovnike Dženneta”, posebno ističu stanovnike Dženneta iz čega se shvata negacija viđenja drugima. Nema sumnje da će stanovnici Dženneta vidjeti svog Gospodara u Džennetu.

Također, vidjeti će ga na mjestu okupljanja (Mahšer) prije ulaska u Džennet, kao što se to potvrđuje u oba *Sabiba* od Allahovog Poslanika, sallallahu alejhi ve sellem. Na to ukazuju i riječi Uzvišenog:

﴿ تَحِيَّتُهُمْ يَوْمَ يَلْقَوْنَهُ سَلَامٌ ﴾

**„A na Dan kad Ga oni susretnu, On će ih pozdraviti sa:
'Mir vama!'“** (El-Ahzab, 44.)

Oko viđenja Allaha od strane onih koji će biti na mjestu okupljanja postoje tri mišljenja:

Prvo: Vidjet će ga samo vjernici.

Druge: Vidjet će ga svi oni koji budu stajali, vjernici i nevjernici, a zatim će se zakriti od nevjernika i više Ga neće vidjeti.

Treće: Sa vjernicima će ga vidjeti i licemjeri, ali ne ostali nevjernici.

Isto je razilaženje oko Njegovog razgovora sa onima koji se budu nalazili na Mahšeru.

Allaha niko ne može vidjeti na Dunjaluku svojim vidom

Ummet se usaglasio da Ga niko neće vidjeti na dunjaluku svojim okom. Oko toga se ne razilaze osim oko pitanja Vjerovjesnikovog, sallallahu alejhi ve sellem, viđenja posebno¹⁸⁴. Neki su negirali da Ga je video svojim okom, a neki su mu to potvrdili.

El-Kadi Ijad¹⁸⁵ u knjizi *Eš-Šifa'* priča o razilaženju ashaba i onih poslije njih oko njegovog, sallallahu alejhi ve sellem, viđenja Allaha. On navodi Aišino negiranje da je Vjerovjesnik, sallallahu alejhi ve sellem, video svoga Gospodara očima.

Kada ju je Mesruk upitao o tome rekavši: „Da li je Muhammed video svoga Gospodara?“- odgovorila je: „Kosa mi se nakostriješi od toga što reče!“ Potom je rekla: „Slagao je ko ti bude pričao da je Muhammed, sallallahu alejhi ve sellem, video svoga Gospodara.“¹⁸⁶

¹⁸⁴ Misli se na događaj Isra i Mi'radž kada je Muhammed, sallallahu alejhi ve sellem, razgovarao sa Allahom. Neki kažu da je tom prilikom i video Allaha, a neki to negiraju. (op. recenz.)

¹⁸⁵ On je imam, autoritet, hafiz, šejhul-islam El-Kadi Ebu-Fadl Ijjad b. Musa el-Jahsubi el-Endelusi, učenjak Zapada, imam u hadisu svoga vremena. Takođe, autor je mnogih drugih vrijednih djela. Umro je 504. h.g.

¹⁸⁶ Prenosi se u oba *Sahiba*; El-Buhari, 4855; Muslim, 177; Ahmed, 6/49 njen hadis koji je poznat.

Potom je rekao: „Jedna skupina je zastupala Aišino, radijallahu anha, mišljenje, što je poznato od Ibn-Mes'uda i Ebu-Hurejre, ali i oko Ebu-Hurejrinog stava postoji razilaženje.

Nemogućnost negiranja viđenja na dunjaluku je zastupala veća skupina muhaddisa, islamskih pravnika i mutekellima.

Od Ibn-Abbasa, radijallahu anhuma, se prenosi da Ga je Poslanik, sallallahu alejhi ve sellem, video svojim okom.¹⁸⁷

Od njega Ata¹⁸⁸ prenosi da je rekao: „Vidio Ga je svojim srcem”¹⁸⁹, a potom je spomenuo mišljenja i koristi. Potom je rekao: „Ne postoji kategorički dokaz, a ni tekst za mišljenje da Ga je Vje-rovjesnik, sallallahu alejhi ve sellem, obavezno video svojim okom.” U ovom pogledu se oslanja na dva ajeta iz sure En-Nedžm. Prenosi se razilaženje oko njih, a tumačenje sa više opcija je moguće. Ovo mišljenje je iznio El-Kadi Ijad, Allah mu se smilovao, i ono je istina.

Viđenje na dunjaluku je moguće, jer da nije moguće Musa, alejhis-selam, ne bi za njega pitao, ali ipak se ne navodi tekst da Ga je Poslanik, sallallahu alejhi ve sellem, video svojim okom, već se navode dokazi negiranja viđenja.

Od njih je i predaja kod Muslima u *Sahibu* od Ebu-Zerra, radijallahu anhu, u kojoj je rekao: „Upitao sam Allahovog Poslanika, sallallahu alejhi ve sellem: Da li si video svoga Gospodara? - pa je odgovorio: 'Svetlo, kako ču Ga vidjeti?'¹⁹⁰

¹⁸⁷ Daif; prenosi ga Ibn-Huzejme u *Et-Tevhidu* sa neusaglašenim terminima, kao mevkuf.

¹⁸⁸ On je imam, šejhul-islam, muftija mekkanskog harema, Ebu-Muhammed Ata b. Ebi-Rebbah el-Kureši. Umro je 115.h.g.

¹⁸⁹ Muslim, 176.

¹⁹⁰ Sahih; prenosi ga Muslim na kraju knjige o imanu, 178. Svjedoči mu Ibn-Omerov hadis sa punim lancem, a glasi: „Na Sudnjem danu će prvoga dana oko gledati Allaha, azze ve dželle.” Prenosi ga Ed-Darekutni u *Ed-Durru*, 6/191. Ima hadis koji mu svjedoči, ali je mursel. Prenosi ga Ebu-Seid ed-Darimi u knjizi *Replika džebnijama*, str 57.

U drugoj predaji se navodi: „*Vidio sam svjetlo.*”

Također, Muslim od Ebu-Musaa el-Eš'arija, radijallahu anhu, prenosi da je rekao: „Allahov Poslanik, sallallahu alejhi ve sellem, je ustao između nas govoreći o pet stvari. Rekao je: *'Allah ne spava niti Mu priliči da spava, spušta i podiže pravdu, Njemu se uzdižu djela noći prije djela dana i djela dana prije djela noći. Njegov zastor je svjetlo.'*”¹⁹¹

U drugoj predaji se navodi: „*Njegov zastor je vatra, a kada bi ga otkrio, veličanstvenost Njegovog lica bi spalila sve dokle Njegov pogled seže od stvorenja.*”¹⁹¹

Značenje Poslanikovih, sallallahu alejhi ve sellem, riječi u hadisu od Ebu-Zerra: „*Vidio sam svjetlo*”, a Allah najbolje zna, bi bilo da je video zastor, a značenje riječi „*Svetlo, odakle ču Ga vidjeti*” je svjetlo koje predstavlja zastor koje sprječava Njegovo viđenje.

„*Kako ču Ga vidjeti*”, tj. kako ču Ga vidjeti, a svjetlo je zastor između mene i Njega i sprječava me da Ga vidim. Ovo je otvoreni navod o negaciji viđenja, a Allah najbolje zna.

Osman b. Seid ed-Darimi prenosi konsenzus ashaba o tome, a mi smo u većoj potrebi da potvrdimo viđenje Džibrila, nego da potvrdimo njegovo viđenje Gospodara, azze ve dželle.¹⁹² Mada je viđenje Gospodara najveće i najviše, vjerovjesništvo nikako nije ovisno o tome.

Autorove riječi: „**Bez obuhvatanja ili kakvoće**” pojašnjavaju savršenstvo i blistavost Njegove veličine. Pogledi ga ne mogu dosegnuti niti obuhvatiti. Isto tako, postoji znanje o Njemu, ali ne može biti obuhvaćen njime. Uzvišeni kažc:

﴿لَا تُدْرِكُهُ الْأَنْبَصُرُ﴾

„*Pogledi do Njega ne mogu doprijeti...*” (El-En'am, 103.)

¹⁹¹ Muslim, 179.

¹⁹² Replika džehmijama od Ed-Darimija, str. 64.

﴿ وَلَا تُحِيطُونَ بِهِ عِلْمٌ ﴾

„...a oni znanjem ne mogu Njega obuhvatiti.“ (Ta-ha, 110.)

Autorove riječi: „Tumačenje toga je prema onome kako želi Allah i kako podučava“, sve do riječi: „U to ne ulazimo tumačeći svojim mišljenjima niti iznoseći maštanja našim strastima.“, tj. kao što su činile mu'tezile sa tekstovima Kur'ana i Sunneta u pogledu viđenja mijenjajući Allahov i Poslanikov, salla-lahu alejhi ve sellem, govor.

Ispravno tumačenje je ono koje je u saglasnosti sa navodima u Sunnetu, a neispravno mu se suprotstavlja. Svako tumačenje za koje ne postoji dokaz iz konteksta, a nema ni uporedne činjenice koja ga iziskuje, onaj ko pojašnjava i ko njime upućuje ne podrazumijeva ga svojim govorom, jer da ga ciljano želi, govor bi bio okružen kontekstima i činjenicama koje ukazuju na značenje suprotno vanjštini, kako onaj koji sluša ne bi ostao zbumjen i počinio grešku.

Uzvišeni je objavio Svoj govor kao pojašnjenje i uputu, a kada njime želi istaći suprotno vanjštini, a ne postoje okolne činjenice iz konteksta koje ukazuju na značenje tako da svi tako pomisle, onda to nije pojašnjenje ni uputa. Tumačenje je obavijest o onome što govornik želi reći, a ne predstavlja govornikov temeljni navod.

Na ovom mjestu grijše mnogi ljudi. Želi se shvatiti ono što govornik želi reći svojim govorom.

Kada se kaže: „Značenje termina je to i to“ - onda je to obavijest o onome što se tiče govornika. Ako se obavijest ne podudara, onda je laž na govornika. Ono što govornik želi reći spoznaje se na nekoliko načina, a od njih su: da otvoreno kaže da želi dotično značenje; da upotrijebi termin koji ima vanjsko značenje, ali ne pojasni popratnu činjenicu govora da nije želio to značenje. Šta tek reći kada njegov govor bude okružen činjenicama koje ukazuju da je želio izreći njegovu suštinu onako kako je već govor postavljen, kao što su riječi Uzvišenog

﴿ وَكَلَمُ اللَّهِ مُوسَى تَكْلِيمًا ﴾

„...a Allah je sigurno s Musaom razgovarao.“ (En-Nisa', 164.) i „Vi ćete vidjeti svoga Gospodara očima kao što vidite Sunce u podnevskom vremenu, a prema njemu nema oblaka.“¹⁹³

Kada slušalac ove riječi čuje donosi nepobitan sud o tome što govornik želi reći. Kada o željenom obavijesti, tako što suština termina koji je postavljen uz potvrđujuće dodatne činjenice koje u kontekstu ukazuju na njega, njegovo obavještenje biva iskreno. Ako protumači govor putem onoga na što ne ukazuje, niti se za njega vežu činjenice koje ukazuju na njega, obavijest da se time želi izreći dotična činjenica je laž i tumačenje vlastitim mišljenjem i iznošenje maštanja putem strasti. Suština ovoga se ogleda da se kaže: „Mi ga tumačimo tako i tako“, a to predstavlja odbijanje onoga na što ukazuje termin za ono za što je postavljen. Kada onaj ko mu se protivi njime argumentira, a ne može ga odbaciti, onda odbaci njegovo značenje govoreći: Ja ga tumačim suprotno njegovoj vanjštini.

Ako se kaže: Tumačenje ima drugo značenje kojeg niste spomenuli, a ono je: Kada je nemoguće putem termina izreći suštinu i vanjštinu koja se njime želi, a nije ih moguće ni opovrgnuti, argumentujemo dotičnim navodom i kažemo da se njime ne želi vanjština, već preneseno značenje. Tako smo ga protumačili u okviru onoga na što ukazuje, a nismo njegovo značenje primarno odbili.

Reći će se: Ovim značenjem se obavještava da ga je govornik želio, a može biti istina ili laž, kao što je prethodno rečeno. Nemoguće je da želi izreći nešto suprotno suštini i vanjštini, a da slušaocu ne pojasni značenje koje je htio. Zapravo, putem njegovog govora se spoznaje ono što potvrđuje da se želi suština. Mi ne smatramo nemogućim da govornik svojim govorom želi izreći nešto suprotno

¹⁹³ Muttefekun alejhi; hadis je prethodno naveden, uz predostrožnost prema riječi *očima*.

vanjštini toga govora kao kada želi obmanuti slušaoca prilagođavanjem navoda. Međutim, neispravno je da putem svoga govora želi izreći nešto što je suprotno suštini i vanjštini, a cilj mu je da pojasni i dočara svoju želju. Kako će to biti kada govornik potvrđuje govor kojim negira preneseno značenje ponavljajući ga nekoliko puta i navodeći mu različite primjere?

Nema kontradiktornosti između vjerodostojnog hadisa i zdravog razuma

Autorove riječi: „U vjeri će biti ispravan samo onaj ko se preda Allahu i Njegovom Poslaniku, sallallahu alejhi ve sellem, a za znanje o nejasnom pita onoga ko zna“, tj. pred se tekstovima Kur'ana i Sunneta bez suprotstavljanja njima sumnjama i neispravnim tumačenjima. Ne suprotstavlja se ni riječima: „Razum svjedoči suprotno od onoga na što ukazuju predaje“, niti: „Razum je osnova predaja, pa kada mu se suprotstavi, dajemo prednost razumu.“

Ovo ne može nikako biti. Međutim, ako se navede nešto iluzorno na to aludira, ukoliko predaja biva ispravna, takav tvrdi da je to razumom pojmljivo, a ustvari je nepoznato razumu. Kada bi podrobniye razmotrio, to bi mu se očitovalo. Ukoliko je predaja neispravna s njom se ne može oponirati. Nezamislivo je da se jasni razum i ispravna predaja mogu dovesti u suprotnost. Govor onoga ko to kaže negira se sličnim primjerima. Reći će se: Ako se suprostave razum i predaja dužnost je dati prednost predaji, jer objedinjavanje između onoga na što ukazuju dva suprotna dokaza predstavlja objedinjavanje kontradiktornosti, a i njihovo odbacivanje predstavlja odbacivanje kontradiktornosti. Stoga je u ovoj situaciji nemoguće dati prednost razumu, jer razum ukazuje na ispravnost slušanja (dokaza) i obaveznost prihvatanja obavijesti od Poslanika, sallallahu alejhi ve sellem. Kada bismo obesnažili predaju obesnažili

bismo i ono na što ukazuje predaja, a kada bismo obesnažili ono na što ukazuje razum, onda to ne bi moglo biti oponent predaji, jer ono što nije dokaz nije ispravno da se opire bilo kojoj stvari. Samo davanje prednosti razumu nalaže da mu se ne daje prioritet i nije mu dozvoljeno dati prioritet. Ovo je sasvim jasno. Razum ukazuje na istinitost i ispravnost dokaza koji se slušaju. Njegova obavijest je podudarna sa onim ko je donosi. Ako je moguće da dokazivanje bude neispravno zbog neispravnosti predaje, onda je obavezno da razum ne bude ispravan dokaz. Kada nije ispravan dokaz, nije dozvoljeno da se slijedi u bilo kojoj okolnosti, a kamoli da mu se daje prednost. Tako je davanje prednosti razumu nad predajom jedan vid pokude razuma.

Obaveza potpunog predanja Poslaniku, sallallahu alejhi ve sellem

Obaveza je u potpunosti se predati Poslaniku, sallallahu alejhi ve sellem, podrediti se njegovoj naredbi i primiti obavijest od njega sa potpunim prihvatanjem i potvrdom bez opiranja sa neispravnom maštom koju nazivamo *racionalno pojmljivo*, ili da ga protumačimo kao sumnju ili da damo prednost nad njim mišljenjima ljudi i njihovoj razumskoj prljavštini.

Kažemo da ga jedinog uzimamo za suca, da mu se predajemo i podređujemo kao što ispoljavamo jednocij Onome Koji ga je poslao u pogledu robovanja Njemu, pokornosti, poniznosti, pokajanja i pouzdanja.

Dva tevhida bez kojih nema spasa čovjeku od Allahove kazne

Ovo su dvije vrste tevhida - ispoljavanja jednoće, a čovjek se neće spasiti od Allahove kazne osim putem njih: Ispovijedanje jednoće Allahu, azze ve dželle, i slijedeće jedino Poslanika, sallallahu alejhi ve sellem.

Mi ne tražimo drugi sud mimo njegovog. Nismo zadovoljni presudom mimo njegove, a sprovođenje njegove naredbe i potvrdu njegove obavijesti ne činimo ovisnim o njenom izlaganju pred mišljenja šejhova, imama, pripadnika mezheba, grupacija i onih koji ih respektuju, koji kada odobre onda tek čovjek to sporovodi i prima i prihvata dotičnu obavijest. Tako je potrebu za spasom predao tim ličnostima i udaljio se od Poslanikove, sallallahu alejhi ve sellem, naredbe i obavijesti. U suprotnom će to predstavljati mijenjanje riječi sa njihovih mjesta, a tu izmjenu će nazvati *tumačenjima*. On kaže: „*Mi ga tumačimo*”, a da čovjek susretne svoga Gospodara sa svakim grijehom, osim širka, bolje mu je nego da Ga susretne u ovakovom stanju.

Zapravo, kada do njega dođe ispravan hadis treba sebi dočarati kao da ga direktno čuje od Allahovog Poslanika, sallallahu alejhi ve sellem. Da li će mu tada priličiti da odgodi njegovo prihvatanje i postupanje po njemu sve dok ga ne izloži pred mišljenje određene osobe, njegove izreke i mezhebe? Zapravo, obaveza je što prije ga primijeniti ne osvrćući se ni na šta drugo.

Njegov govor se ne problematizira zbog oprečnosti mišljenju određene osobe, već se mišljanja problematiziraju zbog njegovog, sallallahu alejhi ve sellem, govora.

Njegovom govoru se ne opire putem analogije, već odbacujemo sve analogije i prihvatomos tekstove.

Njegov, sallallahu alejhi ve sellem, govor ne odvodimo od njegove suštine zbog mašte koju njeni pobornici nazivaju racionalnim, pojmljivim. Zapravo, to je neznanje lišeno svake vrste ispravnosti.

Prihvatanje njegovog, sallallahu alejhi ve sellem, govora se neće usaglašavati sa odobrenjem drugih osoba, bez obzira o kome se radilo.

Imam Ahmed kaže: „Pričao nam je Enes b. Ijad, pričao nam je Ebu-Hazim od Amra b. Šuajba¹⁹⁴, on od svoga oca, a on od svoga djeda, da je rekao: 'Ja i moj brat smo sjedili na mjestu koje nam je bilo draže od najskupocjenijih deva. Došli smo, a kada ono stari as-habi Allahovog Poslanika, sallallahu alejhi ve sellem, sjede pred jednim od njegovih vrata. Prezirali smo da ih razdvojimo, pa smo sjeli po strani. Kada oni spomenu ajet iz Kur'ana, počnu se i raspravljati o njemu tako da se njihovi glasovi podignu. Tada je Allahov Poslanik, sallallahu alejhi ve sellem, izašao srdit. Njegovo lice se zacrvenilo. Bacao je na njih prašinu i rekao: O ljudi, polabko! Zbog ovoga su uništeni narodi prije vas zato što su se razilažili sa svojim vjerovjesnicima i što su jedne dijelove knjige pobijali drugim. Kur'an nije objavljen da bi se njegovi dijelovi pobijali, već se oni potvrđuju. Što ste od njega saznali i postupajte po tome, a što ne znate, povratite se na znanje onoga ko zna.'“¹⁹⁵

Nema sumnje da mu je Allah zabranio govor bez znanja. Uzvišeni kaže:

﴿ قُلْ إِنَّمَا حَرَمَ رَبِّي الْفَوَاحِشَ مَا ظَهَرَ مِنْهَا وَمَا بَطَنَ وَالْأَثْمُ وَالْبَغْيُ بِغَيْرِ الْحَقِّ وَأَنْ تُشْرِكُوا بِإِلَهٍ مَا لَمْ يُنَزِّلْ بِهِ سُلْطَنًا وَأَنْ تَقُولُوا عَلَى اللَّهِ مَا لَا تَعْلَمُونَ ﴾ ﴿٣٣﴾

„Reci: 'Gospodar moj zabranjuje razvrat, i javni i tajni, i grijeha, i neopravdanu primjenu sile, i da Allahu smatraste ravnim one za koje On nikakav dokaz objavio nije, i da o Allahu govorite ono što ne znate.'“ (El-E'raf, 33.)

¹⁹⁴ On je imam, muhaddis Amr b. Šuajb b. Muhammed b. Abdullah b. Amr b. El-As Ebu-Ibrahim, fakih i muhaddis od stanovnika Taifa. Umro je 118. h.g.

¹⁹⁵ Sahih; prenosi ga El-Begavi u Šerhus-sunne, 121.

﴿ وَلَا تَقْفُ مَا لَيْسَ لَكَ بِهِ عِلْمٌ ﴾

„Ne govorи ono што ne znaš!“ (El-Isra', 36.)

Čovjek je dužan da ono sa čime je Allah poslao poslanika i objavio Svoje Knjige postavi kao istinu koju je dužan slijediti potvrđujući da je samo to istina a da je sve ostalo govor ljudi koji se upoređuje s tom istinom. Ako je navod u saglasnosti, onda je istina, a ako je u suprotnosti, onda je neistina. Ako ne zna da li se određeni navod suprotstavlja ili je u saglasnosti, takav govor je općenit i nepojašnjen i ne zna šta je njime govornik želio reći. Ukoliko zna šta želi reći, a ne zna da li ga je Poslanik, sallallahu alejhi ve sellem, potvrdio ili opovrgao, onda će se ustegnuti i govoriti samo sa znanjem.

Znanje je ono za što ima dokaz. Korisno znanje je ono koje se navodi od Poslanika, sallallahu alejhi ve sellem, a ima znanja koje nije od Poslanika, sallallahu alejhi ve sellem, ali se odnosi na dunjalučke stvari, kao što su medicina, matematika, poljoprivreda i dr. Činjenice vezane za Allaha, subhanehu ve te'ala, i vjerske nauke su znanje koje se uzima samo od Poslanika, sallallahu alejhi ve sellem.

Autor kaže: „**Čvrstina islama (kod određene osobe) će biti ispravna samo sa predanošću i pokornošću.**“

Neće biti čvrst islam onoga koji se ne preda tekstovima dvije Objave i koji im se ne podredi. On im se ne protivi i ne oponira im svojim mišljenjem, razumom i analogijom.

El-Buhari od imama Muhammeda b. Šihaba ez-Zuhrija¹⁹⁶, Allah mu se smilovao, prenosi da je rekao: „Od Allaha je poslanica, od poslanika je dostava, a na nama je da se predamo.“ Ovo je koristan i sveobuhvatan navod.

¹⁹⁶ On je imam, učenjak, hafiz svoga vremena, Muhammed b. Muslim b. Ubejdullah b. Abdulla b. Šihab, Ebu-Bekr el-Kureši ez-Zuhri el-Medeni. Umro je 124. h.g.

Lijep je navedeni primjer pitanja vezanosti predaje za razum, a glasi: „Razum u odnosu na predaju je poput običnog čovjeka sljedbenika u odnosu na učenjaka mudžtehida.“ Zapravo, razum je daleko više ispod toga, jer obični čovjek može postati učenjak, a učenjak ne može postati vjerovjesnik - poslanik. Kada obični čovjek, slijepi sljedbenik, sazna za učenjaka, pa drugoga običnog čovjeka uputi na njega, a muftija i onaj koji je ukazao (na muftiju) se razidu u mišljenju onda, onome koji je zatražio fetvu dužnost je prihvati fetvu muftije, a ne onoga koji je ukazao (na muftiju). Kada bi onaj koji ga je uputio na muftiju rekao: „Za mene je ispravno nešto drugo mimo muftijinog mišljenja, jer ja sam temelj za tvoje saznanje da je on muftija. Ako daš prednost njegovom mišljenju nad mojim, porekao si temelj putem kojeg si ti saznao da je on muftija.“ Tako će biti obavezno negiranje ogranka (u odnosu na temelj). Onaj koji traži fetvu će reći: „Kada si mu potvrdio da je muftija i ukazao na njega, posvjedočio si da ga je dužnost slijediti mimo tebe. Moja saglasnost sa tobom po određenom znanju ne nalaže da se s tobom slažem u svakom pitanju. Tvoja greška u onome u čemu si se razisao sa muftijom u mišljenju, koji je znaniji od tebe, ne nalaže da ti praviš grešku u saznanju da je muftija.“ Uz to treba da zna da muftija može pogriješiti.

Pametni čovjek zna da je Poslanik, sallallahu alejhi ve sellem, nepogrješiv u obavijestima koje donosi od Allaha, azze ve dželle. Nije moguće da pogriješi. Zato mu je dužnost da se pokori i podredi njegovoj naredbi. Mi nužno iz vjere islama znamo da kada bi čovjek rekao Poslaniku, sallallahu alejhi ve sellem: „Ovaj Kur'an kojeg ti citiraš ljudima i mudrost koju si donio podrazumijevaju mnoge stvari koje se suprotstavljaju onome što mi znamo putem naših razuma; mi smo saznali za tvoju istinoljubivost putem naših razuma, a kada bismo prihvatali sve što govorиш, a naši se razumi tome protive, time bi negirali ono čime smo saznali za tvoju istinoljubivost; mi smo uvjereni da razumi nalažu suprotstavljanje tvome iznesenom govoru; mi se udaljavamo od tvoga govora i iz njega ne preuzimamo ni uputu ni znanje“, ovakav čovjek ne bi bio vjernik u ono sa čime je došao Poslanik, sallallahu alejhi ve sellem, a Posla-

nik, sallallahu alejhi ve sellem, ne bi bio zadovoljan ovakvim njegovim postupkom. Zapravo, on zna da kada bi ovo bilo primjereno, svako bi mogao vjerovati u samo poneki navod od Poslanika, sallallahu alejhi ve sellem, jer su razumi različiti, sumnje su mnogo-brojne, a šejtani neprestano ubacuju zabunu u duše. Tako bi svako mogao izreći nešto slično o svemu o čemu je Poslanik, sallallahu alejhi ve sellem, obavijestio ili ga je naredio. Uzvišeni kaže:

﴿ وَمَا عَلَى الرَّسُولِ إِلَّا آتَيْلَغُ ﴾

, „... a Poslanik je jedino dužan da jasno obznani.“ (En-Nur, 54.)

﴿ فَهَلْ عَلَى الرَّسُولِ إِلَّا آتَلَغَ الْمُبِينَ ﴾

, „A zar su poslanici bili dužni što drugo već da jasno obznane?“ (En-Nahl, 35.)

﴿ وَمَا أَرْسَلْنَا مِنْ رَّسُولٍ إِلَّا بِلِسَانٍ قَوْمَهُ لِيُبَيِّنَ هُمْ فَيُضَلُّ اللَّهُ مَنْ يَشَاءُ وَيَهْدِي مَنْ يَشَاءُ ﴾

, „Mi nismo poslali ni jednog poslanika koji nije govorio jezikom naroda svoga, da bi mu objasnio. A Allah stavlja u zabludu onoga koga hoće i ukazuje na pravi put onome kome hoće...“ (Ibrahim, 4.)

﴿ قَدْ جَاءَكُمْ مِنْ رَبِّكُمْ نُورٌ وَكِتَابٌ مُبِينٌ ﴾

, „... a od Allaha vam dolazi svjetlost i Knjiga jasna.“ (El-Maide, 15.)

﴿ حَمْ وَالْكِتَابُ الْمُبِينُ ﴾

, „Ha-mim. Tako mi Knjige jasne.“ (Ed-Duhan, 1-2.)

﴿ حَمْ وَالْكِتَابُ الْمُبِينُ ﴾

,,Ha-mim. Tako mi Knjige jasne.“ (Ez-Zuh Ruf, 1-2.)

﴿ تَلْكَءَ اِيَّتُ الْكِتَبِ الْمُبَيِّنَ ﴾

,,Ovo su ajeti Knjige jasne!“ (Jusuf, 1.)

﴿ مَا كَانَ حَدِيثًا يُفْرَىٰ وَلَكِنْ تَصْدِيقَ الَّذِي بَيْنَ يَدَيْهِ وَتَفْصِيلَ كُلِّ شَيْءٍ وَهُدًىٰ

﴿ وَرَحْمَةً لِّقَوْمٍ يُؤْمِنُونَ ﴾

,,Kur'an nije izmišljena besjeda, on priznaje da su istinite knjige prije njega objavljene, i objašnjava sve, i putokaz je i milost narodu koji vjeruje.“ (Jusuf, 111.)

﴿ وَنَزَّلْنَا عَلَيْكَ الْكِتَبَ تِبَيَّنَتِ لِكُلِّ شَيْءٍ وَهُدًىٰ وَرَحْمَةً وَشَرِى لِلْمُسْلِمِينَ ﴾

,,Mi tebi objavljujemo Knjigu kao objašnjenje za sve i kao uputu i milost i radosnu vijest za muslimane.“ (En-Nahl, 89.)

Primjeri za ovo su mnogobrojni u Kur'anu.

O pitanju vjerovanja u Allaha i Sudnji dan Poslanik, sallallahu alejhi ve sellem, mogao je govoriti sa dokazima koji ukazuju na istinu ili ne. Zadnja tvrdnja je neistina. Ako bi govorio o onome što ukazuje na istinu sa općenitim terminima, koji trpe više tumačenja, onda ne bi jasno dostavio poslanicu. Najbolje generacije su mu potvrdile dostavu. On, sallallahu alejhi ve sellem, pozvao je Allaha kao svjedoka protiv njih na Velikom okupljanju (Oprosnom hadždžu). Ko tvrdi da Poslanik, sallallahu alejhi ve sellem, nije jasno dostavio pitanja vjere, iznio je potvoru na njega, sallallahu alejhi ve sellem.

Autor kaže: „Ko teži znanju koje je zabranjeno naučavati i nije ubijedio svoj razum da se preda, njegova težnja će se postaviti kao zapreka prema iskrenom tevhidu, čistoj spoznaji i ispravnom imanu.“

Ovo je potvrda prvog govora i dodatno upozorenje da se o temeljima vjere, a i o drugim stvarima ne govori bez znanja. Uzvišeni kaže:

﴿ وَلَا تَقْفُ مَا لَيْسَ لَكَ بِهِ عِلْمٌ إِنَّ الْسَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولاً ﴾

„*Ne govori ono što ne znaš! I sluh, i vid, i razum - za sve to će se, zaista, odgovarati.*“ (El-Isra', 36.)

﴿ وَمِنَ النَّاسِ مَنْ تُجْنِدُ فِي اللَّهِ بِغَيْرِ عِلْمٍ وَيَتَنَجَّعُ كُلُّ شَيْطَنٍ مَرِيدٍ ﴾ كُتِبَ عَلَيْهِ أَنَّهُ مَنْ تَوَلَّهُ فَأَنَّهُ يُضْلَلُ وَهُدِيهِ إِلَى عَذَابِ أَسْعِيرٍ ﴾

„*Ima ljudi koji se bez ikakva znanja prepiru o Allahu i koji slijede svakog šejtana prkosnoga. Za njega je već određeno da će svakog onog ko ga uzme za zaštitnika na stranputicu zavesti i u patnju ga ognjenu dovesti.*“ (El-Hadždž, 3-4.)

﴿ وَمِنَ النَّاسِ مَنْ تُجْنِدُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُتِبِرٍ ﴾ ثَانِي عَظِيفٍ لِيُضْلَلُ عَنْ سَبِيلِ اللَّهِ لَهُ فِي الدُّنْيَا حَزْنٌ وَنُذِيقُهُ يَوْمَ الْقِيَامَةِ عَذَابَ الْحَرَقِ ﴾

„*Ima ljudi koji se o Allahu prepiru bez ikakva znanja i bez ikakve upute i bez Knjige svjetilje, hodeći nadmeno da bi s Allahova Puta odvraćali, njih na ovom svijetu čeka poniženje, a na onom svijetu dat ćemo im da iskuse patnju u Ognju.*“ (El-Hadždž, 8-9.)

﴿ وَمَنْ أَصْلَلَ مِمَّنِ اتَّبَعَ هَوَانَهُ بِغَيْرِ هُدًى مِنْ أَنَّ اللَّهَ لَا يَهْدِي الْقَوْمَ الظَّالِمِينَ ﴾

„*Pa ako ti se ne odazovu, onda znaj da se oni povode jedino za strastima svojim, a ne Allahovom uputom?! Allah, doista, neće ukazati na Pravi put narodu koji sam sebi nepravdu čini.*“ (El-Kasas, 50.)

﴿ إِن يَشْعُونَ إِلَّا الظَّنَّ وَمَا تَهْوِي الْأَنْفُسُ وَلَقَدْ جَاءَهُمْ مِنْ رَبِّهِمْ أَهْدَى ﴾ (٢٣)

„...oni se povode samo za prepostavkama i onim za čim duše žude, a već im dođe od Gospodara njihova Uputa.“ (En-Nedžm, 23.)

Postoje i drugi ajeti koji ukazuju na ovo značenje.

Od Ebu-Umame el-Bahilija, radijallahu anhu, se prenosi da je Allahov Poslanik, sallallahu alejhi ve sellem, rekao: „Nijedan narod nije žalutao poslije upute, na kojoj su bili, a da im nije data rasprava.“ Potom je proučio:

﴿ مَا صَرَّبُوهُ لَكُمْ إِلَّا جَدَلًا ﴾

„...jer su oni narod svadalački.“ (Ez-Zuhraf, 58.) Prenosi ga Et-Tirmizi i kaže: „Hadis je hasen.“¹⁹⁷

Od Aiše, radijallahu anha, se prenosi da je Allahov Poslanik, sallallahu alejhi ve sellem, rekao: „Najmrži čovjek Allahu je onaj koji ne zna za granice u raspravi.“¹⁹⁸ Prenosi se u oba Sabiha.

Nema sumnje da onaj ko se ne preda Poslaniku, sallallahu alejhi ve sellem, njegovo isповједanje jednoće će biti manjkavo, jer govoriti putem svog mišljenja i strasti i bez upute od Allaha slijedi predvodnike mišljenja i strasti. Njegov će se tevhid umanjiti onoliko koliko izade iz okvira onoga sa čime je došao Allahov Poslanik, sallallahu alejhi ve sellem. On je u tome uzeo strast za boga mimo Allaha. Uzvišeni kaže:

﴿ أَرَءَيْتَ مَنْ أَخْذَ إِلَهَهُ هَوَنَهُ ﴾

„Kaži ti Meni, hoćeš li ti biti čuvare onome koji je strast svoju za boga svoga uzeo?“ (El-Furkan, 43.) tj. obožava ono za čime duša žudi.

¹⁹⁷ Hadis je hasen, kao što kaže Et-Tirmizi, 3250; El-Miškat, 180; Sabibut-tergib, 137.

¹⁹⁸ El-Buhari 2457; Muslim, 2668.

Nered na svijetu je došao od tri frakcije, kao što kaže Abdullah b. Mubarek, Allah mu se smilovao:

*Vidio sam grijeha da usmrćuju srca
A ustrajavanje u njima donosi ponizanje
Ostavljanje grijeha je život za srce
A najbolje je za tebe da im budeš nepokoran
Da li su vjeru upropastili - osim vladari, loši učenjaci i askete*

Nepravedni vladari se opiru Šerijatu putem nepravilnog rukovođenja. Oni se suprotstavljaju Šerijatu i daju prednost nepravdi nad propisima od Allaha i Njegovog Poslanika, sallallahu alejhi ve sellem. Loši učenjaci su oni koji izlaze iz okvira Šerijata svojim mišljenjima i neispravnim analogijama koje sadrže dozvolu onoga što su Allah i Njegov Poslanik, sallallahu alejhi ve sellem, zabranili, i zabranu onoga što su dozvolili, uzimanje u obzir onoga što je poništeno i poništavanje onoga što je uzeto u obzir, te općenito uzimanje onoga što je ograničeno i ograničavanje onoga što je općenito.

Askete su sufiske neznalice koje se opiru činjenicama vjere i Šerijata putem užitaka, osjećaja, mašti i neispravnih šejtanskih otkrovenja koja u sebi sadrže utemeljenje vjere koju Allah nije dozvolio i obesnaživanje vjere koju je Allah propisao jezikom Njegovog Vjerovjesnika, sallallahu alejhi ve sellem, te nadopunu činjenica imana šejtanskim prevarama i duševnim ambicijama.

Prvi su rekli (vladari): „Kada se politika suprotstavi Šerijatu, dajemo prednost politici.”

Drugi su rekli (loši učenjaci): „Kada se razum suprotstavi predajama, dajemo prednost razumu.”

Sljedbenici užitaka su rekli: „Kada se užici i otkrovenja suprotstave vanjštini Šerijata, dajemo prednost užicima i otkrovenjima.”

U govoru Ebu-Hamida el-Gazalija, Allah mu se smilovao, u knjizi koju je nazvao *Oživljavanje vjerskih nauka*, a to je jedna od njegovih najvrednijih knjiga, navodi se: „Ako kažeš: *Znanje o rasprava-*

ma i apologetici je pokuđeno, kao što je pokuđena astrologija ili je dozvoljena ili pohvalna, onda moraš znati da ljudi uveliko u ovome pretjeruju.

Neki su rekli da je to novotarija i haram. Čovjeku je bolje da susretne Allaha sa svakim grijehom, mimo širka, nego da Ga susrete sa kelamom.

Neki kažu da je farz, tj. kolektivna ili pojedinačna obaveza, te da je najbolje djelo i najuzvišeniji vid približavanja Allahu. Njime se ostvaruje znanje o tevhidu i brani Allahova vjera.“

Zatim kaže: „Zabranu su zastupali Šafija, Malik, Ahmed b. Hanbel, Sufjan¹⁹⁹ i svi imami u hadisu iz reda ispravnih prethodnika.“ Potom je naveo njihove izreke, i rekao: „Učenjaci u hadisu, iz reda Ispravnih pethodnika, su se oko ovoga usaglasili. Ne mogu se ni sažeti svi njihovi navodi koji govore o njihovom žestokom stavu. Rekli su: 'Ashabi bi prešutili (neke stvari), iako su najbolje poznavali činjenice i bili najrječitiji u poretku termina, osim kada znaju da će se iz toga (tih stvari) roditi zlo.' Tako je Allahov Poslanik, sallallahu alejhi ve sellem, rekao: '*Propali su oni koji pretjeruju.*'“²⁰⁰, tj. oni koji se zadubljuju u traganje i cjeplidačenje. Argumentirali su, također, činjenicom: „Da je kelam dio vjere, bio bi najvažnija stvar koju bi Allahov Poslanik, sallallahu alejhi ve sellem, naredio, podučavao njegovom putu i hvalio njegove zagovornike.“ Potom je spomenuo ostatak njihove argumentacije, a onda argumentaciju i druge grupacije, da bi na kraju rekao: „Ako kažeš: 'Šta ti zastupaš?' - on je detaljno odgovorio, rekavši: 'U njemu (kelamu) je korist, a i šteta. Samim tim u vremenu kada koristi on je dozvoljen, pohvalan ili obavezan, prema zahtjevu okolnosti. S obzirom na štetu, u vremenu i mjestu kada šteti, on je zabranjen. Šteta se ogleda u sljedećem: Poticanje sumnji, iskrivljenje ispravnih vjerovanja i njihovo udaljavanje od kategoričnosti. To se primarno dešava, a oko povratka putem dokaza postoji sumnja i ljudi se oko njega razilaze.

¹⁹⁹ On je šejhul-islam, vođa hafiza i učenjaka svoga vremena, Sufjan b. Se'id b. Mesruk b. Hubejb. Umro je 161. h.g.

²⁰⁰ Muslim, 2670; hadis od Ibn-Mes'uda koji se navodi u *Gajetul-meram fi tahridži ehadisil-balali vel-haram*, br. 7.

Tada šteti istinskom vjerovanju, kao i potvrdi uvjerenja o novotariji koja se potvrđuje u njihovim prsimu tako što se rađaju motivi za nju i pridaje se prevelika pažnja istrajnosti u *kelamu*. Ova šteta se odvija putem pristrasnosti koja nastaje iz rasprave.“ .

Kaže: „Korist *kelama* se ogleda u sljedećem: Postoji mišljenje da se korist ogleda u otkrivanju i spoznaji činjenica u njihovoj prvoj suštini i poziciji. Međutim, u *kelamu* ne postoji izvršenje ovog časnog zahtjeva. Možda su zabluda i zabuna uveliko veći od otkrivanja i spoznaje.“

Kaže: „Kada ovo čuješ od učenjaka u hadisu ili haševita (marginaliste) možda ćeš pomisliti da su ljudi neprijatelji onoga što ne znaju. Zato, poslušaj to od onoga ko poznaje kelam, a zatim ti on iznese činjenice nakon stvarnog iskustva i zadubljenosti u kelam do krajnjih granica do kojih stižu njegovi sljedbenici. Ovakav je, zadubljivanjem u druge nauke mimo *kelama*, prevazišao kelam, jer mu se očitovalo da je put ka činjenicama spoznaje iz ovoga aspekta zatvoren. *Kelam* otkriva, upoznaje i pojašnjava neke činjenice, ali veoma rijetko.“ Završen je citat kojeg sam naveo od El-Gazalija, Allah mu se smilovao.

Gовор ljudi poput njega o ovome je savršen argument. Ispravni prethodnici nisu prezirali *kelam* zato što je novi termin za ispravna značenja, kao što je terminologija za ispravne nauke. Oni nisu prezirali, također, sve ono što ukazuje na istinu i argumentovano pobijanje sljedbenika neistine. Oni su *kelam* prezirali samo zato što sadrži lažne činjenice suprotne istini, a od njih su: Suprotstavljanje Kur'ana i Sunnetu i ispravnim naukama koje sadržavaju. Oni su zapriječili put za postizanje ovih nauka i naširoko su govorili o potvrdi tih lažnih činjenica u kojima je bilo malo koristi. Apologetske činjenice predstavljaju slabašnu devu na vrhu neprohodnog brda. Nema visoravni na koju bi se ispela, niti dovoljno tjelesnih zaliha da bi se spasila. Najbolje što imaju kód sebe, daleko je ispravnije Kur'anom potvrđeno i najljepše protumačeno. Oni imaju samo vještačenje, duge priče i zamršavanje, kao što je rečeno:

Da nije konkurenčije na dunjaluku

Knjige o raspravama El-Mugni i El-Amd²⁰¹ ne bi bile postavljene

Oni tvrde da odrješivaju čvorove

A onim što su postavili samo su se čvorovi povećali

Oni tvrde da onim što su postavili odbijaju sumnje, a dostojan čovjek zna da su se sumnje time samo više povećale.

Nemoguće je da se iz Allahove Knjige i govora Njegovog Poslanika, sallallahu alejhi ve sellem, ne zadobije izlječenje, uputa, znanje, ubjedjenje, a da se zadobiju iz govora ovih zbumjenih ljudi. Zapravo, obaveza je ono što je rekao Allah i Njegov Poslanik, sallallahu alejhi ve sellem, učiniti osnovom, a zatim podrobno razmatrati i shvatati ta značenja, te znati razumski, obavještajni i čulni dokaz. Treba poznavati dokaz za sve, a izreke ljudi koje se slažu ili suprotstavljuju učiniti sličnim i općenitim. Njihovim pobornicima će se reći: „Ovi termini trpe ta i ta značenja“ Prihvataju se ako se putem njih misli na ono što odgovara obavijesti Poslanika, sallallahu alejhi ve sellem, a odbacuju se ako se njima želi ono što se suprotstavlja njemu, sallallahu alejhi ve sellem. Primjer za to su termini: sastav, tijelo, pristrasnost, srž, pravac, izlaganje i sl. Ovi termini se ne navode u Kur'anu i Sunnetu u značenju kojeg žele zagovornici ove terminologije, pa čak ni u samom jeziku, već oni ispoljavanjem ovih termina posebno misle na značenja koja niko osim njih nije izrekao. Takva značenja se tumače drugim izrazima i u obzir se uzimaju razumski i čulni dokazi na koje ukazuje Kur'an. Kada se zatraži tumačenje i dobije podroban odgovor, istina od neistine se razdvoji.

Primjer za to je termin *sastav* koji ima više značenja.

Prvo: Sastavljanje dvije i više različitih stvari naziva se miješani sastav, kao što su životinje sastavljene od četiri prirodnosti, organa i sl. Ovo značenje, vezano za Allaha, azze ve dželle, se negira.

²⁰¹ *El-Mugni* i *El-Amd* su dva djela vođe mu'tczila Abdula-Džebbara el-Kadija.

Allahov opis uzvišenošću i sličnim svojstima savršenstva ne iziskuje da On, azze ve dželle, biva sastavljen u smislu spomenutog značenja.

Druge: Kombinovani sastav, kao što su gornji i donji prag vrata i sl. Također, potvrda Njegovih uzvišenih svojstava ne iziskuje potvrdu ove vrste sastava.

Treće: Sastavljanje iz sličnih dijelova, a nazivaju se zasebnim cjelinama.

Četvrto: Od materije i oblika, kao što je prsten, npr. materija je srebro, a oblici su poznati i različiti. Apologetičari kažu: „Tijelo biva sastavljeno iz zasebnih cjelina.“ Oni o tome imaju duge navode u kojima nema koristi, a kaže se: „Da li je moguće sastaviti nešto iz dva, četiri, šest, osam ili šesnaest dijelova?“ Ovaj sastav nije potreban za potvrdu svojstava Uzvišenog i Njegove uzvišenosti nad Njegovim stvorenjima. Istina je da tijelo nije sastavljeno iz ovih stvari. Njihov govor je samo obična tvrdnja, što je podrobnije pojašnjeno na odgovarajućem mjestu.

Peto: Sastavljanje od bića i osobina. Oni su to nazvali *sastavom* kako bi nijekali svojstva Gospodara Uzvišenog. Ovaj termin, proizašao od njih, nije poznat u jeziku, niti ga Zakonodavac upotrebljava. Mi se sa njima ne slažemo oko ovog naziva, bez ikakve počasti. Ako potvrdu svojstava nazivaju sastavom, onda im kažemo: „Bit je u značenjima, a ne u terminima.“ Vi ih zovite kako želite, ali se posljedični propis ne odnosi na naziv bez značenja. Kada bi termin nazivanja mlijeka vinom bio usaglašen, mlijeko zbog ovog naziva ne bi bilo zabranjeno.

Šesto: Sastav iz biti i njenog postojanja, a postojanje je odvojeno od biti. Ovo je nemoguće. Vidjet ćeš da pobornici kelama kažu: „Da li Gospodarevo Biće postoji ili ne postoji?“ U tome su uveliko zbunjeni. Njihov najprimjerniji pravac u ovom pitanju je neopredjeljenost i sumnja. Koliko samo zabluda i neistina nestaje putem traženja tumačenja i podrobnog pojašnjenja!

Razlog odlaska u zabludu je udaljavanje od razmišljanja o Allahovom govoru i govoru Njegovog Poslanika, sallallahu alejhi ve sellem, te zaokupiranje grčkom filozofijom i različitim mišljenji-ma. Ovi su nazvani sljedbenicima kelama, jer nisu donijeli znanje koje nije bilo poznato, nego su donijeli dodatni kelam (govor) koji ništa ne koristi.

Kelam se ogleda u navođenju analogije da bi se pojasnilo ono što se već zna putem čula, iako se od ovakve i slične analogije može okoristiti na drugim mjestima, kao kod onih koji negiraju čula. Svako ko govorи по svom mišljenju, užitku, rukovođenju, uz postojanje šerijatskog teksta, ili se suprotstavlja tekstu s produktima razuma, oponašа Iblisa koji se nije predao naredbi svoga Gospodara, već je rekao:

﴿ أَنَا خَيْرٌ مِّنْهُ خَلَقْتَنِي مِنْ نَارٍ وَخَلَقْتَهُ مِنْ طِينٍ ﴾

„Ja sam bolji od njega; mene si od vatre stvorio, a njega od ilovače.“ (El-E'araf, 12.)

Uzvišeni kaže:

﴿ مَنْ يُطِيعُ الرَّسُولَ فَقَدْ أطَاعَ اللَّهَ وَمَنْ تَوَلَّ فَمَا أَرْسَلْنَاكَ عَلَيْهِمْ حَفِظًا ﴾

„Ko se pokori Poslaniku, pokorio se i Allahu, a ko glavu okrene, pa Mi te nismo poslali da im čuvar budeš!“ (En-Nisa', 80.) I kaže:

﴿ قُلْ إِنْ كُنْتُمْ تُحْبِّونَ اللَّهَ فَاتَّبِعُونِي يُعَذِّبُكُمُ اللَّهُ وَيَغْفِرُ لَكُمْ ذُنُوبَكُمْ وَاللَّهُ عَفُورٌ رَّحِيمٌ ﴾

„Reci: 'Ako vi Allaha volite, onda mene slijedite, i vas će Allah voljeti i grijehе vam oprostiti! A Allah prašta i milostiv je!?'“ (Ali Imran, 31.)

﴿ فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ ثُمَّ لَا يَجِدُوا فِي أَنفُسِهِمْ حَرَجًا ﴾

﴿ مِمَّا قَصَّيْتَ وَسُلِّمُوا تَسْلِيمًا ﴾

„I tako Mi Gospodara tvoga, oni neće vjerovati dok za sudiju u sporovima međusobnim tebe ne prihvate, a potom u dušama svojim tegobe ne osjete za ono što si odredio i sasvim se ne predaju!“(En-Nisa', 65.)

Uzvišeni se kune Sobom da oni neće vjerovati sve dok svog Vjerovjesnika, sallallahu alejhi ve sellem, ne uzmu za sudiju, i dok ne budu zadovoljni njegovom presudom i dok mu se u potpunosti ne pokore.

Autor kaže: „**Tako se dvoumi između nevjerovanja i vjerovanja, potvrde i poricanja, priznanja i negiranja, zbumen je, zalutao, skeptičan, nije vjernik koji potvrđuje, a ni poricatelj koji ne priznaje.**“

Dvoumljenje označava nestabilnost. Ovakvim stanjem je autor, Allah mu se smilovao, opisao svakoga onoga ko zastrani od Knjige i Sunneta i preda se pokušenom *ilmul-kelamu*, ili želi da objedini ilmul-kelam sa Kur'anom i Sunnetom. Prilikom suprotnosti (teksta i mišljenja) takav tumači šerijatski tekst i vraća ga na različita mišljenja i dovede se u zbumenost, zabluđu i sumnju, kao što je rekao Ibn-Rušd²⁰², koji je najbolje poznavao pravce i izreke filozofa, u svojoj knjizi *Tehafutut-tehafut*: „Ko je o pitanjima Boga rekao nešto što se uzima u obzir?“

Isto je rekao El-Amidi²⁰³ kao najbolji čovjek svoga vremena, ostavši neopredjeljen i zbumen oko velikih pitanja.

Također, i El-Gazali, Allah mu se smilovao, koji je na kraju ostao neopredjeljen i zbumen oko apologetskih pitanja. Potom se okrenuo od svih tih pravaca i predao izučavanju Poslanikovih, sal-

²⁰² On je Muhammed b. Ahmed b. Muhammed b. Rušd, autor vrijednog djela *Bidajetul-mudžtebid*. Umro je 520. h.g.

²⁰³ On je Ebu-Hasan Alija b. Ebi-Alija b. Muhammed b. Salim, fakih i usulista. Umro je u Damasku 631. h.g.

lallahu alejhi ve sellem, hadisa. Umro je, a *Sahib imama El-Buharija* je bio na njegovim prsimu.

Isto je i sa Ebu-Abdullahom Muhammedom Omerom er-Razijem koji je u svojoj knjizi, pod naslovom *Aksamul-lez̄at*, napisao:

*Vrbunac traganja razuma je zapetjanost
Cilj nastojanja učenjakaj je zabluda
Naše duše u odnosu na tijela su usamljene
Ishod našeg dunjaluka je uznemirenost i ništavnost
Nismo se okoristili našim traganjem tokom dugoga života
Osim što smo sabrali rekla-kazala
Koliko smo vidjeli ljudi i država
A svi su tako brzo otišli i nestali
Na koliko su se brda ljudi ispeli
A onda su nestali, a brda su ostala brda*

Razmišljao sam o apologetskim pravcima i filozofskim metodama i uočio da ne mogu izlijeciti bolesnog niti napojiti žednog. Vidio sam da je najbliži put i pravac pravac Kur'ana. Učim radi potvrde:

﴿الرَّحْمَنُ عَلَى الْعَرْشِ أَسْتَوَى﴾

„*Svemilosni, Koji se nad Aršom uzvisio.*“ (Ta-ha, 5.)

﴿إِلَيْهِ يَصْعَدُ الْكَلْمُ الْطَّيِّبُ﴾

„*K Njemu se dižu lijepe riječi...*“ (Fatir, 10.)

Učim radi negacije:

﴿لَيْسَ كَمِثْلِهِ شَيْءٌ﴾

„*Niko nije kao On!*“ (Eš-Šura, 11.)

﴿وَلَا سُخِيطُونَ بِهِ عِلْمًا﴾

„a oni znanjem ne mogu Njega obuhvatiti.“ (Ta-ha, 110.)

Potom je rekao: „Ko isproba ono što sam ja isprobao, spoznat će i ono što sam ja spoznao.“ Isto je bilo i sa šejhom Ebu-Abdullahom Muhamedom b. Abdul-Kerimom eš-Šehrestanijem²⁰⁴. Kod filozofa i apologetičara je naišao isključivo na zbumjenost i kajanja. Rekao je:

Tako mi života, sve sam institute obišao

Putovao sam među tim znakovima

Vidio sam samo onoga koji zbumjeno spušta ruku,

Na svoju bradu ili kajući se po svojim zubima lupka

Isto je bilo i sa Ebūl-Me'alijem el-Džuvejnijem koji je rekao: „Sljedbenici naši, ne zaokupirajte se kelamom. Da sam znao do čega će me dovesti kelam, ne bih se njime nikada zaokupirao.“

Na samrti je rekao: „Zaronio sam u duboko more, a ostavio sljedbenike islama i njihove nauke. Ušao sam u ono što su mi zbranjivali, a sada, ako me moj Gospodar ne uzme u Svoju milost, teško li se Ibn el-Džuvejniju! Evo me, umirem na vjerovanju svoje majke“, ili je rekao: „Na vjerovanju nejsaburskih starica.“ Isto je rekao Šemsuddin el-Husrevšahi²⁰⁵, a bio je jedan od najboljih učenika Fahrudina Er-Razija, jednom dobrom čovjeku koji mu je jednoga dana došao: „Kakvo je tvoje uvjerenje?“ Reče: „Ono u što vjeruju muslimani.“ Upita ga dalje: „Tvoja prsa to prihvataju i ubijeđena su u to?“, ili nešto slično. Odgovorio je: „Da.“ Rekao mu je nakon toga: „Zahvaljuj Allahu na ovoj blago-dati. Međutim, tako mi Allaha, ja ne znam u šta sam uvjeren! Tako mi Allaha, ja ne znam u šta sam uvjeren! Tako mi Allaha, ja ne znam u šta sam

²⁰⁴ On je Muhammed b. Abdul-Kerim eš-Šehrestani. Bio je jedan od vodećih apologetičara pravca Ebūl-Hasana el-Eš'arija. Umro je 548. h.g.

²⁰⁵ On je Abdul-Hamid b. Isa el-Husrevšahi. Učio je pred Er-Razijem. Bio je fakih, usulista, apologetičar. Umro je u Damasku 652. h.g.

uvjeren!“ Plakao je dok suzama nije natopio bradu. Ibn Ebi el-Hadid²⁰⁶, poznati čovjek u Iraku, je rekao:

*Zbog tebe sam, o zburujuća misli
ostao zburjen, a život mi prođe
Zbog tebe sam putovao ka drugim razumima
A zaradio sam samo patnju putovanja
Tvrđili su da se spoznaješ putem razmatranja
Slagali su, a ono što spomenuoše
Izlazi iz okvira ljudske moći*

El-Havfedži²⁰⁷ je na samrti rekao: „Nisam spoznao od onoga što sam sabirao kao znanje, ništa osim da *Moguće ovisi o preovlađajućem dokazu*.“ Potom je rekao: „Ovisnost je negativna osobina. Umirem, a ništa nisam spoznao.“

Drugi²⁰⁸ je rekao: „Ležim u svojoj postelji, a pokrivač stavljam na svoje lice. Upoređujem argumente jednih i drugih sve dok zora ne nastupi, a kod mene nijedan od njih ne preovlada.“ Ko stigne u ovakovo stanje, ukoliko ga Allah ne uzme u Svoju milost, postat će otpadnik.

Ebu-Jusuf je rekao: „Ko bude tražio vjeru putem *kelama*, postat će otpadnik. Ko bude tražio imetak putem *alkemije*, bankrotirat će. Ko bude tragao za čudnim hadisima, slagat će.“

Šafija je rekao: „Moja presuda o sljedbenicima *kelama* je da se namlate palminim granjem i obućom, a zatim se sa njima obidi sva plemena i familije, pa rekne: 'Ovo je kazna za onoga ko ostavi Kur'an i Sunnet, a pred a se *kelamu*.'“

²⁰⁶ On je Izzuddin Ebu-Hamid Abdul-Hamid b. Hibetullah el-Medaini, pisac, pjesnik komentator djela *Nehdžul-belaga*. Umro je 655. h.g.

²⁰⁷ On je Muhammed b. Namaver b. Abdul-Melik Ebu-Abdullah el-Havfedži, perzijskog porijekla. Autor je djela *Keſjul-esrar an gavamidi el-eſkar*. Umro je 646. h.g.

²⁰⁸ On je Muhammed b. Salim b. Vasil el-Hamevi kako stoji u djelu *Der'u te'aruf-dil-akli ve en-nakli*, 1/165 i 3/263. Umro je 697. h.g.

Također, je rekao: „Kod sljedbenika *kelama* sam našao izreke za koje sam mislio da ih musliman ne može nikada reći. Da čovjek bude iskušan sa svim što je Allah zabranio, osim širka Allahu, bolje mu je nego da bude iskušan *kelamom*.“²⁰⁹

Nači ćeš da se pojedinci iz ovih redova na samrti vraćaju pravcu starica, potvrdivši ono što su potvrdivali i udaljavajući se od suprotnih pojedinosti koje su kategorički zastupali, a zatim im se obistinila njihova neispravnost, ili im se nije obistinila ispravnost. Tako na kraju, i ako se spase od kazne, imaju nivo znanja kakav imaju djeca, žene i beduini.

Koristan lijek za ovu bolest je onaj koga je ljekar srca, sallallahu alejhi ve sellem, izgovorao kada bi ustajao noću i otpočinjao namaz: „*Allahu, Gospodaru Džebraila, Mikaila i Israfila, Tvorče nebesa i zemlje, Znalče nevidljivog i vidljivog, Ti ćeš presuditi među Svojim robovima oko onoga u čemu su se razilažili. Uputi me na ono oko čega je došlo do razilaženja od istine, s Tvojom dozvolom. Ti upućuješ koga hoćeš na ispravni put.*“²¹⁰ Prenosi ga Muslim.

Poslanik, sallallahu alejhi ve sellem, se okrenuo svome Gospodaru govoreći da je On Gospodar Džibrila, Mikaila, Israfila, moleći da ga uputi na ono oko čega je došlo do razilaženja od istine, s Njegovom dozvolom, jer život srca je u uputi.

Uzvišeni je ovu trojicu obavezaao životima. Džebrajl je zadužen za Objavu koja je povod života srca. Mikail je zadužen za kišu, a povod je života tijela i ostalih bića. Israfil je zadužen za puhanje u Sur, a to je povod života svijeta i vraćanja duša u njihova tijela.

Približavanje Allahu, subhanehu ve te'ala, govoreći da je On Uzvišeni Gospodar ovih velikih bića zaduženih za život, ima veoma veliki utjecaj za postizanje traženog. Neka je Allah na pomoći.

²⁰⁹ *Menakibu Šafi'i*, 1/453-454.

²¹⁰ *Sahih Muslim*, 770. Prenosi ga, također, Ebu-Avane u svome *Sahibu*, Et-Tirmizi, 3416; Ebu-Davud, 776; u hadisu Aiše, radijallahu anha.

Replika onima koji neosnovano tumače ili niječu viđenje Allaha

Autor kaže: „Vjerovanje u viđenje Allaha od strane stanovnika Kuće spasa nije ispravno onome ko ga smatra iluzijom ili ga tumači po svome shvatanju, jer pravo tumačenje viđenja, tj. tumačenje svakoga značenja koje se pripisuje Njegovom gospodarenju označava ostavljanje *te'vilā - tumačenja* i pridržavanje predanosti. Na tome opстоји vjera svih muslimana. Ko se ne bude čuva negacije i poistovjećivanja, skrenuo je i ne izražava Allahovu čistotu.“²¹¹

Autor, Allah mu se smilovao, ukazuje na repliku mu'tezilama koje negiraju viđenje, kao i onima koji Allaha poistovjećuju sa nekim Njegovim stvorenjima. Vjerovjesnik, sallallahu alejhi ve sellem, je rekao: „*Vi ćete vidjeti svoga Gospodara kao što vidite Mjesec u noći uštapa.*“²¹¹

Kaf u riječi *kema* - *kao* je stavljeno uz inifinitivnu česticu *ma* koja je vezana za *terevne* - *vidjet ćete* koja se vraća na infinitiv, a on je *ru'je* - *viđenje*. Zato se usporedba odnosi na viđenje, a ne na objekat gledanja. Ovdje je sasvim jasno da se želi potvrditi viđenje i njegovo ostvarenje, te odbaciti sve druge mogućnosti. Šta, onda, reći poslije ovoga pojašnjenja?

Kada se tekstovi poput ovoga podrede *te'vilu - tumačenju* kako se onda uopće može argumentirati određenim tekstom?

Da li *te'vil - tumačenje* ovog teksta dopušta sljedeće značenje: „Vi ćete znati svoga Gospodara kao što znate za Mjesec u noći uštapa?“ Za ovo neispravno tumačenje donose dokaz iz riječi Uzvišenog:

﴿أَلَمْ تَرَ كَيْفَ فَعَلَ رَبُّكَ بِأَصْحَابِ الْفَيْلِ ﴾

²¹¹ Muttefekun alejhi.

„Zar nisi čuo (saznao) šta je sa vlasnicima slona Gospodar tvoj uradio!“ (El-Fil, 1.) i slična tumačenja u kojima je glagol *re'a -vidjeti* upotrijebljen kao djelo srca.

Nema sumnje da glagol *re'a* nekada označava očnu percepciju, nekada srčano viđenje, a nekada snoviđenje i dr. Međutim, u kontekstu govora se ne navodi popratna činjenica koja posebno pobliže određuje jedno u odnosu na druga značenja. U suprotnom, kada govornik u svom govoru ne bi naveo činjenicu koja ide u prilog jednom od značenja, govor bi bio općenit i nerazjašnjen. A koje to pojašnjenje i popratna činjenica iz konteksta mogu biti iznad njegovih riječi: „*Vidjet ćete svoga Gospodara kao što vidite Sunce u podnevsko vrijeme kada u njegovom pravcu (Sunca) nema oblaka.*“²¹² Da li se ovo veže za očnu percepciju ili viđenje srca? Ovo je skriveno samo onome kome je Allah njegovo srce zaslijepio!

Ako kažu: Na ovo tumačenje nas je naveo propis razuma koji kaže da je nemoguće viđenje Uzvišenog, tj. ne može se predočiti mogućnost viđenja.

Odgovor glasi: Ovo je vaša tvrdnja, a u njoj vam se suprotstavlja većina pametnih. U razumu ne postoji nešto što bi je osudilo. Kada bi razumu bila izložena stvar koja sama po sebi postoji, a nemoguće je vidjeti, razum bi donio sud da je to nemoguće.

Autorove riječi: „**onome ko ga smatra iluzijom**“, tj. koji iluzorno smatra da će se Uzvišeni Allah vidjeti u određenom opisu, a onda zamišlja uspoređivanje. Zatim, poslije ove iluzije, ako potvrđuje zamišljeni opis, postaje mušebbih (onaj koji poistovjećuje Allaha sa Njegovim stvorenjima). Ako zbog te iluzije negira viđenje u osnovi, onda je negator koji opovrgava Allahova svojstva. Zapravo, obaveza je odbaciti takvu iluziju. Ne smije generalno negirati i istinu i neistinu, kao repliku onome ko potvrđuje neistinu. Obaveza je odbaciti neistinu, a potvrditi istinu.

²¹² Hadis je muttefekun alejhi i prenosi se od Ebu-Se'ida el-Hudrija, radijallahu anhu.

Na ovo značenje ukazuje autor, Allah mu se smilovao, u riječima: „**Ko se ne bude čuvaо negacije i poistovjećivanja, skrenuo je i nije izrazio Allahovu čistotu.**“

Mu'tezile tvrde da putem ove negacije izražavaju čistotu Allahu. Zar izražavanje čistote biva negacijom osobine savršenstva? Negiranje viđenja nije osobina savršenstva, jer se nepostojeci ne može vidjeti. Savršenstvo je u potvrdi viđenja i negaciji da onaj ko Ga gleda može doseći u smislu obuhvatanja, a to se odnosi i na znanje. Negiranje Njegovog znanja nije savršenstvo. Savršenstvo se ogleda u potvrdi znanja i negiranju obuhvatanja Njegovog znanja. Uzvišeni ne može biti obuhvaćen viđenjem, kao što ne može biti obuhvaćen znanjem.

Autorove riječi: „ili on tumači po svome shvatanju“, tj. tvrdi da je našao tumačenje suprotno njegovo vanjštini i značenju kojeg shvata svaki Arap.

Posljednje generacije su se usaglasile oko značenja *te'vila – tumačenja*. „Odstupanje termina od njegovog vanjskog značenja“, a putem ovoga su oni koji iskrivljavaju nasrnuli na tekstove. Rekli su: „Mi tumačimo ono što se suprotstavlja našem mišljenju“. Tako su iskrivljavanje nazvali *tumačenjem* i ukrasili ga i okitili da bi bilo prihvaćeno. Uzvišeni Allah je pokudio one koji ukrašavaju neistinu, pa kaže:

﴿ وَكَذَلِكَ جَعَلْنَا لِكُلِّ نَّبِيٍّ عَدُوًّا شَيْطَانَ إِلَيْنَا إِلَّا بَعْضُهُمْ إِلَى بَعْضٍ زُخْرَفٌ أَقْوَلُ غُرْبَرًا ﴾

„*Tako smo svakom vjerovjesniku neprijatelje određivali, šejtane u vidu ljudi i džinova, koji su jedni drugima kićene besjede govorili da bi ih obmanuli...*“ (El-En'am, 112.)

Bit je u značenjima, a ne u terminima. Koliko ima neistina o kojima se iznosi ukrašen dokaz koji se postavi nasuprot dokazu istine?

Govor autora ovdje je isti kao njegov prethodni navod: „**U to ne zalazimo tumačenjem svojim mišljenjima, niti iznošenjem maštanja putem naših strasti.**“ Ovo značenje je potvrdio riječima: „...jer pravo tumačenje viđenja, tj. tumačenje svakoga značenja koje se pripisuje Njegovom gospodarenju označava ostavljanje tumačenja i pridržavanje predanosti. Na tome opстојi vjera svih muslimana.“

Pod ostavljanjem tumačenja kojeg nazivaju *tumačenjem* misli na iskrivljavanje. Autor je učitiv i raspravlja sa najboljim riječima, kao što Uzvišeni kaže:

﴿ وَجَدَ لَهُمْ بِاللَّهِ هَيْ أَخْسَنُ ﴾

„i s njima na najljepši način raspravljaljaj!“(En-Nahl, 125.)

On ne želi reći da treba ostaviti sve što se naziva *tumačenjem*, ili da neki ljudi ostave vanjštinu jačeg dokaza iz Kur'ana i Sunneta, nego želi naglasiti ostavljanje neispravnih novotarskih tumačenja koja se protive pravcu Ispravnih prethodnika i na čiju neispravnost ukazuju Kur'an i Sunnet, te ostavljanje govora na Allaha bez znanja.

Od neispravnih tumačenja je tumačenje dokaza o viđenju, uzvišenosti, da nije razgovarao sa Musaom, ili da Ibrahima nije uzeo za prisnog prijatelja. Potom je termin *tumačenje* upotrijebljen u značenju koje nije originalno.

Te'vil - tumačenje u Allahovoј Knjizi i Sunnetu Poslanika, sallallahu alejhi ve sellem, znači istinu i suštinu na koju se vraća govor. *Tumačenje obavijesti* označava samu infromaciju, a *tumačenje činjenice* (stvari) označava izvršenje naređenog postupka. Tako je Aiša, radi-jallahu anha, govorila: „Allahov Poslanik, sallallahu alejhi ve sellem, bi na rukuu govorio: 'Slava Tebi pripada, Allabu, Gospodaru naš, i neka Ti je hvala. Allabu, oprosti mi!', jete'evvelul-Kur'an, (tj. postupao je prema naredbi Kur'ana u izgovaranju ovih riječi).²¹³ Uzvišeni kaže:

²¹³ Muttefekun alejhi; El-Buhari, 817; Muslim, 484.

﴿ هَلْ يَنْظُرُونَ إِلَّا تَأْوِيلَهُ، يَوْمَ يَأْتِي تَأْوِيلُهُ، يَقُولُ الَّذِينَ نَسُوا مِنْ قَبْلٍ قَدْ جَاءَتْ رُسُلٌ رَبِّنَا بِالْحَقِّ ﴾

„Čekaju li oni da se ona obistini? Onoga dana kada se obistini, reći će oni koji su je prije bili zaboravili: 'Istinu su poslanici Gospodara našeg donosili!'“ (El-E'araf, 53.)

U to spada i tumačenje snova i tumačenje djela, kao što Uzvišeni kaže:

﴿ هَذِهَا تَأْوِيلُ رُءُيَّتِي مِنْ قَبْلُ ﴾

„...ovo je tumačenje moga sna nekadašnjeg.“ (Jusuf, 100.)

﴿ وَيُعَلِّمُكَ مِنْ تَأْوِيلِ الْآخِدَيْتِ ﴾

„...i tumačenju snova te naučiti...“ (Jusuf, 6.)

﴿ ذَلِكَ حَمْرٌ وَأَحْسَنُ تَأْوِيلًا ﴾

„To je bolje i posljedice su ljestve!“ (En-Nisa', 59.)

﴿ سَأَنْتُكَ بِتَأْوِيلِ مَا لَمْ تَسْتَطِعْ عَلَيْهِ صَبَرًا ﴾

„obavijestit će te o tumačenju onoga zbog čega nisi mogao da se strpiš.“ (El-Kehf, 78.), do riječi Uzvišenog:

﴿ ذَلِكَ تَأْوِيلُ مَا لَمْ تَسْتَطِعْ عَلَيْهِ صَبَرًا ﴾

„Eto to je tumačenje onoga za što se ti nisi mogao strjeti.“ (El-Kehf, 82.)

Ko će negirati postojanje ovakvog tumačenja i znanje koje je vezano za naredbe i zabrane iz njega? Ako se radi o obavijesti, kao što su informacije o Allahu i Sudnjem danu, tumačenje ovoga se ne zna, tj. ne zna se suština, jer se ne može spoznati samim obavještanjem. Ako onaj koji obavještava nije dočarao ono o čemu oba-

vještava, ili prije toga to nije bilo poznato, onda se ne zna ni nje-gova suština putem same obavijesti. Ovo je to tumačenje koje zna samo Allah. Međutim, negiranje znanja o tumačenju ne nalaže negiranje znanja o značenju kojeg ciljano navodi sagovornik kako bi drugoga sagovornika o tome obavijestio. U Kur'anu nema nijed-noga ajeta a da Allah nije naredio razmišljanje o njemu. On nije objavio nijedan ajet, a da ne voli da se zna šta njime želi, iako ima tumačenja koje samo Allah zna. Ovo je značenje *tumačenja* u Knjizi, Sunnetu i govoru ispravnih prethodnika, svejedno bilo to tumače-nje u saglasnosti sa vanjštinom, ili u suprotnosti sa njom.

Tumačenje u govoru mnogih mufessira, kao što je Ibn-Džerir i drugi, označava tefsir govora i pojašnjenje njegovog značenja, sve-jedno bilo u saglasnosti sa vanjštinom ili ne. Ovaj termin je pozнат. Ovakav *te'vil* je poput tefsira, njegova istina se pohvaljuje, a ne-istina odbacuje. Uzvišeni kaže:

﴿ وَمَا يَعْلَمُ تَأْوِيلَهُ إِلَّا اللَّهُ وَالرَّسُولُونَ فِي الْعِلْمِ ﴾

„A tumačenje njihovo zna samo Allah! Oni, pak, koji su u znanost upućeni kažu...“ (Ali Imran, 7.)

Postoje dva načina čitanja ovog ajeta. Neki zastaju na riječima *osim Allaha*, a neki ne zastaju. Oba čitanja su istina. Putem prvog se misli na manje jasne ajete čije tumačenje je zadržano u Allahovom znanju, a pod drugim se misli na dodatno tumačenje kojeg oni koji su vični znanju poznaju.

Oni koji zastaju na riječima *osim Allaha* ne žele da *te'vil* bude u značenju *tefsira značenja*. Iz ovoga neminovno proizilazi da je Allah objavio Svome Poslaniku, sallallahu alejhi ve sellem, govor čije zna-čenje ne poznaje cijeli ummet, pa čak ni Poslanik, sallallahu alejhi ve sellem. Tako oni koji su vični znanju nemaju udjela u spoznaji toga značenja osim da kažu:

﴿ أَمَنَّا بِهِ كُلُّ مَنْ عِنْدَ رَبِّنَا ﴾

„Mi u to vjerujemo; sve je to od našega Gospodara!“ (Ali Imran, 7.)

Ovo govore oni iz reda vjernika koji nemaju duboko znanje. Oni koji su vični znanju moraju se razlikovati od običnih vjernika. Ibn-Abbas, radijallahu anhuma, je rekao: „Ja sam od onih koji su vični znanju i koji znaju njegovo tumačenje.“²¹⁴ Istinu je rekao, neka je Allah s njime zadovoljan. Vjerovjesnik, sallallahu alejhi ve sellem, dovio je za njega rekavši: „Allahu, poduč ga propisima vjere i nauč ga tumačenjima.“²¹⁵ Prenosi ga el-Buhari i drugi. Poslanikova, sallallahu alejhi ve sellem, dova se ne odbija.

Mudžahid²¹⁶ kaže: „Iščitavao sam Mushaf, od njegovog početka do kraja, pred Ibn-Abbasom. Zaustavljao sam ga kod svakog ajeta i zapitkivao o njemu.“

Prenose se nepobitne predaje da je Ibn-Abbas govorio o svim značenjima Kur'ana, a ni o jednom ajetu nije rekao da spada u manje jasne čije tumačenje ne poznaje niko osim Allaha.

Naši istomišljenici, Allah im se smilovao, govoreći o temeljima vjere, kažu: „Manje jasni ajeti su isprekidani harfovi (kao Elif-lam-mim) na početku sura.“ To se prenosi od Ibn-Abbasa.

O značenju ovih harfova je govorila većina ljudi. Ako je njihovo značenje jasno, onda se zna značenje manje jasnog, a ako se ne zna,

²¹⁴ Et-Taberi u svome *Tefsiru*, 6632.

²¹⁵ Sahih; prenosi ga Ahmed, 1/266, 314, 328, 335; Et-Taberani u *El-Mu'džemul-kebiru*, 1/84/2; El-Bejheki u *Delailun-nubuvveh* i Ed-Dija' el-Makdisi u *El-Muhtaru*, sa ispravnim lancem od Ibn-Abbasa. Pripisivanje ove predaje El-Buhariju je greška. Kod El-Buharija se navodi: „Allahu, poduč ga mudrosti“, a u drugoj predaji „Knjizi“ umjesto „mudrosti“, 1/2031/40445/449. a ovo je Ahmedova predaja, 1/214, 269, 359; i Et-Taberanijeva. Prenosi ga Muslim, 7/158 u sažetom obliku: „Allahu, poduč ga propisima.“ Iz Ahmedove predaje, 1/327 i 1/330, prenosi se od Ibn-Abbasa da je rekao: „Molio je Allaha, azze ve dželle, da mi poveća znanje i shvatanje.“

²¹⁶ On je šejh učača i komentatora Kur'ana, Mudžahid b. Džebr Ebu-Hadž-džadž el-Mekki. Kur'an, tefsir i fikh je preuzeo od Ibnu-Abbasa, radijallahu anhuma.

onda su manje jasni ajeti. Ono što je mimo njih, poznatog je značenja, a to se, ustvari, i traži.

Također, Allah Uzvišeni kaže:

﴿ مِنْهُ أَيَّتُ حُكْمَتُ هُنَّ أُمَّ الْكِتَبِ وَأُخْرُ مُتَشَبِّهُتُ ﴾

„u kojoj su ajeti jasni; oni su matica Knjige; drugi su manje jasni.“ (Ali Imran, 7.)

Ovi harfovi, kod većine onih koji broje ajete Kur'ana, nisu ajeti.

Termin *tumačenje* u govoru zadnjih generacija pravnika i apologičara označava: „Odstupanje termina od preovladavajuće mogućnosti ka manjoj mogućnosti zbog dokaza koji to obavezuje.“ To je ono tumačenje oko kojeg se ljudi spore u većini činjenica vezanih za obavijesti i potražnju. Ispravno tumačenje je ono koje je u saglasnosti sa onim na što ukazuju tekstovi Kur'ana i Sunneta, a što je u suprotnosti naziva se *neispravnim tumačenjem*. O ovome postoji podrobnije tumačenje na njegovom mjestu.

Spominje se u *Et-Tebṣiri* da je Nusajr b. Jahja el-Belhi prenio od Amra b. Ismaila b. Hammada b. Ebi-Jahja b. Muhammeda b. el-Hasena, Allah im se smilovao, da je upitan o ajetima i predajama u kojima se spominju Allahova svojstva, te da njihova vanjština vodi u *tešbib-poistovjećivanje*. Rekao je: „Preko njih prelazimo, kao što su došli, i vjerujemo u njih. Ne zapitujemo: Kako?“

Treba znati da neispravno nevjerničko značenje nije vanjština niti zahtjev teksta. Onaj ko tako shvati shvatio ga je zbog pomanjkanja ispravnog poimanja i znanja. Neki ljudi su rekli:

*Koliko ima onih koji kore ispravan govor
A mahana im je bolesno poimanje*

Rečeno je:

*Na meni je da isklešem rijeći u kamenu
Ali, nisam kriv ako ih krave ne shvate*

Kako za Allahov govor, koji je najiskreniji i najljepši, a on je Knjiga

﴿ أَحْكَمْتُ مَا يَنْهَا رُّؤْمٌ فُصِّلَتْ مِنْ لَدُنْ حَكِيمٍ خَبِيرٍ ﴾

„...čiji se ajeti pomno nižu i od vremena do vremena objavljuju, od Mudrog i Sveznajućeg.“ (Hud, 1.) mogu govoriti da je vanjština Kur'ana i hadisa zabluda i da u njima nema pojašnjenja za ispravnost vjerovanja, kao ni pojašnjenja tevhida i Allahove čistote?! Ovo je suština govora onih koji tumače tekstove. Istina je da sve ono na što ukazuje Kur'an je sušta istina, a Kur'an i ne ukazuje na ono što je neistina. Oni koji se suprotstavljaju tvrde da Kur'an ukazuje na neistinu koju je dužnost skrenuti na drugo značenje.

Reći će im se: Vratima koja ste otvorili, kada tvrdite da ste izvojevali pobedu nad vašom braćom vjernicima, na malobrojnim i skrivenim mjestima, dopustili ste ulazak svakovrsnih mušrika i novotara i ne možete ih zatvoriti. Kada vam priliči da Kur'an odvedete od pojmljivog značenja bez šerijatskog dokaza, onda pitamo: Putem kojeg mjerila je dopušteno njegovo tumačenje, a putem kojeg nije?

Ako kažete: „Tumačimo ono na čiju nemogućnost ukazuje kategorički razumski dokaz, a u suprotnom ga potvrđujemo“, reći će vam se: „Putem kojeg razuma ćemo vagati kategorčki razumski dokaz?“

Karamit batinija tvrdi da postoje kategorički dokazi za neispravnost šerijatskih, očitih i vanjskih dokaza.

Filozof tvrdi da postoje kategorički dokazi za neispravnost proživljenja tijela.

Mu'tezile tvrde da postoje kategorički dokazi nemogućnosti viđenja Allaha, azze ve dželle, ili nemogućnosti postojanja znanja, govora i milosti kod Allaha, azze ve dželle.

Tematika *tumačenja*, čiju obligatnost zagovaraju njihovi zagovornici putem racionalnih dokaza, daleko je veća da bi se mogla sročiti na ovom mjestu. Iz toga, navodno, proizilaze dvije velike stvari kojih se treba čuvati:

Prva: Da ne potvrđujemo ništa od značenja Kur'ana i Sunneta sve dok ne sprovedemo široka i duga istraživanja o njihovoј razumskoj mogućnosti. Svaka grupacija, onih koji se razilaze oko Knjige, tvrdi da razum ukazuje na ono što zastupaju, ali je krajnje ishodište toga zbnjenost koje se treba čuvati.

Druga: Srca se odriču zastupanja kategoričnosti o svojim uvjerenjima, a i o čemu je Poslanik, sallallahu alejhi ve sellem, obavijestio, jer nema potvrde da se želi vanjsko značenje. Tumačenja su neusaglašena. Tako je, navodno, obaveza odvojiti Kur'an i Sunnet od značenja i upute na ono o čemu je Allah obavijestio Svoje robe, a posebno se to odnosi na Vjerovjesnika, sallallahu alejhi ve sellem. Sve su to samo obavijesti, a Kur'an je velika vijest. Zato ćemo naći one koji se prepustaju *tumačenjima*, da tekstove Kur'ana i Sunneta spominju samo radi ojačavanja svojih stavova, a ne radi uzimanja Objave za temelj. Ako se tekstovi slažu, a oni ujedno tvrde da i razum na njih ukazuje, onda ih prihvataju, a tumače ih ako se ne slažu. Ovime se otvaraju vrata otpadništva. Molimo Allaha za oprost.

Negacija i poistovjećivanje

Autor kaže: „**Ko se ne bude čuval negacija i poistovjećivanja, skrenuo je i ne izražava Allahovu čistotu.**“

Negacija i poistovjećivanje su dvije bolesti srca. Bolesti srca su dvovrsne: Bolest sumnji i bolest strasti. Obje su spomenute u Kur'anu. Uzvišeni kaže:

﴿فَلَا تَخَضَّعْنَ بِالْقَوْلِ فَيَطْمَعَ الَّذِي فِي قُلُوبِهِ مَرَضٌ﴾

„...na sebe pažnju govorom ne skrećite, pa da tada žudi onaj u čijem je srcu bolest...“ (El-Ahzab, 32.)

Ovo je bolest strasti. Uzvišeni kaže:

﴿فِي قُلُوبِهِمْ مَرْضٌ فَرَادَهُمْ اللَّهُ مَرْضًا﴾

„U srcima njihovim je bolest i Allah im povećava bolest...“ (El-Bekare, 10.)

﴿وَأَمَّا الَّذِينَ فِي قُلُوبِهِمْ مَرْضٌ فَرَادَهُمْ رِجْسًا إِلَى رِجْسِهِمْ﴾

„A što se tiče onih čija su srca bolesna, ona im je nevjerovanje dodala na nevjerovanje koje već imaju...“ (Et-Tevbe, 125.)

Ovo je bolest sumnje. Ona je gora od bolesti strasti, jer je se nadati da će se čovjek izlijеčiti nakon zadovoljavanja strasti, dok se bolest sumnje ne može liječiti osim da Allah čovjeka obuhvati Svojom milošću. Sumnja o kojoj se govori o pitanju sifata (Allahovih svojstava) odnosi se na negiranje i poistovjećivanje. Sumnje negacije su gore od sumnji poistovjećivanja, jer sumnja negacije predstavlja odbacivanje i poricanje navoda od Poslanika, sallallahu alejhi ve sellem. Sumnja poistovjećivanja predstavlja pretjerivanje i prelazak granice u odnosu na navode od Poslanika, sallallahu alejhi ve sellem.

Poistovjećivanje Allaha sa Njegovim stvorenjima je nevjerstvo, jer Uzvišeni kaže:

﴿لَيْسَ كَمِثْلِهِ شَيْءٌ﴾

„Niko nije kao On!“ (Eš-Šura, 11.)

Negiranje Njegovih svojstava je nevjerstvo, jer Uzvišeni kaže:

﴿وَهُوَ السَّمِيعُ الْبَصِيرُ﴾

„i On sve čuje i sve vidi.“ (Eš-Šura, 11.)

Ovo je temelj dvije vrste poistovjećivanja: Poistovjećivanje Stvoritelja sa stvorenjem. Apologetičari se zamaraju oko ove vrste odbacivanja i obesnaživanja. Zastupnici ove vrste su malobrojniji od zastupnika druge vrste, a oni poistovjećuju stvorenja sa Stvoriteljem, kao što su oni koji obožavaju šejhove, Uzejra, Sunce, Mjesec, kipove, meleke, vatru, vodu, tele, grobove, džine i dr. Njima su poslani poslanici koji su ih pozivali u robovanje Allahu Jedinom Koji sudruga nema.

Autor kaže: „**Naš Gospodar, azze ve dželle, je opisan svojstvima jednoće i dati su Mu epiteti zasebnosti. Niko od stvorenja nema ova značenja.**“

Autor, Allah mu se smilovao, ukazuje na Gospodarevu čistotu kojom je opisan i kojom je Sebe opisao izrazima negacije i potvrde. Autorov navod je uzet iz značenja sure El-Ihlas. Njegove riječi: „**opisan je svojstvima jednoće**“ su uzete iz riječi Uzvišenog:

﴿ قُلْ هُوَ اللَّهُ أَحَدٌ ﴾ ﴿ اللَّهُ الصَّمَدُ ﴾

„*Reci: 'On je Allah - Jedan!' Allah je utočište svakom!*“ (El-Ihlas, 1-2.)

Njegove riječi: „**dati su Mu epiteti zasebnosti**“ su uzete iz riječi Uzvišenog:

﴿ اللَّهُ الصَّمَدُ ﴾ ﴿ لَمْ يَلِدْ وَلَمْ يُوَلَّدْ ﴾

„*Allah je utočište svakom! Nije rodio i nije rođen.*“ (El-Ihlas, 2-3.)

Njegove riječi: „**niko od stvorenja nema ova značenja**“ su uzete iz riječi Uzvišenog:

﴿ وَلَمْ يَكُنْ لَهُ كُفُورًا أَحَدٌ ﴾

„*i niko Mu ravan nije!*“ (El-Ihlas, 4.)

On, također, potvrđuje prethodne navode o potvrdi svojstava i negaciji poistovjećivanja.

Opis i epitet (*wasfi na'*) su dva sinonima, a neki su rekli da su to dvije riječi približnih značenja. Opis se upotrebljava za Biće, a epitet za djela.

Također, tu su jednoća i zasebnost. O njihovoj razlici je rečeno: Jednoća se odnosi na Biće, a zasebnost na svojstva. Uzvišeni je jedinstvenog Bića i zasebnih svojstava. Ovo je istina i oko nje se nikao ne spori. Međutim, u spomenutim terminima se očituje jedan vid ponavljanja. Šejh ima slična ponavljanja na mnogim mjestima ove poslanice o akidi, što više sliči hutbama i dovama nego pitanjima uvjerenja. Rimovanje obraćanja je veoma prikladno.

﴿ لَيْسَ كَمُثْلِهِ شَيْءٌ ﴾

„**Niko nije kao On!**“ (Eš-Šura, 11.)

Ovo značenje o Allahovoj čistoti je daleko potpunije i savršenije od autorovih riječi: „**Niko od stvorenja nema ova značenja.**“

Negiranje Allahu granica, organa i aparata

Autor kaže: „**Allah je Uzvišen od granica, konačnosti, krajeva, organa i aparata. Šest dimenzija Ga ne mogu obuhvatiti, kao što je slučaj sa ostalim stvorenjima.**“

Ispred šejhovog, Allah mu se smilovao, navoda dat će manji uvod, a on glasi: Ljudi oko upotrebe ovih termina imaju tri mišljenja. Jedna grupacija ih negira, druga potvrđuje, a treća daje podrobnija tumačenja. To su oni koji slijede Ispravne prethodnike. Oni ih općenito ne negiraju niti potvrđuju, osim nakon pojašnjena. Neki su potvrđeni, a neki negirani. Ovi termini su kod posljednjih generacija postali općeniti i nerazjašnjeni, kao što je slučaj sa ostalim terminima, jer ih svi ne upotrebljavaju u istom jezičkom značenju.

Zato, negatori putem njih negiraju i istinu i neistinu, a od onih koji ih afirmašu spominju ono što ni sami afirmatori ne zastupaju. Dio onih koji ih afirmašu u njih uvode neispravna značenja koja su suprotna mišljenjima Ispravnih prethodnika. Mi nemamo pravo da opišemo Allaha Uzvišenog onim čime Sebe nije opisao, niti Ga je opisao Njegov Poslanik, sallallahu alejhi ve sellem, negacijom ili potvrdom, pošto Kur'an i Vaga na njih ukazuju, a u Kur'anu i Sunetu se ne navodi tekst koji bi ih negirao ili potvrdio. Mi samo slijedimo, a ne uvodimo novotarije.

Dužnost je razmotriti ovu tematiku, tj. pitanja svojstava. Mi potvrđujemo ono što Allah i Njegov Poslanik, sallallahu alejhi ve sellem, potvrde, a negiramo ono što Allah i Poslanik, sallallahu alejhi ve sellem, negiraju.

Dužnost je prilikom potvrde i negacije pridržavati se termina koji se navode u tekstovima. Tako potvrđujemo termine i značenja koja su Allah i Njegov Poslanik, sallallahu alejhi ve sellem, potvrdili. Ne upotrebljavamo termine za koje se na navodi ni negacija, a ni potvrda sve dok ne pogledamo šta se njima želi reći. Prihvataju se ako im je značenje ispravno, ali je, ipak, potrebno izraziti se šerijskim terminima o značenjima ne upotrebljavajući općenite neražašnjene termine, osim ukoliko postoji posebna potreba za tim, uz navođenje popratnih činjenica koje pojašnjavaju željeno. Takva potreba se ogleda npr. da upotrebljavamo takav termin ukoliko ne možemo izraziti ciljano značenje bez njegove upotrebe i sl.

Autor, Allah mu se smilovao, želio je ovim govorom dati repliku onima koji poistovjećuju Allaha sa Njegovim stvorenjima, kao što su Davud el-Dževaribi²¹⁷ i njemu slični, koji kažu: „Allah ima tijelo, sastavljen je od trupa i organa.“ Neka je Allah daleko Uzvišen od onoga što govore! Istinito je značenje kojeg je šejh ovdje ciljano htio putem negacije koju ovdje spominje. Međutim, poslije njega su došli oni koji su u općenito negiranje ubacili i istinu i neistinu.

²¹⁷ Imam Ez-Zehebi u *Mizanu*, 2/23; kaže: Davud el-Dževaribi vođa refda i tedžsima.“

Jedinstven stav ispravnih prethodnika o neodređivanju i nepoistovjećivanju

Zato postoji potreba za pojašnjenjem, a ono je: Ispravni prethodnici se slažu da ljudi ne poznaju granice Allaha. Oni ne mogu ograničiti nijedno od Njegovih svojstava. Ebu-Davud et-Tajalisi²¹⁸ kaže: „Sufjan, Šu'be²¹⁹, Hammad b. Zejd²²⁰, Hammad b. Seleme²²¹, Šurejk²²² i Ebu-Avane²²³ ne određuju granice, ne poistovjećuju, niti navode primjere. Oni prenose hadise, a ne govore: 'Kako?'. Odgovore predajom kada budu upitani.“

U autorovom govoru će kasnije biti navedena rečenica: „Njegova stvorenja su nemoćna obuhvatiti Ga. Iz toga se zna da mu je cilj reći da je Allah, azze ve dželle, daleko Uzvišen da bi Ga iko obuhvatio i odredio Mu granice, a to znači da je On odvojen i različit od Svojih stvorenja.

Abdullah b. el-Mubarek je upitan: „Po čemu spoznajemo našeg Gospodara?“ Odgovorio je: „On je iznad Arša i različit je od Svojih stvorenja.“ Upitan je: „Granicom?“ - pa je rekao: „Granicom.“

²¹⁸ On je Sulejman b. Davud b. El-Džarud, veliki hafiz, autor Musneda, brdo od znanja. Umro je 203. h.g.

²¹⁹ On je imam, hafiz Šu'be b. Hadždžadž b. Verd, vođa vjernika u hadisu, učenjak stanovnika Basre. Prvi se bavio naukom *džerba i ta'dila*. Poznat je po velikom broju dobrovoljnih namaza. Imao je znanje i o poeziji. Umro je 160. h.g.

²²⁰ On je autoritet, hafiz, muhaddis svoga vremena Hamad b. Zejd b. Dirhem Ebu-Isma'il el-Ezdi. Porijeklom je iz Sidžistana. Umro je 189. h.g.

²²¹ On je uzorni autoritet, šejhul-islam Hamad b. Seleme b. Dinar Ebu-Seleme el-Basri. Bio je veliki poznavaoč hadisa, Sunneta, fikha i ar. gramatike. Umro je 167. h.g.

²²² On je Šurejk b. Abdullah, autoritet, hafiz, fakih i kadija, Ebu-Abdullah en-Neha'i. Bio je veliki protivnik sljedbenika strasti i novina u vjeri. Bio je kadija u Kufi za vrijeme Ebu-Dža'fera el-Mensura. Umro je 177. h.g.

²²³ On je hafiz, imam, muhaddis Basre El-Veddah b. Abdullah. Porijeklom je iz Džurdžana. Umro je 186. h.g.

Poznato je da se granicom naziva nešto čime se određena stvar odvaja i odlikuje u odnosu na drugu. Uzvišeni nije utjelovljen u Svojim stvorenjima niti opстоji u njima. On opстоји oduvijek, Sam po Sebi, a druge održava. U osnovi nije dozvoljeno da bude razilaženja oko termina *granica* u ovom značenju, jer poslije njene negacije стоји само negacija postojanja Gospodara i Njegove suštine. Ako se *granica* spominje u značenju znanja i govora, tj. da Mu Njegovi robovi mogu odrediti granicu, onda je to isključeno bez ikakvog razilaženja među sljedbenicima Sunneta.

Ebu-el-Kasim el-Kušejrī²²⁴ u svojoj *Risali* kaže: „Čuo sam šejha Ebu Abdur-Rahmana es-Sulemija²²⁵, čuo sam Ebu-Mensura b. Abdullahe, čuo sam Ebula-Hasena el-Anberija, čuo sam Sehla b. Abdullahe et-Tusterija²²⁶ da, kada je upitan o Allahovom Biću, kaže: 'Allahovo Biće se odlikuje znanjem. Ne može se doseći obuhvatanjem i vidjeti pogledima na dunjaluku. Ono postoji shodno činjenicama ispravnog vjerovanja, bez postavljanja granica, obuhvatanja ili govora o utjelovljenju. Oči će Ga gledati na ahiretu. On je nadmoćan u Svojoj vlasti i moći. Ljudi su lišeni spoznaje suštine Njegovog Bića. Na Sebe je ukazao Svojim ajetima, srca Ga spoznaju, a oči Ga ne mogu doseći. Vjernik će u Njega gledati očima bez obuhvatanja ili krajnjeg dosezanja.'“

²²⁴ On je uzorni imam, asketa Ebula-Kasim Abdul-Kerim b. Hevazin b. Abdul-Melik b. Talha el-Kušejrī. Umro je 465. h.g.

²²⁵ On je Muhammed b. Husejn b. Muhammed b. Musa el-Ezdi es-Sulemi, imam, hafiz, muhaddis. Umro je 412. h.g.

²²⁶ On je Sehl b. Abdullahe b. Junus Ebu-Muhammed et-Tusteri. Umro je 283. h.g.

Govor Ebu-Hanife o potvrđi ruke, lica i nefsa Allahu, subhanehu ve te'ala, bez kakvoće

Negatori terminima krajevi, organi i aparati argumentiraju negaciju nekih potvrđenih svojstava putem kategoričkih dokaža, kao npr. Ruka i Lice.

Ebu-Hanife, radijallahu anhu*, u *El-Fikhl-ekberu* kaže: „On ima Ruku, Lice i Nefs, kao što Uzvišeni u Kur'anu spominje Ruku, Lice i Nefs. To su osobine o čijoj se kakvoći ne postavlja upit. Ne kaže se: Njegova Ruka je Njegova moć i blagodat, jer se time obesnažuje svojstvo.“ Ovo je rekao imam Ebu-Hanife, radijallahu anhu, a potvrđeno je kategoričkim dokazima. Uzvišeni kaže:

﴿مَا مَنَعَكَ أَنْ تَسْجُدَ لِمَا خَلَقْتُ بِيَدِي﴾

„*šta te navelo da ne učiniš sedždu onome koga sam Jastvorio sa Svoje dvije ruke?*“ (Sad, 75.)

﴿وَالْأَرْضُ جَمِيعًا قَبْضَتُهُ رَبِّ يَوْمَ الْقِيَمَةِ وَالسَّمَوَاتُ مَطْوِيَّاتٌ بِيَمِينِي﴾

„...a čitava će Zemlja na Sudnjem danu u šaci Njegovoj biti, a nebesa će u desnici Njegovoj smotana ostati.“ (Ez-Zumer, 67.)

﴿كُلُّ شَيْءٍ هَالِكٌ إِلَّا وَجْهُهُ﴾

„*Sve će, osim Njegovog lica propasti!*“ (El-Kasas, 88.)

﴿وَيَبْقَى وَجْهُ رَبِّكَ ذُو الْجَلَلِ وَالْإِكْرَامِ﴾

* Nije uobičajena upotreba riječi *radijallahu anbu* za nekoga drugog osim as-habe, ali ponekad učenici ili sljedbenici nekog imama iz posebnog poštivanja prema njemu upotrebe ove riječi. Uobičajeno je da se kaže *rabimehullah*. (prim. šer. rec.)

„A ostaje Lice tvoga Gospodara, Veličanstveno i Plemenito.“ (Er-Rahman, 27.)

﴿ تَعْلَمُ مَا فِي نَفْسِي وَلَا أَعْلَمُ مَا فِي نَفْسِكَ ﴾

„Ti znaš šta ja znam, a ja ne znam šta Ti znaš...“ (El-Maide, 116.)

﴿ كَتَبَ رَبُّكُمْ عَلَىٰ نَفْسِهِ الْرَّحْمَةَ ﴾

„Gospodar vaš je sam Sebi propisao da bude milostiv...“ (El-En'am, 54.)

﴿ وَأَصْطَانْعُكَ لِنَفْسِي ﴾

„...i Ja sam te za Sebe izabrazao.“ (Ta-ha, 41.)

﴿ وَيُحَدِّرُكُمْ اللَّهُ نَفْسَهُ ﴾

„Allah vas na Sebe upozorava.“ (Ali Imran, 28.)

Poslanik, sallallahu alejhi ve sellem, u hadisu o zalaganju kaže da će ljudi, nakon što dođu Ademu, reći: „Allah te je stvorio Svojom rukom i naredio melekima da ti sedždu učine, podučio te je imenima svih stvari...“²²⁷

Tumačenje onih koji kažu da se pod rukom misli na moć nije ispravno. Uzvišeni kaže:

﴿ لِمَا حَلَقْتُ بِيَدِي ﴾

„...koga sam Ja stvorio sa Svoje dvije ruke?“ (Sad, 75.)

Nije ispravno da značenje bude *Mojom moći* kada je Ruka spomenuta u dvojini. Da je to ispravno, Iblis bi rekao: „I mene si, također, stvorio Svojom moći, pa on nema posebnu vrijednost

²²⁷ Sahih; El-Buhari, 4/454, 464; Ahmed, 3/116; Hadis o zalaganju, iz Enesova hadisa.

nada mnom.“ Iblis je, i pored svoga nevjerstva, bolje poznavao svoga Gospodara od džehmija.

Oni nemaju dokaza u riječima Uzvišnog:

﴿أَوْلَمْ يَرَوْا أَنَّا خَلَقْنَا لَهُم مِّمَّا عَمِلْتُمْ أَيْدِيهِنَا أَنْعَمْنَا فَهُمْ لَهَا مَنِلُّكُونَ﴾^{vi}

„Kako oni ne vide da Mi sami, od onoga što su Naše ruke učinile, njima stoku stvaramo i da oni njome raspolažu kao vlasnici!“ (Ja-sin, 71.), jer je Uzvišeni naveo riječ *el-ejdi* - ruke u množini i spojio ih sa ličnom zamjenicom u množini, kako bi se obje množine podudarale. Oba termina ukazuju na vlasništvo i veličinu. Nije rekao *ejdi* bez određenoga člana, pripisujući ga ličnoj zamjenici u jednini, a nije ih naveo ni u dvojini pripisujući ih ličnoj zamjenici u množini.

Njegove riječi:

﴿مِمَّا عَمِلْتُمْ أَيْدِيهِنَا﴾

„od onoga što su Naše ruke učinile.“ (Ja-sin, 71.) nisu poput riječi: „Ono što Sam stvorio sa Svoje dvije ruke.“

Vjerovjesnik, sallallahu alejhi ve sellem, kaže o Allahu, azze ve dželle: „Njegov zastor je svjetlo, a da ga otkrije veličanstvenost Njegovog Lica bi spalila do čega Njegov pogled dođe od svega što je stvoreno.“²²⁸

Za ova svojstva se ne kaže da su organi, tjelesni udovi, aparati i krajevi, jer je *ruk* dio određene materije. Allah Uzvišeni je Jedan i o Njemu sve ovisi. Ne može se razdijeliti, subhanehu ve te'ala. Organi nose značenje rasparčavanja i cjepljanja, neka je Allah Uzvišen od toga! U ovom značenju su riječi Uzvišenog:

﴿الَّذِينَ جَعَلُوا الْقُرْءَانَ عِضِينَ﴾

„One koji Kur'an na dijelove dijele.“ (El-Hidžr, 91.)

²²⁸ Sahih.

Tjelesni udovi nose značenje sticanja i okorištavanja, a također i aparati, a to su alatke koje služe za donošenje koristi i otklanjanje štete. Uzvišeni je lišen svih ovih značenja. Zato se njihov spomen ne navodi u svojstvima Uzvišenog. Šerijatski termini imaju ispravna značenja i čisti su od neispravnih tumačenja. Isto tako, ne smije se zastranjujivati prilikom negacije ili potvrde od šerijatskih termina da bi tako bilo potvrđeno neispravno značenje ili se negiralo ispravno značenje. Svi ovi općeniti termini su na dohvatu onih koji im daju njihova prava, ili onih koji ih obesnažuju.

Pod terminom *pravac - el-džibe* misli se na nešto što postoji, a može se i misliti na nešto što (fizički) ne postoji. Poznato je da samo postoje Stvoritelj i stvorenja.

Ako se pod pravcem misli na postojeću stvar mimo Allaha, onda je taj *pravac* stvoren. Uzvišeni Allah ne može ničim biti obuhvaćen, nijedno od Njegovih stvorenja ga ne može obuhvatiti, neka je Uzvišen od toga!

Ako se pod pravcem misli na nepostojeću stvar koja je iznad svijeta, onda je tamo samo Allah Jedini.

Ako se kaže: „On, subhanehu ve te'ala, sa ovakvim tumačenjem je u pravcu“, a to je ispravno i znači da je On iznad ovoga svijeta gdje se završavaju stvorenja, On je iznad svih. On je Uzvišen nad njima.

Oni koji negiraju termin *pravac* a time žele negirati uzvišenost, spominju neke dokaze kao: „Svi pravci su stvoreni. On, subhanehu ve te'ala, je bio prije pravaca. Ko kaže da je On u određenom pravcu, mora reći da je dio svijeta oduvijek, te da je bio neovisan o pravcu, a zatim je postao vezan za njega.“

Ovi i slični termini ukazuju da On Uzvišeni nije vezan ni za jedno stvorenje, svejedno nazivalo se ono pravac ili ne. Ovo je istina. Međutim, pravac nije postojeća stvar, već apstraktna. Nema sumnje da pravci nemaju granica. Ono što ne postoji u onome što je bezgranično, ne može se ni smatrati postojećim.

Autor, Allah mu se smilovao, kaže: „**Šest dimenzija Ga ne mogu obuhvatiti kao što je slučaj sa Njegovim stvorenjima**“, a to je istina s obzirom na to da Ga nijedno stvorenje ne može obuhvatiti, a zapravo, On sve obuhvata i On je iznad svega. Autor je htio istaći ovo značenje, jer će se u njegovom govoru navesti „**Uzvišeni obuhvata sve i iznad svega je**“.

Kada se objedine ova dva njegova navoda: „**Šest dimenzija Ga ne mogu obuhvatiti kao što je slučaj sa Njegovim stvorenjima**“ i „**Obuhvata sve i iznad svega je**“, zna se da mu je cilj istaći da Allah Uzvišeni nije sadržan ni u čemu, niti je obuhvaćen nečim, što je slučaj sa ostalim stvorenjima. Uzvišeni sve obuhvata i Uzvišen je iznad svake stvari.

Preostale su još dvije stvari iz njegovog govoru:

Prvo: Upotrebu termina poput ovih, uz svu općenitost i nedečinost, je preče izbjegavati, a u suprotnom će nadvladati i nemino-vno dovesti u kontradiktornost pri potvrdi obuhvatanja uzvišenosti i negiranja pravca uzvišenosti. Iako je u prethodno navedenim riječima dat odgovor, tako što je negirao da Ga Njegova stvorenja sadrže i obuhvataju, pridržavanje serijatskih termina je preče.

Druge: Iz njegovih riječi „**Poput ostalih stvorenja**“ shvata se da nema nijedne nove stvari (stvorenja), a da nije obuhvaćeno. Ovo je diskutabilno. Ako je želio reći da su obuhvaćeni postojećom stvari, onda je nemoguće. Svijet nije okružen drugim svjetom, u suprotnom bi to nalagalo lančani poredak. Ako je želio istaći nepostojeću činjenicu, onda svaka stvorena stvar nije okružena nepostojanjem. Neke su unutar drugih, kao što su nebesa i zemlja u Kursiju i sl. Neki su krajnji, kao Arš. Krov svijeta nije u nečemu drugom stvorenom, a time se, kao što je rečeno, prekida lančani poredak.

Na ovu problematičnost može se odgovoriti i sljedećim:

Riječ *sair* znači: *ostala stvorenja*, a ne sva. Ovo je temeljno značenje. Od ove riječi dolazi i riječ *su'r*, a znači ostatak vode iza onoga koji ju je popio. Tako je autor želio istaći *većinu* stvorenja, a ne sva, jer *sairun* bolje ukazuje na većinu, nego na sve. Zato značenje glasi:

Uzvišeni Allah nije sadržan u nečemu kao što je slučaj sa većinom stvorenja. On nije obuhvaćen ničim, neka je Uzvišen od toga! Ne mislimo da šejh, Allah mu se smilovao, spada među one koji zagovaraju da Allah nije unutar niti van svijeta, negirajući ove dvije odredbe, kao što to misle neki komentatori. On želi reći: Uzvišeni je čist da bi Ga neko od Njegovih stvorenja okruživao ili da bi bio ovisan o nekom od njih, kao što je Arš i dr.

O potvrди ovog navoda od imama Ebu-Hanife, radijallahu anhu, postoji predostrožnost. Njegovi takmaci su ga osudili za stvari koje su daleko lakše od ove.

Kada bi čuli govor poput ovoga, od njih bi se pročula osuda. Ebu-Muti' el-Belhi²²⁹ od njega prenosi potvrdu uzvišenosti, kao što će biti spomenuto kasnije, inšallah te'ala. Vanjština ovog navoda nalaže negaciju, a slično nije navedeno ni u Kur'anu ni u Sunnetu. Zato kažem da treba imati predostrožnosti prilikom potvrde ovog navoda od imama Ebu-Hanife. Najpreče je izraziti neopredijeljenost o korištenju ovog navoda. Ovakav navod nosi sa sobom opasnost, za razliku od navoda koji se spominje od Zakonodavca, kao što su uzvisivanje, silazak i sl. Ko od nezNALICA pomisli da Uzvišenom, kada siđe na zemaljsko nebo²³⁰ kao što je obavijestio Istino-ljubivi, sallallahu alejhi ve sellem, Arš bude iznad Njega, tj. da bude između dva nivoa svijeta, njegovo mišljenje je suprotno koncenzusu ispravnih prethodnika, kao i Kur'anu i Sunnetu.

Šejhul-islam Ebu-Osman Ismail b. Abdur-Rahman es-Sabuni kaže: „Čuo sam učitelja Ebu-Mensura b. Hammada²³¹ da je poslije prenošenja hadisa o spuštanju rekao: 'Ebu-Hanife, radijallahu anhu, je o tome upitan, pa je rekao: Spušta se, bez upita o kakvoći.'“

²²⁹ On je Hakem b. Abdullah. Ubraja se u velike drugove Ebu-Hanife i velike pravnike hanefijskog pravca. Ibnul-Mubarek ga je mnogo poštovao i uvažavao zbog njegove vjere i njegova znanja. Umro je 199. h.g.

²³⁰ Muttefekun alejhi; El-Buhari, 1145; Muslim, 758; čak je i mutevatir. Navodi se u *Irvaul-galil*, 450. *Sabihul-džami'i-s-sagir*, 1914.

²³¹ On je autoritet, asketa, autor mnogih djela, Muhammed b. Abdullah b. Muhammed b. Hamšaz en-Nejsaburi eš-Šafi'ij. Umro je 388. h.g.

Neki su, prema ovome, ostali neopredijeljeni zbog slabosti zna-nja o značenjima Kur'ana, Sunneta i izreka Ispravnih prethodnika. Zato neki negiraju da je On iznad Arša, već kažu: „Niti je odvojen, niti je pri njemu, niti je unutar nit izvan svijeta.“ Tako Mu daju svo-jstva nepostojanja i nemogućnosti. Oni Ga ne opisuju onim čime je opisao Sebe u vidu uzvišenosti iznad Arša.

Neki kažu: „On je utjelovljen u svemu postojećem“, ili kažu: „On postoji u svemu postojećem i sl.“ Neka je Allah uveliko Uzvi-šen od onoga što govore nepravedni i poricatelji!

Nešto kasnije će, sa više pojašnjenja, doći potvrda Allahove oso-bine uzvišenosti, kada bude govora o autorovim riječima: „On sve obuhvata i iznad svega je“, inšallahu te'ala.

Isra' i Mi'radž

Autor kaže: „Mi'radž (uspinjanje) je istina. Vjerovjesnik, sallallahu alejhi ve sellem, je poveden na noćno putovanje (El-Isra') i na javi je uzdignut na nebo, zatim je doveden do uzvišenosti (visine) koju je Allah htio, a On ga je počastio či-me je htio. Dao mu je objavu, a 'Srce nije poreklo ono što je vidio'. Neka je salavat i selam na njega na ahiretu i dunja-luku.“

Mi'radž je izvedenica od riječi *urudž*, tj. sredstvo kojim se uspi-nje, poput ljestvi. Međutim, ne zna mu se kakvoća, a za njega važi propis kao i za ostale nevidljive stvari (gajb). Mi vjerujemo u Mi'radž i ne zaokupiramo se njegovom kakvoćom.

Autorove riječi: „Vjerovjesnik, sallallahu alejhi ve sellem, je poveden na noćno putovanje (El-Isra') i na javi je uzdignut na nebo.“

Postoji razilaženje oko Isra'a.

Rečeno je: Noćno putovanje El-Isra' je bilo dušom, a njegovo tijelo nije bilo odsutno. Ibn-Ishak²³² od Aiše i Muavije, radijallahu anhumā, to prenosi. Slično se prenosi od El-Hasena el-Basrija. Međutim, treba poznavati razliku da se kaže: „Noćno putovanje je bilo u snu” i „Bilo je dušom bez tijela”. Između njih postoji ogromna razlika. Aiša i Muavija, radijallahu anhumā, nisu rekli: „Bilo je u snu”, nego: „Poveden je na noćno putovanje dušom, a njegovo tijelo nije bilo odsutno”.

Razlika između ovoga dvoga je: Ono što čovjek vidi u snu mogu biti navedeni primjeri poznatih stvari u obliku koji se osjeća čulima. Tako možda vidi da je uzdignut ka nebu, da je odveden u Mekku, a njegova duša se nije uspela i nije otisla, već mu je melek zadužen za snove naveo primjer. Njih dvoje nisu željeli reći da je noćno putovanje bilo u snu, nego da je sama duša povedena na noćno putovanje napustivši i vrativši se u tijelo. Aiša i Muavija su smatrali ovo Poslanikovim, sallallahu alejhi ve sellem, specifičnostima, jer duše drugih ne mogu dobiti potpuno uspinjanje ka nebu osim poslije smrti.

Greška onih koji kažu da su se Isra' i Mi'radž ponavljali

Rečeno je: Noćno putovanje je bilo dva puta. Jednaput na javi, a drugi put u snu. Zastupnici ovog mišljenja kao da su željeli objediniti Šurejkov hadis i riječi Poslanika, sallallahu alejhi ve sellem: „Zatim sam se probudio” sa ostalim predajama.

Isto tako, neki su rekli: Noćno putovanje je bilo dva puta: Jedanput prije Objave, a drugi put poslije.

²³² On je Muhammed b. Ishak b. Jesar b. Hijar, autoritet, hafiz, historičar, Ebu-Bekr. Autor je poznatog djela *Siretu nebevijje*. Vidio je Enes b. Malika i Se'ida b. Musejeba. Umro je 152. h.g.

Neki su rekli: Bilo je tri puta, jedanput prije Objave, a dva puta poslije.

Kada im god terminologija predaja ne bude jasna, oni dodaju jedno noćno putovanje da bi je usaglasili. Ovo čine slabi učenjaci u hadisu, a imami u predajama zastupaju sljedeće:

Noćno putovanje je bilo jedanput u Mekki, poslije nastupanja poslanstva i prije Hidžre na godinu dana. Rečeno je: Prije na godinu i dva mjeseca, što prenosi Ibn Abdul-Berr²³³.

Šemsuddin b. el-Kajjim²³⁴ kaže: „Čuditi se ovima koji tvrde da je noćno putovanje bilo više puta. Kako im može biti primjereno da misle da mu je svaki put propisano pedeset namaza, a zatim je išao od Gospodara do Musaa dok broj namaza nije sveden na pet, pa je rekao: *'Uspostavio sam obavezu i olakšao Svojim robovima'*, a potom ih opet vrati na pedeset, a zatim ponovo spusti na pet?! Neki učenjaci su rekli da je Šurejk pogriješio u terminima hadisa o noćnom puto-vanju. Muslim je naveo predaje sa lancem prenosilaca, a zatim re-kao: 'Nekim stvarima je dao prednost, neke je stavio pozada, dodao je i oduzeo.'”²³⁵ I nije naveo hadis. Lijepo je to rekao, Allah mu se smilovao. Završen je citat šejha Sesmuddina, Allah mu se smilovao.

²³³ On je imam, autoritet, hafiz sa Zapada, šejhul-islam Ebu-Omer Jusuf b. Abdullah b. Muhammed b. Abdul-Berr b. Asim en-Nemer el-Endelusi el-Kurtubi el-Maliki. Autor je poznatog djela *Et-Tembid*. Umro je 463. h.g.

²³⁴ On je imam, hafiz, valorizator, poznavaoc usula, fikha, akideta, ar. Gramatički. Autor je mnogih vrijednih djela. Družio se sa šejhul-islamom Ibnu-Tejmijjom otprilike 16. godina. Mnogo ga zavolio, pomogao njegovo učenje i širio ga. Mnoge njegove knjige je skratio i prilagodio. Bio je poznat po mnogom namazu, lijepom učenju Kur'ana, lijepom ponašanju. Umro je 751. h.g.

²³⁵ *Zadul-Me'ad*, 3/42; izdavačka kuća Er-Risala.

Hadis o Isra'u i Mi'radžu

U hadisu o noćnom putovanju se prenosi da je Poslanik, sallallahu alejhi ve sellem, bio na javi, prema vjerodostojnom mišljenju, tj. noćno putovanje je bilo iz Mesdžidul-Harama u Mesdžidul-Aksa. Jahao je na Buraku u društvu Džebraile, alejhisa-selam. Tamo je odsjeo i vjerovjesnicima bio predvodnik u namazu. Buraka je svezao za halku na vratima Mesdžida.

Rečeno je: Odsjeo je u Betlehemu i tamo je klanjao, ali to nikako nije vjerodostojno potvrđeno.

Potom je iz Bejtul-Makdisa te noći uzdignut na dunjalučko nebo. Džibril je zatražio da se otvorí, pa im je otvoreno. Tamo je video praoca Adema koji ga je poselamio, izrazio mu dobrodošlicu i odvratio mu na selam. Priznao je njegovo vjerovjesništvo.

Potom je uzdignut na drugo nebo, a Džibril mu je zatražio dozvolu za ulazak i na njemu video Jahja b. Zekerijaa i Isaa sina Merjeminog. Susreo ih je, poselamio, odvaratili su mu na selam, izrazili dobrodošlicu i potvrdili njegovo vjerovjesništvo.

Potom je uzdignut na treće nebo i na njemu je video Jusufa koji ga je poselamio, izrazio mu dobrodošlicu i potvrdio njegovo vjerovjesništvo.

Potom je došao na četvrto nebo i na njemu video Idrisa, a on ga je poselamio, izrazio mu dobrodošlicu i potvrdio njegovo vjerovjesništvo.

Potom je poveden na peto nebo i na njemu video Haruna b. Imrana koji ga je poselamio, izrazio mu dobrodošlicu i potvrdio njegovo vjerovjesništvo.

Potom je uzdignut na šesto nebo i tamo susureo Musaa, koji ga je poselamio, izrazio dobrodošlicu i potvrdio njegovo vjerovjesništvo. Kada ga je prešao, Musa zaplaka. Rečeno mu je: „Šta te je ras-

plakalo?" Odgovorio je: „Plaćem, jer je mladić poslan poslije mene, a od njegovog naroda će više ući u Džennet nego od moga.”

Potom je uzdignut na sedmo nebo i tamo susreo Ibrahima koji ga je poselamio, izrazio mu dobrodošlicu i potvrdio njegovo vjero-vjesništvo. Potom je uzdignut na Sidretul-Munteha gdje mu je uzdignut El-Bejtul-Ma'mur, a potom je uzdignut do Silnoga, azze ve dželle, neka su Njegova imena uzvišena. Približio mu se na dva luka, ili manje od toga.

Objavio je Svome robu što je objavio, naredio mu je pedeset namaza, pa se Poslanik, sallallahu alejhi ve sellem, vratio sve dok nije ponovno naišao na Musaa. Upitao ga je: „Šta ti naređeno?" Rekao je: „Pedeset namaza." Rekao mu je: „Tvoj narod to neće moći podnijeti. Idi svome Gospodaru i moli Ga da olakša tvom ummetu."

Okrenuo se Džebrailu kao da od njega traži savjeta o tome, pa mu je on gestikulacijom pokazao: „Da, ako želiš." Džibril ga je poveo do Silnoga, tebareke ve te'ala, a On je bio na Svome mjestu (ovo su El-Buharijevi termini u *Sabihu* - u nekim predajama), pa mu je smanjio broj namaza za deset, a potom je ponovno došao do Musaa i obavijestio ga o tome.

Rekao mu je: „Vrati se svome Gospodaru i moli Ga za olakšanje." Neprestano je išao od Musaa do Allaha, tebareke ve te'ala, sve dok broj namaza nije smanjen na pet.

Musa mu je naredio da se vrati i da ponovno traži olakšanje, pa je rekao: „Postidio sam se svoga Gospodara. Bit ću zadovoljan i predan." Kada je prošao, glasnik je povikao: „Svoju obavezu sam sproveo i Svojim robovima olakšao.”²³⁶

²³⁶ Hadis o El-Israu je ispravan, a ovdje je sastavljen iz više različitih hadisa, osim što je spomenuto približavanje iz konteksta predaje Šurejka b. Abdullahe b. Ebi-Nimra za kojeg su hafizi hadisa rekli da je počinio grešku u hadisu o El-Israu, što je pisac prethodno spomenuo. Od njih je i predaja sa ovim terminima, kao što je pojasnio Hafiz Ibn-Kesir u tefsiru sure El-Isra', a prije njega i El-Bejheki u *El-Esma' ves-sifat*, str. 440-442.

Prethodno je spomenuto razilaženje ashaba oko Poslanikovog, sallallahu alejhi ve sellem, viđenja Gospodara, azze ve dželle, okom. Rečeno je da je ispravno da Ga je vidio svojim srcem, a ne okom. Uzvišeni kaže:

﴿ مَا كَذَبَ الْفُؤَادُ مَا رَأَى ﴾

„Srce nije poreklo ono što je video?“ (En-Nedžm, 11.)

﴿ وَلَقَدْ رَأَاهُ نَزْلَةً أُخْرَى ﴾

„On ga je i drugi put video.“ (En-Nedžm, 13.)

Vjerodostojno se prenosi od Vjerovjesnika, sallallahu alejhi ve sellem, da je on tada video Džibrila, a video ga je dva puta u liku u kojem je stvoren.²³⁷

Riječi Uzvišenog u suri En-Nedžm:

﴿ ثُمَّ دَنَا فَتَدَلَّى ﴾

„Zatim se približio, pa nadnio“, ne označavaju približavanje i prilazak koji su spomenuti u kazivanju o El-Israu. U suri En-Nedžm se navodi približavanje i prilazak Džebraila, kao što kažu Aiša i Ibn-Mes'ud, radijallahu anhuma. Uzvišeni kaže:

﴿ عَلَيْهِ شَدِيدُ الْقُوَى ﴾ ذُو مِرَّةٍ فَآسَتَوْيَ ﴿ وَهُوَ بِالْأَفْقِ الْأَعْلَى ﴾ ثُمَّ دَنَا فَتَدَلَّى ﴾

„Uči ga jedan ogromne moći; Snažni, koji se pojavio u liku svome. Na obzoru najvišem. Zatim se približio, pa nadnio.“ (En-Nedžm, 5-8.)

Sve lične zamjenice se vraćaju na ovog snažnog i žestokog učitelja. Približavanje i prilazak koji se navodi u hadisu El-Israa jasno govori da se odnose na približavanje i prilazak Gospodaru Uzvišenom. Navodi u suri En-Nedžm

²³⁷ Muttefekun alejh; El-Buhari, 4855; Muslim, 177.

﴿ وَلَقَدْ رَأَاهُ نَزَّلَةً أُخْرَى ﴾

„*On ga je i drugi put vidio*“; odnose se na Džebraila. Vidio ga je dva puta: jedanput na zemlji, a drugi puta kod Sidretul-munte-haa.

Od dokaza koji ukazuju da je Noćno putovanje bilo tijelom na javi su i riječi Uzvišenog:

﴿ سُبْحَانَ اللَّهِ الَّذِي أَسْرَى بِعَبْدِهِ لَيْلًا مِنَ الْمَسْجِدِ الْحَرَامِ إِلَى الْمَسْجِدِ الْأَقْصَا ﴾

„*Uzvišen neka je Onaj Koji je u jednom času noći preveo Svoga roba iz Mesdžid-Harama u Mesdžidul-Aksa...*“ (El-Isra', 1.)

Rob je termin kojim se izražava sklop duše i tijela, kao što je termin insan, također, naziv za sastav tijela i duše. Ovo je poznato u upotrebi, a i ispravno je. Noćno putovanje je bilo sa ovim sklopom, a to nije razumom nepojmljivo. Kada bi bilo dozvoljeno nemogućim smatrati uspinjanje ljudi, bilo bi dozvoljeno smatrati nemogućim i spuštanje meleka. To vodi u nijekanje vjerovjesništva, što je jasno nevjerstvo.

Mudrost putovanja do Bejtul-Makdisa

Ako se kaže: Kakva je, prije svega, mudrost noćnog putovanja ka Bejtul-Makdisu?

Odgovor glasi, a Allah najbolje zna: Noćno putovanje je bilo manifest istinitosti Poslanikove, sallallahu alejhi ve sellem, tvrdnje da je bio na Mi'radžu kada su ga Kurešije, nakon završetka ovog događaja, pitale za uspinjanje ka nebu iz Mekke. Da ih je obavijestio o stvarima na nebesima ne bi mogli vidjeti šta je na njima i

uvjeriti se u njegovu istinitost, ali su mogli vidjeti Bejtul-Makdis, a on ih je obavijestio o njegovom opisu.

U hadisu o Mi'radžu je, iz više aspekata, dokaz potvrde Allaha-vog svojstva uzvišenosti onome ko razmišlja, a Allah daje uputu.

Havd i njegove osobine

Autor kaže: „**Havd (Izvor), kojim ga je Allah Uzvišeni počastio da iz njega piće njegov ummet, je istina.**“

Navedeni hadisi o Havdu dostižu stepen kategoričnosti (tevatura) s obzirom na veliki broj prenosilaca. Prenosi ih više od trideset ashaba. Sve njihove pravce predaja je istražio naš šejh Imaduddin b. Kesir²³⁸, neka ga Allah Uzvišeni obaspe Svojom milošću, na kraju svoje knjige *Velika historija* koja se, također, naziva *El-Bidaje ven-nihaje* (Početak i kraj).

Od tih predaja su i sljedeće:

El-Buhari, Allah mu se smilovao, prenosi od Enesa b. Malika, radijallahu anhu, da je Allahov Poslanik, sallallahu alejhi ve sellem, rekao: „*Veličina moga Izvora je poput razdaljine između Ejle i San'e u Jemenu. Na njemu (izvoru) su ibrici čiji je broj poput broja zvijezda na nebu.*“²³⁹

Od Vjerovjesnika, sallallahu alejhi ve sellem, se prenosi da je rekao: „*Priči će mi na Izvoru ljudi iz reda mojih drugova. Kada ih prepoznam, bit će udaljeni od mene. Reći ću: 'To su moji drugovi.', pa će reći: 'Ne znaš šta su uveli poslije tebe.'*“²⁴⁰ Prenosi ga Muslim.

²³⁸ On je imam, autoritet, hafiz Isma'il b. Omer b. Kesir Imaduddin Ebul-Fida, autor poznatog tefsira *Tefsir el-Kur'ani el-Azim*. Umro je 774.h.g.

²³⁹ Sahih; Ahmed, 3/225, 238; sa oba ispravna lanca; U jednoj predaji je dodao: „Ibrići od zlata i srebra.“, a to je Muslimova predaja, 2303; El-Buhari, 6580.

²⁴⁰ Sahih; El-Buhari, 6582; da ga je njemu autor pripisao bilo bi preče, jer je terminologija njegova, a Muslimova terminologija ovog hadisa je slična, 2304.

Imam Ahmed prenosi od Enesa b. Malika da je rekao: „Allahov Poslanik, sallallahu alejhi ve sellem, je drijemajući zaspao, pa je podigao glavu i nasmiješio se. Ili je on njima ili su oni njemu rekli: 'Zašto se smiješ?' Allahov Poslanik, sallallahu alejhi ve sellem, je rekao: 'Objavljeni mi je sura.' Proučio je: 'U ime Allaha, Svemilosnog, Milostivog. Uistinu smo ti dali El-Kevser...'”

﴿ إِنَّا أَعْطَيْنَاكَ الْكَوْثَرَ ﴾

„**Mismo ti, uistinu, Kevser dati.**“ (El-Kevser, 1.), pa je ovu suru proučio do kraja. Rekao im je: 'Znate li šta je el-Kevser?' Odgovorili su: 'Allah i Njegov Poslanik, sallallahu alejhi ve sellem, najbolje znaju.' Rekao je: 'To je rijeka koju mi je dao moj Gospodoar u Džennetu. U njoj je mnogo dobro. Moj ummet će doći na Sudnjem danu da se sa nje napoji. Na njoj ima posuda poput broja zvijezda. Neki čovjek će biti od njih izdvojen, pa će reći: 'Gospodaru, on je od mog ummeta!' A onda će mi se reći: 'Ti ne znaš šta su poslije tebe novo uveli.'“²⁴¹ Prenosi ga i Muslim, a glasi: „To je rijeka koju mi je moj Gospodar obećao. U njoj ima mnogo dobro. To je izvor kojem će moj ummet prići radi napajanja.” Ostatak hadisa je isti.

To znači da će se u Izvor (Havd) ulijevati dva velika mlaza iz rijeke El-Kevser.

Havd je prije Mizana i Sirata

Havd će se nalaziti na prostranstvima prije Sirat-ćuprije, jer će neki od njega biti udaljeni i spriječeni. To su oni koji su se odmetnuli. Oni neće prelaziti preko Sirat-ćuprije.

²⁴¹ Sahih; u *Musnedu*, 3/102; sa ispravnim lancem prenosilaca prema Muslimovim uslovima. Navodi ga u svome *Sahibu*, kao što je autor spomenuo.

El-Buhari i Muslim prenose od Džunduba b. Abdullaha el-Bedželija da je rekao: „Čuo sam Allahovog Poslanika, sallallahu alejhi ve sellem, kako govori: 'Ja sam vaš predvodnik na Havdu.'”²⁴²

El-Buhari prenosi od Sehla b. Sa'da el-Ensarija da je Allahov Poslanik, sallallahu alejhi ve sellem, rekao: „Ja ću najprije doći na Havd. Ko pored mene prođe, napit će se, a ko se napije, nikada neće ožednjeti. Doći će mi ljudi koje znam i koji mene poznaju, a zatim će oni od mene biti udaljeni.”²⁴³

Ebu-Hazim kaže: „Čuo me je En-Nu'man b. Ebi-Ajaš pa je upitao: 'Zar si tako čuo da Sehl govori?' Odgovorio sam: 'Da.' Tada je rekao: 'Svjedočim da sam čuo Ebu-Seida el-Hudrija da je dodao: 'Oni su od moga ummeta.'' Rekao je: 'Ti ne znaš šta su oni kao novo poslije tebe uveli.' Reći će: 'Neka su udaljeni, neka su udaljeni oni koji su uvodili promjene poslije mene.'”²⁴⁴

Opis Havda na osnovu hadisa

Iz navedenih hadisa koji se navode o opisu Havda zaključuje se da je Havd velik, da je to veliki izvor koji se napaja iz džennetskog pića, iz rijeke El-Kevser koja je bjelja od mlijeka, hladnija od leda, slađa od meda, mirisnija od mošusa, krajnje je široka, a širina i dužina su joj iste. Od jednog do drugog kraja ima mjesec putovnja. U nekim hadisima se navodi da što se više piće sa ovog Izvora više će se povećavati i širiti, te da u njemu rastu misk, sitni biser, i zlatno pruće, a da daje plodove u bojama nakita. Neka je Uzvišen Stvoritelj Kojem ništa ne može umaći. U nekim hadisima se navodi da će svaki vjerovjesnik imati izvor, a da je izvor našeg vjerovje-

²⁴² Muttefekun alejhi; El-Buhari, 6589; Muslim, 2289. Hadis je mutevatir. Prenosi ga Ibn Ebi-Asim u *Es-Sunnetu* od devet ashaba, 736-746. Ja sam na njih dodao još devet drugih u knjizi *Zilalu-Dženneh*, 347.

²⁴³ Sahih; Muslim, 7/66; *Zilalu-Dženneh*, 741-743.

²⁴⁴ El-Buhari; 7050; Muslim, 2290. Autor ga je spomenuo samo po značenju.

snika najveći, najslađi i da će se najviše na njega dolaziti.²⁴⁵ Neka nas Allah, iz Svoje blagodati i počasti, učini od njih.

Učenjak Ebu-Abdullah el-Kurtubi²⁴⁶ u knjizi *Et-Teżkire* kaže: „Postoji razilaženje oko Havda i Vage. Šta će prije biti? Neki su rekli Vaga, a neki Havd.“

Ebul-Hasen el-Kabisi²⁴⁷ kaže: „Ispravno je da će Havd biti prije.“

El-Kurtubi kaže da tako samo značenje nalaže. Ljudi će izaći žedni iz svojih kaburova, kao što je prethodno rečeno, tako da će Havd biti prije Vage i Sirat-ćuprije.

Ebu-Hamid el-Gazali, Allah mu se smilovao, u knjizi *Otkrivenje znanja o abiretu*, kaže: „Neki ispravni prethodnici, poznati autori, pričaju da će se Havdu prilaziti poslije Sirat-ćuprije.“ Ovo je greška.

El-Kurtubi kaže: „Ispravno mišljenje je kao što kaže Ebul-Hasen.“ Potom je rekao: „Nemoj ni pomisliti da je to na ovoj zemlji, nego na *zamijenjenoj zemlji* tj. bijeloj zemlji poput srebra na kojoj se nije prosipala krv i na kojoj se nikada nikome nije učinila nepravda. Ta zemlja će se pojaviti radi spuštanja Silnog, azze ve dželle, da bi donio konačnu presudu.“

Allah ubio one koji niječu postojanje Havda! Najprimjernije za njih je da budu spriječeni da mu priđu na Dan velikog žednila.

²⁴⁵ Hasen; Et-Tirmizi, 2/67; Kaže da je garib, a zatim spominje da je naveden kao mursel, rekavši da je to ispravnije. Et-Taberani u *Et-Medžme'*, 1/263 kaže: „U predaji je Mervan b. Džafer es-Semri kojeg Ibn Ebi-Hatim smatra povjerljivim.“ El-Fazdi kaže: „O njemu su govorili, a ostatak prenosilaca je povjerljiv.“ Našao sam predaje koje ojačavaju ovaj hadis i naveo ga u *Es-Sabiba*, 1589.

²⁴⁶ On je Ebu-Abdullah Muhammed b. Ahmed b. Ebi-Bekr Ferh el-Ensari el-Hazredži el-Maliki. Autor je poznatog tefsira koji ponajbolje govori o veličini njegova znanja. Umro je 656. h.g.

²⁴⁷ On je imam, hafiz, fakih, učenjak sa Zapada, Ebul-Hasen Alija b. Halef el-Kabisi el-Maliki. Umro je 403. h.g.

Šefa'at-Zalaganje i njegove vrste

Autor kaže: „**Šefa'at (zalaganje) koji je pohranio za taj dan je istina, kao što se navodi u predajama.**“

Zalaganja ima više vrsta. Oko nekih postoji konsenzus učenjaka, a u nekim se suprotstavljuju mu'tezile i njima slični novotari.

Prva vrsta: Prvo zalaganje, a ono je i najveće. Pošebno je određeno samo za našeg Vjerovjesnika, sallallahu alejhi ve sellem, između ostale njegove braće iz reda vjerovjesnika i poslanika, neka je na njih sve Allahov blagoslov i spas.

U oba *Sahiba* i u drugim zbirkama od grupe ashaba, radijallahu anhum, se prenose hadisi o šefa'atu.

Od Ebu-Hurejre, radijallahu anhu, se prenosi da je rekao: „Allahovom Poslaniku, sallallahu alejhi ve sellem, je doneseno meso, pa mu je data prednja plećka koju je volio. Odgrizao je, a zatim rekao: 'Ja sam predvodnik ljudi na Sudnjem danu. Znate li zašto je tako? Allah će prve i zadnje sabrati na jednom prostranstvu, pa će ljudi jedni drugima reći: Vidite li u čemu ste? Vidite li dokle ste dospjeli? Zar nećete pogledati da se neko za vas zalaže kod vašeg Gospodara?' Ljudi će jedni drugima reći: 'Vaš otac Adem.'"

Doći će Ademu i reći: 'O Ademe! Ti si otac čovječanstva. Zalaži se za nas kod tvoga Gospodara. Zar ne vidiš u šta smo zapali? Zar ne vidiš dokle smo dospjeli?' Adem će reći: 'Moj Gospodar se danas razljutio kako se nikada prije nije razljutio, a poslije se nikada neće slično razljutiti. Zabranio mi je drvo, pa sam Mu ja nepokoran bio. Moja duša, moja duša! Moja duša, moja duša! (tj. za sebe se brinem). Idite nekom drugom. Idite Nuhu.'

Doći će Nuhu i reći: 'O Nuhu! Ti si prvi poslanik stanovncima zemlje. Allah te je nazvao zahvalnim robom. Zalaži se za nas kod svoga Gospodara. Zar ne vidiš u čemu smo? Zar ne vidiš do čega smo dospjeli?' Nuh će reći: 'Moj Gospodar se danas rasrdio kako se nikada nije prije rasrdio, a tako se nikada poslije neće rasrditi. Ja

sam imao molbu kojom sam molio protiv moga naroda. Moja duša, moja duša! Moja duša, moja duša! Idite nekom drugom. Idite Ibrahimu.'

'Doći će Ibrahimu, pa reći: 'O Ibrahime! Ti si Allahov vjerovjensnik i Njegov prisni prijatelj od stanovnika zemlje. Zar ne vidiš u čemu smo? Zar ne vidiš do čega smo dospjeli?' Reći će: 'Moj Gospodar se danas tako rasrdio da se nije slično nikada prije rasrdio, a neće se poslije nikada tako rasrditi.' Spomenuo je svoje laži (simulacije). 'Moja duša, moja duša! Moja duša, moja duša! Idite nekome drugome. Idite Musau.'

Doći će Musau i reći: 'O Musa! Ti si Allahov poslanik. Allah te je odabrao nad Svojim poslanicama i odlikovao te je govorom s tobom u odnosu na ostale ljude. Zalaži se za nas kod svoga Gospodara. Zar ne vidiš u čemu smo? Zar ne vidiš do čega smo dospjeli.' Musa će im reći: 'Moj Gospodar se danas rasrdio, a nikada prije se nije tako rasrdio, i nikada se poslije neće tako rasrditi. Ja sam ubio čovjeka, a nije mi bilo naređeno da ga ubijem. Moja duša, moja duša! Moja duša, moja duša! Idite nekom drugom, idite Isau.'

Doći će Isau i reći: 'O Isa! Ti si Allahov Poslanik, sallallahu alejhi ve sellem, i Njegova riječ koju je dao Merjemi i duša od Njega.' Rekao je: 'Tako je!' 'Sa ljudima si govorio u kolijevci. Zalaži se za nas kod svoga Gospodara. Zar ne vidiš u čemu smo? Zar ne vidiš do čega smo dospjeli?' Isa će im reći: 'Moj Gospodar se danas rasrdio kako se nikada prije nije rasrdio, a neće se nikada poslije tako rasrditi.' Nije spomenuo svoj grijeh. 'Idite nekome drugom, idite Muhammedu, sallallahu alejhi ve sellem, pa će mi doći i reći:

'O Muhammedel! Ti si Allahov Poslanik, sallallahu alejhi ve sellem, i Pečat svih vjerovjesnika. Allah ti je oprostio sve prethodne i buduće grijehe. Zalaži se za nas kod svoga Gospodara. Zar ne vidiš u čemu smo? Zar ne vidiš do čega smo dospjeli?' Ustat će i doći pod Arš. Past će na sedždu svome Gospodaru, azze ve dželle. Allah će me nadahnuti kako da Ga na najljepši način hvalim, što nikada nikome prije mene nije omogućio.

Reći će se: *Muhammed, podigni svoju glavu. Moli, dat će ti se, zalazi se, tvoje zalaganje će biti primljeno.*

Reći će: 'Gospodaru, moj ummet, moj ummet! Gospodaru, moj ummet, moj ummet! Gospodaru, moj ummet, moj ummet!"'

Reći će: *Od svoga ummeta uvedi one koji neće polagati račun na desna vrata Dženneta. Oni će biti sa ljudima u svemu drugom osim pri ulasku na ta vrata.*

Potom je rekao: 'Tako mi Onoga u čijoj je ruci moja duša, između dva kraja džennetskih vrata je razdaljina kao između Mekke i Hedžera, ili kao između Mekke i Basre.'"²⁴⁸

Prenosi se u oba *Sabiha* po značenju, a termini hadisa su navedeni kod imama Ahmeda.

Uveliko se čuditi da imami o ovome hadisu navode nekoliko različitih puteva, a ne spominju pitanje prvog šefa'ata i dolazak Gospodara, subhanahu ve te'ala, radi konačne presude, kao što se navodi u hadisu o Suru. To se na ovom mjestu želi i zahtijeva shodno kontekstu na početku hadisa. Ljudi će tražiti zalaganje od Adema, a onda i od ostalih vjerovjesnika da bi se donijela presuda među ljudima i da bi se odmorili od stajanja, a na to ukazuju drugi konteksti iz drugih predaja hadisa. Kada dođu do spomena kazne, onda navode šefa'at koji se odnosi na griešnike iz ovog ummeta i njihovog izlaska iz vatre. Skraćenim spominjanjem ovog dijela hadisa, željeli su time dati repliku haridžijama i njihovim sljedbenicima mu'tezilama koji su negirali da će iko izaći iz Vatre poslije ulaska u nju. Oni spominju ovaj dio hadisa u kome se nalazi jasan tekst o replici njima u pogledu novotarije koju zastupaju, a koja je suprotna hadisima. O tome postoji otvoren navod u hadisu koji govori o Suru. Da se ne plašim da će odužiti spomenuo bih ga u cijelosti, ali iz sadržaja izdavajam:

²⁴⁸ Sahih; u *El-Musnedu*, 2/435; sa lancima prenosilaca iz oba *Sabiha*. Navodi se u *Zilalul-Dženneh*, 811.

„Doći će Ademu, a zatim Nuhu, Ibrahimu, Musau, Isau, a zatim Allahovom Poslaniku, Muhammedu, sallallahu alejhi ve sellem. On će otići i učiniti sedždu ispod Arša na mjestu koje se naziva El-Fahs.

Allah će reći: 'Šta ti je?' - a On će najbolje poznavati.

Allahov Poslanik, sallallahu alejhi ve sellem, kaže: *Reći ču: Gospodaru, obećao si mi zalaganje, pa me učini zalagačem za Tvoja stvorenja i donesi presudu među njima.*

Uzvišeni će reći: 'Ja ti dajem zalaganje, Ja ču vam doći i među njima presuditi.'

Kaže: *Vratit ču se i stajati sa ljudima.*

Potom je spomenuo rascjepljivanje nebesa, silazak meleka na oblacima, a zatim će doći Gospodar, subhanehu ve te'ala, da done-se konačnu presudu.

Kerubijjun²⁴⁹ i privrženi meleci će Ga slaviti različitim slavama.

Rekao je: *Allah će Svoj Kursijj staviti gdje bude želio na Svojoj zemlji, a zatim reći:* 'Ja vas slušam od kada Sam vas stvorio do ovog dana-šnjeg dana. Slušam vaš govor, vidim vaša djela, pa zato vi Mene (sada) slušajte. Vaša djela i vaši listovi će vam biti iščitani. Ko bude našao dobro, neka zahvali Allahu, a ko nađe drugo mimo toga, neka kori sam sebe.'

Potom je Poslanik, sallallahu alejhi ve sellem, rekao: *Kada stranovnici Dženneta odu ka Džennetu, reći će: »Ko će se za nas zalagati kod našeg Gospodara pa da uđemo u Džennet?«*

Gоворит ће: »Ко је прећи за то од вајег праоца. Allah га је створио Својом руком, удахнуо у њега Свој руј, директно је са њим разговарао.«

Otići će Ademu i to od njega zatražiti. Spomenuo je Ibrahima, Nuha, Musaa, Isaa, a zatim Muhammeda, sallallahu alejhi ve sellem,

²⁴⁹ Kerubijjun – posebni meleci (op. prev.)

sve dok nije rekao: Allahov Poslanik, sallallahu alejhi ve sellem, je rekao: *Doći će do Dženneta i uzeti za halku na vratima, a zatim tražiti da se otvori i meni će se otvoriti. Bit će pozdravljen i bit će mi izražena dobrodošlica. Kada uđem u Džennet, pogledat će u svoga Gospodara, azze ve dželle, i pasti Mu na sedždu. Bit će mi dozvoljeno da Mu zahvaljujem i da Ga veličam nečim što nijednom stvorenju prije mene nije bilo dozvoljeno. Potom će mi Allah reći: 'Šta ti je?' - pa će reći: Gospodaru, obećao si mi zalaganje, pa me učini zalagačem za stanovnike Dženneta da uđu u Džennet.*

Allah, azze ve dželle, će reći: 'Učinio Sam te zalagačem i dopuštam im da uđu u Džennet...'“²⁵⁰

Prenose ga imami Ibn-Džerir u svome Tefsiru, Et-Taberani²⁵¹, Ebu-Jala el-Musili²⁵² i El-Bejheki.

Druga i treća vrsta: Šefa'ata je Poslanikovo zalaganje za ljude čija će dobra i loša djela biti jednaka. Zalagat će se za njih da bi ušli u Džennet, ali i za druge ljude za koje je naređeno da uđu u Džehennem kako u njega ne bi ušli.

Četvrta vrsta: Poslanikovo, sallallahu alejhi ve sellem, zalaganje za podizanje stepena onima koji uđu u Džennet iznad onoga što su nalagale nagrade za njihova djela. Mu'tezile se posebno slažu sa ovom vrstom zalaganja, a suprotstavljaju se šefa'atu u ostalim slučajevima iako se svi hadisi o šefa'atu prenose kao mutevatiri.

²⁵⁰ Daif; Ibn-Džerir u *Tefsiru*, kao što spominje komentator, 2/330-331, 24/30, 186-187. Hadis od Ebu-Hurejre sa punim lancem prenosilaca. Lanac prenosilaca je slab, zbog Ismail b. Er-Rafija el-Medenija, i Jezida b. Ebi-Zijada, jer su obojica slaba, sa lancem prenosilaca od ensarije čije je ime nepoznato. Hafiz Ibn-Kesir u *Tefsiru* (1/248, 4/63) kaže da je ovaj hadis mešhur, ali to ne iziskuje da je on ispravan, kao što nije skriveno učenjacima.

²⁵¹ On je imam, hafiz, veliki tragaoc za znanjem, muhaddis, Ebul-Kasim Sulejman b. Ahmed b. Ejjub b. Mutajr el-Lahmi eš-Šami et-Taberani. Autor je tri *Mu'džema*. Umro je 360. h.g.

²⁵² On je imam, hafiz, šejhul-islam Ebu-Ja'la Ahmed b. Alija b. El-Musenna b. Jahja b. Isa b. Hilal et-Temimi el-Musili. Muhaddis je svoga mjesta Musil, autor *Musneda*. Bio je lijepog ponašanja, blag i strpljiv. Umro je 307.h.g.

Peta vrsta: Zalaganje za ljude da uđu u Džennet bez obračuna. Li-jepo je da se za ovu vrstu posvjedoči hadisom Ukaše b. Mihsana, kada je Allahov Poslanik, sallallahu alejhi ve sellem, molio za njega da ga učini jednim od sedamdeset hiljada onih koji će ući u Džennet bez polaganja računa.²⁵³ Hadis je naveden u oba *Sabiha*.

Šesta vrsta: Zalaganje za olakšanje patnje onima koji zaslužuju, kao što je njegovo zalaganje za njegovog amidžu Ebu-Taliba da mu olakša patnju.²⁵⁴

﴿فَمَا تَنْفَعُهُمْ شَفَاعَةُ الْشَّافِعِينَ﴾

„*Njima posredovanje posrednika neće koristiti.*“ (Mudesir, 48.)

Sedma vrsta: Zalaganje da se svim vjernicima dopusti ulazak u Džennet, kao što je prethodno navedeno.

U Muslimovom *Sabihu* od Enesa, radijallahu anhu, se prenosi da je Allahov Poslanik, sallallahu alejhi ve sellem, rekao: „*Ja sam prvi zalagač u Džennetu.*“²⁵⁵

Osma vrsta: Zalaganje za velike grješnike iz njegovog ummeta, one koji su ušli u Vatru i koji će iz nje izaći. O ovome se prenose mutevatir-hadisi. Znanje o tome je ostalo skriveno haridžijama i mu'tezilama. Oni su se suprotstavili ne znajući za ispravnost hadisa, a neki su to činili iz inata ustrajavajući u svojoj novotariji. U ovom šefa'atu će sa njim, također, učestvovati meleci, vjerovjesnici i vje-

²⁵³ Muttefekun alejhi; El-Buhari, 5811; Muslim, 216. U ovom hadisu je Poslanik, sallallahu alejhi ve sellem, rekao: „*Ukaše te je prestigao u tome.*“

²⁵⁴ Prenosi ga El-Buhari, 3883; Muslim, 209; i drugi kao hadis od Ebu-Se'ida el-Hudrija. Naveo sam ga u *El-Ehadisu es-sabiba*, br. 54-55. Potom je El-Kurtubi u *El-Teqkiri* poslije spomena ove vrste rekao: „Ako se kaže: Uzvišeni je rekao: '*Njima posredovanje posrednika neće koristiti.*' (El-Mudessir, 48), reći će se: Neće im korisiti za izlazak iz vatre, a koristiti će grješnicima koji su isповijedali jednoću, koji će izaći iz vatre i ući u Džennet.“

²⁵⁵ Muslim, 196. Također, prenosi ga Ahmed, 3/140 i dr.

rnici. Ovo zalaganje od Poslanika, sallallahu alejhi ve sellem, ponavljać će se četiri puta.

Od hadisa koji govore o ovoj vrsti je hadis Enesa b. Malika, radijallahu anhu, u kome je Allahov Poslanik, sallallahu alejhi ve sellem, rekao: „*Moje zalaganje će biti za velike grješnike iz moga ummeta.*“²⁵⁶ Prenosi ga Imam Ahmed, Allah mu se smilovao.

Imam El-Buhari u *Knjizi o tevhidu* kaže: „Pričao nam je Sulejman b. Harb, pričao nam je Hammad b. Zejd, pričao nam je Ma'bed b. Hilal el-Anezi da je rekao: 'Mi, stanovnici Basre, smo se okupili i otišli do Enesa b. Malika, a sa nama je bio Sabit el-Bennani koji ga je za nas pitao o šefa'atu. Bio je u svome dvorcu. Zatekli smo ga kako klanja duha-namaz, a onda zatražili dozvolu za ulazak. Dozvolio nam je, a sjedio je na svojoj postelji. Sabitu smo rekli: Ne pitaj ga ništa prije hadisa o šefa'atu.'

Rekao je: »Ebu-Hamza, ovo su tvoja braća iz Basre. Došli su da te upitaju o hadisu o šefa'atu.«

Rekao je: 'Pričao nam je Muhammed, sallallahu alejhi ve sellem: *Kada bude Sudnji dan ljudi će se jedni s drugima izmiješati, pa će doći Ademu i reći: 'Zalaži se za nas kod svoga Gospodara.'* Reči će: 'Ja nisam za toga, nego se držite Ibrahima. On je prisni prijatelj Milostivog.'

Otići će Ibrabimu pa će im reći: 'Ja nisam za toga, već se držite Musaa. On je Allahov sagovornik.'

Otići će Musau, pa će reći: 'Ja nisam za toga, nego se držite Isaa, jer je On Allahov ruh i riječ.'

Otići će Isau, pa će reći: 'Ja nisam za toga, nego se držite Muhammeda, sallallahu alejhi ve sellem.'

²⁵⁶ Sahih; ima više predaja i hadisa koji mu svjedoče. *El-Miškat*, 5598-5599. Navodi se u *Zilalul-Dženneh*, 831-832. Ovo je jedan od mnogih hadisa koji je negirao čovjek zvani Izuddin Belik u svome *Minhadžu*, str. 622, slijepo slijedeći ibadiju El-Rebia b. Habib za kojeg je rekao da je imam. Većinu hadisa njemu pripisuje, a on o njima ništa ne zna i govori o obaveznosti povjerenja u njega kao i o njegovom uzimanju za imama.

Doći će mi, pa ču reći: 'Ja sam taj koji će se zalagati.'

Zatražit ču dozvolu od svoga Gospodara, pa će mi se dati. Nadahnut će me pohvalama kojim ču Ga hvaliti. Ja ih sada ne znam. Zahvaljivat ču Mu tim pohvalama i pasti Mu na sedždu.

Reći će se: 'Muhammede, podigni svoju glavu. Reci, twoja riječ će biti slušana. Zalaži se, twoje zalaganje će biti primljeno. Moli, dat će ti se.'

Reći ču: 'Gospodaru, moj ummet, moj ummet!'

Reći će se: 'Kreni i izvadi (iz Džehennema) onoga u čijem srcu ima koliko je ječmeno zrno imana.'

Krenut ču i učiniti. Vratiti ču se, pa ču Mu zahvaliti tim pohvalama i učiniti Mu sedždu.

Reći će se: 'Muhammede, podigni svoju glavu i reci, od tebe će se slušati. Zalaži se, twoje zalaganje će biti primljeno. Moli, dat će ti se.'

Reći ču: 'Gospodaru, moj ummet, moj ummet!'

Reći će se: 'Kreni i izvedi iz Vatre svakoga onoga u čijem srcu bude koliko je i jedan trun ili zrno gorušice imana.'

Krenut ču i učiniti to. Potom ču se vratiti iznoseći te pohvale. Zatim ču Mu pasti na sedždu, pa će se reći:

'Muhammede, podigni svoju glavu. Reci, slušat će se od tebe. Moli, dat će ti se. Zalaži se, twoje zalaganje će biti primljeno.'

Reći ču: 'Gospodaru, moj ummet, moj ummet!', pa će reći:

'Kreni i izvedi onoga u čijem srcu bude i najmanje zrno gorušice imana. Izvedi ih iz Vatre.'

Krenut ču i učiniti to.

Kada smo izašli od Enesa, rekao sam nekim svojim drugovima: 'Kada bismo otišli do El-Hasena, a on je sklonjen u kući Ebu-Hali-

fe²⁵⁷, pa da mu ispričamo ono što nam je rekao Enes b. Malik.' Otišli smo mu, poselamili ga i dozvolio nam je ulazak.

Rekli smo mu: 'Ebu-Se'ide, dolazimo od tvoga brata Enesa b. Malika. Prije nismo vidjeli nešto slično onome što nam je pričao o zalaganju.'

Rekao je: 'Šta je to?' Onda smo mu ispričali hadis koji se završio na ovom mjestu. Rekao je: 'Još?' - pa smo odgovorili: 'Nije nam ništa na to dodao.'

Rekao je: 'Pričao mi je ovaj hadis u cijelosti prije dvadeset godina, a ne znam da li ga je zaboravio ili je prezirao da se ne oslonite.'

Rekli smo: 'Ebu-Se'ide, ispričaj nam ga.'

Nasmijao se i rekao: 'Čovjek je stvoren kao brzoplet. Ja sam ga spomenuo samo zato što želim da vam ga ispričam. Pričao mi je kao što je i vama pričao.'

Rekao je: *Potom ču se vratiti četvrti put i zahvaliti Mu tim zahvalama, te pasti Mu na sedždu.*

Reći će se: 'Muhammede, podigni svoju glavu. Reci, slušat će se. Moli, dat će ti se. Zalaži se, tvoje zalaganje će biti primljeno.'

Reći ču: 'Gospodaru, dozvoli mi da se zalažem za one koji kažu La ilah illallah.'

Reći će: 'Tako Mi Moga ponosa i uzvišenosti, veličine i veličanstvenosti, sigurno ču iz Vatre izvesti onoga ko kaže La ilah illallah.'²⁵⁸ Tako ga pre-nosi Muslim.

Hafiz Ebu-Ja'la od Osmana, radijallahu anhu, prenosi da je Allahov Poslanik, sallallahu alejhi ve sellem, rekao: „Na Sudnjem danu će se zalagati tri vrste ljudi: Vjerovjesnici, zatim učenjaci, a zatim šehidi.“²⁵⁹

²⁵⁷ On je Hadždžadž b. 'Itab el-Abdi el-Basri, otac Omara b. Ebi-Halife.

²⁵⁸ Sahih; El-Buhari, 7510; Musllim, 193; kao što prenosi autor, Allah mu se smilovao, kao hadis od Enesa.

²⁵⁹ Hadis je apokrifan, prenosi ga Ibn-Madže, 4313; i El-Akili u *Ed-Du'afa'*, str. 331; U biografiji Anbese b. Abdur-Rahmana el-Kureša, za kojeg se kaže:

U *Sabihu* se prenosi hadis od Ebu-Se'ida, radijallahu anhu, sa punim lancem prenosilaca i navodi se da je rekao: „*Uzvišeni Allah će reći: 'Zalagali su se meleki, zalagali su se vjerovjesnici, zalagali su se vjernici, a nije preostao osim Najmilostiviji.'* Zagrabit će šakom iz Vatre i iz nje izvesti ljude koji nikada nisu dobro radili.“²⁶⁰

Ijudi se oko šefa'ata dijele na tri mišljenja. Tako mušrici, kršćani i ekstremni novotari u pogledu svojih šejhova i drugih, šefa'at onih koje veličaju pored Allaha smatraju poput poznatog šefa'ata na dujaluku.

Mu'tezile i haridžije niječu zalađanje našeg Vjerovjesnika, sallallahu alejhi ve sellem, i drugih za velike griešnike.

Sljedbenici Sunneta i Zajednice potvrđuju zalađanje našeg Vjerovjesnika, sallallahu alejhi ve sellem, za velike griešnike, te zalađanje drugih. Međutim, niko se neće zalađati dok mu Allah ne dozvoli i ne odredi mu granicu, kao što se prenosi u vjerodostojnom hadisu: „*Doći će Ademu, a zatim Nuhu, pa Ibrahimu, pa Musau, pa Isau, te će im Isa, alejbis-selam, reći: 'Idite Muhamedu, on je čovjek kojem su oprošteni i prethodni i budući grijesi.'* Doći će mi, ja ću otići (krenuti), a kada vidim svoga Gospodara, past ću Mu na sedždu. Zahvalit ću svome Gospodaru zahvalama kojima će me podučiti (nadahnuti). Sada ih ne znam. Reći će: 'Muhammed, podigni svoju glavu. Reci, slušat će se, traži zalađanje, tvoje zalađanje će biti primljeno.' Reći ću: 'Gospodaru, moj ummet.' Odredit će mi granicu i uest ću ih u Džennet. Krenut ću i učiniti sedždu, a On će mi odrediti granicu.“²⁶¹ Spomenuo je to tri puta.

„Njegov hadis se ne prati.“ Od El-Buharija se prenosi da je za njega rekao: „Ostavili su ga.“ Ebu-Hatim kaže: „Izmišljaо je hadise.“ Neveden je u *Silsiletu el-ehadisi ed-da'ife*, br. 1978.

²⁶⁰ Sahih; prenosi ga Muslim, 1/115-116; Ahmed, 3/94.

²⁶¹ Muttefekun alejhi; hadis od Ebu-Se'ida el-Hudrija, radijallahu anhu.

Propis traženja šefa'ata od Poslanika, sallallahu alejhi ve sellem, i drugih

Ukoliko se traži zalaganje od Vjerovjesnika, sallallahu alejhi ve sellem, i drugih na dunjaluku kod Allaha Uzvišenog u dovi, onda o tome ima podrobnije pojašnjenje. Onaj koji moli nekada kaže: S pravom Tvoga Vjerovjesnika, sallallahu alejhi ve sellem, ili s pravom tog i tog. Određenim stvorenjem preklinje Allaha, a to treba obavezno izbjegavati iz dva aspekta:

Prvo: Zaklinje se drugima mimo Allaha.

Druge: Uvjeren je da neko nad Allahom ima pravo.

Nije dozvoljeno zaklinjati se drugima mimo Allaha. Niko kod Allaha nema pravo, osim onoga što je On Sebi dao kao pravo, kao što Uzvišeni kaže:

﴿ وَكَاتَ حَقًّا عَلَيْنَا نَصْرُ الْمُؤْمِنِينَ ﴾
(LV)

„...a dužnost Nam je bila vjernike pomoći.“ (Er-Rum 47.)

Također, u oba *Sabiha* je potvrđeno od Poslanika, sallallahu alejhi ve sellem, da je Muazu, koji mu je bio u pratnji, rekao: „Muaze, znaš li što je Allahovo pravo nad Njegovim robovima?“ Rekao sam: „Allah i Njegov Poslanik, sallallahu alejhi ve sellem, najbolje znaju.“ Rekao je: „Njegovo pravo nad njima je da Ga obožavaju i da Mu nikoga ravnim ne smatraju. Znaš li što je pravo ljudi kod Allaha kada to učine?“ Rekao sam: „Allah i Njegov Poslanik, sallallahu alejhi ve sellem, najbolje znaju.“ Rekao je: „Njihovo pravo kod Njega je da ih ne kazni.“²⁶²

Ovo obavezno pravo je izrečeno Njegovim savršenim riječima i istinitim obećanjem, ne zato što čovjek sam po sebi nešto kod Allaha zaslužuje, kao što je odnos između stvorenja. Allah daje bla-

²⁶² Muttefekun alejhi; El-Buhari, 2856; Muslim, 30; hadis od Ibn-Abbasa. Naveo sam ga u El-Irvan, 855.

godati ljudima sa svakim dobrom. Njihovo obavezno pravo izrečeno Njegovim obećanjem je da ih ne kazni. Ostavljanje kažnjavaњa je značenje koje nije ispravno za zaklinjanje, niti da se putem toga moli ili da se uzima kao sredstvo približavanja Allahu. Povod je samo ono što Allah postavi za povod. Takav je i hadis koji se prenosi u *El-Musnedu* od Ebu-Se'ida el-Hudrija da je Vjerovjesnik, sallallahu alejhi ve sellem, govoreći o onome koji ide na namaz, rekao: „*Molim te s pravom ovog mog hoda i s pravom kod Tebe onih koji Te mole.*“²⁶³

Ovo je pravo onih koji mole i On ga je Sebi obavezao. On je najpreči da se odazove onima koji mole i da nagradi pobožne. Pjesnik je lijepo rekao:

*Ljudi nad Njim nemaju obaveznog prava
Nikako, ali i trud kod Njega neće propasti
Ako budu kažnjeni, bit će to s Njegovom pravednošću
On je iz Svoje blagodati Časni Koji sve čuje*

Ako se kaže: Kakva je razlika između govora onoga koji moli „S pravom kod Tebe onih koji Te mole“ i riječi „S pravom Tvoga Vjerovjesnika, sallallahu alejhi ve sellem“ i sl.?

Odgovor glasi da riječi „S pravom kod Tebe onih koji Te mole“, znače: „Ti si obećao onima koji Te mole da ćeš im se odazvati, a ja sam iz skupine onih koji Te mole. Odazovi se na moju dovu“, za razliku od govora „S pravom te i te osobe“. Iako određena osoba ima pravo prema Allahu zbog Njegovog iskrenog obećanja, ipak između toga i između uslišavanja dove onoga koji moli nema nikakve podudarnosti, kao da kaže: „Zbog te i te osobe, koja je Tvoj dobar rob, odazovi se na moju dovu.“ Ima li ovdje ikakve podudarnosti i usaglašenosti? Ovo je vid pretjerivanja u dovi. Uzvišeni kaže:

﴿ أَدْعُوا رَبَّكُمْ تَضَرُّعًا وَخُفْيَةً إِنَّهُ لَا يُحِبُّ الْمُعْتَدِلِينَ ﴾

²⁶³ Da'if. Podrobnije sam o tome govorio u *Silsiletu el-ehadisi ed-da'ife*, br. 24.

„Molite se ponizno i u sebi Gospodaru svome, On doista ne voli one koji svaku mjeru prelaze.“(El-E'raf, 55.)

Ova i njoj slične dove su novotarske dove. Ovo se ne prenosi od Vjerovjesnika, sallallahu alejhi ve sellem, ashaba, tabiina, a ni od jednog imama, nego se može naći u zapisima i talismanima koje pišu neznačice i tarikatski ljudi.

Dova je jedan od najboljih ibadeta, a ibadeti se grade na Sunnetu i slijedenju, a ne na strasti i novotarstvu.

Ne zaklinje se osim Allahom

Ako time želi izreći preklinjanje Allaha s pravom određene osobe, to je također zabranjeno. Nije dozvoljeno preklinjati čovjeka drugim čovjekom, šta tek reći kada preklinjemo Stvoritelja? Poslanik, sallallahu alejhi ve sellem, kaže: „*Ko se zakune nečim drugim mimo Allaha, počinio je širk.*“²⁶⁴

Zato su Ebu-Hanife i njegova dva učenika, radijallahu anhum, prezirali da molitelj kaže: „Molim te s pravom te i te osobe, ili s pravom Tvojih vjerovjesnika i poslanika, s pravom Bejtul-Harama, El-Meš'aril-Harama i sl.“

Ebu-Hanife i Muhammed, radijallahu anhuma, su čak prezirali da čovjek kaže: „Allahu, ja Te molim sa svodom ponosa Tvoga Arša.“

Ebu-Jusuf to nije smatrao pokuđenim zbog predaje koja je došla do njega.²⁶⁵

Nekada kažu: „Sa ugledom te i te osobe kod Tebe“, ili Tebi se približavamo putem Tvojih vjerovjesnika, poslanika i evlija.“

²⁶⁴ Sahih; bilježi ga Ahmed i El-Hakim koji ga smatra vjerodostojnjim. *El-Irva'*, 2561.

²⁶⁵ Hadis je spojenog lanca prenosilaca, ali je apokrifan (izmišljen), kao što pojava šnava Faz-Zejlei u *Nasbur-raje*, 4/273.

Ovim se želi reći da određena osoba kod Njega ima ugled, počast, poziciju, pa se odazovi na našu molitvu. Ovo je, također, zabranjeno.

Da su ovaj tevessul ashabi činili tokom Vjerovjesnikovog, sallallahu alejhi ve sellem, života, činili bi ga i poslije njegove smrti. Oni su tokom njegovog života tevessul činili samo njegovom dovoljom. Tražili su da moli za njih, a oni su aminali na njegovu dovu, kao što se prenosi o dovi za traženje kiše i sl. Kada je Poslanik, sallallahu alejhi ve sellem, umro, Omer, radijallahu anhu, nakon što su izašli da traže kišu, rekao je: „Allahu, kada bismo doživjeli sušu, približavali smo Ti se našim Vjerovjesnikom, sallallahu alejhi ve sellem, pa si nam dao kišu. Mi Ti sada činimo tevessul amidžom našeg Vjerovjesnika, sallallahu alejhi ve sellem“²⁶⁶, tj. njegovom dovoljom, kojom on upućuje svome Gospodaru, Njemu pripada zalaganje i molitva. Ne želi se reći: „Mi Te njime preklinjemo“, ili: „Molimo Te njegovim ugledom kod Tebe“, jer da se to željelo reći, onda je Vjerovjesnikov, sallallahu alejhi ve sellem, ugled daleko veći od ugleda Abasa.

Nekada kažu: „S mojim slijedjenjem Tvoga Poslanika, sallallahu alejhi ve sellem, ljubavlju prema njemu, vjerovanjem u njega i ostale vjerovjesnike i poslanike, te mojom potvrdom njih“ i sl. Ovo je jedan od najboljih oblika dove tevessula i traženja šefa'ata.

Termin tevessula određenom osobom je općenit, pa su zato pogriješili oni koji nisu shvatili njegovo stvarno značenje. Ako se tevessulom želi određena osoba uzeti kao povod, tako što upućuje dovu i traži zalaganje, ovo se može desiti u životu zato što onaj koji (traži tevssul) voli osobu koja upućuje dovu, pokorava se njenoj naredbi i pristaje za njom. Oni se vole, pokorni su i povode se. Tako tevessul biva putem dove kao sredstva zalaganja, ili putem ljubavi onoga koji moli i njegovog slijedenja, ili se pod tevessulom misli na zaklinjanje određenom osobom i uzimanje njenog bića za posredstvo. Ovo zadnje su učenjaci pokudili i zabranili.

²⁶⁶ El-Buhari, 1010.

Također, postoji molba putem nečega što se želi uzeti kao povod, tj. ono je povod za postizanje traženog, a nekada se time želi i zaklinjanje.

Primjer za prvo je hadis o trojici koja su se sklonila u pećinu. Ova predaja je poznata u oba *Sabiba*.

Veliki kamen je zatvorio pećinu. Allahu su činili tevesul spomenom svojih dobrih i iskrenih djela. Svaki od njih je govorio: „Ako sam to i to uradio želeći iskreno Tvoje Lice, daj nam izlaza iz ovoga u čemu smo.“ Kamen se povukao, pa su izašli.²⁶⁷

Oni su molili Allaha spominjući svoja dobra djela, jer su dobra djela najveće čime se čovjek može približavati Allahu, Njemu obraćati i njima moliti. On je obećao da će se odazvati onima koji vjeruju, koji rade dobra djela, i da će im povećati Svoju blagodat.

Zalaganje kod Allaha nije kao zalaganje kod ljudi

Iz ovoga se zaključuje da zalaganje kod Allaha nije kao zalaganje kod ljudi. Onaj koji se zalaže kod ljudi, zalaže se na zahtjev potraživača nakon što je bio zaseban i, također, zalaže se i za onoga od koga se traži određena stvar. Putem svoga zalaganja čini ono što se traži, a zalaže se i za onoga koji traži i za onoga od koga se traži (posreduje između njih). Allah Uzvišeni je u tom smislu zaseban. Niko Njega ne postavlja za zalagača, niti se iko kod Njega zalaže, osim s Njegovom dozvolom. Sve se Njemu vraća. On nema sudruga ni iz jednog aspekta. Predvodniku šefa'ata na Sudnjem danu, kada učini sedždu i zahvali Allahu, Allah će reći: „Podigni glavu! Reci, slušat će se od tebe! Moli, dat će ti se! Zalaži se, tvoje zalaganje će biti primljeno!“ On će mu odrediti granicu i uvesti ih u Džennet. Sve pripada Allahu, kao što Uzvišeni kaže:

²⁶⁷ Muttefekun alejhi; El-Buhari, 2215; Muslim, 2743; hadis od Ibn-Omera, radijallahu anhuma.

﴿ قُلْ إِنَّ الْأَمْرَ كُلَّهُ لِلَّهِ ۝ ﴾

„Reci: 'Sva pobjeda pripada samo Allahu!'“ (Ali Imran, 154.)

﴿ لَيْسَ لَكَ مِنَ الْأَمْرِ شَيْءٌ ۝ ﴾

„Ništa ne zavisi od tebe...“ (Ali Imran, 128.)

﴿ أَلَا لَهُ الْحَكْمُ وَالْأَمْرُ ۝ ﴾

„Samo On stvara i upravlja!“ (El-E'araf, 54.)

Kod Njega se neće zalagati niko osim sa Njegovom dozvolom, za onoga za koga On hoće. Onaj ko se bude zalagao, bit će počašćen zalaganjem, kao što Poslanik, sallallahu alejhi ve sellem, kaže: „Zalažite se, bit ćete nagrađeni, a Allah će jezikom Svoga Vjerovjesnika, sallallahu alejhi ve sellem, presuditi kako želi.“²⁶⁸

U *Sabihu* se prenosi da je Vjerovjesnik, sallallahu alejhi ve sellem, rekao: „O sinovi Abdu Menafa, ja vam kod Allaha ne mogu ništa pomoći. O Safija, tetko Allahovog Poslanika, sallallahu alejhi ve sellem, ja ti kod Allaha ne mogu ništa pomoći. O Abbasu, amidžo Allahovog Poslanika, sallallahu alejhi ve sellem, ja ti kod Allaha ne mogu ništa pomoći.“²⁶⁹

U *Sabihu* se, također, navodi da je Allahov Poslanik, sallallahu alejhi ve sellem, rekao: „Neka ne zateknem nikoga od vas kako će doći na Sudnji dan, a na vratu mu bravče koje mekeće“, ili je rekao: „Ovca koja ble-

²⁶⁸ Muttefekun alejhi; El-Buhari, 1432; Muslim, 2627; hadis od Ebu-Musaa koji se navodi u *Es-Sabiba*, 1464.

²⁶⁹ El-Buhari, 2753; Muslim, 204; hadis od Ebu-Hurejre sa najpotpunijim tekstom od ukopno dvije predaje koje se o njemu prenose.

ji“ ili: „*Papir koji drhti*“, pa kaže: „*Pomoži me, pomoži me!*“, a ja ču mu reći: „*Dostavio sam ti, ja ti kod Allaha ništa ne mogu pomoći.*“²⁷⁰

Kada predvodnik ljudi i najbolji zalagač kaže svojim najbližim: „*Ja vam kod Allaha ništa ne mogu pomoći*“, šta je tek sa ostalima?

Kada Ga molitelj moli i zalagač se kod Njega zalaže, pa On čuje dovu i primi zalaganje, takva molba i zalaganje nemaju utjecaja kao što stvorenje utiče na stvorenje. Uzvišeni Allah je Taj Koji je učinio da određena osoba moli i zalaže se. On je Stvoritelj ljudskih djela i On je uputio čovjeka na pokajanje, a zatim ga primio. On je uputio čovjeka na dobra djela, a zatim ga nagradio, Upitio ga je na dovu, a zatim mu je uslišao. Ovo su ispravne postavke sljedbenika Sunneta koji vjeruju u određenje i vjeruju da je Allah Stvoritelj svake stvari.

Misak-Ugovor

Autor kaže: „*Zavjet kojeg je Allah Uzvišeni uzeo od Adema i njegovoga potomstva je istina.*“

Uzvišeni kaže:

﴿ وَإِذْ أَخَدَ رَبِّكَ مِنْ بَنِي آدَمَ مِنْ طُهُورِهِمْ ذُرِّيَّتَهُمْ وَأَشَهَدَهُمْ عَلَىٰ أَنفُسِهِمْ أَلْتَسْتُ بِرَبِّكُمْ فَالْأُولَاءِ لَمْ يَهْدَنَا أَنْ تَقُولُوا يَوْمَ الْقِيَمَةِ إِنَّا كُنَّا عَنْ هَذَا غَافِلِينَ ﴾ yt 4

„*I kad je Gospodar tvoj od Ademovih sinova iz njihovih kičmi izveo potomstvo njihovo i zatražio od njih da posvjedoče protiv sebe: 'Zar Ja nisam Gospodar vaš?' - oni su odgovarali: 'Jesi, mi svjedočimo' - i zato da na Sudnjem danu ne reknete: 'Mi o ovome nismo ništa znali.'*“ (El-F'araf, 172.)

Uzvišeni je obavijestio da je izveo potomstvo sinova Ademovih iz njihovih kičmi kako bi oni protiv sebe posvjedočili da je Allah

²⁷⁰ El-Buhari, 3073; Muslim, 1831; Ahmed, 2/426; hadis od Ebu-Hurejre, radi-jallahu anhu.

njihov Gospodar, Vladar i da nema drugog boga osim Njega. Navode se mnogobrojni hadisi u kojima se kaže da je Ademovo potomstvo uzeto iz negove kićme i da su razvrstani na sretne i nesretne. U nekima se navodi da je od njih zatraženo svjedočenje da je Allah njihov Gospodar. Evo nekih:

Imam Ahmed od Ibn-Abbasa, radijallahu anhuma, prenosi da je Vjerovjesnik, sallallahu alejhi ve sellem, rekao: „*Allah je izveo zarjet iz leđa Adema, alejhis-selam, na Na'manu, tj. na Dan Arefata. Iz njegove kićme je izveo svo potomstvo koje je stvorio i poredao ga ispred Sebe. Potom je sa njima direktno razgovarao rekavši: 'Zar Ja nisam vaš Gospodar?' Rekli su: 'Svakako, svjedočimo...'*“²⁷¹ Također, prenose ga i En-Nesai, Ibn-Džerir, Ibn Ebi Hatim²⁷² i El-Hakim u *El-Mustedreku*, koji kaže: „Lanac prenosilaca je ispravan, ali ga El-Buhari i Muslim nisu naveli.“

Imam Ahmed, također, od Omera b. el-Hattaba, radijallahu anhu, prenosi da je upitan o ovom ajetu, pa je rekao: „Čuo sam Allahovog Poslanika, sallallahu alejhi ve sellem, kako je upitan o njemu, pa je rekao: 'Allah je stvorio Adema, alejhis-selam, a zatim Svojom Desnicom potrao po njegovim leđima i iz njega izveo potomstvo.' Rekao je: 'Ove Sam stvorio za Džennet i radit će djela stanovnika Dženneta.' Potom je potrao njegova leđa ponovno i izveo potomstvo, rekavši: 'Ove sam stvorio za Vatru i radit će djela stanovnika Vatre.' Neki čovjek reče: 'Allahov Poslaniče, kakav smisao onda imaju djela?' Allahov Poslanik, sallallahu alejhi ve sellem, reče: 'Kada Allah, azze ve dželle, stvori čovjeka za Džennet, dadne mu da čini djela stanovnika Dženneta sve dok ne umre na jednom od djela stanovnika Dženneta i tako putem njih uđe u Džennet. Kada stvori roba za Vatru, dadne mu da čini djela stanovnika Vatre, sve dok ne umre na jednom od djela stanovnika Vatre i sa njim uđe u

²⁷¹ Sahih; Ahmed 1/272; zbog mnogih predaja i hadisa koji svjedoče ovom hadisu. Navodi se u *Es-Sabiba*, 1623.

²⁷² On je imam, hafiz, Ebu-Muhammed Abdurrahman b. Hafiz Ebi-Hatim Muhammed b. Idriz b. Munzir et-Temimi el-Hanzali, autor poznatog djela *El-Džerb vet-ta'dil*. Bio je more znanja kada je u pitanju poznavanje prenosioca hadisa. Umro je 327. h.g.

Vatru.“²⁷³ Prenosi ga Ebu-Davud, Et-Tirmizi, En-Nesai, Ibn Ebi Hatim, Ibn-Džerir i Ibn-Hibban²⁷⁴ u svome *Sahibu*.

Et-Tirmizi od Ebu-Hurejre, radijallahu anhu, prenosi da je Allahov Poslanik, sallallahu alejhi ve sellem, rekao: „Kada je Allah stvorio Adema potrao je po njegovim leđima, pa je iz njih izašlo svako stvorenje koje će On stvoriti iz njegovog potomstva do Sudnjega dana. Između dva oka svakoga stvorenja načinio je svjetlo. Potom ih je prikazao Ademu, a on je rekao: 'Gospodaru, ko su ovi?' Rekao je: 'To je tvoje potomstvo.' Ugledao je jednog čovjeka od njih, pa ga je zadivilo svjetlo među njegovim očima. Rekao je: 'Gospodaru, ko je ovo?' Reče: 'Ovo je čovjek iz posljednjih generacija naroda iz tvog potomstva. Zove se Davud.' Upita: 'Gospodaru, koliko će živjeti?' Reče: 'Šezdeset godina.' Adem reče: 'Gospodaru, dodaj mu od moga života četrdeset godina.' Kada je Ademov život bio na završetku došao mu je melek smrti. Rekao je: 'Zar od moga života nije ostalo još četrdeset godina?' Melek reče: 'Zar ih nisi svome sinu Davudu dao?' Adem je to negirao, pa je negiralo i njegovo potomstvo. Adem je zaboravio, pa je zaboravilo i njegovo potomstvo. Pogriješio je, pa je pogriješilo i njegovo potomstvo.“²⁷⁵ Et-Tirmizi je rekao: „Ovaj hadis je hasen-sahih.“ El-Hakim je rekao: „Hadis je sahih prema Muslimovim uslovima, ali ga El-Bu-hari i Muslim ne navode.“

Imam Ahmed, također, od Enesa b. Malika, radijallahu anhu, prenosi da je Allahov Poslanik, sallallahu alejhi ve sellem, rekao: „Reći će se čovjeku, stanovniku Vatre na Sudnjem danu: 'Šta misliš kada bi na Zemlji imao nešto, da li bi se time otkupio?' Reći će: 'Da.' Tada će mu se reći: 'Želio sam od tebe nešto jednostavnije. Uzeo sam od tebe još dok si bio u Ademovim leđima zavjet da Mi

²⁷³ Sahih li gajrihi, osim navoda o potiranju leđa kojem nisam našao hadis koji mu svjedoči. *Ed-Daife*, 3070.

²⁷⁴ On je imam, hafiz, autoritet, učenjak Horosana Ebu-Hatim Muhammed b. Hibban b. Ahmed b. Hibban et-Temimi, autor *Sabiha*. Umro je 354. h.g.

²⁷⁵ Sahih; našao sam mu četiri pravca. Neki od njih su kod Ibn Ebi-Asima u *Es-Sunne*, 204-205, sa mojom valorizacijom.

ništa ne pripisuješ (kao sudruga), a ti si odbio čineći Mi širk.“²⁷⁶ Prenosi se, također, u oba *Sabiba*.

Prenose se i drugi hadisi koji ukazuju da je Allah izveo Ademo-vo potomstvo iz njegove kičme i razvrstao stanovnike Dženneta i Džehennema.

Zato su neki rekli: „Duše su stvorene prije tijela.“ Ove predaje ne ukazuju da su duše fiksno prethodile tijelima. Cilj im je ukazati da je njihov Stvoritelj oblikovao osobe, odredio njihovo stvaranje, smrtni čas i djela. Izveo je te likove iz njihovih materija, a zatim ih je vratio. Odredio je da svaki pojedinac izade u određenom vremenu. To ne ukazuje da su stvorenici da od tada konstantno postoje, da svi govore na jednom mjestu, a zatim da se šalju u tijela u skupinama, kao što je rekao Ibn-Hazm. Ove predaje na to ne ukazuju. Gospodar Uzvišeni ih stvara u skupinama, kao što je rekao na način kako je već sve prethodno određeno. Potom dolazi vanjsko stvaranje koje se podudara sa prethodnim određenjem. Tako će Uzvišeni objediniti Svoja stvorenja. On im je odredio sADBINE i smrtne časove, svojstva i oblike, a potom ih doveo u postojanje koje se podudara sa prethodnim određenjem. Predaje koje se o tome prenose ukazuju isključivo na prethodno određenje, a neke ukazuju da je Uzvišeni izveo slične njima, oblikovao ih i razdijelio na sretne i nesretne. Svjedočenje protiv samih sebe navodi se u dva hadisa sa lancem koji se završava na Ibn-Abbasu i Omeru, radijallahu anhu-ma. Stoga su neki ispravni prethodnici i nasljednici rekli: „Pod ovim traženjem svjedočenja misli se na njihovu prirodnu vjeru u tevhidu.“ O tome je već bilo prethodno govora od strane komentatora ovog časnog ajeta, pri navodu Ebu-Hurejrinog hadisa.

Njegove riječi: *Svjedočimo* znače: Svjedočimo da si Ti naš Gospodar. Ovo je mišljenje Ibn-Abbasa i Ubejja b. Ka'ba.

Ibn-Abbas, također, kaže: „On je zatražio da jedni protiv drugih posvjedoče.“

²⁷⁶ Muttefekun alejhi; El-Buhari, 3334; Muslim, 2805; također, Ahmed, 3/127, 129.

Neki kažu da su riječi *svjedočimo* riječi meleka, i da (prilikom učenja) treba zastati na riječima *svakako* - bela. Ovo je mišljenja Mudžahida, Ed-Dahaka, a Es-Suddi kaže: „Ovo je obavijest od Uzvišenog Allaha o Njemu i melekima koji su posvjedočili potvrdu Ademovog potomstva. Prvo mišljenje je jače, a ostala su nagađanja koja nemaju dokaza. Vanjština ajeta svjedoči prvom mišljenju.“

Znaj, da ima komentatora Kur'ana koji samo spominju da je Allah izveo Ademovo potomstvo iz njegovih leđa, pa od njih za tražio svjedočenje, a onda ih vratio, kao što su Es-Salebi²⁷⁷, El-Begavi i dr.

Neki to nisu spomenuli, već spominju da im je pokazao dokaze Njegovog gospodarenja i Jednoće, pa su njihovi razumi, koje je Allah stvorio u njima, posvjedočili, kao što je Ez-Zamahšeri i dr.

Neki od njih su spomenuli oba mišljenja, kao što je El-Vahidi²⁷⁸, Er-Razi, El-Kurtubi i dr.

Er-Razi je prvo mišljenje pripisao Ehlis-Sunnetu, a drugo mu'tezilama.

Nema sumnje da ajet ne ukazuje na prvo mišljenje, tj. da je potomstvo uzeto iz Ademovih leđa, već se u njemu navodi da je uze to iz leđa Ademovih sinova. Uzimanje iz Ademovih leđa i traženja svjedočenja protiv njih se spominje u nekim hadisima. U nekima se spominje uzimanje i presuda da će neki u Džennet, a neki u Vatru, kao što stoji u Omerovom, radijallahu anhu, hadisu. U nekima se navodi uzimanje i predočavanje potomstva Ademu bez presude ili traženja svjedočenja, kao što je u Ebu-Hurejinom hadisu. Hadis u kome se navodi traženje svjedočenja, prema opisu koji zastupaju pobornici prvog mišljenja, svojim lancem se zaustavlja na Ibn-

²⁷⁷ On je imam, hafiz, autoritet, učenjak u tefsiru, Ebu-Ishak Ahmed b. Muhammed b. Ibrahim en-Nejsaburi. Posjeduje *Veliki tefsir*. Međutim, u njemu je spominjao i vjerodostojne i slabe, pa čak i izmišljene hadise.

²⁷⁸ On je imam, autoritet, Ebū-Hasan Alija b. Ahmed b. Muhammed b. Alija el-Vahidi en-Nejsaburi. Autor je mnogih djela, poput tri tefsira: *El-Besit*, *El-Vesit* i *El-Vedžiz*, kao i *Esbabun-nuzul* i drugih djela. Umro je 468. h.g.

-Abbasu i Ibnu-Amru. O ovoj predaji je bilo govora. Hadis se ne navodi ni u jednom *Sabibu*, osim kod El-Hakima u *El-Mustedreku*, a El-Hakim je poznat po popustljivosti, Allah mu se smilovao.

Hadis u kome se navodi presuda da će neki u Džennet, a neki u Džehennem dokaz je za pitanje određenja. Ovaj hadis ima mnogo drugih koji mu svjedoče. Oko ovoga se sljedbenici Sunneta ne spore, već se njemu protive kaderije koji obesnažuju šerijatske tekstove i uvode novotarije.

Oko prvog mišljenja sljedbenici Sunneta, iz reda prethodnika i nasljednika, imaju razilaženje, a da nije sažetosti koje se pridržavam naveo bih hadise koji o tome govore i sve što je o njima rečeno, kao što bih spomenuo i razumljiva značenja, te dokaze iz termina časnog ajeta.

El-Kurtubi kaže: „Ovaj ajet je problematičan za shvatanje. Više učenjaka je govorilo o njegovom značenju. Spomenut ćemo ono što su drugi govorili o njemu, shodno našim saznanjima.

Jedni su rekli: 'Ajet znači da je Allah iz leđa Ademovog potomstva jedne druge izveo, a riječi

﴿ وَأَشْهَدُهُمْ عَلَىٰ أَنفُسِهِمْ أَلْسُتُ بِرَبِّكُمْ ﴾

...i zatražio od njih da posvjedoče protiv sebe: Zar Ja nisam Gospodar vaš? (El-E'raf, 172.) znaće: uputio ih je na Svoju jednoću. Svaka odrasla punoljetna osoba nužno zna da ima jednoga Gospodara. Ovo je na stepenu svjedočenja protiv njih, kao što Uzvišeni o nebesima i zemlji kaže: *Rekli su: Došli smo pokorni.*' Ovo mišljenje zastupaju El-Kaffal i Atneb.

Neki su rekli da je Uzvišeni izveo duše prije stvaranja tijela, pa im je data spoznaja kako bi znale čime im se obraća.“ Potom je El-Kurtubi spomenuo hadise koji se navode o tome itd.

Najjači dokaz koji svjedoči ispravnosti prvog mišljenja je Enesov hadis koji se nalazi u oba *Sabiha*, a u njemu se kaže: „Od tebe sam želio nešto jednostavnije, od tebe sam još dok si bio u Ademo-

vim leđima uzeo zavjet da Mi ništa ne pripisuješ, a ti si to odbio čineći Mi širk.“²⁷⁹ Hadis se prenosi iz drugog pravca, a u njemu stoji: „Pitao sam te za nešto manje i lakše od toga, a to ti nisi učinio, pa će ući u Vatru.“ U hadisu se ne spominju Ademova leđa. U prvoj predaji se ne spominje izvođenje iz Ademovih leđa, prema opisu kojeg spominju pobornici prvog mišljenja.

Prvo mišljenje podrazumijeva dvije čudne stvari:

Prva: Ljudi su tada govorili i potvrdili vjerovanje i na osnovu toga će protiv njih biti podignut dokaz na Sudnjem danu.

Dруга: Ajet ukazuje na to, a ustvari nije tako iz nekoliko aspekata:

Prvi: Rekao je: *iz sinova Ademovih*, a nije rekao: *iz Adema*.

Drugi: Rekao je: *iz njihovih leđa*, a nije rekao: *iz Ademovih leđa*. Ovo je potpuna ili djelomična zamjena. Ovo je najbolji aspekt dokazivanja.

Treći: Rekao je: *iz njihovih potomaka*, a nije rekao: *iz njegovog potomstva*.

Četvrti: Rekao je: *Pozvao ih je kao svjedočke protiv samih sebe*, a svjedok se mora sjetiti onoga što je posvjedočio. On se sjeća svoga svjedočenja nakon dolaska na ovaj svijet, kao što će biti date naznake o tome, ali ne sjeća se svjedočenja prije toga.

Peti: Uzvišeni je obavijestio da je mudrost pozivanja na svjedočenje uspostavljanje dokaza protiv njih, da ne bi na Sudnjem danu rekli: *Mi to nismo znali*. Dokaz protiv njih je podignut dolaskom

²⁷⁹ Sahih; drugi lanac prenosilaca ovog hadisa je kod Muslima, 8/134-135; kao i kod El-Buharija, 4/239. Nema kontradiktornosti između ove i prethodne predaje, jer se dodatak od povjerljive osobe prima, kao što nije skriveno. U ovom hadisu imaju i drugi dodaci koje sam objedinio i naveo u knjizi *Silsiletu el-ehadisi es-sabiba*, br. 173. Utvrđio sam kasnije da drugi pravac hadisa nije kod El-Buharija i Muslima, nego kod Ahmeda i El-Hakima sa ispravnim lancem prenosilaca, prema Muslimovim uslovima i terminima koje autor prenosi dosljedno. *F.s-Sabiba*, 3008.

poslanika i prirodnom urođenom vjerom (fitra) u kojoj su stvorenii, kao što Uzvišeni kaže:

﴿رُسُلًا مُّبَيِّنِينَ وَمُنْذِرِينَ لَعَلَّا يَكُونُ لِلنَّاسِ عَلَى اللَّهِ حُجَّةٌ بَعْدَ آثُرِنَا﴾

„(Postali smo) poslanike koji su radosne vijesti i opomene donosili, da ljudi poslije poslanika ne bi nikakvog opravdanja pred Allahom imali.“ (En-Nisa', 165.)

Šesti: On ih je podsjetio na to, kako na Sudnjem danu ne bi rekli:

﴿إِنَّا كُنَّا عَنْ هَذَا غَافِلِينَ﴾

„Mi o ovome nismo ništa znali.“ (El-E'araf, 172.)

Poznato je da ne poznaju izlazak iz Ademove kičme i njihovo zajedničko svjedočenje u to vrijeme. Ovoga se ne sjeća nijedan čovjek.

Sedmi: Uzvišeni kaže:

﴿أَوْ تَقُولُوا إِنَّمَا أَشْرَكَ أَبَاؤُنَا مِنْ قَبْلِ وَكُنَّا ذُرَيْهَ مِنْ بَعْدِهِمْ﴾

„Naši su preci prije nas druge Allahu ravnim smatrali, a mi smo pokoljenje poslije njih.“ (El-E'araf, 173.)

Spomenuo je dvije mudrosti pozivanja na svjedočenje *da se ne bi pravdali neznanjem ili povodenjem za drugima*. Nesmotreni neznalica nema osjećaja, a onaj koji slijedi povodi se za drugim. Ove dvije mudrosti se odnose samo na onoga protiv koga je podignut dokaz putem poslanika i prirodne urođene vjere.

Osmi:

﴿أَفَتَهِلِكُنَا بِمَا فَعَلَ الْمُبْطَلُونَ﴾

„Zar ćeš nas kazniti za ono što su lažljivci činili?“ (El-E'araf, 173.), tj. izrekao im je prijetnju zbog njihovog nijekanja i širka kada su to rekli. Uzvišeni ih uništava zbog protivljenja Njegovim poslanicima i utjerivanja u laž. Uzvišeni je obavijestio da neće ne-

pravedno uništiti gradove, a njihovi stanovnici nemaju znanja (o grijesima), već ih uništava poslije davanja opravdanja i opomene slanjem poslanika.

Deveti: Uzvišeni je svakoga pozvao kao svjedoka protiv sebe da prizna da je On njegov Gospodar i Stvoritelj. Ovime je posvjedočio na više mjesta u Svojoj Knjizi. On kaže:

﴿ وَلَئِنْ سَأَلْتُهُمْ مَنْ حَلَقَ السَّمَوَاتِ وَالْأَرْضَ لَيُقُولُنَّ اللَّهُ ﴾

„A da ih upitaš: 'Ko je stvorio nebesa i Zemlju?', sigurno bi rekli: 'Allah!'“ (Lukman, 25.)

Ovo je sadržaj dokaza putem kojeg je zatražio svjedočenje njih samih protiv sebe. Njegovi poslanici su ih napominjali kada su govorili

﴿ أَفِي اللَّهِ شَكٌ فَاطِرُ السَّمَاوَاتِ وَالْأَرْضِ ﴾

„Zar se može sumnjati u Allaha, Stvoritelja nebesa i Zemlje?“ (Ibrahim, 10.)

Deseti: On je to učinio dokazom, što je jasna naznaka koja nalaže postojanje onoga što se dokazuje. Tako je sa svim Gospodarevim dokazima. Uzvišeni kaže:

﴿ وَكَذَلِكَ نُفَصِّلُ آيَتِنَا لَعَلَّهُمْ يَرْجِعُونَ ﴾ ٦١

„I tako, eto, Mi opširno iznosimo dokaze, da bi oni došli sebi.“ (El-E'raf, 174.)

Ovo biva putem prirodne urođene vjere u kojoj su ljudi stvorenji, a nema promjene u Allahovom stvaranju i odredbi. Svako dijete se rađa u prirodnoj urođenoj vjeri. Nijedno se ne rađa bez nje. Ovo je završena stvar. Nema nikakve izmjene, a o ovome je prethodno data naznaka. Allah najbolje zna.

Ibn-Atije²⁸⁰ i dr. su pronikli u spomenuta značenja, ali su se plasili suprotstavljanja vanjštini tih hadisa u kojima se jasno kaže da ih je Allah izveo i pozvao kao svjedočke protiv samih sebe, a zatim ih vratio. Ova dva mišljenja je naveo Ebu-Mensur el-Maturidi u Šerbut-te'vilat dajući prednost drugom o kome je govorio i prema kojem se priklonuo.

Potvrda rububijeta je urođena stvar dok je širk novopridošla stvar

Nema sumnje da je priznanje Allahovog gospodarenja prirodno urođena stvar (fitra), a širk je novopridošla stvar, koju potomci preuzimaju slijepo slijedeći svoje pretke. Na Sudnjem danu će argumentirati da su njihovi očevi činili širk i da su se pridržavali njihovih običaja, kao što se većina ljudi pridržava običaja svojih predaka u pogledu jela, odjeće i stanova, pa će im se reći: Vi ste priznali Tvorca i potvrdili da je Allah vaš Gospodar Koji sudruga nema. Po-svjedočili ste sami protiv sebe. Svjedočenje čovjeka samog protiv sebe je njegovo priznanje. Uzvišeni kaže:

﴿ * يَأَيُّهَا الَّذِينَ إِمْنُوا كُوْنُوا قَوَّمِينَ بِالْقِسْطِ شُهَدَاءَ لِلَّهِ وَلَوْ عَلَىٰ أَنْفُسِكُمْ ﴾

„O vjernici, budite uvijek pravedni, svjedočite Allaha radi, pa makar to bilo protiv vas samih.“ (En-Nisa', 135.)

Ne traži se da kaže: Svjedočim protiv sebe time i time; već onaj koji nešto prizna sam je time protiv sebe posvjedočio. Zašto ste se onda udaljili od ove spoznaje i priznanja kojima ste posvjedočili protiv sebe, a onda otišli u širk? Zapravo, vi ste skrenuli od poznatog ubjedjenja ka onome čija se suština ne zna, slijepo slijedeći one

²⁸⁰ On je imam, autoritet, šejh mufessira, Ebu-Muhammed Abdul-Hakk b. Hafiz Ebi-Bekr Galib b. Atije el-Meharibi. Bio je imam u fikhu, tefsiru i ar. gramatici. Umro je 541. h.g.

koji nemaju argumenta, a to je različito od slijedenja ovosvjetskih običaja. Vi, za razliku od širka, niste imali dokaza za neispravnost tih običaja, a u njima je vaša korist. Vi ste imali spoznaju i svjedočenje samih protiv vas. Time su vam pojašnjeni neispravnost i zastranjivanje sa ispravnog puta.

Vjera koju dijete preuzima od svojih roditelja je vjera odgoja i običaja, a u tome je ovodunjalučka korist. Dijete mora imati skrbnika, a najpreći su mu njegovi roditelji. Zato se u Šerijatu navodi da će dijete biti sa svojim roditeljima u pogledu vjere, tj. vanjskih dunjalučkih propisa. Za ovu vjeru, prema ispravnom mišljenju, Allah dijete neće kazniti sve dok ne dostigne punoljetstvo i dok ne bude razumno, pa se onda protiv njega podigne dokaz. Tada mu je obaveza da slijedi vjeru znanja i razuma. On putem svoga razuma zna da je to ispravna vjera. Njegovi roditelji mogu biti upućeni, kao što je slučaj iskrenoga Jusufa sa njegovim roditeljima:

﴿ وَاتَّبَعْتُ مِلَّةً أَبَاءِي إِبْرَاهِيمَ وَإِسْحَاقَ وَيَعْقُوبَ ﴾

„i isповједам vjeru predaka svojih, Ibrahima i Ishaka i Ja'kuba.“ (Jusuf, 38.)

Jakubu su njegovi sinovi rekli:

﴿ نَعْبُدُ إِلَهَكَ وَإِلَهُكَ أَبَابِيكَ إِبْرَاهِيمَ وَإِسْمَاعِيلَ وَإِسْحَاقَ ﴾

„Bićemo u ibadetu“, odgovorili su oni, „Bogu tvome, Bogu tvojih predaka, Ibrahima, Ismaila i Ishaka.“ (El-Bekare, 133.)

Ukoliko su roditelji u suprotnosti sa pozivom poslanika, dijete je dužno slijediti poslanike, kao što Uzvišeni kaže:

﴿ وَوَصَّيْنَا الْإِنْسَنَ بِوَالِدَيْهِ حُسْنًا وَإِنْ جَهَدَ الَّذِي لِتُشْرِكَ بِي مَا لَيْسَ لَكَ بِهِ عِلْمٌ فَلَا تُطِعُهُمَا ﴾

„Mi smo svakog čovjeka zadužili da bude dobar prema roditeljima svojim. Ali, ako te oni budu nagovarali da Meni nekoga ravnim smatraš, o kome ti ništa ne znaš, onda ih ne slušaj.“ (El-Anekbut, 8.)

Ko bude slijedio vjeru svojih očeva bez upute i znanja, te zastrani od istine koja mu je poznata, taj slijedi svoju strast, kao što Uzvišeni kaže:

﴿ وَإِذَا قِيلَ لَهُمْ أَتَّبِعُوا مَا أَنْزَلَ اللَّهُ قَالُوا بَلْ نَتَّبِعُ مَا أَفْيَنَا عَلَيْهِ إِبَاءَتٌ أُولَئِكَ هُمْ إِبَاؤُهُمْ لَا يَعْقِلُونَ شَيْئًا وَلَا يَهْتَدُونَ ﴾ (W)

„A kada im se kaže: 'Slijedite ono što je Allah objavio!' - oni odgovaraju: 'Ne, nego ćemo slijediti ono na čemu smo naše pretke zatekli.' Zar i onda kada im preci nisu ništa shvacali, niti su na Pravom putu bili?“ (El-Bekare, 170.)

Ovo je slučaj sa mnogim ljudima koji su rođeni u islamu. Slijepo slijede svoje roditelje u pogledu vjerovanja i mezheba. Ovakvo slijedenje je greška, a o tome nemaju znanja i upute, već su muslimani zato što su i njihovi ukućani muslimani, a ne radi vlastitog odabira. Kada se ovakvima u kaburu kaže: „Ko ti je Gospodar?“, odgovorit će: „Ah! Ah! Ne znam! Čuo sam ljude da su nešto govorili, pa sam i ja to govorio.“

Neka pametni porazmisli o ovome, neka sam sebe posavjetuje i neka pogleda u koju grupaciju od ove dvije spada, a Allah daje uputu.

Tevhidur-rububijje nema potrebe za dokazom. On je duboko usađen u instinktima ljudi, a najdostupnije što čovjek može pogledati je njegovo stanje dok je bio sjeme. Izašao je između kičme i prsa. Potom je to sjeme došlo na sigurno mjesto, ispod tri tmine. U tom uređenju njegovi roditelji i ostala stvorenja nemaju nikakvo učešće. Kada bi to sjeme bilo postavljeno na ravnu površinu, a svi mudraci svijeta se sastali da nešto od njega naprave, ne bi to mogli učiniti. Isključena je iluzija djelovanja prirode u sjemenu, jer je ona

mrtva i nemoćna, ne pridaje joj se epitet života, a od mrtvoga ne može proizaći postupak ili uređenje. Kada porazmisle o tome i prelasku ovoga sjemena iz etape u etapu, saznat će za Allahovu Jednoću u pogledu Njegovog gospodarenja, a to će ih odvesti u vjerovanje da Allah jedino zaslužuje da bude obožavan. Ako putem razuma znaju da postoji Gospodar koji ih je stvorio, kako im onda pristaje da obožavaju nekoga drugoga? Što čovjek više razmišlja i razmatra, njegovo ubjedjenje i Jednoća se povećavaju. Allah upućuje, a nema gospodara ni boga osim Njega.

Allahovo vječno znanje o stanovicima Dženneta i stanovnicima Vatre

Autor kaže: „Allah je oduvijek, u potpunosti, znao broj onih koji će ući u Džennet i broj onih koji će ući u Vatru. Taj se broj neće uvećati ili umanjiti. Također je znao postupke koje će ljudi činiti.“

Uzvišeni kaže:

﴿ إِنَّ اللَّهَ بِكُلِّ شَيْءٍ عَلِيمٌ ﴾
(75)

,,...**Allah zaista sve zna.**“ (El-Enfal, 75.)

﴿ وَكَانَ اللَّهُ بِكُلِّ شَيْءٍ عَلِيمًا ﴾
(40)

,,...**a Allah sve dobro zna.**“ (El-Ahzab, 40.)

Uzvišeni Allah je opisan osobinama da oduvijek i zauvijek sve poznaje. Njegovom znanju nije prethodilo neznanje o nekim stvarima, a tvoj Gospodar ne zaboravlja.

Od Alije b. Ebi-Taliba, radijallahu anhu, se prenosi da je rekao: „Bili smo na dženazi u Beki'i el-Garkad, pa nam je došao Allahov Poslanik, sallallahu alejhi ve sellem, i sjeo, a mi smo sjeli oko njega.

Imao je štap, pa je oborio glavu i štap zabadao u zemlju, govoreći: 'Nema nijedne duše a da joj Allah nije zapisao mjesto u Džennetu ili Dže-hennemu i da joj nije zapisano da li će biti nesretna ili sretna.'

Neki čvojek upita: 'Allahov Poslaniče, hoćemo li osatati na ono-me što je zapisano i ostaviti djela?'

Tada je rekao: 'Ko je od sretnih, radit će djela sretnih, a ko je od nesretnih, radit će djela nesretnih.' Potom je rekao: 'Radite, svakom je olakšano ono za što je stvoren. Sretnima će biti olakšana djela sretnih, a nesretnima će biti olakšana djela nesretnih.' Potom je proučio:

﴿ فَأَمَّا مَنْ أُعْطِيَ وَأَتَقَى ﴾ وَصَدَقَ بِالْحُسْنَى ﴿ فَسَيِّرْهُ لِلْيُسْرَى ﴾ وَأَمَّا مَنْ بَخَلَ وَأَسْتَغْفَى ﴾ وَكَذَبَ بِالْحُسْنَى ﴾ فَسَيِّرْهُ لِلْعُسْرَى ﴾ ﴾

'Onome koji udjeljuje i bogobojazan je, i ono najljepše smatra istinitim, njemu ćemo put dobra olakšati; a onome koji tvrdiće i osjeća se neovisnim, i ono najljepše smatra lažnim, njemu ćemo put zla olakšati.'(El-Lejl, 5-10.)²⁸¹ Prenosi se u oba Sahiba.²⁸¹

Autor kaže: „Svakom je olakšano ono za što je stvoren, a na djela se gleda prema završecima. Sretan je onaj kome je sreća propisana Allahovim određenjem, a nesretan je onaj kome je nesreća propisana Allahovim određenjem.“

Prethodno je spomenut hadis Alije, radijallahu anhu, u kome Poslanik, sallallahu alejhi ve sellem, kaže: „Radite, svakom je olakšano ono za što je stvoren.“

Prenosi se od Zuhejra, a on od Ebuz-Zubejra, a on od Džabira b. Abdullaha, radijallahu anhu, da je rekao: „Suraka b. Malik b. Džu'šem je došao i rekao: 'Allahov Poslaniče, pojasni nam našu vjeru kao da smo sada stvoreni. Zašto, onda, djelovati? Je li dje-lujemo prema onome o čemu su pera već napisala i što je odre-

²⁸¹ Muttefekun alejhi; El-Buhari, 1362; Muslim, 2647; a navodi se u Zilalu-Džen-neh, 171.

đeno, ili onako kako će već biti u budućnosti? Rekao je: 'Ne! Već prema onome što su pera napisala i što je određeno.' Upitao je: 'Zašto onda djelovati?' Zuhejr kaže: »Ebu Ez-Zubejr je tada rekao nešto što nisam razumio.« Upitao sam: »Šta je rekao« - pa je odgovorio: 'Radi-te, svakome je olakšano.'²⁸² Prenosi ga Muslim.

Od Sehla b. Sa'da es-Saidija, radijallahu anhu, se prenosi da je Allahov Poslanik, sallallahu alejhi ve sellem, rekao: „*Uistinu neko, kako to izgleda ljudima, radi djela stanovnika Dženneta, a bit će stanovnik Vatre. Zaista neko, kako izgleda ljudima, radi djela stanovnika Vatre, a bit će stanovnik Dženneta.*“²⁸³ Navodi se u oba *Sabiha*, a El-Buhari je dodao: „*Djela se cijene prema završecima.*“

U oba *Sabiha*, također, od Abdullaха b. Mes'uda, radijallahu anhu, se prenosi da je rekao: „Allahov Poslanik, sallallahu alejhi ve sellem, a on je istinu govorio i potvrđen je kao takav, rekao je: 'Jednom od vas se objedinjuje stvaranje u utrobi njegove majke četrdeset dana kao sjeme, zatim bude zakvačak isto toliko, a zatim komad mesa isto toliko. Potom mu se pošalje melek koji mu udahne dušu i naredi mu se da zapisi četiri stvari: da zapisi njegovu opskrbu, smrtni čas, djela, da li je sretan ili nesretan. Tako mi Onoga osim kojeg drugog boga nema, neko od vas radi djela stanovnika Dženneta sve dok između njega i Dženneta ne bude koliko je jedna podlaktica. Tada ga zapisano prestigne, pa onda čini djela stanovnika Vatre i u nju uđe. Neko od vas čini djela stanovnika Vatre, sve dok između njega i Vatre ne bude koliko je podlaktica, pa ga prestigne zapisano i onda čini djela stanovnika Dženneta i u njega uđe.'²⁸⁴

Hadisi o ovoj tematiki su mnogobrojni, a također i predaje od Ispravnih prethodnika.

Ebu-Omer b. Abdul-Berr u *Et-Tembidu* kaže: „Ljudi uveliko navode predaje o ovoj tematiki. Apologetičari mnogo govore o

²⁸² Muslim, 2648; Ahmed, 3/292-293; Ibn-Hibban ga je ocjenio vjerodostojnim, 1808, 1809.

²⁸³ Muttefekun alejhi; El-Buhari, 2898; Muslim, 112; a navodi se u *Zilalul-Džen-nah*, 216.

²⁸⁴ Muttefekun alejhi; El-Buhari, 3208; Muslim, 2643; a navodi se u *Zilalul-Džen-nah*, 175-176.

ovome. Sljedbenici Sunneta su ujedinjeni oko vjerovanja u ove predaje i ostavljanje rasprave i polemike o njima. Allah daje čistotu i uputu.“

Allahova određenje - kader

Autor kaže: „Suština kadera (određenja, sADBINE) je Allahova tajna za Njegova stvorenja. Suštinu sADBINE ne zna ni bliski melek, a ni poslani vjerovjesnik. Zadubljivanje i razmatranje kadera (sADBINE) je put ka poniženju, stepenice za uskraćivanje Allahove milosti i stepen pretjerivanja (nepravde). Zato se treba uveliko čuvati ovakvog razmatranja, razmišljanja i šejtanskih prišaptavanja. Uzvišeni Allah je znanje o kaderu uskratio Svojim robovima. Zabranio im je da za njim tragaju, kao što Uzvišeni kaže u Svojoj Knjizi:

﴿ لَا يُنَسِّفُ عَمَّا يَفْعَلُ وَهُمْ يُسْتَغْلَوْنَ ﴾

'On neće biti pitan za ono što radi, a oni će biti pitani.'
(El-Enbija', 23.)

Ko upita zašto je to On učinio, odbacio je propis Knjige, a ko to učini, postao je nevjernik.“

Suština kadera (određenja, sADBINE) je Allahova tajna za Njegova stvorenja. On je stvorio, a i rastvara. On druge čini siromašnim i ovisnim, a i bogatim i neovisnim, On usmrćuje i oživljava, odvodi u zabludu i upućuje. Alija, neka mu Allah osvijetli lice, je rekao: „SADBINA je Allahova tajna, pa je nećemo moći otkriti.“ Razilaženje ljudi u pitanju određenja, tj. sADBINE, je poznato.

Stav sljedbenika Sunneta po pitanju kadera

Sljedbenici Sunneta i džema'ata zastupaju stav da je svaka stvar određena Allahovom presudom i određenjem i da je Allah Uzvišeni Stvoritelj djela ljudi. Uzvišeni kaže:

﴿ إِنَّا كُلَّ شَيْءٍ خَلَقْنَاهُ بِقَدَرٍ ﴾

„*Mi doista sve s određenjem stvaramo.*“ (El-Kamer, 49.) I kaže:

﴿ وَخَلَقَ كُلَّ شَيْءٍ فَقَدْرَهُ تَقْدِيرًا ﴾

„*Koji je sve stvorio i kako treba uredio!*“ (El-Furkan, 2.)

Uzvišeni Allah želi nevjerstvo nevjernika, ali sa njim nije zadovoljan i ne voli ga. On ga želi u smislu postojanja, ali nije zadovoljan njime u vjerskom smislu.

Tome se suprotstavljaju kaderije i mu'tezile koje kažu da Allah od nevjernika želi vjerovanje, ali nevjernik želi nevjerovanje. Ovo zastupaju da ne bi rekli: Želio je nevjerstvo od nevjernika i zbog njega ga je kaznio. Međutim, oni su kao što se u stihu kaže:

Kao onaj koji se vatrom štiti od žari

Mu'tezile su pobjegle od odrđenjih činjenica da bi zapali u još gore. Iz njihovih tvrdnjki proizilazi da je nevjernikovo htijenje nad-vladalo Allahovu volju. Allah je, prema njihovim izjavama, htio vjerovanje od nevjernika, a nevjernik je želio nevjerstvo. Tako je sprovedena nevjernikova volja pored volje Uzvišenog Allaha. Ovo je jedno od najružnijih uvjerenja i govor bez dokaza koji je u suprotnosti sa dokazom.

El-Lalikai²⁸⁵ navodi hadis Bekijje, a on prenosi od El-Evzaija, a on od El-Alaa b. Hadždžadža, a on od Muhammeda b. Ubejda el-Mekkija, a on od Ibn-Abbasa da mu je rečeno: „Neki nam je čovjek došao i nijeće sudbinu.“ Rekao je: „Pokažite mi ga.“ Ibn-Abbas je već tada bio slijep. Rekli su mu: „Šta ćeš s njim učiniti?“ Rekao je: „Tako mi Onoga u čijoj je ruci moja duša, ako ga se domognem odgrist će mu nos. Ako se domognem njegovog vrata, presjeći će ga. Čuo sam Allahovog Poslanika, sallallahu alejhi ve sellem, kako govorи: 'Kao da sam pred ženama Benu Fibra koje obilaze oko Harzedža. Zanosile su svojim bokovima čineći širk. Ovo je prvi širk u islamu. Tako mi Onoga u čijoj je ruci moja duša, njihovo ružno mišljenje će stići na stepen tako da smatraju da Allah ne određuje dobro, kao što su Ga lišili određenja zla.'“²⁸⁶

Njegove riječi: „Ovo je prvi širk u islamu...“ riječi su Ibn-Abbas i to je u saglasnosti s njegovim riječima „Sudbina je poredak tevhida, pa ko izražava jednoću Allahu, a nijeće sudbinu, njegovo nijekanje pôriče i njegovo ispovijedanje Allahove Jednoće.“²⁸⁷

Amr b. El-Hejsem prenosi: „Krenuli smo na putovanje brodom, a sa nama su bili kaderija i medžusija. Kaderija je medžusiji rekao: 'Prihvati islam!' Medžusija reče: 'Kada Allah bude htio!' Kaderija reče: 'Allah hoće, ali šeđtan neće!' Medžusija reče: 'Allah hoće, a i šeđtan hoće, pa je bilo kako šeđtan hoće. Ovaj šeđtan je jak!'“

²⁸⁵ On je imam, hafiz, Ebūl-Kasim Hibbetullah b. Hasan b. Mensur et-Taberi el-Lalikai. Umro je 418. h.g.

²⁸⁶ Predaja je slaba, a mahana je u El-'Alau b. El-Hadždžadžu koji je svrstan u skupinu nepoznatih. Niko ga nije proglašio pouzdanim, pa čak ni Ibn-Hibban. El-Ezdi ga je proglašio slabim, kao što kaže Ez-Zehebi. Iako je njegova slabost ovdje naglašena, on se ipak uzima u obzir, jer se ne suprotstavlja pouzdanijim od sebe. Proglašavanje ove predaje dobrom, od strane Ahmeda Šakira, jedan je vid njegove popustljivosti, po čemu je poznat kod učenjaka. Prenosi ga Ibn Ebi Asim u *Es-Sunne*, 79.

²⁸⁷ Predaja je slaba, a prenosi se kao mevkuf i kao merfu'. Kao mevkuf je prenosi El-Lalikai u *Serhus-sunne*, 1/142/1 i 6/262/2. U predaji ima onih koji nisu naslovljeni. Kao merfu' (sa spojenim lancem prenosilaca) prenosi je Et-Taberani u *El-Evsatu*. U predaji je Hania El-Mutevekil, a on je slab. Prenosi se u *Ed-Daife*, 4072.

U drugoj predaji se navodi: „Ja sam sa onim koji je jači.“

Neki beduin je došao u halku u kojoj je bio Amr b. Ubejd²⁸⁸ i rekao: „Čujte, moja deva je ukradena, pa molite Allaha da mi je povrati.“

Amr b. Ubejd je rekao: „Allahu, Ti nisi želio da njegova deva bude ukradena, pa je ukradena i zato mu je vrati.“

Beduin reče: „Ja nemam potrebe za tvojom dovom.“

On upita: „Zašto?“

„Bojim se, kao što je želio da ne bude ukradena, pa je ukradena, da je htjedne vratiti, pa se ne vrati.“

Neki čovjek je rekao Ebu-'Isamu el-Kastalaniju²⁸⁹: „Šta misliš kada bi mi Allah uskratio uputu i odveo me u zabludu, a zatim me kaznio, da li bi bio pravedan?“ Ebu-'Isam mu reče: „Ako je uputa stvar koja pripada Njemu, On ima pravo da je da kome hoće i da je uskrati kome hoće.“

²⁸⁸ On je Amr b. Ubejd, kaderija, veliki mu'tezila i prvak među njima. Umro je 144. h.g.

²⁸⁹ Abdul-Džebbar el-Hemedani, jedan od mu'tezilskih šejhova, je došao kod Ibn-Abbada, a kod njega je bio Ebu-Ishak el-Isfarini, jedan od imama Sunneta. Kada ga je video, rekao je: „Slava Onome koji je čist od razvrata.“ Ebu-Ishak mu odmah reče: „Slava Onome u čijem se carstvu dešava samo što On želi.“ Kadija upita: „Zar naš Gospodar želi da Mu se čini nepokornost?“ Ebu-Ishak reče: „Zar se našem Gospodaru čini nepokornost prisilno?“ Kadija reče: „Šta misliš kada bi mi uskratio uputu i presudio mi najgore, da li bi time učinio dobro ili loše?“ Reče: „Ako bi ti uskratio ono što ti, pripada bio bi to loš postupak; ako bi ti uskratio ono što Njemu pripada, onda On ima pravo da svoju milost da kome hoće.“ Kadija Abdul-Džebbar je ušutio. U *Taribut-Taberi* (8/125) prenosi se da je Gejljan rekao Mejmunu b. Mehranu u prisustvu Hišama b. Abdul-Melika koji ga je doveo da se sa njim raspravlja: „Da li Allah želi da Mu se čini nepokornost?“, pa mu je Mejmun rekao: „Zar Mu se nepokornost prisilno čini?“

Dokazi iz Kur'ana i Sunneta

Uzvišeni kaže:

﴿ وَلَوْ شِئْنَا لَأَنْتَنَا كُلَّ نَفْسٍ هُدَنَّا وَلَكِنْ حَقَّ الْقَوْلُ مِنِي لِأَمْلَأَنَّ جَهَنَّمَ مِنْ الْجِنَّةِ وَالنَّاسُ أَجْمَعِينَ ﴾ ﴿٤﴾

„A kad bismo htjeli, svakog čovjeka bismo na Pravi put uputili, ali Ja sam već Istinu rekao: 'Napunit ću, zaista, Džehennem džinima i ljudima zajedno!““ (Es-Sedžde, 13.)

﴿ وَلَوْ شَاءَ رَبُّكَ لَا مَنْ فِي الْأَرْضِ كُلُّهُمْ جَمِيعًا أَفَأَنْتَ تُنْكِرُهُ النَّاسَ حَتَّى يَكُونُوا مُؤْمِنِينَ ﴾ ﴿٥﴾

„Da Gospodar tvoj hoće, na Zemlji bi doista bili svi vjernici. Pa zašto onda ti da nagoniš ljudi da budu vjernici?““ (Junus, 99.)

﴿ وَمَا تَشَاءُونَ إِلَّا أَنْ يَشَاءَ اللَّهُ رَبُّ الْعَالَمِينَ ﴾ ﴿٦﴾

„A vi ne možete ništa htjeti ako to Allah, Gospodar svjetova, neće!““ (Et-Tekvir, 29.)

﴿ وَمَا تَشَاءُونَ إِلَّا أَنْ يَشَاءَ اللَّهُ إِنَّ اللَّهَ كَانَ عَلَيْهِ حِكْمًا ﴾ ﴿٧﴾

„... a vi ćete htjeti samo ono što Allah, hoće. Allah, uistinu sve zna i mudar je.““ (Ed-Dehr, 30.)

﴿ مَنْ يَشَاءُ اللَّهُ يُضْلِلُهُ وَمَنْ يَشَاءُ هُجَّلُهُ عَلَى صِرَاطٍ مُّسْتَقِيمٍ ﴾ ﴿٨﴾

„Onoga koga hoće - Allah stavlja u zabludu, a onoga koga hoće - na pravi put izvodi.““ (El-En'am, 39.)

﴿فَمَنْ يُرِدُ اللَّهُ أَنْ يَهْدِيَهُ، يَشْرَحْ صَدْرَهُ، لِلْإِسْلَامِ وَمَنْ يُرِدُ أَنْ يُضْلَلَ، سَجْعَلْ صَدْرَهُ، ضَيْقًا حَرَّاجًا كَأَنَّهَا يَصْعَدُ فِي السَّمَاءِ﴾

„Onome koga Allah želi uputiti - On srce njegovo prema islamu raspoloži, a onome koga želi u zabludi ostaviti - On srce njegovo stegne i umornim učini, kao kad čini napor da na nebo uzleti.“ (El-En'am, 125.)

Početak zablude

Zabluda počiva na izjednačavanju htijenja i volje, ljubavi i zadovoljstva. To su džebrije i kaderije izjednačile, a zatim su se razišli.

Džebrije su rekle: Sve što postoji je Njegovom presudom i određenjem, a Allah ga voli i zadovoljan je time.

Kaderije negatori su rekli: Nepokornosti nisu drage Allahu, niti je On sa njima zadovoljan, nisu određene, te izlaze van okvira Njegovog htijenja i stvaranja.

Na razliku između htijenja i volje (irade ve meš'eh) ukazuju Kur'an, Sunnet i ispravna prirodna urođena vjera.

Što se tiče dokaza o volji i htijenu iz Kur'ana, neki od njih su prethodno spomenuti.

U dokazima o ljubavi i zadovoljstvu Uzvišeni kaže:

﴿وَاللَّهُ لَا يُحِبُّ الْفَسَادَ﴾

„Allah ne voli nered!“ (El-Bekare, 205.)

﴿وَلَا يَرْضَى لِعِبَادِهِ الْكُفُرُ﴾

„On nije zadovoljan nevjerovanjem Svojih robova.“ (Ez-Zumer, 7.)

Uzvišeni, nakon što je zabranio širk, nepravdu, razvrat i oholost, kaže:

﴿ كُلُّ ذَلِكَ كَانَ سَيِّئًا، عِنْدَ رَبِّكَ مَكْرُوهًا ﴾ (٣٨)

„*Sve to je ružno, Gospodaru tvome je mrsko.*“ (El-Isra', 38.)

U *Sabihu* se od Vjerovjesnika, sallallahu alejhi ve sellem, prenosi da je rekao: „*Allah vam je prezreo tri stvari: rekla-kazala, mnogo zapitki-vanja i rasipanje imetka.*“²⁹¹

U *Musnedu* se prenosi: „*Allah voli da se koriste Njegove olakšice, kao što prezire da se čine nepokornosti.*“²⁹¹

Poslanik, sallallahu alejhi ve sellem, je u dovi govorio: „*Allahu, utječem se Tvoome zadovoljstvu od Tvoje srdžbe, i Tvoome oprostu od Tvoje kazne. Utječem se Tebi od Tebe.*“²⁹²

Razmisli o spomenu njegovog utjecanja osobini zadovljostva od osobine srdžbe i djelu oprosta od djela kazne.

Prvo je opis (osobina), a drugo je posljedica. Potom je to sve vezao za Njegovo Uzvišeno Biće. Sve se vraća Njemu, a ne nekome drugome. Ono od čega Ti se utječem, desit će se Tvojom voljom i htijenjem. Utječem Ti se Tvoome zadovoljstvu i oprostu koji postoji Tvojom voljom i htijenjem. Ako želiš, bit ćeš zadowoljan Svojim robom i oprostiti mu, a ako želiš, bit ćeš srdit na nje-ga i kazniti ga. Moje traženje utočišta od onoga što mrzim i sprječavanje da me to zadesi biva, također, Tvojom voljom. Sve što je draga, ili nije draga, biva Tvojom presudom i voljom. Tražim utočišta kod Tebe od Tebe i tražim utočišta u Tvojoj snazi, milosti i moći od onoga što biva Tvojom snagom, moći, pravdom i mudrošću. Ne tražim utočišta kod drugog od drugog. Ne tražim utočišta kod Tebe od nečega što je proizašlo bez Tvoga htijenja, jer je to od Tebe. Tevhid spoznaju i ubudijjet koji se nalaze u ovim

²⁹⁰ Muttefekun alejhi; El-Buhari, 1477; i Muslim, 1593.

²⁹¹ Sahih; Ahmed i drugi sa ispravnim lancem prenosilaca, *Irvaul-galil*, 564.

²⁹² Sahih; navodi se u *Sabihu Ebi-Davud*, 823.

rijećima poznaju samo oni koji su vični znanju o Allahu, Njegovoj spoznaji i robovanju Njemu.

Kako da Allah želi neku stvar a nije zadovoljan njome

Ako se kaže: Kako Allah može željeti nešto a sa njim nije zadovoljan i ne voli ga? Kako ga želi, a onda ga stvori? Kako se mogu objediniti Njegova volja, srdžba i prijezir?

Rečeno je: Zbog ovoga pitanja su se ljudi razdijelili na više frakcija. Njihova mišljenja i pravci su se jasno razdijelili. Znaj da ono što se želi biva dvojako: Ono što se želi sebi i što se želi drugome. Čovjek traga za onim što želi sebi i to mu je omiljeno zbog dobra koje sadrži. Ovo se naziva že-ljom za postizanjem ciljeva. Možda dotična osoba želi nešto drugoj osobi, ali to nije njen cilj, niti u tome ima vlastite koristi, iako je to što želi sredstvo stizanja do cilja. Takva želja je za njega, iz vlastitog aspekta, pokuđena, ali je hoće sprovesti s obzirom na presudu i stizanje do onoga što namjerava. Tu se objedinjuju dvije stvari: Njegova mržnja i htijenje koji međusobno nisu oprečni zbog razlike onoga što proizilazi iz njih. Ovo je poput ružnoga (gorkog) lijeka kada onaj koji ga uzima zna da se njime može izliječiti, ili poput odsijecanja oboljelog organa kada se zna da će tim odsijecanjem čitavo tijelo spasiti, ili je poput prelaska ogromne i teške putanje, jer se zna da vodi ka željenom i voljenom. Pametnom je dovoljno da ovim neželjenim stvarima da prednost i da ih želi samo na osnovu preovladajućeg mišljenja, pa makar se bojao za konačne posljedice. Šta je tek sa Onim Kome nije ništa skriveno? On Uzvišeni nešto prezire, ali to nije u suprotnosti sa Njegovom voljom prema drugima, jer je On uzročnik stvari koja Mu je draga.

Mudrost stvaranja Iblisa

Primjer za to je i stvaranje Iblisa, a on je povod nereda u vjera-ma, djelima, uvjerenjima i htijenjima. On je povod za nesreću mnogih ljudi i njihovog činjenja djela koja rasrđuju Gospodara, tebareke ve te'ala.²⁹³

Čovjek čini ono što je suprotno Allahovoj ljubavi i zadovoljstvu, ali je to, ipak, često put za mnoge stvari koje su drage Uzvišenome Gospodaru, a posljedično dolaze Njegovim stvorenjima. Njihovo postojanje Mu je draže od njihovog nepostojanja. Od tih stvari su: da ljudi uvide Gospodarevu moć stvaranja oprečnih stvari poput stvaranja ovog bića (Iblisa) koje je najprljavije i najzlobnije biće, te povod je svakog zla, nasuprot biću Džebraila koji je najčasnije, najčišće biće i povod je svakog dobra. Neka je Uzvišen Stvoritelj i jednoga i drugoga.

Isto tako, Njegova moć se ogleda u stvaranju dana i noći, lijeka i bolesti, života i smrti, lijepog i ružnog, dobra i zla, a to je jedan od najboljih dokaza koji ukazuju na savršenstvo Njegove moći, snage, vlasti i carstva. On je stvorio ove suprotnosti, postavio ih oprečni-ma jednim drugima i učinio ih poljem Svoga upravljanja i uređenja. Nepostojanje dijela ovih suprotnosti u potpunosti označava opovrgavanje Njegove mudrosti, savršenstva Njegovog upravljanja i uređivanja carstva.

Posljedice suprotnosti su i tragovi Njegovih imena superiornosti kao što su: Nadmoćni, Osvetitelj, Pravedni, Koji štetu donosi, Koji žestoko kažnjava, Koji brzo kažnjava, Koji žestoko uzima, Koji umanjuje i Koji ponižava. Ova imena i djela predstavljaju savrše-nstvo i mora postojati ono što je za njih vezano (u čemu se ogledaju). Da su ljudi i džinni poput meleka trag ovih imena se ne bi pojavio.

²⁹³ El-Afifi kaže: Pogledaj *Medaridžu es-salikin*, 1/252-255 i *Mešahidul-balki fil-me'asije* od Ibnul-Kajjima.

Također, od stvari koje ukazuju na Njegovu mudrost i potpuno upravljanje je manifestacija tragova Njegovih imena koja sadržavaju blagost, oprost, zaštitu, prelazak preko Njegovoga prava, te oslobođanje od Vatre onih robova koje želi osloboditi. Da nije stvorio ono što prezire od povoda koji vode manifestiranju tragova ovih imena, ove mudrosti i koristi bi bile obesnažene. Vjerovjesnik, sal-lallahu alejhi ve sellem, je na ovo ukazao svojim riječima: „*Da ne grijesite, Allah bi vas uklonio i doveo bi ljudi koji grijese i traže oprosta, pa bi im oprštao.*“²⁹⁴

Od znakova mudrosti i potpunog upravljanja su manifestiranje tragova imena koji sadrže mudrost i obaviještenost. On je Mudar i o svemu obaviješten. On sve stvari stavlja na njihovo mjesto i na poziciju koja im odgovara. Ništa ne stavlja na mjesto koje mu ne odgovara, niti dovodi na poziciju koja nije u saglasnosti sa onim što zahtijeva savršenstvo Njegovog znanja, mudrosti i obaviještenosti. On najbolje zna gdje će dati Svoja poslanstva i najbolje zna ko će biti ispravan da ih prihvati i zahvali Mu što su ta poslanstva do njih došla. Također, najbolje pozna ko nije ispravan za to. Kada bi se pretpostavilo da ne postoje negativni povodi, ne bi bilo ni mnogih mudrosti i bili bi smo lišeni mnogih koristi. Kada ne bi bilo tih povoda u kojima ima zla, nestalo bi dobra koje je veće od zla koje se nalazi u tim povodima. Primjer za to su Sunce, kiša i vjetrovi²⁹⁵ u kojima su višestruke koristi u odnosu na zlo koje iz njih proizilazi.

Od znakova Njegovog potpunog uređenja je i sprovodenje raznovrsnog obožavanja (činjena ibadeta), jer da Iblis nije stvoren obožavanje (činjene ibadeta) se ne bi sprovodilo.

Obožavanje putem džihada je jedan od najdražih oblika obožavanja (činjena ibadeta) Uzvišenom Allahu. Da su svi ljudi vjernici, ovo obožavanje (činjene ibadeta) ne bi imalo smisla, kao ni sve ono

²⁹⁴ Muslim, 2749; od Ebu-Hurejre i Ebu-Ejjuba. Naveden je u *Es-Sabīha*, 968, 969, a tamo se spominju i hadisi koji mu svjedoče, 967-970.

²⁹⁵ El-Afifi kaže: „Pogledaj ovu repliku i podrobniji odgovor na str. 193-198. u knjizi *Medarudžu es-salikin*, te knjizi *Bolest i lijek*, 282-283, od imama Ibn el-Kajjima.“

što proizilazi iz njega u vidu prijateljevanja i neprijateljevanja u ime Allaha, obožavanja (činjena ibadeta) putem naređivanja dobra i odvraćanja od zla, obožavanje (činjene ibadeta) putem strpljenja i suprotstavljanja strastima, davanjem prednosti onome što Allah voli, obožavanje (činjene ibadeta) pokajanjem i traženjem oprosta, traženjem utočišta od Allaha da čovjeka sačuva od Njegovog neprijatelja i zaštiti od njegovih spletki i uznemiravanja. Postoje i druge mudrosti koje razumi ne mogu shvatiti.

Ako se kaže: Da li je moguće da te mudrosti postoje bez tih povoda?

Reći će se: Ovo je neispravno pitanje, jer se pretpostavlja da postoji posljedica, a ne postoji njen uzrok, kao što je postojanje sina bez oca, ili pokreta bez onoga koji se kreće i pokajanja bez onoga koji se kaje.

Ako se kaže: Pošto se ovi povodi žele, jer vode određenim mudrostima, da li su, iz ovog aspekta, dragi Allahu i da li je Allah zadovoljan sa njima, ili su Allahu mrski i prezreni iz svih aspekata?

Na ovo pitanje postoji odgovor iz dva aspekta.

Prvi je iz aspekta Allaha, azze ve dżelle, tj. da li ih On voli zato što oni vode ka onome što On voli, ili ih mrzi same po sebi?

Dруги je iz aspekta čovjeka, tj. da li mu je primjereno da bude zadovoljan sa njima iz tog aspekta? Ovo je pitanje od važnosti.

Znaj da se svo zlo vraća u nepostojanje, tj. mislim na nepostojanje dobra i povode koji mu vode. Iz ovog aspekta to je zlo. Međutim, iz aspekta njegovog čistog postojanja u njemu nema zla.

Primjer za to: Postojanje zlih duša je dobro ako se gleda na njihovo samo postojanje, ali se zlo dogodilo kada su prestale biti vezane za dobro. Duše su u osnovi stvorene kao pokretljive i aktivne. Ako su pomognute znanjem i nadahnute dobrom, onda se pokrenu, a ako se ostave, onda će se po prirodi pokrenuti ka suprotnosti. Pokretljivost je sama po sebi dobra, a biva zlom sa dodatnim činjenicama, a ne samo zato što je to pokret. Svo zlo je nepravda, a

označava da se određena stvar stavi na neodgovarajuće mjesto. Kada bi se stavila na odgovarajuće mjesto ne bi bilo zlo. Iz toga se zna da je aspekt zla relativan i dodatan. Zato su propisane kazne u određenim okolnostima same po sebi dobre, iako predstavljaju zlo za mjesta u koja dođu, jer uzrokuju bolove, a priroda je bila spremna prihvati suprotnost u vidu užitka. Tako je bol zlo za mjesta, a dobro za onoga ko ga čini jer ga je stavio na odgovarajuće mjesto. Uzvišeni nije stvorio čisto zlo iz svih aspekata. Njegova mudrost to ne prihvata. Uzvišeni ne želi nešto u čemu će biti nered iz svakog aspekta, u stvaranju čega nema koristi. Ovo je jedna od najjasnijih nemogućnosti. Svo dobro je u Allahovim, subhanehu ve te'ala, Rukama, a zlo se Njemu ne pripisuje. Njemu se pripisuje samo dobro. Zlo se desilo zbog njegovog nepripisivanja Njemu. Da se zlo pripisuje Njemu, ne bio bilo zlo, pa zato razmisli! Nepripisivanje zla Njemu je samo zlo načinilo zlom.

Ako se kaže: Zašto se Njemu zlo ne pripisuje u smislu stvaranja i volje?

Reći će se: Iz ovog aspekta to nije zlo. Postojanje zla se pripisuje Njemu, ali iz ovoga aspekta nije zlo. Zlo kod Njega označava nepostojanje pomoći dobru i njegovim povodima. Nepostojanje ne predstavlja ništa, pa se zato ne može pripisati Onome Koji posjeduje dobro.

Povodi dobra

Ako želiš detaljnije pojašnjenje toga, onda znaj da su povodi dobra trojaki: stvaranje, spremnost i pomoć. Stvaranje je dobro, a pripisuje se Allahu, a isto tako spremnost i pomoć. Ako nema spremnosti ni pomoći, desi se zlo zbog nepostojanja (spremnosti i pomoći) koje se ne pripisuje činiocu, nego mu se pripisuje suprotno.

Ako se kaže: Zašto ga ne pomogne kada ga je stvorio?

Reći će se: Mudrost nije nalagala njegovo stvaranje i pomaganje, nego je nalagala njegovo stvaranje i ostavljanje njegovog pomaganja. Njegovo stvaranje je dobro, a zlo se desilo zbog nepostojanja pomoći.

Ako se kaže: Zašto nije pomogao sve što postoji?

Reći će se: Ovo je neispravno pitanje. Onaj koji ga postavlja smatra da je izjednačavanje svih postojećih stvari najbolji oblik mudrosti. Ovo je čisto neznanje. Mudrost se ogleda u ovoj velikoj raznolikosti među stvarima. Ne postoji različitost u stvaranju svake vrste. Različitost se odvila zbog nepostojećih stvari za koje stvaranje nije vezano. U suprotnom, u stvaranju nema razlikovanja. Ako ti je ovo teško razumljivo i ne možeš ga shvatiti na pravi način, razmotri sljedeći govor:

*Ako nešto ne možeš, ostavi ga
I priyedi na ono što možeš.*

Ako se kaže: Kako može biti zadovoljan kod Svoga roba sa nečim, a ne pomaže ga u tome?

Reći će se: Možda njegova pomoć čovjeku nalaže da ga mimoide ono što mu je drago i veće od zadobijanja te pokornosti s kojom je zadovoljan.²⁹⁶ Možda odvijanje te pokornosti podrazumijeva štetu koja je Njemu Uzvišenome mrža od ljubavi prema toj pokornosti. Uzvišeni to naznačava u Svojim riječima:

﴿وَلَوْ أَرَادُوا الْخُرُوجَ لَا عَدُوا لَهُمْ عَذَّةٌ وَلِكِنْ كَرَهَ اللَّهُ أَبْغَانَهُمْ فَتَبَطَّهُمْ﴾

„Da su imali namjeru poći, sigurno bi za to pripremili ono što je potrebno, ali Allahu nije bilo po volji da idu, pa ih je zadržao.“ (Et-Tevbe, 46.)

Uzvišeni je obavijestio da je prezirao njihovo kretanje u borbu sa Poslanikom, sallallahu alejhi ve sellem, a to je pokornost. Kada

²⁹⁶ El-Άfifi kaže: „Na odgovore ovome, koje spominje komentator na ovome mjestu, pogledaj u knjizi *Medaridžu es-salikin*, 2/198.“

je to prezreo, onda ih je demoralizirao, a zatim je spomenuo neke štete koje proizlaze kao posljedica njihovog izlaska sa Poslanikom, sallallahu alejhi ve sellem :

﴿لَوْ خَرَجُوا فِي كُمْ مَا زَادُوكُمْ إِلَّا خَبَالًا﴾

„Da su pošli s vama, bili bi vam samo na smetnji.“ (Et-Tevbe, 47.), tj. nered i zlo.

﴿وَلَا وَضَعُوا خِلْكَلَكُمْ﴾

„I brzo bi među vas smutnje ubacili.“ (Et-Tevbe, 47.), tj. među vama bi pravili nered i zlo.

﴿يَتَعْوَنَّكُمْ أَفْتَنَةً وَفِيكُمْ سَمَّاعُونَ هُمْ﴾

„A među vama ima i onih koji ih rado slušaju.“ (Et-Tevbe, 47.), tj. neki bi to od njih prihvatili i odazvali bi im se. Iz nastojanja jednih i prihvatanja drugih rodilo bi se zlo koje je veće od koristi njihovoga kretanja u boj. Mudrost i milost su zahtijevale da ostanu kod svojih kuća. Zato ovaj primjer uzmi kao osnovu, a druge gledaj analogno ovome.

Drugi aspekt se odnosi na čovjeka i on je, također, moguć, a zapravo se i dešava. Čovjek prezire griješenje i nepokornost, s obzirom da su to djela čovjeka koja se dešavaju njegovim zaslugama, htijenjem i odabirom. On je zadovoljan Allahovim znanjem, odredbom, htijenjem, voljom i kosmičkom naredbom. On je zadovoljan Allahovim blagodatima, a i srdi se na ono što je od njega samoga. Ovo je pravac onih koji imaju spoznaju.

Druga grupacija ove nepokornosti apsolutno prezire. Njihovo mišljenje se vraća na prethodno. Kada spominju prijezir pod njim ne misle na cjelokupno Gospodarevo znanje, određenje i volju. Tajna ovog pitanja je u sljedećem: Ono što se pripisuje Gospodaru kod njih nije prezreno, a što se pripisuje čovjeku prezreno je.

Ako se kaže: Čovjeku se ništa od njih ne pripisuje.

Reći će se: To je neispravna džebrijska ideologija, a onaj ko je zastupa ne može se riješiti ove stješnjene pozicije. Kaderija negator će se lakše riješiti ovog stava od džebrije. Sljedbenici Sunneta zastupaju srednji stav između kaderija i džebrija i najbolje nalaze rješenje u odnosu na ove dvije grupacije.

Ako se kaže: Čemu onda pokajanje pored postojanja mudrosti u određenju i postojanja opstojnosti i htijenja koje se sprovodi?

Reći će se: Ova konstatacija je one koji su zasljepljeni natjerala da posvjedoče o ovom pitanju suprotno stvarnosti. Ta djela su smatrali pokornostima zbog njihove saglasnosti sa htijenjem i određenjem. Rekli su: Ako se ne pokoravam Njegovoj naredbi, pokoravam se Njegovom htijenju, a o tome je rečeno u stihovima:

*Potpao sam pod ono što želi od mene,
Pa su svi moji postupci pokornost.*

Ovo su najzasljepljeniji ljudi, najmanje poznaju Allaha i Njegove vjerske i kosmičke propise. Pokornosti su u saglasnosti sa vjerskom, šerijatskom naredbom, a nisu u saglasnosti sa određenjem i htijenjem. Da je postupanje po kaderu pokornost, Iblis bi Mu bio najpokornije stvorenje, a i Nuhov, Hudov, Salihov, Lutov, Šu'ajbov i Faraonov narod. Ovo je krajnje neznanje. Ako čovjek posvjedoči svoju nemoć, sprovođenje sudbine nad njim, potpunu ovisnost o svome Gospodaru, ovisnost o Njegovoj zaštiti i čuvanju bez izmicanja koliko je tren oka, onda u ovom slučaju je predan Allahu, a ne sebi. Iz ovoga ne može nikako proizaći nastanak grijeha. On nad sobom ima dobru zaštitu. „Putem Mene sluša, gleda, dohvaća, hoda“ i nemoguće je zamisliti grijeh u ovakvim okolnostima. Kada bude lišen ovoga prizora i ostane sam, nadvlada ga njegova duša. Tada mu se postave mreže i zamke i pošalju mu se lovci. Kada se magla tog prirodnog postojanja razide, onda mu dođu kajanje i povrat. On je bio u grijehu, udaljen svojom dušom od svoga Gospodara. Kada je napustio to postojanje, došao je u drugo postojanje i ostao je sa svojim Gospodarem, a ne sam sa sobom.

Ako se kaže: Ako nevjerstvo biva Allahovom presudom i određenjem i naređeno nam je da budemo zadovoljni Allahovom presudom, kako ćemo ga onda negirati i mrziti?

Odgovor je: Prvo će se reći: Nama nije naređeno da budemo zadovoljni sa svime što Allah odredi i presudi. To se ne navodi ni u Kur'anu ni u Sunnetu. Ima stvari koje su određene i s kojima treba biti zadovoljan, a neke treba prezirati, kao što sa njima nije zadovoljan ni Sudac Uzvišeni. Neka presuda Ga srđi, kao što ima određenih stvari koje izazivaju Njegovu srdžbu, prijezir, prokletstvo i prijekor.

Kao drugo, reći će se: Postoje dvije stvari: *Kada'* - *Allahovo donošenje odredbe* je djelo koje opстоji u Allahovom Uzvišenom Biću, i *makdijj* - *ono što je presuđeno*, a iz toga proizilazi da je to djelo odvojeno od Njega (Njegovog Bića).

Sav *kada'* je dobar, pravedan i mudar i sa njim smo zadovoljni. Ono što je presuđeno sastoji se iz dva dijela. Prema jednom dijelu se izražava zadovoljstvo, a prema drugom se ne izražava zadovoljstvo.

Kao treće, reći će se: Presuda ima dva aspekta:

Prvi je njena vezanost i pripisivanje Gospodaru Uzvišenom. Iz ovog aspekta se prema njoj izražava zadovoljstvo.

Drugi aspekt: Vezanost i pripisivanje čovjeku. Iz ovog aspekta se presuda dijeli na onu sa kojom se izražava zadovoljstvo i na onu sa kojom se ne izražava zadovoljstvo. Primjer za to je ubistvo koje ima dva tumačenja:

Prvo: S obzirom da ga je Allah odredio, presudio, zapisao, htio i učinio smrtnim rokom za ubijenog i završetkom njegovoga života, sa ovim se izražava zadovoljstvo. Međutim, s obzirom da je smrt nastupila ubistvom, učešćem ubice, njegovom zaradom i da je to učinio svojim odabirom, čineći nepokornost Allahu, onda se to prezire i sa njime nismo zadovoljni.

Autorove riječi: „**Zadubljivanje i razmatranje kadera je put ka poniženju...**“ Zadubljivanje označava pretjerano traganje za nečim, a to znači da pretjerivanje u traganju za kaderom i ulazak u govor o njemu vodi u poniženje. Poniženje označava neuspjeh koji je suprotan uspjehu, a nepravda je suprotna ispravnosti.

Autorove riječi: „**Zato se treba uveliko čuvati ovakvog razmatranja, razmišljanja i šejtanskih prišaptavnja.**“

Od Ebu-Hurejre, radijallahu anhu, se prenosi da je rekao: „Neki ashabi su došli Allahovom Poslaniku, sallallahu alejhi ve sellem, i upitali ga: 'Mi u svojim dušama nalazimo ono što bi jednom od nas bilo veliko da o tome progovori.' Rekao je: 'Zar ste to već osjetili?' Odgovorili su: 'Da.' Rekao je: 'To je čisti iman.'“²⁹⁷ Prenosi ga Muslim.

Riječima „*To je čisti iman*“ aludira se na riječi da im je veliko da o tome govore.

Muslima, također, prenosi da je Abdullah b. Mes'ud, radijallahu anhu, rekao: „Allahov Poslanik, sallallahu alejhi ve sellem, je upitan o vesvesi (šejtanskom prišaptavanju), pa je odgovorio: *To je čisti iman.*“²⁹⁸ Ova predaja je u značenju Ebu-Hurejrinog hadisa.

Duševna pomutnja i borba protiv prišaptavanja duše je na stepenu razgovora između dvojice. Borba protiv šejtanske vesvese i njenog smatranje velikim je čisti iman. Ovo je pravac ashaba, radijallahu anhum, i tabiina i njihovih sljedbenika po dobru. Potom su došle poslije njih generacije koje su ispisale djela o tim vesvesama koje predstavljaju sumnje. Zapravo, oni su listove ispisali vesvesama koje predstavljaju sumnju. Također, ispunili su srca tim vesvesama raspravljujući se neistinom kako bi pobili istinu. Zato je šejh, Allah mu se smilovao, (autor knjige) žestoko prekorio polemike o sudbini i njenom pretraživanju.

²⁹⁷ Muslim, 132; Ahmed, 2/456;

²⁹⁸ Muslim, 133; Ahmed, 6/106; hadis od Aiše, radijallahu anha.

Od Aiše, radijallahu anha, se prenosi da je Allahov Poslanik, sallallahu alejhi ve sellem, rekao: „*Najmržji čovjek Allahu je onaj koji se raspravlja i nema granica u raspravi.*“²⁹⁹

Imam Ahmed kaže: „Pričao nam je Ebu-Muavija, pričao nam je Davud b. Hind od Amra b. Šuajba, a on od svog oca, a on od svog djeda da je rekao: 'Allahov Poslanik, sallallahu alejhi ve sellem, je jednoga dana izašao, a ljudi su pričali o sudbini.' Prenosilac³⁰⁰ kaže: Kao da se na njegovom licu otvorio plod nara od srdžbe, pa im je rekao: 'Šta vam je? Zašto jedan dio Allahove Knjige dovodite u suprotnost drugome? Zbog ovoga su propali oni koji su bili prije vas.' Prenosilac kaže: Uvijek sam žalio za okupljanjem na kojem je bio Allahov Poslanik, sallallahu alejhi ve sellem, a nisam mu prisustvovao, a volio sam da nisam prisustvovao ovom okupljanju.“³⁰¹ Prenosi ga, takoder, Ibn-Madždže. Uzvišeni kaže:

﴿فَاسْتَمْتَعُ بِهَلْقَمَرٍ كَمَا آسْتَمْتَعَ الَّذِي تَكَلَّمَ مَنْ قَتَلْتُمْ وَخُضْتُمْ كَالَّذِي خَاطُوا﴾

„... a i vi slatkim životom živite isto onako kao što su oni prije vas živjeli, i vi se upuštate u nevaljalštine kao što su se i oni upuštali.“ (Et-Tevbe, 69.)

El-halak znači udio. Uzvišeni kaže:

﴿وَمَا لَهُ فِي الْآخِرَةِ مِنْ حَلْقٍ﴾

„... a na drugom svijetu neće imati ništa!“ (El-Bekare, 200.), tj. naslađivali ste se vašim udjelom, kao što su se naslađivali oni prije vas svojim udjelom i polemisali ste kao što su oni polemisali, ili kao skupina, ili kao kategorija, ili generacija koja je zalazila u to.

²⁹⁹ Muttefekun alejhi; El-Buhari, 2457; Muslim, 2667.

³⁰⁰ Prenosilac je video Vjerovjesnikovu, sallallahu alejhi ve sellem, srdžbu kada je čuo da polemišu o sudbini, jer polemisanje je suprotno onome što je Allah Uzvišeni propisao.

³⁰¹ Sahih; prenosi ga Ahmed, 2/178; i drugi sa ispravnim lancem prenosilaca.

Strasti i nejasne stvari upropoštavaju vjeru

Uzvišeni je objedinio naslađivanje udjelom i polemikom, jer propast vjere je ili u djelu ili uvjerenju. Prvo je iz aspekta strasti, a drugo iz aspekta sumnji.

El-Buhari od Ebu-Hurejre, radijallahu anhu, prenosi da je Vjetrovjesnik, sallallahu alejhi ve sellem, rekao: „*Moj ummet će slijediti prijašnje generacije pedaž po pedaž, lakat po lakat.*“ Neko je upitao: „Perzijance i Bizantince?“ Rekao je: „*A koje bi druge ljudi slijedili?*“³⁰²

Od Abdullaha b. Omera se prenosi da je Allahov Poslanik, sallallahu alejhi ve sellem, rekao: „*Mom ummetu će doći ono što je došlo sinovima Israilevim, kao što se jedna papuča pravi po mjeri druge, pa ako neko od njih javno prilazi svojoj majci, bit će i od moga ummeta onih koji će to činiti. Sinovi Israilevi su se razišli na sedamdeset dvije grupe, a moj ummet će se razići na sedamdest i tri. Sve su u Vatri osim jedne.*“ Upitaše: „A ko je ona, Allahov Poslaniče?“ Rekao je: „*Ona na čemu sam ja i moji ashabi.*“³⁰³ Prenosi ga Et-Tirmizi.

Od Ebu-Hurejre, radijallahu anhu, se prenosi da je Allahov Poslanik, sallallahu alejhi ve sellem, rekao: „*Židovi su se razišli na sedamdest jednu ili sedamdeset i dvije frakcije. Kršćani su se razišli na isto toliko, a moj ummet će se razići na sedamdeset tri frakcije.*“³⁰⁴ Prenosi ga Ebu-Davud, Ibn-Madždže i Et-Tirmizi koji kaže: „Hadis je hasen-sahih.“

Od Muavije b. Ebi-Sufjana, radijallahu anhu, se prenosi da je Allahov Poslanik, sallallahu alejhi ve sellem, rekao: „*Sjedbenici dvije knjige su se razišli u svojoj vjeri na sedamdest dvije grupe, a ovaj ummet će se*

³⁰² El-Buhari u *Et-I'tisam*, 7319; Ahmed, 2/325, 367.

³⁰³ Predaja je slaba sa ovim kontekstom. Et-Tirmizi ga je ocijenio hasenom u nekim prijepisima njegovog *Sunena*, što je moguće s obzirom na druge predaje koje joj svjedoče. Zato sam ih naveo u *Sahibul-džami'u*, 5219 i *Es-Sahiba*, 1348.

³⁰⁴ Sahih; navodi se u *Es-Sahiba*, 203.

*raziči na sedamdeset tri grupe.*³⁰⁵ tj. zablude. Sve su u Vatri osim jedne, a ona je Zajednica.

Najveće pitanje oko kojeg postoji razilaženje između pripadnika ummeta je pitanje kadera. Govor o ovom pitanju se navodi krajnje opširno.

Autorove riječi: „**Ko upita zašto je to On učinio, odbacio je propis Knjige, a ko to učini, postao je nevjernik.**“

Znaj da je robovanje i vjerovanje u Allaha, Njegove knjige i poslanike sazdano na predanosti i nepostavljanju pitanja o pojedinostima mudrosti, naredbi, zabrana i propisa. Zato Uzvišeni ne priča o narodima koji su povjerovali u svoga vjerovjesnika i ono sa čime je došao, da su ga pitali o pojedinostima mudrosti u onome što im je zabranio ili dozvolio i dostavio od njihovog Gospodara. Da su to učinili, ne bi vjerovali u svoga vjerovjesnika, već je dužnost da se pokori i preda. Što sazna od mudrosti i saznao je, a svoju predanost i podređenost neće činiti ovisnim o spoznaji onoga što je skriveno, niti će to biti glavno zanimanje. Poslanik jednog takvog ummeta je bio daleko veći da bi o tome bio pitan.

U Indžilu stoji: „O sinovi Israfilovi, ne recite: 'Zašto je naš Gospod naredio', nego recite: 'Šta je naš Gospod naredio'.

Zato ispravni prethodnici ovog ummeta, a ovaj ummet je najpotpuniji razumima, spoznajama i naukama, nisu pitali Vjerovjesnika, sallallahu alejhi ve sellem: „Zašto je Allah naredio to i to“, „Zašto je zabranio to i to“, „Zašto je odredio to i to“ i „Zašto je učinio to i to“, jer su znali da je to suprotno vjerovanju i predanosti.

Pripadnost islamu biva čvrsta samo sa stepenom predanosti. Prvi stepen respeksa prema naredbi je njena potvrda, a zatim kategorička odlučnost da se ona učini, a potom što brže izvršavanje i čuvanje od stvari koje to sprječavaju, te ulaganje truda i savjeta da se određena stvar izvrši na najbolji način. Potom dolazi izvršavanje zato što je to naređeno. Izvršavanje ne treba biti ovisno o spoznaji

³⁰⁵ Sahih; *Es-Sabiba*, 204.

mudrosti, tako da ako sazna mudrost onda to čini, a ukoliko ne sazna, čovjek ga ne čini. Ovo je u suprotnosti sa podređenošću i vid je manjkavog izvršavanja naređenog.

El-Kurtubi, prenoseći od Ibn Abdul-Berra, kaže: „Nema smentnje da čovjek upita tražeći pojašnjenje, želeći znanje, odbacujući neznanje od sebe i tragajući za značenjima na kojima u vjeri treba zastati. Lijek za neznanje je pitanje. Ko bude pitao da bi druge dovodio u nepriliku, bez želje za učenjem vjerskih propisa, nije mu dozvoljeno da pita, ni mnogo ni malo.“

Ibnul-Arebi³⁰⁶ kaže: „Učenjak se treba zaokupirati iznošenjem dokaza i pojasniti svoje poglede, zadobiti uvode svoga idžtihada i pripremiti odgovarajući aparat za crpljenje dokaza. Kada dođe novoprdošla stvar, prići će joj s prave strane i protumačiti je u najboljem smislu. Tada će Allah otvoriti put ka ispravnosti.“

Poslanik, sallallahu alejhi ve sellem, kaže: „Od lijepog islama čovjeka je da ostavi ono što ga se ne tiče.“³⁰⁷ Prenose ga Et-Tirmizi i drugi.

Nema sumnje u nevjerstvo onoga ko odbaci propis Knjige. Međutim, ko protumači propis Knjige shodno sumnji koja mu se ukazala, pojasnit će mu se ispravnost, kako bi joj se vratio. Uzvišeni Allah ne biva pitan za ono što čini zbog savršenstva Svoje mudrosti, milosti i pravde, a ne samo zbog Njegove nadmoći, kao što govore Džehm i njegovi sljedbenici. Ovo će nešto više biti pojasnjeno prilikom autorovog govora: „**Nikoga ne proglašavamo nevjernikom od pripadnika Kible zbog grijeha, sve dok ga ne bude smatrao dozvoljenim.**“

Autor kaže: „**Ovo je skup činjenica koje su potrebne onome čije je srce prosvijetljeno od Allahovih štićenika. Ovo je**

³⁰⁶ On je imam Muhammed b. Abdullah el-Meaſiri el-Iſbili, jedan od hafiza hadisa. Umro je 543. h.g. On nije Muhammed b. Alijj el-Hatemi (Ibn Arebi), sufija, zastupnik vahdetul-vudžuda. Umro 638. h.g.

³⁰⁷ Sahih; Et-Tirmizi, 2317; i drugi. Prenosi se od grupe ashaba. Navodi se u *Eri-Revdun-nedir*, 293, 321.

stepen onih vičnih znanju, jer je znanje dvovrsno: znanje koje postoji kod stvorenja i znanje koje ne postoji kod stvorenja. Nijekanje postojećeg znanja je nevjerstvo, a i pozivanje na nepostojeće znanje je nevjerstvo. Iman neće biti čvrst osim sa prihvatanjem postojećeg znanja i ostavljanjem traženja nepostojećeg znanja.“

Autor riječima „**Ovo je skup činjenica**“ aludira na ono što je prethodno spomenuo, a u to je dužnost vjerovati i po njemu postupati, jer je Šerijat sa tim došao.

Njegove riječi „**Ovo je stepen onih vičnih znanju**“, tj. znanju s kojim je Poslanik, sallallahu alejhi ve sellem, došao, općenito i pojedinačno, s negacijom i potvrdom.

Pod nepostojećim znanjem (izgubljenim) misli se na znanje o sudbini koje je Allah uskratio Svojim stvorenjima i zabranio da ga traže.

Pod postojećim znanjem misli se na znanje Šerijata, njegove temelje i ogranke.

Propis onoga ko zanegira nešto od Sunneta

Ko negira nešto sa čime je došao Poslanik, sallallahu alejhi ve sellem, postao je nevjernik. Ko tvrdi da ima znanje *gajba* (nevidljivog svijeta), također je nevjernik. Uzvišeni kaže:

﴿عَلِمَ الْغَيْبُ فَلَا يُظْهِرُ عَلَىٰ غَيْبِهِ أَحَدًا ﴾ إِلَّا مَنِ ارْتَضَىٰ مِنْ رَسُولٍ ﴾

„*On tajne zna i On tajne Svoje ne otkriva nikome, osim onoga koga On za poslanika odabere.*“ (El-Džinn, 26-27.) I kaže:

﴿ إِنَّ اللَّهَ عِنْدُهُ عِلْمُ السَّاعَةِ وَيُنَزِّلُ الْغَيْثَ وَيَعْلَمُ مَا فِي الْأَرْضِ حَمَرٌ وَمَا تَدْرِي نَفْسٌ مَمَّا
تَكْسِبُ غَدًّا وَمَا تَدْرِي نَفْسٌ بِأَيِّ أَرْضٍ تَمُوتُ إِنَّ اللَّهَ عَلِيمٌ خَبِيرٌ ﴾

„Samo Allah zna kad će Smak svijeta nastupiti, samo On spušta kišu i samo On zna šta je u matericama, a čovjek ne zna šta će sutra zaraditi i ne zna čovjek u kojoj će zemlji umrijeti; Allah, uistinu, sve zna i o svemu je obaviješten.“ (Lukman, 34.)

Skrivenost Allahove mudrosti ne znači njen nepostojanje, kao što naše neznanje o nečemu ne nalaže prestanak Njegove mudrosti. Zar ne vidiš da skrivenost Allahove mudrosti za nas u stvaranju zmija, škorpija, miševa, insekata, o kojima je poznata samo šteta, nije isključila da Allah Uzvišeni bude Stvoritelj ovih životinja? Nije isključeno da ne postoji mudrost njihovog stvaranja koja je nama skrivena, jer nepostojanje znanja nije znanje o nepostojećem.

Vjerovanje u *Levhi-Mahfuz* i *Kalem*

Autor kaže: „Vjerujemo u *Levh* i *Kalem* (Ploču i Pero) i sve što je na njoj zapisano.“

Uzvišeni kaže:

﴿ بَلْ هُوَ قُرْآنٌ مُّجَمِّدٌ فِي لَقَحٍ مَّخْفُوظٍ ﴾

„A ovo je Kur'an veličanstveni, na ploči pomno čuvanoj.“ (El-Burudž, 21-22.)

Hafiz Ebul-Kasim et-Taberani, sa lancem prenosilaca koji seže do Vjerovjesnika, sallallahu alejhi ve sellem, kaže: „Allah je stvorio *Levhi-Mahfuz* (Ploču Čuvanu) od bijelog bisera. Listovi su mu od crvenog jakuta. Pero mu je svjetlost. Njegova širina je kao između nebesa i zemlje. U

njega gleda svaki dan tristo šezdeset puta. On stvara, opskrbljuje, usmrćuje i oživljava, pomaže i ponižava, čini što hoće.“³⁰⁸

Na spomenutoj Ploči Allah je ispisao određenja ljudima. Spomenuto Pero je Allah stvorio i njime na Ploči ispisao određenje, kao što se spominje u *Sunenu Ebi-Davuda* od Ubade b. es-Samita koji kaže: „Čuo sam Allahovog Poslanika, sallallahu alejhi ve sellem, kako govorи: 'Prvo što je Allah stvorio bilo je Pero, pa mu je rekao: Piš! Reklo je: Gospodaru, a šta da pišem? Rekao je: Zapiši određenje o svakoj stvari sve dok ne nastupi Sudnji dan.'“³⁰⁹

³⁰⁸ Daif, prenosi ga Et-Taberani u *El-Mu'džemul-kebiru*, 3/125/1. U predaji je Zijad b. Abdullah, a on je El-Bikai, od Lejsa, a on je Ibn Ebi-Sulejma, obojica su slaba. Prenosi ga, 3/88/2, sa drugim lancem prenosilaca i sličnim sadržajem od Ibn-Abbasa i sa lancem koji se zaustavlja na njemu. Lanac prenosilaca se može smatrati dobrim. Svi prenosoci su povjerljivi osim Bekira b. Šihaba, a on je Kufljanin. Ebu-Hatim za njega kaže da je šejh. Ibn-Hibban ga spominje u *Es-Sikat*, 2/32.

Napomena: Ovaj hadis je bio iskrivljen u štampanom izdanju Ahmeda Šakira. On ga je korigovao na osnovu predaje iz *Medžme'uz-zevaid* u kojem se ovaj hadis prenosi od Ibn-Abbasa sa lancem prenosilaca koji se zaustavlja na njemu. Mi smo ga proglašili ispravnim na osnovu hadisa sa potpunim lancem prenosilaca koji se navodi u *El-Mu'džemu* a to je ispravno, jer ga je i autor naveo sa potpunim lancem. Zato nije ispravno korigovati postojeće iskrivljenje sa potpunim lancem, kao što nije skriveno, jer se terminologija razlikuje. Na to sam aludirao svojim riječima *sličan*.

³⁰⁹ Sahih, ali ja izražavam neopredijeljenost prema ispravnosti riječi kojima je autor argumentirao, a one su: „Rekao je“. U nekim predajama se navodi „Potom je rekao“. Prenosi ga Ebu-Davud, (4700) od Ebu-Hafsa koji kaže: „Rekao je Ubade b. es-Samit“, pa ga je spomenuo sa riječima „Potom je rekao“.

Ebu-Hafsa se zove Hubejš b. Šurejh eš-Šami, a samo ga je Ibn-Hibban proglašio povjerljivim. Za njega se u *Et-Takribu* kaže da je prihvaćen, tj. prilikom praćenja, a u suprotnom je slabog hadisa, kao što je to naslovljeno u uvodu. Ovaj prenosilac je praćen, međutim, lanac prenosilaca nije ispravan. Et-Tajalisi, (577) kaže: „Pričao nam je Abdul-Vahid b. Selim od Ataa b. Ebi-Rebaha, pričao mi je El-Velid b. Ubade b. es-Samit od svoga oca... Prenosi ga Et-Tirmizi iz pravca Et-Tajalisa, 2/232 i kaže: „Hadis je hasen-garib, a prenosi se od Ibn-Abbasa.“

Kaže: „Ovaj Abdul-Vahid je slab, kao što se prenosi u *Et-Takribu*.“

Prvo stvorenje

Učenjaci se razilaze da li je Pero prvo stvorenje ili Arš (Prijestolje) na dva mišljenja. Spominje ih hafiz Ebū-Alā' cl-Heme-dani³¹⁰, a vjerodostojnije je da je Arš bio prije Pera, jer se u *Sahibu*

Suprotstavio mu se Ejjub b. Zijad koji kaže: „Prišao mi je Ubade b. El-Velid b. Ubade, prišao mi je moj otac, pa je rekao: 'Potom je rekao: Piši.'“

Ovu predaju prenosi Ahmed, 5/317, a lanac prenosilaca je ispravan. Svi prenosioci su povjerljivi i poznati, osim ovog Zijada od kojeg prenosi jedna grupacija.

Ibn-Hibban ga je proglašio povjerljivim, a ovaj prenosilac je imao dobre hadise, inšallahu te'ala. Prenosi ga El-Adžuri u *Knjizi Šerijata*, str. 177 iz njegovog pravca sa terminima: „*Pa mu je rekao: Piši.*“

Prenosi ga Ježid b. Habib od El-Velida b. Ubade sa riječima: „*Potom mu je rekao: Piši.*“

Prenosioci su ispravni osim Ibn-Lehic koji je imao loše pamćenje.

Svjedoči mu hadis Elbu-Hurejre sa riječima: „Prvo što je Allah stvorio bilo je Pero, a zatim je stvorio mastionicu, a potom rekao: 'Piši.'“

Prenosi ga El-Adžuri i El-Vahidi u svome *Tefsiru*, 4/157/2. U predaji je El-Hasen b. Jahja el-Hušeni oko kojeg postoji razilaženje. U *Et-Takribu* se navodi da je istinoljubiv, ali mnogo grijesi.

Općenito rečeno, predaje se oko ove čestice razilaze. Zato autor ne može argumentirati prvom predajom govoreći da je Arš stvoren prije Pera, kako bi se dala prednost jednim nad drugim. Potom je rekao: „Ako je neophodno dati prednost jednoj od predaja, to bi se trebalo dati prvoj, jer se većina prenosilaca hadisa oko nje slaže, a i ima predaja koja joj svjedoči od Elbu-Hurejre, kao što je prethodno navedeno. Ona sadrži i dodatno značenje. Stoga nema oprečnosti između hadisa sa ovom predajom i hadisa od Abdullaha b. Amra, jer njegov hadis jasno govori da je pisanje došlo iza stvaranja Arša. Hadis, shodno predaji prema kojoj smo izrazili opredjeljenje, jasno govori da je Pero prvo stvoreno, a zatim je naredio da zapiše svaku stvar koja će biti među koje spada i Arš. Zato je kod mene prioritetnije da je Pero prethodilo Aršu, a Allah najbolje zna.“

U ovom hadisu se ukazuje na repliku onim učenjacima koji kažu „S događajima bez početka“, tj. da nema nijedno stvorenje a da njemu nije prethodilo drugo stvorenje i tako u beskraj. Pogledaj nešto više o ovome u *Silsiletul-ebadisi es-sabiba*, br. 133.

³¹⁰ On je hafiz, autoritet, karia, šejhul-islam Hasan b. Ahmed b. Hasan b. Ahmed b. Muhammed b. Sehl b. Atar, učenjak Hemedana. Umro je 569. h.g.

potvrđeno prenosi, hadis Abdullaha b. Amra da je Allahov Poslanik, sallallahu alejhi ve sellem, rekao: „*Allah je zapisao određenja stvorenja prije nego što je stvorio nebesa i Zemlju na pedeset hiljada godina, a Njegov Arš je bio na vodi.*“³¹¹

Ovdje se jasno govori da je određenje došlo poslije stvaranja Arša. Određenje se desilo prilikom stvaranja Pera, prema hadisu od Ubade koji govori o tome.

Njegov govor: „**Prvo što je Allah stvorio bilo je Pero**“ može biti sastavljen od jedne ili dvije rečenice.

Ako je sastavljen od jedne rečenice, a to je ispravno, onda znači na početku Njegovog stva-ranja je rekao: „*Piši*.“ Tako se u terminologiji prenosi: „*Prvo što je bilo kada je Allah stvorio Pero, je to da je rekao: 'Piši'*“, a riječ prvo je došla u akuzativu (u arapskom jeziku), kao i riječ Pero.

Ako se sastoji od dvije rečenice, a to se prenosi sa riječju prvo u genitivu, kao i riječ Pero, onda je obavezno protumačiti ga kao prvo stvorenje na ovom svijetu. Tada se oba hadisa slažu, jer hadis Abdullaha b. Amra jasno govori da je Arš bio prije određivanja, a da je određivanje bilo uporedno sa stvaranjem Pera.

U drugoj verziji se prenosi: „Nakon što je Allah stvorio Pero rekao mu je: 'Piši'“ Ovo Pero je prvo i najbolje pero. Više komentatora je reklo da je to Pero kojim se Allah kune u svojim riječima:

﴿ تَ وَالْقَلْمَنِ وَمَا يَسْطُرُونَ ﴾

„**Nun, Tako Mi kalema i onoga što oni pišu.**“ (El-Kalem, 1-2.)

Drugo Pero je Pero Objave, a njime se piše Allahova Objava vjerovjesnicima i poslanicima. Ovo Pero posjeduju vladari na zemlji. Sva ostala pera služe njihovim perima.

³¹¹ Sahih; izvod hadisa je prethodio.

Vjerovjesnik, sallallahu alejhi ve sellem, je u noći Israa (Noćnog putovanja) podignut na stepen gdje se čula škripa pera. Ovo su pera koja pišu ono što Allah, tebareke ve te'ala, objavljuje od stvari koje uređuje, a odnose se na viši i niži svijet.

Pero je ispisalo sve što će se desiti do Sudnjeg dana

Autor kaže: „Kada bi se sva stvorena okupila oko nečega što je Allah Uzvišeni odredio da će biti kako bi učinili da ne bude, ne bi to bili moćni učiniti. Kada bi se svi okupili oko nečega što Allah nije propisao kako bi ga učinili postojećim, ne bi to mogli učiniti. Pero je ispisalo sve što će biti do Sudnjega dana.“

Prethodno je naveden Džabirov hadis od Allahovog Poslanika, sallallahu alejhi ve sellem, u kojem kaže: „Suraka b. Malik b. Džušem je rekao: 'Allahov Poslaniče, pojasni nam našu vjeru kao da smo sada stvoreni. Zašto treba djelovati? Je li to prema onome što su pera ispisala i prema čemu se već odvijaju određenja, ili prema onome što će biti u budućnosti?' Rekao je: Ne, već prema onome što su pera ispisala i prema čemu se odvija određenje.'“³¹²

Od Ibn-Abbasa, radijallahu anhum, se prenosi da je rekao: „Jednog dana sam bio iza Allahovog Poslanika, sallallahu alejhi ve sellem, pa je rekao: 'Dječače, pouči ču te nekim riječima: Čuvaj Allaha, čuvat će te. Čuvaj Allaha, nači ćeš Ga ispred sebe. Kada moliš, molji Allaha. Kada tražiš pomoć, traži je od Allaha. Znaj, kada bi se ummet sastao da ti donese kakvu korist, ne bi ti koristili osim onoliko koliko ti je Allah propisao. Kada bi se sastali da ti nećim naštete, ne bi ti našteti osim onoliko koliko ti je Allah propisao. Pera su dignuta, a listovi su se osušili.'“³¹³ Prenosi ga Et-Tirmizi koji kaže: „Hadis je hasen-sahih.“

³¹² Sahih; Muslim, prethodio je izvod hadisa.

³¹³ Sahih li gajrihi; navodi se kod Et-Tirmizija, 2516; i Ibn Ebi-Asima, 316-318. u Es-Sunne.

U predajama mimo Et-Tirmizijeve navodi se: „*Čuvaj Allaha, naći ćeš Ga ispred sebe. Znaj za Allaha u izobilju, znat će za te u oskudici. Znaj da ono što te je mimošlo nije te moglo zadesiti, a ono što te je zadesilo nije te moglo mimoći. Znaj da pobjeda dolazi sa strpljenjem, rješenje sa nedućama, a sa poteškoćama dolazi olakšanje.*“

U ovim i drugim hadisima pera se navode u množini. To ukazuje da za određenja postoje pera mimo prvoga Pera koje je prethodno spomenuto pri spomenu Levhi-Mahfuza.

Četiri vrste pera

Sunnet ukazuje da postoje četiri vrste pera, a ova podjela nije ista kao prethodno spomenuta predaja.

Prvo pero je općenito i sveobuhvatno za sva stvorenja, a prethodno je spomenuto sa spomenom Lavhi-Mahfuza.

Druge pero je obavijest o Ademovom stvaranju i ono je generalno, također. Međutim, navode se dokazi koji ukazuju da je Allah odredio djela ljudi, njihove opskrbe, smrtne časove i sreću poslije stvaranja njihovoga oca.

Treće pero je ono kada melek biva poslan djetetu u utrobi majke. U njega udahne dušu i naredi mu se da zapiše četiri stvari, a one su: njegova opskrba, smrtni čas, djela, da li je sretan ili nesretan.³¹⁴ O tome se navode vjerodostojni hadisi.

Četvrto pero se stavlja nad čovjeka prilikom dostizanja punoljetstva. Ono je u rukama Časnih pisara koji zapisuju ono što čine ljudi, a o tome postoje navodi u Kur'anu i Sunnetu.

³¹⁴ Muttefekun alejhi; prethodio je izvod hadiša od Ibn-Mes'uda.

Obaveza bogobojaznosti i straha samo od Allaha

Kada čovjek zna da je sve od Allaha, dužnost mu je da jedino od Njega strahuje i pribrojava Ga se. Uzvišeni kaže:

﴿فَلَا تَخْشُوْ أَنَّاساً وَآخْشَوْنِ﴾

,„...ne bojte se ljudi, već se bojte Mene.“ (El-Maide, 44.)

﴿وَإِنَّى فَارِجُبُونِ﴾

,„Isamo se Mene bojte!“ (El-Bekare, 40.)

﴿وَإِنَّى فَانْتَقُونِ﴾

,„Isamo se Mene bojte!“ (El-Bekare, 41.)

﴿وَمَنْ يُطِيعَ اللَّهَ وَرَسُولَهُ وَسْخَنَ اللَّهُ وَيَعْقِفُهُ فَأُولَئِكَ هُمُ الْفَاجِرُونَ﴾

,„Oni koji se Allahu i Poslaniku Njegovu budu pokoravali, koji se Allaha budu bojali i koji od Njega budu strahovali - oni će uspjeti!“ (En-Nur, 52.)

﴿هُوَ أَهْلُ الْتَّقْوَىٰ وَأَهْلُ الْمُتَفَرِّةِ﴾

,„On je jedini dostojan da Ga se boje i On jedini prašta.“ (El-Mudessir, 56.)

Slični primjeri za ovo značenje su u Kur'anu mnogobrojni. Svaki čovjek se mora čuvati nekih stvari, jer on ne živi sam, pa makar bio vladar kome se svi pokoravaju, jer se neizostavno mora čuvati stvari putem kojih će paziti na svoje podanike. Stoga je neophodno da se svaki čovjek pazi. Ako se ne boji Allaha, boji se stvorenja. Ljubav i mržnja svih stvorenja nije podudarna, već jedno nešto želi, a drugo mrzi. Nije moguće svima udovoljiti, kao što imam Eš-Šafii,

radijallahu anhu, kaže: „Zadovoljstvo svih ljudi je cilj koji se ne može dostići. Zato se pridržavaj stvari koje će te popraviti, a sve što je mimo toga ostavi i nemoj se njime opterećivati.“

Udovoljenje svim stvorenjima nije moguće, a nije ni naređeno, a udovoljenje Stvoritelju je moguće i naređeno. Stvorenje u odnosu na Allaha drugom stvorenju ne može ništa pomoći. Kada se čvojek pribrojava Gospodara, On mu je dovoljan u odnosu na pomoći ljudi, kao što je Aiša, radijallahu anha, napisala Muaviji, radijallahu anhu, a to se prenosi i sa punim lancem prenosilaca koji doseže do Poslanika, sallallahu alejhi ve sellem, kao i sa lancem prenosilaca, koji se zaustavlja na njoj, da je rekla: „Ko bude tražio Allahovo zadovoljstvo u srdžbi ljudi, Allah će biti sa njim zadovoljan, a i ljudi. Ko bude tražio zadovoljstvo ljudi u Allahovoj srdžbi, oni koji su ga hvalili, počet će ga kuditi.“³¹⁵

³¹⁵ Sahih; prenosi ga Et-Tirmizi, 2/67; sa lancem prenosilaca od Abdul-Vehhaba b. El-Verda od nekog čovjeka iz Medine koji je rekao: „Muavija je Aiši, Majki vjernika, poslao dopis: 'Napiši mi pismo i daj mi preporuke u njemu, ali ne u velikom obimu.' Aiša, radijallahu anha, je napisala: 'Neka je selam na tebe, a zatim: Čula sam Allahovog Poslanika, sallallahu alejhi ve sellem, kako govori: *Ko bude tražio Allahovo zadovoljstvo u srdžbi ljudi, Allah će mu biti dovoljan u odnosu na pomoći ljudi, a ko bude tražio zadovoljstvo ljudi u Allahovoj srdžbi, Allah će ga prepustiti ljudima. Neka je spas na tebe.*'“ Potom je naveo ovaj hadis sa lancem prenosilaca od Hišama b. Urve, od njegovog oca, od Aiše da je napisala pismo Muaviji i onda je spomenuo sličan hadis po značenju, ali ga nije naveo sa potpunim lancem.

Kažem: Ovaj hadis je sa potpunim lancem, ali je slab zbog nepoznavanja čovjeka koji nije naslovljen.

Hadir je sa lancem koji se zaustavlja na Aiši, radijallahu anha, ispravan i svi prenosioци su povjerljivi.

Prenosi ga Osman b. Vakid od svoga oca, a on od Muhammeda b. El-Munkedira, a on od Urve b. Ez-Zubejra sa potpunim lancem, a glasi: „Ko bude tražio Allahovo zadovoljstvo u srdžbi ljudi, Allah će biti sa njim zadovoljan, a i ljudi. Ko bude tražio zadovoljstvo ljudi u Allahovoj srdžbi, Allah će se na njega rasrditi i dati da se ljudi na njega rasnde.“

Prenosi ga El-Kadai u Musnedu Eš-Šihaba, 2/42; i Mušerrek b. Abdulla u svome Hadisu, 2/61; Ibn-Asakir, 1/278/15.

Ko bude činio ono sa čime je Allah zadovoljan, On će mu biti dovoljan u odnosu na pomoć ljudi i bit će njime zadovoljan, a i oni će kasnije biti zadovoljni, jer krajnji ishod pripada bogobojaznim. Allah će ga zavoljeti, zavoljet će ga i ljudi.

U oba *Sabiha* od Vjerovjesnika, sallallahu alejhi ve sellem, se prenosi da je rekao: „*Kada Allah zavoli čovjeka kaže: 'Džibrilu, Ja sam zavolio tog i tog, pa ga i ti zavoli.'* Džibril ga zavoli, a zatim na nebesima poviće: 'Allah je zavolio tog i tog, pa ga i vi zavolite.' Stanovnici nebesa ga zavole, a zatim bude prihvaćen na zemlji.“³¹⁶

Kažem: Lanac prenosilaca je dobar, a svi prenosioci su povjerljivi i poznati. O Osmanu b. Vakidu ima govora, ali to njegov hadis ne spušta ispod stepena dobrog. U *Et-Takribu* stoji: „Istinoljubiv, možda je imao propusta.“

Dio ovog hadisa prenosi Ibn-Bišran u knjizi *El-Emani*, 144/145 i Ibnul-'Arabi u svome *Mu'džemu*, 1/82; Ebul-Kasim el-Mehrani u knjizi *El-Feva'idul-muntehabe*, 1/23/3, Ibn-Ša'zan el-Ezdži u knjizi *El-Feva'idul-munteka*, 2/118/1; El-Kadai, 2/42; od Kutbe b. El-'Alaa b. El-Minhala el-Ganevija koji kaže: „Pričao mi je moj otac od Hišama b. Urve: 'Ko bude tražio pohvalu ljudi u nepokornosti Allahu, onaj ko ga je hvalio kudit će ga.'“

El-Mehrani kaže: „Ovaj hadis je garib. Ne znam da li ga je od Hišama prenasio iko drugi osim El-'Alaa b. El-Minhala.“

Također, prenosi se sa sljedećim terminima: „Ko bude tražio pohvalu ljudi u nepokornostima Allahu, onaj ko ga je od ljudi hvalio počet će ga kuditi.“ Prenosi ga El-Haraiti u knjizi *Mesaviul-ablak*, 2/5/2; El-Ukajli u *Ed-Duaſa*, 325; Ibn-Adij u *El-Kamilu*, 2/272; Ebu El-Hasen b. Es-Salt u Hadisu b Abdul-Aziza el-Hašimija, 1/76; El-Ukajli kaže: „Hadis El-'Alaa b. El-Minhala se ne prati.“

Ibn-Adij kaže: „Nije jak.“

Ibn-Hibban ga spominje u knjizi *Es-Sikat (Povjerljivi)*.

El-Ukajli kaže: „O ovoj tematici nema ispravnog lanca, a svi se zavrašavaju na Lišnom govoru.“

Kažem: Kod mene je ispravno sljedeće: Hadis je ispravan sa punim lancem prenosilaca i onim koji se završava na Aiši. Onaj koji se završava na Aiši, radijallahu anha, je po vanjštini ispravan, a sa punim lancem dolazi iz pravca Osmana b. Vakida, kao što je prethodno rečeno. Kada se pridoda Et-Tirmizijinoj predaji hadis se, inšallahu, podiže na stepen ispravnosti.

³¹⁶ Muttefekun alejhi; El-Buhari, 3209; Muslim, 2637; od Ebu-Hurejre. Prenosi se u *Ed-Daife* (2207) sa drugim hadisom od Enesa koji se suprotstavlja ovoj verziji.

O mržnji je rekao isto. Pojasnio je da se svako stvorenje mora pribojavati ili stvorenja ili Stvoritelja. Pribojavanje od stvorenja nosi sa sobom štetu koja preovladava korist iz više aspekata.

Sa bojazni od Allaha zadobiva se sreća dunjaluka i ahireta. Allah, subhanehu ve te'ala, daje bogobojsnost i On jedino opršta. On opršta grijeha. Stvorenje ne može oprštati grijeha i druge zaštiti od patnje. On je Taj Koji daje zaštitu, a ne daje se Njemu zaštita.

Neki ispravni prethodnici su rekli: „Bogobojsni nikada nije u potrebi, jer Uzvišeni kaže:

﴿ وَمَنْ يَتَّقَّ اللَّهَ نَجْعَلُ لَهُ مَخْرَجًا ۝ وَبِرْزَقًا مِّنْ حَيْثُ لَا يَحْتَسِبُ ۝ ﴾

„...a onome koji se Allaha boji, On će izlaz dati, i opskribit će ga odakle se i ne nada...“ (Et-Talak, 2-3.)

Uzvišeni Allah je bogobojsnim garantovao da će im naći izlaz iz onoga što je ljudima poteškoća i da će ih opskribiti odakle se i ne nadaju. Ako se to ne desi, onda je to pokazatelj da u bogobojsnosti postoji neka neispravnost. Zato neka traži oprosta i neka se pokaje Njemu. Uzvišeni kaže:

﴿ وَمَنْ يَتَوَكَّلْ عَلَى اللَّهِ فَهُوَ حَسْبُهُ ۝ ﴾

„...onome koji se u Allaha uzda, On mu je dosta.“ (Et-Talak, 3.), tj. On mu je dovoljan i neće ga učiniti ovisnim o drugima u pogledu potrebe.

Uzimanje uzroka ne negira oslonac na Allaha

Neki ljudi misle da je oslanjanje u suprotnosti sa stjecanjem i uzimanjem povoda, te tvrde da ako su sve stvari određene, onda nema potrebe za povodima. Ovo je neispravno. Neko stjecanje je obavezno, a neko pohvalno, neko dozvoljeno, pokuđeno ili zabranjeno.

njeno. Ovo je pojašnjeno na odgovarajućem mjestu. Vjerovjesnik, sallallahu alejhi ve sellem, se najbolje oslanjao i pouzdavao. Oblaćio je pancir u boju, hodao je po tržnicama radi zarade, pa su tako nevjernici rekli:

﴿ مَالِ هَنْدَا الْرَّسُولِ يَأْكُلُ الظَّعَامَ وَيَمْشِي فِي الْأَسْوَاقِ ﴾

„...šta je ovom 'poslaniku', on hranu jede i po trgovima hoda...“ (El-Furkan, 7.)

Zato ćeš naći mnoge koji smatraju da je stjecanje u suprotnosti sa oslanjanjem i pouzdanjem kako traže opskrbu od drugih, kao milostinju ili poklon. Nekada to dobiju od nametnika poreza, odgovornih u policiji i sl. Također, ovo je pojašnjeno na odgovarajućem mjestu, tako da radi sažetosti ovog djela to ovdje nećemo navoditi. Prethodno su date naznake o nekim mišljenjima u komentaru riječi Uzvišenog:

﴿ يَمْحُوا اللَّهُ مَا يَشَاءُ وَيُثْبِتُ ﴾

„Allah je dokidao što je htio, a ostavljao što je htio...“ (Er-Ra'd, 39.)

Riječi Uzvišenog :

﴿ كُلَّ يَوْمٍ هُوَ فِي شَاءٍ ﴾

„...svakog časa On se zanima nečim.“ (Er-Rahman, 29.)
znaće, kako kaže El-Begavi: „Mukatil je rekao: 'Objavljen je o židovima koji su rekli: Allah se odmara subotom.'“

Komentatori su rekli: „U Njegova zanimanja spada da oživjava, usmrćuje, oposkrbljuje, neke ljude pomaže, a neke ponižava. Liječi bolesnoga, oslobađa zarobljenoga, daje izlaza potištenom, odaziva se onome ko Ga doziva, daje onome ko Ga moli, opršta grijehe i ostala djela koja se ne mogu pobrojati, a On Svojim robovima stvara što hoće.“

Allahovo znanje prethodilo je stvaranju stvorenja

Autor kaže: „Ono što je čovjeka mimošlo, nije ga moglo zadesiti, a što ga je zadesilo, nije ga moglo mimoći.“

Ova konstatacija se gradi na prethodno rečenom: „Ono što je određeno nesumnjivo će se i dogoditi.“ Pjesnik je lijepo rekao:

*Što je Allah odredio neminovno će biti,
Nesretni neznačica je onaj koji kori svoje stanje.*

Drugi je rekao:

*Momče, budi zadovoljan sa opskrbom koja ti se daje,
Jer naš Gospodar mrava ne zaboravlja,
Kada vrijeme (opskrba) dođe, ti ustani
A kada se okrene, onda spavaj.*

Autor kaže: „Čovjek mora znati da je Allahovo znanje prethodilo svakom Njegovom postojećem stvorenju. On je to odredio neminovno i kategorički. Niko ne može Njegovo stvaranje na nebesima i na zemlji umanjiti, povratiti, otkloniti, promijeniti, oduzeti ili na njega dodati.“

Ove autorove riječi su sazdane na konstataciji da je Allahovo znanje prethodilo svemu postojećem i da im je On odredio određenja prije nego što ih je stvorio.

Poslanik, sallallahu alejhi ve sellem, kaže: „Allah je odredio određenja stvorenjima prije nego što je stvorio nebesa i zemlju na pedeset hiljadu godina. Njegovo Prijestolje je bilo na vodi.“³¹⁷

³¹⁷ Sahih; izvod hadisa je prethodio.

Poznato je da je Allah znao kako će stvari doći u postojanje u njihovim vremenima, prema onome što je nalagala Njegova velika mudrost, pa je bilo kako je On i znao. Ne može se zamisliti postojanje stvorenja i sve te neobične mudrosti u njima koje je stvorio Onaj čije je znanje prethodilo njihovom stvaranju. Uzvišeni kaže:

﴿أَلَا يَعْلَمُ مَنْ خَلَقَ وَهُوَ الْلَّطِيفُ الْخَبِيرُ﴾

„A kako i ne bi znao Onaj koji stvara, Onaj koji sve potanko zna, koji je o svemu potanko obaviješten.“(El-Mulk, 14.)

Ekstremne mu'tezile su nijekale da Allah od praiskona zna. Rekli su: Uzvišeni Allah ne zna djela ljudi sve dok ih oni ne učine. Neka je Allah daleko uzvišen od onoga što oni govore.

Imam Eš-Šafi'i, radijallahu anhu, kaže: „Raspravljajte sa kaderijama putem Allahovog znanja. Ako ga priznaju (potvrde) poraženi su, a ako ga poreknu, onda su postali nevjernici.“

Uzvišeni Allah zna da određena osoba može nešto učiniti, pa ga nagradi, a i da, također, može učiniti, ali ne čini, pa je onda kazni. On kažnjava samo zato što osoba, iako je u mogućnosti, ne čini dotični postupak. Allah je prethodno znao postupak takve osobe. Uzvišeni ne naređuje i neće ga kazniti za ono što osoba nije u mogućnosti učiniti.

Ako se kaže: Iz toga proizilazi da je čovjek u mogućnosti promijeniti Allahovo znanje, jer je Allah znao da ta osoba to neće učiniti, a kada je u mogućnosti učiniti, onda je u mogućnosti promijeniti Allahovo znanje.

Reći će se: Ovo je zbumujuća konstatacija, jer sama mogućnost činjenja djela ne iziskuje promjenu znanja. Oni koji misle da se znanje može promijeniti, misle da se to događa nakon dešavanja djela. Ako se djelo dogodi, onda je poznato da se dogodilo, a nije nepoznato. Zato je nemoguće da se djelo desi uz Allahovo znanje da se neće desiti. Zapravo, ako se desi Allah je znao da će se desiti, a ako

se ne desi, Allah je znao da se neće desi. Mi ne poznajemo Allahovo znanje osim iz onoga što se očituje. Allahovo znanje je u podudarnosti sa stvarnošću. Zato je nemoguće da se desi nešto što nalaže promjenu znanja. Zapravo, sve što se desi ono je i poznato (Njemu). Čovjek koji ne čini nije uradio nešto što je promijenilo znanje. On je u mogućnosti da učini djelo koje se nije desilo, a da se desilo Allah bi znao da će se desi, a ne da se ono neće desi.

Ako se kaže: Iz samog nedešavanja djela Allah zna da se neće desi. Kada bi čovjek mogao učiniti da se desi, mogao bi promijeniti znanje.

Reći će se: Nije tako, već čovjek je u mogućnosti da ga počini, ali ga nije počinio, a da ga je počinio, samo njegovo dešavanje bilo bi poznato. Kada se desi ono što je čovjek u mogućnosti učiniti, poznato je samo da će se ono desi. Oni su pretpostavili da će se desi uz znanje o njegovom nedešavanju. Ovo je nemoguća pretpostavka. Ova konstatacija je na stepenu onih koji kažu: Pretpostavi dešavanje djela uz njegovo nedešavanje. Ovime se objedinjuju dvije kontradiktornosti.

Ako se kaže: Ako je dešavanje djela nemoguće, uz znanje Gospodara da se neće desi, onda ga nije u mogućnosti učiniti.

Reći će se: Riječ nemoguće nije razjašnjena. Ovo djelo nije nemoguće zbog Njegove nemogućnosti, ili nemoći, ili isključenosti samog po sebi, već je moguće. Međutim, kada se desi, Allah je već znao da će se desi, a kada se ne desi, On je već znao da se neće desi. Ako se pretpostavi da će se djelo desi, a obavezno dešavanje tog djela je isključeno, onda je samo djelo iz aspekta potvrde posljedice obaveznog, bez obzira na ono što ga obavezuje, postalo nemoguće. Sve stvari sa ovakvim tumačenjem su nemoguće, a to ove prisiljava na tvrdnju da niko ne preostaje biti moćan učiniti nešto, ni Gospodar, a ni stvorenja.

Kada Gospodar zna da će čovjek nešto učiniti, onda ne prestaje obavezna mogućnost da će taj postupak ostaviti. Također, ako zna

da ga neće učiniti, to ne iziskuje prestanak moći da ga učini. Isto se odnosi na predodređena djela Njegovih robova. Allah najbolje zna.

Autor kaže: „**Ovo spada u čvrstu spregu imana, temelje spoznaje i priznanja Allahove Jednoće i Njegovog Gospodarenja, kao što Uzvišeni u Svojoj Knjizi kaže:**

﴿ وَخَلَقَ كُلَّ شَيْءٍ فَقَدَرَهُ تَقْدِيرًا ﴾

‘...Koji je sve stvorio i kako treba uredio!’ (El-Furkan, 2.)

﴿ وَكَانَ أَمْرُ اللَّهِ قَدْرًا مَقْدُورًا ﴾

‘...a Allahova zapovijed je odredba konačna.’ (El-Ahzab, 38.)“

Ovdje se aludira na prethodni govor, na vjerovanje u određenje i prethodnost Njegovog znanja svemu postojećem prije njihovog stvaranja.

Poslanik, sallallahu alcjhi ve sellem, u odgovoru onoga ko ga je pitao o vjerovanju, kaže: „*Da vjeruješ u Allaha, Njegove meleke, Njegove knjige, Njegove poslanike, Sudnji dan i određenje dobra i zla.*“³¹⁸

Poslanik, sallallahu alejhi ve sellem, je na kraju hadisa rekao: „*Omere, znaš li ko je pitao?*“ Reče: „*Allah i Njegov Poslanik, sallallahu alejhi ve sellem, najbolje znaju.*“ Reče: „*To je Džibril. Došao vam je da vas poduci vašoj vjeri.*“ Prenosi ga Muslim³¹⁹.

Autorove riječi „**priznanja Allahove jednoće i Njegovog Gospodarenja**“, znaće da se isповijedanje jednoće i priznavanje gospodarenja neće upotpuniti osim sa vjerovanjem u Njegova Uzvišena svojstva. Onaj ko tvrdi da postoji drugi stvoritelj mimo Allaha, počinio je širk, a šta tek reći za onoga koji tvrdi da svako stvara

³¹⁸ Sahih; prenosi ga Muslim od Omara. El-Buhari i Muslim ga također prenose od Ibu-Hurejre.

³¹⁹ U *Imanu*, 8; i mnogi drugi.

svoje djelo? Zato su kaderije medžusije ovog ummeta, a hadisi o njima se prenose u *Sunenima*.

Ebu-Davud od Ibn-Omera prenosi da je Vjerovjesnik, sallallahu alejhi ve sellem, rekao: „*Kaderije su medžusije ovog ummeta. Ako obole, nemojte ih obilaziti, a ako umru, nemojte prisustvovati njihovoј dženazi.*“³²⁰

Ebu-Davud, također, od Huzejfe b. el-Jemana, radijallahu anhu, prenosi da je Allahov Poslanik, sallallahu alejhi ve sellem, rekao: „*SVaki narod ima medžusije, a medžusije ovog ummeta su oni koji kažu: 'Nema sudbine'. Ko od njih umre, ne prisustvujte njihovim dženazama, ako obole, nemojte ih obilaziti. Oni su Dedždžalova skupina, a Allahovo je pravo da ih prikluči Dedždžalu.*“³²¹

Ebu-Davud, također, prenosi od Omera b. el-Hattaba, radijallahu anhu, da je Vjerovjesnik, sallallahu alejhi ve sellem, rekao: „*Ne mojte sjediti sa kaderijama i nemojte sa njima otpočinjati polemiku.*“³²²

Et-Tirmizi prenosi od Ibn-Abbasa, radijallahu anhuma, da je Allahov Poslanik, sallallahu alejhi ve sellem, rekao: „*Dvije kategorije ljudi u islamu nemaju nikakvog udjela: murdžije i kaderije.*“³²³

Međutim, svi hadisi koji se prenose od Poslanika, sallallahu alejhi ve sellem, o kaderijama su slabi, a kao predaje koje se zaustavljaju sa lancima prenosilaca na ashabima su ispravne.

Od Ibn-Abbasa, radijallahu anhuma, se prenosi da je rekao: „*Sudbina je poredak tevhida. Ko Allahu ispovijeda jednoću, a nije če sudbinu, njegovo nijekanje pobiјa ispovijedanje jednoće.*“³²⁴

³²⁰ Ebu-Davud, 4691. Lanac prenosilaca je slab, ali ima predaja kojima se ojačava. Navodi se u *Zilalul-Dženneh*, 338-342.

³²¹ Ebu-Davud, 4692. Lanac prenosilaca je slab, *Zilalul-Dženneh*, 329.

³²² Ebu-Davud, 4710. Lanac prenosilaca je slab. Prenosi se u El-Miškah, 108; *Zilalul-Dženneh*, 330.

³²³ Tirmizi, 2149. Lanac prenosilaca je slab. Ne treba biti obmanjen proglašavanjem ovog hadisa vjerodostojnim od strane autora knjige *Et-Tadž el-Džami'a lil-usul, Tabridžus-sunne*, 344-345.

³²⁴ El-Lalikai u *Šerh usuli el-'atikat*, 1112; i dr. Slab je kao *merkuſi i merfu'*.

Vjerovanje u određenje podrazumijeva i vjerovanje u Allahovo praiskonsko znanje, znanje koje je pokazao i ne može se obuhvatiti i ono što je zapisano o određenjima stvorenja. U pogledu ovoga su zalutali ljudi iz reda mnogobožaca, sabejaca, filozofa i drugih koji negiraju Njegovo znanje o pojedinostima i sl. Sve to spada u nije-kanje određenja. Kaderije općenito niječu Allahovu moć nad svime, jer su zastupali mišljenje da On ne stvara djela ljudi, pa su ta djela izdvojili iz Njegove moći i stvaranja.

Sudbina u koju nema sumnje, s obzirom na dokaze Kur'ana, Sunneta, konsenzusa, a oni koji je niječu su bez razilaženja čiste kaderije, predstavlja sve ono što je Allah odredio vezano za ljude. Općenito, svi navodi od ashaba i imama o pokudi kaderija odnose se na prethodno rečeno. Tako je Ibn-Omer, radijallahu anhuma, kada mu je rečeno: „Oni tvrde da nema sudbine i da je sve prepusteno sebi“, rekao: „Obavijesti ih da ih se odričem i da su oni od mene čisti.“

Sudbina koja označava određenje je u podudarnosti sa znanjem i podrazumijeva nekoliko velikih temelja:

Prvi: Da On zna sve određene stvari prije nego što su nastale. Njegovo praiskonsko znanje je potvrđeno. U tome je replika onima koji negiraju da je Njegovo znanje oduvijek.

Dруги: Određenje podrazumijeva određenja stvorenja, a to su određena i specifična svojstva stvorenja. Uzvišeni je svakoj stvari načinio određenje, kao što kaže:

﴿ وَخَلَقَ كُلَّ شَيْءٍ فَقَدَرَهُ، تَقْدِيرًا ﴾

„...Koji je sve stvorio i kako treba uredio!“ (El-Furkan, 2.)

Stvaranje podrazumijeva određenje. Određenje nečega samo po sebi znači da mu se da mjera i odredi prije nego što nastane. Kada je svakom stvorenju posebno zapisana mjera u pogledu kvantiteta i kvaliteta, onda je daleko izvjesnije u znanju o parcijalnim određenim činjenicama, za razliku od onih koji to negiraju i kažu: „On op-

ćenito poznaje stvari, ali ne zna pojedinosti.“ Određenje podrazumijeva praiskonsko znanje i znanje o pojedinostima.

Treći: Vjerovanje u sudbinu podrazumijeva da je o tome obavijestio i pokazao ga sa podrobnim izvještavanjem prije nastanka stvorenja. Iz toga proizilazi da On ljudi može izvestiti podrobnim znanjem o određenim činjenicama prije njihovog postanka. To putem usmjeravanja pažnje ukazuje da je Stvoritelj najpreči takvom znanju. On je o tome obavijestio Svoje robe, pa kako onda On to ne zna?

Četvrti: Vjerovanje u određenje podrazumijeva da On odabire šta će činiti. On stvara Svojom voljom i htijenjem i to nije obavezno za Njegovo Biće.

Peti: Vjerovanje u određenje ukazuje na pojavu određenog koje je nastalo nakon što nije bilo. On ga s mjerom određuje, a zatim ga stvara.

Život srca

Autor kaže: „Teško onome čije je srce u pogledu kadera postalo bolesno! Takav, u svojim iluzijama, u traganju o *gajbu* traži dobro skrivenu tajnu, te na osnovu toga što o njemu kaže postaje griješan i lažac.“

Znaj da srce ima život i smrt, bolest i lijek, a to je daleko veće u odnosu na bolest i lijek tijela. Uzvišeni kaže:

﴿أَوْمَنَ كَانَ مِيتًا فَأَحْيَيْنَاهُ وَجَعَلْنَا لَهُ نُورًا يَمْشِي بِهِ فِي النَّاسِ كَمَنْ مَثَلُهُ فِي الظُّلُمُوتِ لَيْسَ بِخَارِجٍ مِّنْهَا﴾

„Zar je onaj koji je bio u zabludi, a koga smo Mi oživili i dali mu svjetlo pomoću kojeg se među ljudima kreće, kao onaj koji je u tminama iz kojih ne izlazi?“ (El-En'am, 122.), tj. bilo je mrtvo sa nevjernstvom, ali smo ga Mi oživjeli sa imanom.

Kada se ispravnom i zdravom srcu prikaže neistina i ružna djela, ono svojom prirodom od njih bježi, mrzi ih i ne osvrće se na njih, za razliku od mrtvog srca koje ne pravi razliku između dobra i zla. Tako je Abdullah b. Mes'ud, radijallahu anhu, rekao: „Propao je onaj koji nema srce putem kojeg će spoznati dobro i зло.“

Isto se odnosi na srce oboljelo od strasti. Ono zbog svoje slabosti biva naklonjeno onome što mu se izlaže, shodno jačini i slabosti bolesti.

Bolest srca je dvovrsna, kao što je prethodno rečeno: bolest strasti i bolest sumnje. Najgora je bolest sumnje, a najgore su sumnje vezane za određenje i sudbinu. Srce može oboljeti i bolest ojačati, a da njegov vlasnik to i ne osjeti, jer je zaokupljen i okrenut od spoznaje ispravnosti i povoda za ispravnost srca, čak može i umrijeti a da njegov vlasnik i ne osjeti njegovu smrt. Znak toga je da ne osjeća bol rana ružnih djela, niti ga boli njegovo neznanje o istini i zastupanje neispravnih uvjerenja. Ako u srcu ima života, ono boluje kada mu dođe nešto ružno i uistinu njegov vlasnik osjeća bol shodno životnosti srca. „Mrtvoga rane ne bole.“

Srce može osjećati bolest, međutim teško mu je podnijeti gorčinu lijeka i biti strpljiv u tome. Tako daje prednost ostanku boli nad teškoćom lijeka, jer je lijek srca u suprotstavljanju strastima. To je nešto najteže za dušu, ali i najkorisnije. Nekada osoba ima čvrsto strpljenje, a zatim njegova čvrsta namjera presahne i u njoj ne ustajava zbog slabosti znanja, prosvjećenosti i strpljenja, kao kada neko kreće putem obavijenim strahom, ali ga taj put vodi u krajnju sigurnost. On zna da će strah nestati ako se bude strpio i da će nedvojbeno doći sigurnost. Tada je u potrebi za čvrstim strpljenjem i čvrstim uvjerenjem, s obzirom na ono prema čemu ide.

Kada njegova strpljivost i ubjedjenje oslabe, vrati se s puta ne podnoseći njegovu poteškoću. To će se posebno desiti kada nema saputnika i kada bude osjećao usamljenost i počne govoriti: „Gdje su otišli ljudi? Ja se na njih ugledam.“

Ovo je stanje većine stvorenja, a to ih je i uništilo. Istinoljubivi i strpljivi čovjek ne osjeća usamljenost zbog pomanjkanja saputnika, a ni zbog onih koje je izgubio, jer njegovo srce priziva osjećaj druženja sa prvim generacijama.

﴿ الَّذِينَ أَنْعَمَ اللَّهُ عَلَيْهِمْ مِنَ النَّبِيِّنَ وَالصَّدِيقِينَ وَالشَّهِداءِ وَالصَّالِحِينَ وَخَسِنَ أُولَئِكَ رَفِيقًا ﴾

„...onih koje je Allah blagodario: vjerovjesnika, pravednika, šehida i dobrih ljudi, a divno li je to društvo!“ (En-Nisa', 69.)

Lijepo je rekao Ebu-Muhammed Abdur-Rahman b. Ismail, poznat kao Ebu-Šameh³²⁵, u svojoj knjizi *El-Havadis vel-bide'u*: „Došla je naredba o pridržavanju za Zajednicu, a pod tim se misli na pridržavanje za istinu i njeno slijedeњe, pa makar onih koji se pridržavaju bilo malo, a onih koji se suprotstavlju mnogo, jer je istina ono na čemu je bila prva Zajednica još od vremena Vjerovjesnika, sallallahu alejhi ve sellem, i njegovih ashaba, radijallahu anhum. Ne gledamo u mnoštvo sljedbenika neistine poslije njih.“

Od El-Hasena el-Basrija³²⁶, Allah mu se smilovao, prenosi se da je rekao: „Sljedbenici Sunneta, tako mi Onoga osim kojeg drugog boga nema, su između ekstremnih i nemarnih. Strpite se u Sunnetu, Allah vam se smilovao. Sljedbenici Sunneta su bili najmanje brojni u prethodnom vremenu, a oni će biti malobrojni i u budućnosti. Oni nisu sa rasipnicima, niti sa novotarima, oni su strpljivi u Sunnetu sve dok ne susretu svoga Gospodara. Eto, takvi budite.“

Znak bolesti srca je njegovo neuzimanje odgovarajuće korisne hrane i prelazak na štetnu hranu, te neuzimanje korisnog lijeka i prelazak na štetni lijek. Ovdje imaju četiri stvari: korisna hrana, ko-

³²⁵ On je hafiz, autoritet, mudžtehid, Šihabuddin Ebul-Kasim Abdurrahman b. Isma'il el-Makdisi ed-Dimiški, autor djela *Revdatejn* i *El-Bide'u vel-havadis*. Umro je 665. h.g.

³²⁶ On je Ebu-Se'id Hasan b. Ebi-Hasan Jesar el-Basri el-Ensari. Bio je veliki učenjak, poznavao mnogih islamskih znanosti. Umro je 110. h.g.

ristan lijek, štetna hrana i smrtonosni lijek. Ispravno srce daje prednost korisnome nad štetnim. Bolesno srce je suprotno. Najkorisnija hrana je hrana imana, a najkorisniji lijek je lijek Kur'ana. U oboma su hrana i lijek. Ko bude tražio lijek mimo Kur'ana i Sunneta, on je najveća neznalica i najviše je zalutao. Uzvišeni Allah kaže:

﴿ قُلْ هُوَ لِلّٰهِيْنَ ۚ اَمْتُوا هُدًى وَشِفَاءً ۗ وَالَّذِيْنَ لَا يُؤْمِنُوْنَ فِي اَذْنِهِمْ وَقُرْٰنٰ وَهُوَ عَلٰيْهِمْ عَمَّىٌ اُولَٰئِكَ يُنَادَوْنَ مِنْ مَكَانٍ بَعِيْدٍ ﴾

„Reci: 'On je onima koji vjeruju uputa i lijek. A oni koji neće da vjeruju - u ušima njihovim gluhoća je, i slijepi su za nje-ga! Ti kao da se pozivaju iz daleka mjesta.'“ (Fussilet, 44.)

﴿ وَنَزَّلْنَا مِنَ الْقُرْءَانِ مَا هُوَ شِفَاءٌ وَرَحْمَةٌ لِلْمُؤْمِنِيْنَ وَلَا يَرِيدُ الظَّالِمِيْنَ إِلَّا حَسَارًا ﴾

„Mi objavljujemo od Kur'ana (u Kur'anu) ono što je lijek i milost vjernicima, a nevjernicima on samo povećava propast.“ (El-Isra', 82.)

Riječi Uzvišenog „od Kur'ana“ ne ukazuju na parcijalnost, nego na kategoriju. Uzvišeni kaže:

﴿ يَأَيُّهَا النَّاسُ قَدْ جَاءَتْكُمْ مَوْعِظَةٌ مِنْ رَبِّكُمْ وَشِفَاءٌ لِمَا فِي الْأَصْدُورِ وَهُدًىٰ وَرَحْمَةٌ لِلْمُؤْمِنِيْنَ ﴾

„O ljudi, već vam je stigla poruka od Gospodara vašega, i lijek za vaša srca, i uputstvo i milost vjernicima.“ (Junus, 57.)

Kur'an je potpuni lijek za sve srčane i fizičke bolesti, te bolesti dunjaluka i ahireta. Nije svako sposoban da se njime liječi. Kada se bolesni zna lijepo liječiti njime, stavivši ga na svoju bolest sa istinoljubivošću, vjerovanjem, potpunim prihvatanjem, kategoričkim uvjerenjem i ispunjavanjem svih uslova, bolest se nikada neće moći suprotstaviti. Kako se bolesti mogu opirati govoru Gospodara zemlje i nebesa koji kada bi se objavio brdima, raspršio bi ih, ili zemlji, koju bi iskomadao. Nema nijedne bolesti srca i tijela a da u

Kur'anu nema naznaka za njeno izlječenje, povode i zaštitu od nje, za onoga kome Allah da shvatanje Njegove Knjige.

Autorove riječi: „**Takav, u svojim iluzijama, u traganju o gajbu, traži dobro skrivenu tajnu**“, tj. putem iluzija, u traganju o skrivenom (*gajbu*) traži dobro skrivenu tajnu, jer je pitanje sudbine Allahova tajna među Njegovim stvorenjima, pa željom za istraživanjem sudbine nastoji se spoznati nevidljivi svijet. Uzvišeni kaže:

﴿عَلِمَ الْغَيْبُ فَلَا يُظَهِّرُ عَلَىٰ غَيْبِهِ أَحَدًا ﴾ إِلَّا مَنِ اتَّصَّلَ مِنْ رَسُولٍ ﴾

„*On tajne zna i On tajne Svoje ne otkriva nikome, osim onome koga On za poslanika odabere...*“ (El-Džinn, 26,27. do kraja sure.)

Autorove riječi: „...te na osnovu toga što o njemu kaže“, tj. o sudbini, „postaje griješan i lažac“.

SADRŽAJ:

Predgovor izdavača na arapskom jeziku	5
Biografija Ibn Ebi el-'Izza el-Hanefija	17
Biografija imama Ebu-Džafera ct-Tahavija	19
Najčasnija nauka	23
Najbolji poznavaoци Allaha, azze ve dželle.....	24
Općenito vjerovanje - obaveza svakog pojedinca	25
Ebu-Džafer et-Tahavi	29
Pojava novotarija	29
Pečat poslanika.....	30
Apologetika (kelam)	32
Tevhid je prvo u što su pozivali poslanici	35
Prva čovjekova dužnost (obaveza).....	37
Vrste tevhida i njihova značenja	38
Tevhidus-sifat	38
Tevhidur-rububijje	39
Tevhidul-uluhijje.....	42
Kur'anski dokazi za tevhidul-uluhijje.....	49
Tevhidul-uluhijje obuhvata tevhidur-rububijje	54
Druga metoda pojašnjenja vrsta tevhida	55
Značenje šehadeta i njegovi stepeni	57
Dokazi vjerovjesnika.....	64
Najpotpuniji tevhid	69
Pokuđenost pretjerivanja u vjeri.....	71
Potvrda svojstava i replika negatorima istih	73
Potvrda Allahovih svojstava ne obavezuje poređenje.....	77
Negiranje sličnosti između Stvoritelja i stvorenja.....	78
Svijet gajba (nevidljivi svijet)	83

Allahova svemoć.....	84
Pravac ispravnih prethodnika u podrobnom potvrđivanju i općenitom negiranju	86
Iznošenje istine šerijatskim terminima.....	87
Prvi i Posljednji.....	92
<i>El-Kadim</i> nije od Allahovih lijepih imena	95
Allahova vječnost.....	96
Allahova volja.....	97
Razlika između htijenja i ljubavi.....	97
Allahovu kakvoću poznaje jedino Uzvišeni.....	102
Odgovor onima koji poistovjećuju Allaha sa stvorenjima	103
Osobine džehmija.....	105
Allahov Život.....	108
Stvoritelj i Skrbitelj.....	111
Onaj Koji usmrćuje i oživljava	112
Allahova, subhanahu ve te'ala, svojstva su oduvijek i zauvijek s Njim	114
Propis općenitih termina za koje nije došla negacija niti potvrda u Kur'anu i Sunnetu	115
Značenje ajeta: „On radi što je Njemu volja.“	125
Prvo stvorenje ovoga svijeta	127
Allahovo znanje	139
Propisanost dove	143
Svrha postojanja čovjeka	146
Smutnje po pitanju Allahova htijenja.....	147
Prva smutnja i odgovor na nju	148
Druga smutnja i odgovor na nju.....	150
Uputa i zabluda	152
Allahova uzvišenost	154
Vjerovanje u našega Vjerovjesnika, sallallahu alejhi ve sellem.....	155

Raznovrsni dokazi poslanstva	156
Nijekanje poslanstva predstavlja vrijeđanje Gospodara	166
Razlika između vjerovjesnika i poslanika	168
Odlike Muhammeda, sallallahu alejhi ve sellem.....	169
Vrednovanja vjerovjesnika jednog nad drugim bez pristrasnosti.....	171
Stepeni ljubavi	179
Općenitost njegove, sallallahu alejhi ve sellem, poslanice.....	181
Allahov govor	185
Razilaženje po pitanju Allahovog govora	186
Pravac sljedbenika Sunneta po pitanju epiteta govora	188
Allahov razgovor sa stanovnicima Dženneta i drugima.....	190
Allahov govor je Njegova osobina i nije stvoren	192
Neispravnost argumentacije onih koji kažu da je Kur'an stvoren	196
Allahov govor nije stvoren.....	201
Nemogućnost spoznaje kakvoće Allahova govora.....	211
Odgovor onima koji kažu da je govor nutarnji.....	214
Nevjerstvo onoga koji negira da je Kur'an Allahov govor	220
Nadnaravnost Kur'ana	220
Nevjersvo onoga koji Allaha opisuje osobinama ljudi.....	223
Viđenje Allaha, subhanahu ve te'ala	224
Odgovor onima koji negiraju viđenje Allaha	230
Kategoričnost hadisa o viđenju Allaha.....	234
Kur'an i Sunnet – izvori vjere	236
Upoređivanje gledanja s gledanjem a ne gledanog s gledanim.....	237
Slabost ljudskog vida na dunjaluku za viđenje Allaha	237
Viđenje Allaha od strane iskupljenih na Mahšeru.....	239
Allaha niko ne može vidjeti na Dunjaluku svojim vidom.....	240
Nema kontradiktornosti između vjerodostojnjog hadisa i zdravog razuma	245
Obaveza potpunog predanja Poslaniku, sallallahu alejhi ve sellem	246

Dva tevhida bez kojih nema spasa čovjeku od Allahove kazne	247
Replika onima koji neosnovano tumače ili niječu viđenje Allaha	266
Negacija i poistovjećivanje	275
Negiranje Allahu granica, organa i aparata	278
Jedinstven stav ispravnih prethodnika o neodređivanju i nepoistovjećivanju	280
Govor Ebu-Hanife o potvrdi ruke, lica i nefsa Allahu, subhanehu ve te'ala, bez kakvoće.....	282
Isra' i Mi'radž	288
Greška onih koji kažu da su se Isra' i Mi'radž ponavljali	289
Hadis o Isra'u i Mi'radžu	291
Mudrost putovanja do Bejtul-Makdisa.....	294
Havd i njegove osobine.....	295
Havd je prije Mizana i Sirata	296-
Opis Havda na osnovu hadisa	297
<i>Šefa'at-Zalaganje</i> i njegove vrste.....	299
Propis traženja šefa'ata od Poslanika, sallallahu alejhi ve sellem, i drugih.....	309
Ne zaklinje se osim Allahom	311
Zalaganje kod Allaha nije kao zalaganje kod ljudi	313
Misak-Ugovor	315
Potvrda rububijjeta je urođena stvar dok je širk novoprdošla stvar	324
Allahovo vječno znanje o stanovicima Dženneta i stanovnicima Vatre.....	327
Allahovao određenje - <i>kader</i>	330
Stav sljedbenika Sunneta po pitanju <i>kadera</i>	331
Dokazi iz Kur'ana i Sunneta.....	334
Početak zablude	335
Kako da Allah želi neku stvar a nije zadovoljan njome	337
Mudrost stvaranja Iblisa.....	338

Povodi dobra	341
Strasti i nejasne stvari upropaštavaju vjeru	348
Propis onoga ko zanegira nešto od Sunneta	351
Vjerovanje u <i>Levhi-Mahfuz</i> i <i>Kalem</i>	352
Prvo stvorene	354
Pero je ispisalo sve što će se desiti do Sudnjeg dana	356
Četiri vrste pera.....	357
Obaveza bogobojaznosti i straha samo od Allaha.....	358
Uzimanje uzroka ne negira oslonac na Allaha	361
Allahovo znanje prethodilo je stvaranju stvorenja	363
Život srca	369

